


BIBLIOTECA
DEL REAL MONASTERIO
DE HUERTA.
Nºm. 45.

Estante 3 3
And 3^a
Vaf 3^r

PETRI STROZAE
DE DOGMATIBVS
CHALDAEORVM
DISPV TATIO.

AD PATREM ADMOD. REVER. ADAM
Cameræ Patriarchalis Babylonis Archidiaconum,
Monachorum Chaldaeorum Archimandritam.

REVERENDISS. DOMINI ELIAE
PATERNARCHÆ BABYLONIS
AD SANCTISS. DOMINVM NOSTRVM
PAVLVM PAPAM V.
LEGATVM.




ROMÆ, Ex Typographia Bartholomai Zannetti. MDCXVII.

SUPERIORVM PERMISSV.



PATRII SATORAE
DE DOGMATIBVS
CHALDAEORVM
DISPUTATIO.
AD PATERM ADMOD. REVER. ADAM
Cassus Patricij Bpbylonis Archidiaconum
Monachorum Cappadocium Antiquissimum.
REVERENDISS. DOMINI ELIAE
PATRIARCHAE BURYLONIS
AD SANCTISS. DOMINUM NOSTRUM
PAULAM PAPAM V.
LECVITAM.



ROMÆ Ex Typographia Histopolitæ Sacrae. MDCCXIV

LIBRARY OF THE UNIVERSITY OF TORONTO

ILLUS TRIMO
BACRENDIMO
D. SCIPIONI

Imprimatur, si videbitur Reuerendissimo Patri Magistro Sacri Palatij Apostolici.

Casar Fidelis Viceſg.

DE mandato Reuerendissimi Patris F. Hiacynthi Petronij Magistri Sacri Palatij, legi, & consideravi cum maxima animi voluptate, disputationem hanc de Dogmatibus Chaldæorum, compositam à Domino Petro Strozza, Sanctissimo Domino Nostro Papæ Paulo V. à Secretis, & non solum illam reperi Fidei nostræ, & bonis moribus consonant, verum etiam dignam iudico, vt in publicum prodire possit, & typis mandari propter illius non vulgarem eruditionem. Datum Romæ in Conuentu sanctæ Mariæ super Mineruam die 3. Septembris 1616.

Fr. Damianus à Fonsecæ.

EX commissione Reuerendissimi Patris Fr. Hia-
cynti Petronij, Sacri Palatij Magistri. Ego infra-
scriptus, diligenter perlegi Opusculum inscriptum :
*Sermo Adæ Archidiaconi Cameræ Patriarchalis Babylo-
nis, de Fide Catholica, ad fratres suos Chaldaeos;* cuius
initium est : *De Fide Catholica, deq[ue] professione Orthodoxæ
Fidei loqui volumus fratres, &c.* Absoluitur autem :
Ne declinet à semitis tuis, Fidei tuae rectæ. Amen. Et
veræ, ac Catholicæ, & Romanæ Fidei consonum,
atque nihil ab ea aborrens inueni.

Fr. Angelus Cortesius, Ordinis Prædicatorum Sac.
Theol. Magister proprio chirographo.

Imprimatur.

Fr. Gregorius Donatus Magister, & Reuerendissimi Pa-
tris Fr. Hiacynti Petronij Sacri Pal. Apost. Magistri,
Socius, &c.

ILLVSTRISSIMO
AC REVERENDISSIMO D.
D. SCIPIONI
S. R. E. CARDINALI
BVRGHESIO
MAIORI POENITENTIARIO
ac Sedis Apostolice Bibliothecario.



PETRVS STROZA SAL. PL. Q. FEL.



BSOLVTO , misericordis Dei ope (Cardinalis Amplissime) grauissimo negocio reconciliationis Ecclesiæ Babylonicæ cum sancta Apostolica Sede ; quod ab vsque huius fœlicissimi Pontificatus initio inchoatum est : facilè passus sum mihi persuaderi , vt in lucem ederem , quæ inter nos differuimus ego , & Legatus Patriarchæ Babylonis , toto tempore , quo in Vrbe mansit , vt veritatem Catholice Fidei agnosceret , quam Patriarchæ sui nomine , Archiepiscoporum , Episcoporumq; eius obedientiæ subiectorum postulatum venerat . Rede-

geram quippe cuncta certis distincta capitibus in
breuem commentarium ; idq; feci non tantum
vt vberiorem notitiam haberet eorum, quæ cum
Apostolico Breui ei dederam, iussu S. D. N. defe-
renda ad suum Patriarcham; verum etiam vt ali-
quo solatio minuerem tedium, vel angorem po-
tius, quem prorogatio sui ab Vrbe discessus illi af-
ferebat molestissimum . Quam meam lucubra-
tiunculam postmodum cum nonnulli viri, pietate,
ac doctrina præstantes, meiq; amatiissimi vidis-
sent; vt euulgarem, non modo mihi suadere ; sed
etia acriter à me contendere ceperunt. Legerant
enim, quanto pietatis zelo Patriarcha Babylonis
petebat à S.D.N. vt recognosceret Fidem, quam
ipse, & Chaldæi sibi subiecti profitentur ; prom-
pti, paratiq; suscipere proprietum errorum cor-
rectionem; eiq; obedire, tanquam supremo Ecclesiæ
Capiti, atque Doctori. Nam literæ ipsius Patriar-
chæ ad Summum Pontificem præponendæ ne-
cessariò fuerunt ; vt causa suscepti nostri laboris
innotesceret; & ea, de quibus in hac disputatione
agitur; commodius intelligerentur . Affirmabant
itaque disputationis editionem valde opportunā
esse hisce temporibus: saltem vel ex occasione qua
habita est. Fieri nāque facile posse aiebant, vt non
pauci ad salutem confunderentur ex miseriis illis,
qui in partibus Septentrionalibus aitæ pietatis
obli-

obliti , suprēmam auctoritatem Romani Pontificis, eiusq; de Catholica Fide orthodoxam doctrinam oppugnant : cum ex altera parte vidissent Orientales tantopere utramque hoc tempore venerari. Præterea actionis huius notitiam ob rei nouitatem, & Ecclesiæ Catholicæ gloriam , eximiamq; paternæ charitatis S. D. N. laudem (nam re vera negotium hoc ab ipsa exordium cepit) fore bonis omnibus gratam ; & studiosis etiā sacræ Theologiæ non parum utilitatis allaturā. Etenim Nestoriani Orientales imbuti pessima, callidissimaq; Theodori Mopsuesteni doctrina ; multa profitetur, quæ longe diuersa apparent ab ijs, quæ in scholis communiter de Nestorio disputantur : ita ut si quando contigit nostris cum illis de Fide differere ; vīsi sint Orientales, etiam si bona fide agerent; voluisse nos decipere, hæreticumq; sensum vocibus ad orthodoxiam appropinquātibus, palliare. Quod Chaldæorū deceptor Theodorus Mopsuestenus, tēterrimus hæresiarcha maximè conatus est; qui hac de causa quāuis pessimus extitisset hæreticus, inter sanctos Patres nihilominus diu habitus fuit. Sanè obtemperauissem voluntati, atque consilio virorum , qui apud me auctoritate, ac benevolentia plurimum possunt. Verum remorabatur me , quod verebar , ne si hoc egissem, antequam huius tractationis pateret exitus ;

tus; id fortasse alicui videri posset affectata nimis
industriæ, atque diligentia nostræ ostentatio.
Nunc autem de negotijs perfectione cum certiores
nos reddiderit suis literis vir æquè prudens, ac
pius, F. Thomas Nouariensis Franciscanæ fami-
liae Alepi in Syria Custos; qui mandato Summi
Pontificis Synodo interfuit, habitæ à Babylonis
Patriarcha cum Archiepiscopis, & Episcopis suis
in ciuitate Amed in Mesopotamia; omnis suspicio
remota est. Propterea alacri animo nostrâ dispu-
tationem euulgo; eoq; libentius, quod ipsa veluti
præparatio quaëdam erit ad Synodi Patriarchæ
Babylonis acta, que propediem missurum se scri-
psit idem Alepi Custos; melius percipienda. Prodit
autem Amplitudini tuæ Card. Illustris. commē-
data, tibiq; à me summo studio dicata; primùm ut
si quid dignitati materię ingenij mei culpa detra-
ctum est; splendore tui nominis restituatur: dein-
de ut officio meo satisfaciā. Nostra enim qualia-
cunque sunt, Amplitudini tuæ debentur; siue ex
munere, in quo Pont. Max. Auunculo tuo, tibiq;
inseruio; siue propria voluntate tuis in me bene-
ficijs, atque gratijs deuincta. Omnipotēs, ac misé-
ricors Deus pijs, ac generosis consilijs tuis beni-
gnus aspiret, tuisq; votis clemēter annuat semper.



D E M D C L X X I
CHALDAEORVM
NATIONE
EORVMQUE PATRIARCHA.



HALDAEORVM gens olim sapientia, opibus, imperio adeò celebris, hodie misera seruitute oppresa, Turcis, ac Persis subiacet; diuersisq; nationibus admista, Mesopotamiam incolit, per vicinas regiones Indiam usque Orientalem dispersa. Christi fidem profitetur; sed erroribus infestam grauissimis, pro quorum differentia Chaldæi quoque diuiduntur inter se. Nam alij ex ipsis appellantur Iacobitæ, alij Nestoriani. Iacobitæ à Iacobo Dioscori discipulo dicti, heresim Eutychianam sequuntur, quamquam Eutychem anathematizent. Nestoriani Nestorianam: atque utraque pars proprium habet Patriarcham. Qui Iacobitas regit, Antiochenum se Patriarcham nominat, etiamsi minimè illam Ecclesiam obtineat: sed Amed, seu Charemet resideat; quæ ciuitas est valde nobilis, & ampla in Mesopotamia. Ad quem Gregorius XIII. Nuncium Apostolicum misit, cum confirmatione Patriarchatus, ac Patriarchali pallio, Leonardum Episcopum Sidoniensem anno sa-

Iutis


Iutis M. D. LXXXIII. spe motus, quam in eo ex-
citauerat reconciliationis illius Patriarchæ cum sancta,
Apostolica Sede Nehemes eius frater, olim & ipse Iaco-
bitarum Patriarcha, qui declinanda Turcarum persecu-
tionis causa, ad Gregorij charitatem confugerat. Lega-
tionis suæ successum parum fœlicem Episcopus Sidon-
iensis reuersus, infecta re, renunciauit postea Sixto
Quinto, commentario diligenter conscripto, in quo
multa scitu digna leguntur de hac natione. Nestoria-
norum autem Patriarcha Ecclesiæ Babylonis præst,
eiusq; residentiæ locus est Monasterium ad oppidum
Musul, in ruinis antiquæ Ninius, vt aiunt; ædifica-
tum. Dissident inter se Iacobitæ, atque Nestoriani odio
implacabili: sed Nestoriani numero, atque opibus
præstant; quorum ad trecenta millia, & amplius do-
morum recensentur; cum familiae Iacobitarum nume-
rum octoginta millium non excedant. Itaque Pa-
triarchæ Nestorianorum amplissima est auctoritas, ea-
que in Indiam se extendit. Nam Chaldae, qui Goæ,
Cocchini, Angamalæ, atque in Insula Sancti Thomæ
ante aduentum Patrum Societatis Iesu reperiebantur,
omnes pariter professione Nestoriani; obediebant Pa-
triarchæ Babylonis. Nunc quidem magna eorum
pars, studio, ac diligentia Iesuitarum, ad Ecclesiam
sanctam Catholicam reuersa, Summum Pontificem co-
lit. Defunctoq; nuper Metropolitano Chaldaeo, succe-
forem ab Apostolica Sede suscepit Archiepiscopum An-
gamalensem à Clemente VIII. ex Societate Iesu ordi-
natum. Ante Pontificatum Iulij III. nomen huius

Pa-

Patriarchæ ignotum penè nostris fuisse videtur: neque de ipso, neque de Chaldæorum natione mentionem ullam factam fuisse in Pontificum Romanorum monumentis reperio. Sedente verò Iulio III. cum nonnulli ex Chaldæis Nestorianis se ab obedientia Patriarchæ subtraxissent; detestataq; Nestoriana hæresi, in communionem venissent Catholicæ Ecclesiæ; illis Summus Pontifex, vt postulauerant; Patriarcham ordinauit, eundem, quem ipsi hac de causa legauerant; Simonem Sulacham ordinis sancti Pachomij Monachum. Is cum Patriarchali pallio, atque titulo Patriarchæ Assyriorum Orientalium ad suos rediit; & Charemet, siue Amed residens, Archiepiscopos, & Episcopos, ac Sacerdotes quamplurimos ordinauit. Sic igitur Chaldæorum natio vni Patriarchæ Babylonis usque ad illa tempora subiecta; in duas partes diuisa fuit. Sulacha deinde à Turcis, aduersariorum opera, ut fertur; è viuis sublato, sufficitur in eius locum Abdiesu eiusdem ordinis Monachus, vir mirificæ eruditionis, linguarum varietate, & sacrarum literarum notitia; de quo in vita Pij V. præclara fit mentio; cuius Pontificatu Romam venit pro confirmatione; qui & Tridentino Concilio interfuit. Eius autem effigies depicta conspicitur in Aula Regia Palatij Vaticani inter Cardinales, ceterosq; Prælatos Alexandro III. assistentes, Imperatorem Fridericum pœnitentem Venetijs recipienti. Plurimum quidem profecit Abdiesu, multosq; ex Nestorianis ad Ecclesiam Catholicam conuertit; acceptamq; ab Apostolica Sede auctoritatem valde propagauit; quam eius successores postea conferuare sibi, aut nefcie-

nescierunt, aut non potuerunt. Nam qui ei successit
Ahathalla, & ipse Monachus eiusdem ordinis, parvus vixit.
Et Denha Simon postea ex Archiepiscopo Gelu, & Seert
factus Patriarcha, nec aetate, neque doctrina idoneus tan-
to muneri, tempore, quo Episcopus Sidoniensis in Ori-
tem profectus est Nuncius Apostolicus; reliquo Chare-
met, ubi alij Patriarchae Orientalium Assyriorum rese-
derant; in Provinciam Zeinalbech secesserat ad fines Per-
fidis; potentiae cedens Patriarchae Babylonis. Quo loco
etiam hodie manet eius successor, Simon quoque & ipse
vocatus; existimatione, ac numero subiectorum, ut ac-
cepimus; praedecessoribus longe inferior. Ita ut Patriar-
chae Babylonis status nunc videatur in pristinum resti-
tutus, amulo sponte sua quasi in exilium relegato. Igi-
tur qui modo sedem Babylonis obtinet, Mar Elia Chal-
daeorum Patriarcha multo minus, quam praedecessores
sui domestico dissidio laborat; subiectamque eius obe-
dientiae nationem pacifice gubernat: Metropolitis, &
Episcopis, Cleroque, non modo obtemperantibus ei, sed
ipsum valde diligentibus. De dogmatibus igitur Fidei
horum Chaldaeorum, qui haec tenus vocati sunt Nesto-
riani; disputatio nostra instituta est.





PROLEGOMENA.



DISPV TATIONIS
OCCASIO.



ON TIGIT (ita disponente diuina prouidentia) vt inter eos pauperes, quibus anno primo sui Pontificatus Sanctissimus D. N. PAVLVS QVINTVS solemini ritu pedes lauit quinta feria Maioris hebdomadæ; duo reperirentur Chaldæi, vnu monachus, alter laicus, qui sanctorum Apostolorum limina visitaturi, paulò ante Romam venerant. Hi postea domum reuersi, cum renunciassent Eliæ Babylonis Patriarchæ, cuius obedientiæ subiacebant; quanta paterni amoris significatione eos Summus Pontifex exceptisset, eiusque nomine nonnulla munera illi attulissent;

A

& li-

2 PROLEGOMENA.

& libellum reddidissent professionis Fidei, quæ Orientibus ad Vrbem venientibus credenda, confitendaq; proponitur; ipse tanta in se, suosq; commotus charitate, quamprimum legatos ad Summum Pontificem decreuit, qui ei gratias agerent; vtq; communem patrem, ac dominum agnoscerent; & illius obedientiæ subiectum se esse significarent. Profitebatur enim Patriarcha vnum, idemq; cum sancta Romana Ecclesia de Fide sentire. Nam Chaldaeï Sedem Babylonis ab Apostolica Sede constitutam; & subinde Fidei doctrinam ab eadem accepisse; constanter asserunt. Et quamquam manifestissimis implicati sint Nestorij erroribus, atque hæresibus; ostendere nihilominus omni studio contendunt, differentiam inter nos, & ipsos consistere in verbis tantummodo, non autem in sensu verborum. Legati statim ac iter ingressi sunt, in latrones inciderunt, itaque alios decernere oportuit. Multis & hi quoque calamitatibus afflicti, etsi Romam peruererint; nihil egerunt, immo legationem suā suspectam reddiderunt. Perterriti enim quia audiuerissent, quam execrabile esset, & quam odiosum apud nos Nestorij nomen; vt nestorianæ hæresis inuidiam declinarent, nonnullas abstulerunt paginas ex libris, quos ad recognoscendam doctrinam fidei, quam profitentur, & Ecclesiasticos eorum ritus; obtulerant; ita persuasi à subdolo quodam interprete neophyto antea hebræo; propterea dimissi re infecta abierunt. Quod cum in eorum reditu Patriarcha postea intellexisset; & ex his quæ legatis in Vrbe acciderant; cognouisset, negotium imprudentia eorum perturba-

PROLEGOMENA.

3

turbatum, inuersumq; fuisse; statuit, inito cum Episcopis suis consilio; denuo legatum mittere, qui non tantum officia obedientiae, atque obseruantiæ Summo Pontifici debita præstaret; sed rationem Fidei quam Chaldaeï profitentur; redderet, ac si error aliquis in eorum professione reperiretur, correctionem humiliter ab eo postularet. Legatio demandatur Adæ Archidiacono Cameræ Patriarchalis Monachorum Chaldaeorum Archimandritæ, viro docto & prudenti. Is ad Vrbem anno tertio à discessu priorum legatorum venit, & Sanctissimo D.N. literas Patriarchæ sui reddidit; & dum illis Fidei professionem, atque commentarium à se iussu Patriarchæ sui compositum de conciliatione dogmatum Chaldaeorum cum Fide Catholica; postulauitq; summa animi demissione, ut cuncta diligenter examinarentur, expenderenturque, & pro necessitate saluti eorum consuleretur.

Harum scripturarum recognitione occasio sumpta est habitæ disputationis; propterea existimauimus, illarum quoque exempla necessario præponenda esse.



EPISTOLA
P A T R I A R C H A E
B A B Y L O N I S
A D S. D. N.
PAVLVM PAPAM V.



EX CVBICVLO PATRIARCHALI
orationes, & benedictiones con-
cedantur vobis.



B humili Elia Orientali , qui per gra-
tiam Dei Sedi sancte Babylonis inser-
uit , adorationes continua , & inclina-
tiones perpetuae , genuflexionesque sem-
piterna ante sanctos pedes tuos , o Pa-
ter benedicte , & caput Patrum , Sol
Christianitatis , & nomen in quo situm
est adificium Ecclesie Ecclesiarum . Dominus meus , & Pa-
ter meus Papa , Dominus Pater Patriarcharum omnium , qui
in uniuerso sunt .

Sciat tua erga nos Charitas , quod peruererunt ad nos lite-
re , & Fides tua firma , & benedictiones quas misisti humili-
tati mea , & accepi benedictionem simul cum populo meo , &
gratias Christo egi , eo quod dignus benedictionibus Sanctita-
tis tue , atque memoria illustri factus sum , & numerasti

PROLEGOMENA. 5

me inter filios tuae Paternitatis præter mea merita. Ego ve-
rò statim misi gratiarum actionem, & literas, & Fidem
meam. Sed obuiam & venerunt legatis meis pessimi homi-
nes, & omnia abstulerunt ab eis, & euacuati reuersi sunt
ad me, & iterum misi alios, nec etiam hi & venerunt ad tuam
Sanctitatem, quod agretuli simul cum Episcopis, & Archie-
piscopis meis, & dixi: Quid faciam, non possum ire, quo-
niā non relinquunt me Principes oppressores nostri, neque
etiam Ierusalem adire, tenent nos tamquam seruos, & non
relinquunt nos facere voluntatem nostram. Tandem misi
tuam Fidem, literasq; tuae puritatis cum filio meo fidelī, con-
siliorumq; meorum consilio Patre Ada, ut ostenderet eas in
omnibus regionibus nostris, ut videremus quid nobis Orientali-
bus faciendum esset: & permansit in his regionibus per an-
num integrum, & simul omnes consuluiimus, & misimus ad
tuam Sanctitatem hunc ipsum Patrem Adam, & misimus cum
eo Fidem, literasq; meas, & dixi de his, ut coram Paterni-
tate tua extra ea, quæ scripta sunt ageret; quoniam ipse est
caput Patrum, & Abbas monachorum Orientalium, & ne-
minem habemus eo nobiliorem, ut tota pars Orientalis fate-
tur. Atque nunc, o Pater, submisso capite adoramus ante Se-
dem tuam sine fraude & dolo, & præceptum tuum à me est
receptum ex præcepto illius, qui claves tradidit tibi. Neque
negabo illam & vocem dictam Petro; quod tibi tradidi claves
Regni, & quod ligabis in terra, sit ligatum in cœlis, & quod
solueris in terra, sit solutum in cœlo. Et non obſistam ſicuti re-
liqui hæretici contra præceptum sanctorum Apostolorum, &
Patrum orthodoxorum, qui affirmauerunt, quod Sedes Romæ
Magna teneret principatum; & ipsa est caput omnium se-
diuum;

6 PROLEGOMENA.

dium; absit à me; sed fateor, quod Ecclesia Romana sit Mater Ecclesiarum. Et qui hoc non ita fatetur, sit anathema. Et sedes nostra Babylonica non ex se electa est, sicut aliorum hæreticorum, qui sine lege multiplicauerunt Patriarchas in mundo, sine Sede Ecclesiae Magnæ Romæ; sed ex præcepto Papæ, & ex consilio Ecclesiae Romane electa est sedes Babylonis, & ita scriptum inuenitur apud nos in annalibus: quod videlicet Patres Orientales Romæ ordinabantur. Sed factum est postea, ut cum mitterent homines propter confirmationem; in itinere interficerentur: & cum diu hoc fecissent omnes peribant. Hoc autem Ecclesia & Pontifici narrato; Pontifex consilio inito decreuit, & dixit: ordinemus eis Patriarcham, & permittamus, ut Patriarchas sibi eligant, ne in via intereant propter confirmationem, neque eis mala accidant, & nos peccemus, aut ipsi sint extra ouile Rome. Sic itaque acceperimus potestatem usque adhuc, & non à nobis ipsis aliquid fecimus, ut reliqui qui Apostolorum canones conculcauerunt, & leges Patrum; & impleuerunt terram Patriarchis sine necessitate. Propter hoc vocata est Sedes Babylonis quinta, propter quattuor Sedes quattuor Euangelistarum; & ex eo quod electus est Patriarcha cum confirmatione Romana, & dedit nobis facultatem ut constituamus pastores, tunc vocata est sedes Babylonis, que quattuor comitatur sedes, & quinta numerata est sicut una ex his. Etenim, o Pater, ecce Fides mea peruenit ad tuam Sanctitatem cum epistolis, & videas si est dolus in professione nostra, aut est error, aut recessio quædam à Matre nostra Ecclesia Romana;

ADMONE, ET FACIEMVS, DOCE, ET OBEDIEMVS. Et si in omnibus veri sumus

PROLEGOMENA. 7

mus ante Sedem tuam, & non est dolus in Fide nostra ;
petimus à benignitate tua , ne paupertatis seruorum tuorum
obliuiscaris ; quoniam mulci ex professione nostra pericula
tulerunt , cum apud vos venerint . Aliqui enim ex his mor-
tui sunt ; alijs imperfecti ab hostibus ; & pauci reuersi sunt .
& peruererunt ad nos . Et hoc sufficiat Sanctitati tuae à no-
stra humilitate , quod ex ultimis Orientis partibus , super ca-
pita & oculos nostros , præcepta tua feramus , & venimus
contra omnes nationes sanguine nostro & sustinemus calamiti-
tates , ut ante excellentiam vestram adoremus , & benedi-
ctionem à Matre Ecclesia Magna Pauli & Petri accipia-
mus nos humiles & subditi . Quis ergo nos , ut hoc facia-
mus , nisi fides Christiana & amor vester erga humilitatem
nostram ? Et hoc quod vestrae sapientiae indicauimus , suffi-
ciat ; sed hunc totum laborem sustinemus propter Romanam
Ecclesiam . Et ministri vestri Ierusalem tenent omnes qui
sunt ex professione mea tamquam exteriores , atque rebelles ab Ec-
clesia Romana ; & non gratificantur nobis sicut antea ; quo-
niam interpretes eorum sunt ex professionibus , quæ nos habent
odio , & ipsi ministri vestri non inquirunt veritatem . Pe-
timus à Sanctitate tua , ut admoneas eos , ut tamquam eos ,
qui sunt ex professione tua , nos teneant , & benevolos se redi-
cant ijs , qui sunt ex professione nostra . Ego vero litteras mi-
si ad præceptores vestros , ut dominarentur in Ierusalem ijs ,
qui sunt ex professione nostra , quoniam apud nos scriptum est
in annalibus , quod Archiepiscopus noster , qui erat in Cypro , &
ij , qui sunt ex professione nostra , qui habitant Ierusalem , &
Clerus qui erat in Monasterio sancti Iacobi Nisibi , inter filios
Ecclesie Romane numerantur , propter amorem Paternitatis

8 PROLEGOMENA.

vestræ erga humilitatem nostram. Et nunc qui sum ego, & omnes mei, & omnis pars Orientalis? Nos tamquam balbutientes coram Sanctitate tua, sed tamquam serui obedientes tuæ Dominationi subdimur, & intellectu à scissionibus alieno pedes sanctos tuos deosculamur, & summa cupiditate salutem Sanctitati tuæ desideramus, & ad orationes vestras, & conseruorum tuorum Petri & Pauli configimus, ut digni efficiamur peccatorum remissione in die Iudicij terribilis Dei Verbi; cui & Patri suo, & Spiritui sancto sit honor, & gloria in secula seculorum. Amen.

PROFESSION FIDEI PATRIARCHÆ BABYLONIS.

EX CUBICVLO PATRIAR-
chali orationes, & benedictiones
concedantur vobis.

Fides Domini Eliae Patriarchæ Babylonis est ad Dominum Papam Patrem omnium Patrum, anno secundum Gracos 1920. nimirum anno 1610. per Patrem Adam.

Ego Elias humillimus, & alienigena, & seruus minimus Iesu Christi, qui est Deus verus ex Deo vero, cui per gratiam & præter mea merita, credita est sedes quinta Babylonis; genuflecto ante te, & totum me submitto ante pedes sanctos tuos, ô Pater, qui locum obtines sancti Petri patris familias Iesu Christi mediatoris inter Deum & gentes; ô Domine Papa, custos Sedis, & caput omnium Sedium. Ego balbutio ante tuam

PROLEGOMENA. 9

tuam Paternitatem tamquam puerulus ante matrem suam misericordem, & repeto meam Fidem, quae nullo modo aliena est à tua Fide, etiam si aliquando diminuta, aut addita videtur; sed unus est finis & sensus, sicut unus est Deus, & unus est mediator inter Deum & homines, filius hominis Iesus Christus, Deus super omnia; ita etiam una est Fides in eo. Ac in primis demonstrabo Fidem meam in Trinitate sancta, & aequali in substantia Patris, & Filii, & Spiritus sanctitatis, personæ aequales, & non diuisæ.

CREDIMVS in Deum Patrem, qui est factor cœli, & terræ, & omnium quæ in eis sunt, ex ijs quæ videntur, & non videntur.

Et in Filium, qui est ex eo, & qui est aequalis cum eo in essentia; & non est minor suo genitore, & factore omnium creaturarum.

Et in Spiritum sanctitatis, qui procedit ex Patre, & non est genitor, neque genitus; & ipse est substantia gloriosa, & aequalis in substantia cum Patre, & Filio.

Pater genitor, & non genitus est; & Filius genitus, & non genitor est; & Spiritus sanctitatis procedens non genitor, neque genitus est.

Et confitemur etiam, quod hæc est una natura Trinitatis sanctæ, quæ glorificatur in tribus personis; non est mortalis, neque comprehensibilis, neque variabilis, neque passibilis. Cum in fine temporum propter nos, & propter nostram salutem, & propter nostra debita Filius Dei persona adorata filiationis descendit ad nos, & suscepit corpus ex Virgine Maria sancta filia David; & est perfectus in anima,

10 PROLEGOMENA.

ma, & intellectu, & in omnibus humanis, sicut nos, praeter peccatum ; cum salutationem ipsam plenam vita nuncius pacis Gabriel attulerit Beatae Virgini , in cuius responsione ipsa dixit : Ecce ego ancilla Domini sum, fiat mihi secundum verbum tuum .

Descendit Deus Verbum in Virginem, & coniunctus est cum homine , qui in ea compactus est in virtute Spiritus sanctitatis ; & factus est unum cum ipso homine , sicut coniunctio ignis cum ferro .

Et confitemur quod corpus , & animam , & intellectum accepit , & non sine anima , & intellectu , sicut existimant errantes .

Et hoc fieri non potuit, quod in sua natura appareat creatis ; sumpsit corpus naturam secundam , hominem perfectum è genere Adæ , ad salutem ipsius Adæ .

Et in eo corpore in quo reuelatus est mortalibus, eis locutus est ; & fuit sicut illi in unione, quæ non diuiditur, & filiatione, quæ non separatur . Ille, qui natus est ex Patre ante saecula in sua Deitate, natus est in fine temporum ex Virgine Maria in sua humanitate ; cum naturæ & proprietates in una persona unius filiationis conseruentur .

Non Deitas sua ex natura Matris, neque humanitas ex natura Patris .

Sed unitas sine comixtione, & confusione, atque permixtione; dum credimus Paulo, qui dixit, quod ille qui est species Dei, ipse accepit speciem serui .

Quem forte vocavit speciem Dei , nisi Christum in sua divinitate ? & quem forte speciem serui, nisi ipsum Christum in sua humanitate ?

Ergo

PROLEGOMENA. II

Ergo non possunt corrumpi proprietates naturae post unionem.

Non enim Deitas conuersa est in humanitatem, & humanitas in Deitatem.

Esse Deitas mutata esset, non quidem unio, sed corruptio in Deitate fieret; & si tandem humanitas mutata esset, non vera salus, sed detrimentum in humanitate fieret.

Ita credimus in cordibus nostris, & confitemur labijs; unum Deum Iesum Christum Filium Dei, cuius Deitas non celiatur, neque humanitas aufertur, sed Deus perfectus, & homo perfectus.

Et dum Deum Christum vocamus, non Trinitatem nuncupamus, sed unam ex personis gloriose Trinitatis: & dum hominem Christum dicimus, non omnes homines vocamus; sed illud corpus quod scienter acceptum est pro nostra salute, propter unionem cum Deo Verbo.

Propter hoc Dominus Iesus Christus ille, qui genitus est in sua Deitate ex Patre ab eterno; temporibus ultimis, propter nos natus est ex Maria Virgine, unitus cum natura sue humanitatis.

Et dum in natura sue Deitatis sine passione, necessitate, & variatione permanxit in natura humanitatis; circumcisus est, & crevit secundum testimonium Luce: Quod Iesus crescebat in statura, & sapientia, & gratia apud Deum, & homines; seruavit leges; baptismum sumpsit; dum in virtute Deitatis sue miracula operabatur, nimirum emundationem leproorum, apertio nem oculorum, & demonum expulsio nem. In natura humanitatis esuriuit, & sitiuit, ac manducauit, & aquam bibit; passus, crucifixus, & mortuus est.

Dum Deitas ex ipso non discessit, neque demigravit neque in

ver-

12 PROLEGOMENA.

ventre, neque in cruce, neque in sepulchro. Dum enim in sepulchro positus est, post tres dies surrexit, in virtute ineffabili sue deitatis; Et os eius vivificans dixit Iudeis; Destruite templum hoc, Et post tres dies reædificabo illud; Et declarat Euangelista, dum dicit, quod de corporis templo intellexit.

Et postquam surrexit conuersatus est in terra cum discipulis suis quadraginta diebus, Et ostendebat eis manus, Et pedes, dicens ex ore suo sancto: Palpate me, Et scitote, quod spiritus carnem Et ossa non habet, ut me videtis habere; ut confirmet eos de resurrectione in verbo, Et opere.

Etiam afferre possumus multas auctoritates in medium Domini mei, quod nos Orientales afflicti, atque vexati non prævaricati sumus, neque defecimus à sententia Apostolorum, Et fundamento fortissimo, quod tradiderunt nobis; sed haec amantibus veritatem sufficient, Et eis, qui non sunt perturbati fulminibus inuidia, Et odio immiterò contra baptizatos.

Etsi dicunt contra nos, quod non fatemur, quod Virgo sit Deipara, nimirum Mater Dei; sed Christipara, hoc est Mater Christi Dei super omnia; Et propter hoc nos in causa sumus. Sed hoc nihil est; hoc enim positum est propter confirmationem, Et reprobationem falsæ opinionis Apollinaris, qui dicebat Deitatem esse sine humanitate; Et ad confusio nem sceleris Semistij, qui ponebat hominem simplicem esse Christum, nimirum humanitatem sine diuinitate.

Et duas partes anathema sunt, Et expulsæ, atque ab Ecclesia Romana profligatae, dum testis verus Matthæus in principio sui libri ita dixit: Liber generationis Iesu Christi, Et Et ge-

PROLEGOMENA. 13

generatio Iesu Christi ita fuit. Et Paulus dixit: *Et illis apparuit Christus in carne, qui est Deus super omnia.* Et Petrus Princeps Apostolorum dixit: *Tu es Christus Filius Dei vivi; in qua responsum beatitudine dignus factus es.* *Et si propter hanc responsum expulsione digni sumus, nec scio quid respondeant Apostolis, qui hoc affirmauerunt: quoniam nos in hac denominatione Christi, duas naturas Deitatis, & humanitatis continemus, & non simplicitatem in Christo confitemur sicut de nobis obloquuntur.*

Etiam suscipio omne id, quod docet Sedes sancta Apostolica & Catholica Ecclesia Romana omni amore, & c^rueneratione; & teneo, ac recipio omnes etiam Doctores Ecclesiae Romane; & teneo, quod Sedes sancta Romana sit Apostolica, & Papa Romae sit tenens locum illius, & sancti Petri Principis discipulorum; & ipse verè personam Christi referat; & ipse sit vicem gerens, & Caput super omnes Ecclesias; & sit pater doctorum omnium Christianorum, & quod ei tradiderit, mediante sancto Petro, potestatem perfectā, ut oves illius pascat; atque etiam credo in unam congregationem suæ Ecclesie. Etiam confiteor neminem posse saluari sine Ecclesia sancta Catholica prædicta, neque vita æterna esse participem.

Item credo sicut filius obediens; & semper obtemperabo ordinibus, & confirmationibus, atque legibus Pontificis Magnæ Romæ, qui nostro tempore viget; & etiam omnibus, qui ei succedent in Pontificatu Romæ.

Etiam credo in Trinitatem, quæ est immensa, ut cognoscatur, quæ est una, & una, & una.

De una natura essentie verificatur sicut dicitur: *Dominus Deus*

14 PROLEGOMENA.

Deus tuus Dominus unus est, Dominus omnipotens : id est Pater, & Filius, & Spiritus sanctitatis.

De varietate personarum essentie verificatur, sicut habet traditio Euangeli Christi viuificantis : Exite, & docete omnes populos, & baptizate in nomine Patris, & Filii, & Spiritus sanctitatis.

Illud vero, quod addiderunt Patres; Deus, Dominus, & Spiritus sanctitatis aperte demonstrauerunt, nomina esse communia; & singulas earum, scilicet omnes tres personas esse nomina communia, quod est aperte sine diuisione, quod Deus sit causa Filii, & Spiritus.

Non causa naturae, sed proprietatum.

Et Filius est genitus a Patre sine quando, ubi, & quomodo.

Et Spiritus sanctitatis est procedens ex Patre sine diuisione.

Et omne id, quod habet Filius, habet Pater & Spiritus, praeter proprietatem esse geniti.

Et omne id, quod Spiritus habet, habet & Pater & Filius, praeter proprietatem processus.

Vnus Deus, qui non comprehenditur in uno. Tres personae, quae non diuiduntur in numerum unius, duorum, & trium.

Quae sunt unita & diuisa; & diuisa & unita; quae non comprehenduntur a creatis, sicut testatur diuus Paulus, & Ioannes Theologus.

In hac Fide viuo, & morior Ego humilis, & minimus Elias, per gratiam Patriarcha Sedis Babylonis, & testis mihi sit Deus, & Angeli eius sancti, & Principatus nostrae nationis Iesus Christus, & omnes Apostoli beati; cui, & Patri suo, & Spiritui sanctitatis honor, & gloria, confessio, adoratio in saecula saeculorum.

C O M-

COMMENTARIUS

Adæ Archimandritæ Monachorum

Chaldæorum, Cameræ Patriar-

chalis Babylonis Archi-

diaconi.

DE CONCILIATIONE FIDEI

Orientalium, cum Fide S. R. E.



EPISTOLA ELIAE PATRIARCHÆ

Babylonis ad Sanctissimum D. N.

PAVLVM PAPAM QVINTVM.

De huiusmodi Commentario.

EX CVBICVLO PATRIARCHALI

orationes, & benedictiones con-

cedantur vobis.

FI D E S serui fidelis est, qui Domino suo nihil abscon-
dit, sed omnia sicut sunt, Domino suo aperit. Pro-
pter hoc, me seruum humilem, & peccatorem Eliam Sedem
Babylonis custodientem, decet aperire verum ante Paterni-
tatem sanctam tuam, o Domine Papa Paule Quinte, corona
Christianitatis, & caput capitum, & Pastorum Ecclesiæ san-
ctæ, & alienæ ab omni hæresi.

Diu

DIU perquisiuimus, & diligenter perscrutati sumus nos Orientales de Fide secunda hac vice, qua ad nos tuas literas misisti; & vocavi Dominum Gabrielem seniorem omnibus Archiepiscopis, & Sacerdotem Israel, maximum omnium Grammaticorum, & Dominum Adam Abbatem, & dixi eis: Quoniam in nostra natione nullus est perspicacior vobis, determinemus quid faciendum. Nam ecce libri nostri admonent nos de Ecclesia sancta, & Sede Apostolica Domini Pape Romae, quoniam ipse est Pater Patrum, caput Pastorum, eum audite, & non declinate à precepto suo. Et Patres nostri Orientales, omnes eos, qui ab Ecclesia Romana defecerunt; excommunicauerunt, & simul omnes conculcatores præcepti Domini Pape, qui est loco sancti Petri fundamenti Ecclesiarum, & capitatis Apostolorum. Sed video in professione nostra, quod sit aliquid, quod non videatur iuxta professionem Pape; & Patres nostri de hoc nihil scripserunt, sed hoc solum admonuerunt: Ne nos ab Ecclesia Romana deficeremus, neque à precepto Domini Pape habentis claves Regni declinaremus; & definituerunt, & excommunicauerunt omnes transgressores horum verborum.

Variationes vero, & quæ non sunt iuxta Ecclesiam Romanam, haec sunt.

Dominus Pape, cum omnibus Patribus magna Ecclesia Romæ vocant Virginem sanctam Mariam, Dei Genitricem. Nos vero Orientales eam Genitricem Christi vocamus.

Illi duas naturas Christi confitentur, duas virtutes, & duas voluntates. Nos autem fatemur unam virtutem, & unam voluntatem.

Illi

PROLEGOMENA. 17

Illi etiam unam personam fatentur in Christo. Nos quidem fatemur duas personas.

Et dicunt, quod Spiritus ex Patre & Filio procedit. Nos vero fatemur, quod ex Patre Spiritus procedat.

Etiam Patres Romæ dicunt, quod illud, quod egreditur ex sepulchro Domini nostri non sit verum lumen. Nos vero cum omnibus nostris illud tamquam lumen accipimus.

Et Dominus Gabriel mihi respondit: quod nos ita acceperimus a nostris antecessoribus, quod non sit diuisio inter nos, & Ecclesiam Romanam, nisi per ceremonias; & illi ita in omnibus regionibus suis suas ceremonias tenent. Et dixit mihi senior Israel: Quantum ego e libris nostris antiquis percepis, sane non est ultra alia diuisio, nisi quod aleer alterum non intelligit. Verum de hac petitione tua: ecce Pater Adam ante te, qui ex adolescentia in solitudine probatus est, si aliquid potest tibi respondere. Et Patri nostro Adæ dixi: quid dicis de ijs? Respondit, concede spatum trium dierum, & respondebo tibi tertia die, quantum potest infirmitas mea, & quantum sufficiat. Et dixi, concedatur tibi spatum; & iuit ad cubiculum suum, & tertia die hanc scripturam attulit. Et placuit mihi, & omnibus meis, qui mecum fuerunt; & dedi illi literas simul cum Fide mea, & tuis epistolis, atque Fide; & misi illum ad regiones, & gregem nostrum scribens; quod si quis habeat aliquid respondendum, afferat. Et benedictionem omnibus filij Orientis a Fide tua acceperunt ex epistolis sanctis, & anni curriculo reuersus est ad me, afferens mihi literas, in quibus erat, quod illi omnes, qui sunt ex professione nostra se se submittebant. Et magnum gaudium de his omnibus percepimus; & sublatæ sunt omnes falsæ opiniones contra

18 PROLEGOMENA.

tra id, quod dicebatur, quod nostra Fides cum nostra non conueniebat. Hoc opus Patri Adae filio meo dilectissimo, cubili mei Archidiacono tradidi, & ecce eum misi, ut ante vestigia pedum sanctorum tuorum ex parte omnium Orientalium adoret. Et omne id, quod dicit, & admittit tua Sanctitas, receptum apud nos Orientales est. Et omne id, quod præcipis, & cum eo mittis; confirma exemplis & auctoritatibus, ut omnibus circumiacentibus gentibus prædicemus; & nemo verbis tuae Sanctitatis contradicere audeat; & responsum illorum omnium scribe: an receptum est apud tuam Sanctitatem, nec ne; & nobis præcipe id omne, quod scis & decet, atque conuenit; & nostrum caput submissum est ante præceptum tuae Dominationis. Et scriptura quam Pater Adam attulit; hec est, cuius exemplum tuae Sanctitati misi, & hoc modo scripta est.



INI-

S E R M O D E F I D E
D O M I N I P A P A E
R O M A E M A G N A E,

Et Domini Eliæ Patriarchæ Orientis.

H A B I T V S A P A T R E A D A M
Abbate Monachorum Orientis.



P R O E M I V M I N Q V O
profitetur imbecillitatem ingenij sui ,
ad tam eximiam , ac præstan-
tem disputationem su-
sciendiādā.

Si filij non debent thesauros reponere pa-
trilus , sicut præcipit Paulus ; ergo multo
minus debent serui dominis suis . Sed ne
pericliter supplicio legum transgressorum il-
lius vocis Apostoli : Serui obedite præposi-
tis vestris in omnibus rebus ; audi modo submissionem meam ,
¶ breuiter ante tuam Paternitatem honorabilem balbutiam ,
Pater ¶ educator mi , Domine mi , Elias Catholice Patriar-

20 PROLEGOMENA.

cha Orientis; id, quod sub pedibus eius edocitus sum, eloquar
 ego pauper & humilis Adam, seruus servorum minimus.
 Quoniam ex me ipso nihil possum; & quicquid spiritus, &
 corporis habeo, à tua Paternitate cognosco, ut notum est Do-
 minationi tuæ; propterea quod à pueritia mea enutritus sum
 è misericordia tua mensa, & sub aliis tuae Paternitatis educatus
 sum; & nunc quidem, eo quod Paternitas tua præcepit mihi,
 ut pertractarem de Fide tua, & de Fide Patris universalis,
 & Patris Patrum, & Rectorum, Patris & Domini
 Papæ Pauli Quinti, quam misit ad tuam Paternitatem
 anno secundum Græcos 1920. Ego autem de hac re nihil
 scio, & super vires meas hoc onus suscipio. At forte me ora-
 tionibus tuis adiuuabit Deus; cuius virtus in abiectis demon-
 strari solet, & stultorum insipientiam sua sapientia infini-
 ta docere consueuit. Etenim, Deo iuuante, & orationum
 tuarum auxilio, dicere incipiam ante tuam Dominationem,
 id quod in ore meo ponit ille, qui loqui fecit Asinam, &
 perfluere aquas fecit à lapide, & qui lignum siccum florere fe-
 cit, ut daret fructus, & demonstrari fecit electum suum co-
 ram populo Israelitico.



EXCELLENTIAM DOCTRINÆ

Fidei, quam profitetur S. R. Ecclesia, &
principatum Summi Pontificis in Ec-
clesia sancta Catholica ex com-
paratione Abrahæ, & B.

Petri Principis Apo
stolorum, o-
stendit.

C A P. I.

ORTHODOXIS, & sapientibus notum est, quod tota gubernatio veteris legis sit parabola, & exemplum nouæ legis; ibi enim idæa & figura, hic autem est corpus & perfectio: quoniam id omne, quod scriptum est in Glossa, scilicet in sacra Scriptura, & Prophetis; in Christo completum est: & ex plenitudine eius nos omnes gratiam pro gratia accepimus; quoniam lex per Moysem data est, veritas autem & gratia per Christum; ut testatus est Ioannes. Sed quoniam de Fide nobis dicendum est in praesentia, de ipsa agamus. Fidem enim apud Abraham in veteri illustrata esse videmus, quoniam Deo creditus, & iunificatus est; pater gentibus datus est. In noua vero apud Petrum celebrata, & completa ipsa Fides est, & constitutus lapis fundamento Ecclesie Dei; & omne ædificium, cuius fundamenta non iaciuntur super hoc fundamentum; non erigitur, nec perfici potest culmen, quod est Christus. Itaque omne id, quod est

22 PROLEGOMENA.

apud Abraham, figuratè, & partialiter, atque temporaliter intelligite; & quod est apud sanctum Petrum spiritualiter, & perfectè, & in sempiternum comparate. Abraham autem in fide à regione sua, & à domo patris sui discessit, & exiit, quo iturus sit inscius, ut Apostolus testatus est. Petrus autem in fide reliquit omnia perfectè, & Dominum est secutus; quoniam verè sciebat, quòd esset Christus filius Dei vivi. Et quemadmodum Abraham fuit Pater Patrum in lege veteri, sic fuit Petrus in noua. Quies Abrahæ in occasu solis fuit, & timor, ac tenebrae super eum ceciderunt, & per animalia, & volatilia quæ offerebat; futura, quæ in terra fieri assolent, didicit. Petrus autem hora sexta perterritus est, & vidit cœlos apertos; & per was in quo erant animalia quadrupeda, & reptilia terræ & volatilia cœli, reuelata sunt mysteria, quæ fiunt in cœlo; eo quòd aperte vidit, quicquid sublatum est in cœlum. Abrahæ autem nomini, addita est una litera, quæ est Fides; non enim amplius nomen tuum vocabitur Abram, sed Abraham; quoniam Patrem multarum gentium constitui te. Petrus autem perfectè depositus hominem veterem, & renouatus est Christo: Tu es Simon Bar Iona, & Petra vocaberis; & super hanc petram adificabo Ecclesiam meam. Abrahæ dictum est: Benedicam benedictentes te, maledicam maledicentes te. Petro decretum est: Tibi dabo claves Regni cœlorum; & quodcumque ligaueris super terram, erit ligatum in cœlo; & quodcumque solueris super terram, erit solutum in cœlo. Promissio Abrahæ, sunt, terræ populorum, & regna gentium. Promissio Petri est, potestas super ciuitates animarum, & sessio super sedes in cœlo. Abraham autem dignus factus est benedictione Melchisedec

Regis

PROLEGOMENA. 23

Regis Solim, quæ est Ierusalem; & panem alimentum corporeum ei, socijsq; suis obulit. Petrus autem, in fide benedictione factus est dignus à summo Sacerdote veritatis Ierusalem, cuius est factor, & auctor Deus; & in aula Syon dedit panem & vinum alimentum spirituale ei, & socijs suis. Ex Abraha autem circumcisio carnis incepit, & circumcisus est cum omnibus suis, ac etiam ex alienis gentibus aliquos circumcisit. Et ex Petro circumcisio spiritualis cordis; & propagata est ad gentes alienas, ad propagationem Fidei; sicut ipse dixit: A primis autem diebus per os meum elegit Deus, ut audirent gentes sermonem Euangeliū & crederent; & Deus qui nouit corda, dedit, suffragatusq; est eis; deditq; eius Spiritum sanctitatis sicut & nobis; nihilq; discreuit inter nos & eos, quoniam purgauit fide corda eorum. In lege vero naturali familia Abrahæ ab uno ad alium in carne, & naturaliter producta est, donec terminata esset in reuelatione Dei, qui incarnatus est. In lege spirituali Petri producitur à Papa ad Papam, usque ad secundum aduentum filij hominis, qui deificatus est. Quemadmodum antem iij, qui non sunt nati naturaliter ex Patribus, qui descenderunt à semine Abrahæ; à filiatione Abrahæ prohibentur, & alieni sunt ab ea voce, quæ est in Propheta: Dominus fors nostra est: quoniam ista filiatio est domus Abrahæ; & non gentium externarum; quia promissionem promisit Dominus cum eo, & cum omni semine suo in æternum; ita illi homines qui non generantur spiritualiter à Patribus Petri ab unoquoque Papa sui temporis, prohibentur à filiatione spirituali Petri; & nullo modo possunt vocare Deum, Patrem nostrum, qui es in cœlis; quoniam familiæ Petri concessit Dominus Deus, ut ita voca-

vocare

B 4 rent

24 PROLEGOMENA.

rene eum ; & non alienis à fide Petralium . Et omnis vir,
 qui non conciliatur , & regitur sub sceptro horum pastorum Pe-
 tri , non est ex grege Christi ; quoniam Dominus Petro dixit :
 Pasce agnos meos , pasce ouiculas meas , & pasce oves meas :
 & nemini præter eum . Magna est fides Abrahæ , & ve-
 rus est amor eius , qui accepit cultrum , & posuit ad collum
 sui dilectissimi , & non prohibuit unigenitum à Domino suo .
 Sed maior est fides Petri , ipsiusq; amor ; quia ipse met mor-
 tem suscepit pro Domino suo ; mors autem crucis , & crucis
 contrario modo , ut parem gratiam referret Christo , qui la-
 uit pedes eius in sudore faciei suæ ; & lacrymis oculorum , &
 sanguine suo obtulit tria holocausta , iuxta tres confessiones , qui-
 bus respondit Domino suo : Tu Domine scis quia amo te :
 & pro remissione trium negationum inuoluntariarum , & non
 verarum . Et quemadmodum tercenti decem & octo viri
 ex familia Abrahæ corroborati sunt à Domino ; & ipse Domi-
 nus fuit dux eorum ; & comitatus est eos , & victoriam per-
 fectam reportauerunt ; hostes profligauerunt ; ac virtutes eo-
 rum dissipauerunt , & liberauerunt seruos ; & reuocauerunt
 eos ad opus suum : ita CCC XVIII . Patres Orthodoxi
 familie sancti Petri corroborati armis sanctitatis per Chri-
 stum Dominum nostrum ; & fuit Deus cum eis , & confir-
 mavit verba eorum , & dissipauit superbos corde mentis suæ ;
 sedauitq; errores hæreticorum , & dedit victoriam perfectam
 Ecclesiae sanctæ , & confirmavit , & corroboravit fidem : &
 hoc modo oves Christi pauerunt in pratis glorie suorum cano-
 num , & prope flumina aquarum placidarum , quæ à corpo-
 re eorum defluxerunt ; & hortos plantauerunt fructibus salu-
 taribus plenos , ut alimento essent omnibus fidelibus veris , se-
 quenti-

quentibus eos. Igitur omnis, qui desiderat requirere veritatem, ad doctrinam Doctorum tercentorum decem & octo Petronicorum accedat, & non indigebit eleemosyna alienorum, quorum mysterium figuratur in tercentis decem & octo Abrahamitis. Et qui est confirmatus in sua fide, seruet eorum canones tamquam pupillam oculi, sine additione & diminutione; quoniam cum eis est Christus, & sicut voluit, cum eis fecit. Neque ego abiectus Adam volo de Fide quicquam dicere, prater id, quod docuerunt Apostoli, & Patres Orthodoxi; quoniam graue hoc onus mihi esse fateor; sed tantum desidero falsas opiniones contra nos immerito dictas extirpare, & si possum pro eis amorem plantabo verum, quem generat fides; nutrit spes; & perficitur à charitate omnimoda, & perfusa bonis & malis, quae est Deus omnipotens: quoniam Deus charitas est, ut scriptum est.

QVOMODO EXISTIMET POSSE
 conciliari cum veritate Catholica dogma
 Chaldæorum, quo tenent Virginem
 beatissimam esse tantum Ma-
 trem Christi. Cap. II.

DE illo enim, quod Orientales dicunt: Mariam Virginem sanctam, Christiparam esse; Patres vero Ecclesiae Romanae dicunt Deiparam; nunc dicere debemus. Perspicuum enim est sapientibus, quod Deitas non generat, nec generatur; & non minuitur, neque crescit, neque variatur, neque diuiditur, neque comprehenditur: propter hoc Maria genuit

26 PROLEGOMENA.

genuit naturaliter Iesum; qui habet tria nomina propria & correcta: quorum testimonia in omnibus libris habentur, hoc est, Iesus, Christus, Dominus noster: Iesus autem nomen humanitatis; Christus nomen Deitatis & humanitatis; Dominus noster est nomen Deitatis. Propter hoc Maria genuit Iesum naturaliter hominem perfectum, sicut demonstrauit in principio Euangeli Mattheus: Liber generationis Iesu Christi: & Cum impleti sunt octo dies, ut circumcidetur puer; vocatum est nomen eius Iesus, quod vocatum est ab Angelo antequam in ventre conciperetur: & etiam Iesus crescebat in statura & sapientia apud Deum & homines. Et dum concepsus est, vere Deus erat; sed in gradibus ascendit ad eam, scilicet Deitatem, ut erudiret nostram pueritiam. Etenim hic Iesus non est homo simplex, absit; sed ex illa hora compactionis humanitatis suae de Spiritu sancto, incarnatus est; eo quod persona Dei Verbi unita sic, unitione perfecta in illa humanitate; sine commixtione, confusione, & compositione constricta; & fuit unus filius verus, Deus perfectus, & homo perfectus. Deus humanatus est, & homo deificatus est; dum nec ille diuisus est, nec iste variatus est. Non enim duo filii sunt, alius Deus, qui humanatus est, & alius Filius qui deificatus; (absit) sed ille qui humanatus est, & qui deificatus est; unus est Filius verus, una est species, unus est visus, unum Parsopas, una filiatio. Et vocatus est Christus, hoc est Deus perfectus & homo perfectus. Et propter hoc Orientales vocant Virginem Christiparam, ut didicerunt a beatis Apostolis; & vera est ista confessio, ut testanteur libri. Et id, quod vocant Patres Ecclesiae Magnae Deiparam, verum est: & eodem modo intelliguntur, ut definiunt & testantur Theologici,

PROLEGOMENAI

27

logi, nempe Ioannes Evangelista, Paulus Apostolus, Gregorius Nazianzenus; hos omnes Theologos tener Ecclesia. Ioannes enim testatur, quod: In principio erat Verbum, & ipsum Verbum erat in principio apud Deum, & Deus erat Verbum. Et beatus Paulus: Deum super omnia vocat Christum. Et Gregorius Nazianzenus confirmavit: Omnis, qui non fatetur Mariam esse Matrem Dei, sine Deo est. Ergo omnis, qui est contra hæc verba horum trium Theologorum; alienus est ab Ecclesia, quoniam ipsi asseruerunt Virginem esse Genitricem Dei, verum est: & Genitricem Christi, verum est. Et Ioannes testatus est: quod, Verbum caro factum est, & habitauit in nobis. Et Paulus dixit: quod, Unus est Deus, & unus est mediator inter Deum & homines, homo Iesus Christus. Et Gregorius dixit: Ille, qui sine principio principium habuit, & sine comprehensione comprehensus est. Nunc vero est unus sensus, una sententia, unus finis, & una interpretatio de illa voce Christipara & Deipara apud fideles orthodoxos: quoniam dum aliquam personam trium personarum sanctæ Trinitatis corde suo cogitat, totam Diuinitatem cogitat, ac etiam humanitatem sine separatione cogitat. Et dum quis humanitatem Christi cogitat, simul cum ea cogitat sine discessu suam Diuinitatem. Propter hoc Patres Romæ fatentur Virginem esse Dei Genitricem: & Orientales dicunt Mariam esse Christi Genitricem; & utraque pars vera est.



E X-

EXPENDIT DOGMA CHALDÆORVM
 de duabus personis in Christo , & quo pa-
 eto conciliari possit cum doctrina
 Catholica de vnitate personæ
 Christi Domini Nostri.

Cap. III.

DE duabus in Christo naturis , & de una persona , &
 uno Parsopa in Christo , quas Ecclesia Magnæ Ro-
 mæ profitetur ; & Oriëntales confitentur duas esse naturas , duas
 personas , unum Parsopa : si Oriëntales Ecclesiæ Romæ obij-
 ciant : Quare duas naturas in Christo , & unam personam
 fatemini ? ecce nulla natura est sine persona , & una natu-
 ra ex persona demonstratur ; & si non est persona , neque est
 natura . Et etiam Ecclesia Romæ obijcit Orientalibus ; etiam
 vos , quare duas esse personas , & unum Parsopa fatemini ?
 ecce nulla est persona sine parsopa . Hic potest esse aliqua im-
 perfectio , nisi utraque pars incidat in illam vocem , nimirum
 esse unum Parsopa : & hoc unum Parsopa , quod utraque
 pars fatetur , cogit utramque partem ad eundem sensum in-
 telligendum , & idem sentiendum ; velit , nolit . Et alia ratio
 est . Oriëntales enim iuxta duas naturas dicunt , quod mente
 cognoscatur duabus personis , & oculis videatur in uno Par-
 sopa unius filiationis . Et Patres Ecclesiæ magnæ nunc non
 curant hic demonstrare naturas ; eo quod completè demon-
 strauerunt in duabus virtutibus , & duabus voluntatibus ,
 quas fatentur . Nunc verò unam filiationem demonstra-

re vo-

PROLEGOMENA. 29

re volunt, & dicunt, quod videtur & demonstratur in una
 specie, una magnitudine, & uno Parsopa unius filiationis; & utraque pars veritatem fatetur. Et duæ virtutes, quas Patres Ecclesiae Magnæ Roma fatentur verae sunt; quoniam nulla est natura, quæ non habeat virtutem: & si in Christo duæ sunt naturæ, ergo duæ virtutes necessariò. Sed quid est hoc, quod utraque pars ponit in commixtionem, & in compositionem sine constrictione? nonne propter virtutem, quæ est in naturis, ne sit mutatio in unitione Christi; quoniam ubique est compositio, necessario est mutatio, propter virtutem, quæ est in naturis; ut est commixtio aquæ, & vini, quæ cum commiscerentur, virtus aquæ mutat vinum, & non erit ut erat antea; & potentia vini mutat aquam, & non erit ut antea. Et Dominus noster Iesus Christus non est mutatus neque in Deitate, neque in humanitate; & Angeli testantur, quoniam resurrexit: Viri Galilæi, quid statis, & suspicitis in cælum? hic Iesus, qui eleuatus est a vobis in cælum, ita veniet, quemadmodum vidistis eum ascendere in cælum. Et confirmauit beatus Paulus: Iesus autem Christus heri & hodie, & in æternum est. Orientales vero unam virtutem fatentur; nec propter virtutem naturarum dicunt unam virtutem, quia refugiunt vocem illam, commixtionis, veluti filij Ecclesiae Magnæ; ne faciant mutationem, causa duarum naturarum, duarum virtutum perfectarum in Christo. Sed patet, quod non propter virtutem naturarum unam virtutem fatentur; sed propter unam unionem perfectam veram, & sempiternam fatentur unam potentiam; unam potestatem, unam dominationem, unam gloriam unius filiationis. Et quemadmodum Patres Ecclesiae Magnæ unam per-
sonam

30 PROLEGOMENA.

sonam fatentur propter unam filiationem ; ita Orientales unam virtutem fatentur propter unam filiationem. Neque Orientales per virtutes demonstrant naturas ; neque filii Ecclesiae Magnae per virtutes demonstrant personas : sed utriusque unam filiationem demonstrare debent; & utraque pars est vera.

QVO PACTO EXISTIMET POSITIONEM Chaldæorum de vnica voluntate, & operatione in Christo non repugnare veritati duarum voluntatum, & operationum Christi.

Cap. IV.

ET due voluntates, quas filii Ecclesiae Magnae fatentur verae sunt, eo quod Christus sit Deus perfectus & homo perfectus ; & omne rationale necessario habet voluntatem, & si careat voluntate, non est perfectus. Orientales vero unam voluntatem in Christo fatentur, non eo quod alteram voluntatem conculcent, sic dicunt ; sed ne sit confusio in una filiatione unita Christo , dicendo voluntatem, & voluntatem humanam, & diuinam. Dicunt enim unam voluntatem ; scilicet voluntas voluntatem secuta est ; nimirum coniuncta est una voluntas cum alia ; & due voluntates unum quid simul sunt, sicut vox Patris, qui exclamauit : Hic est Filius meus dilectus , in quo mihi complacui . Et ipse Filius testatus est : Non veni facere voluntatem meam, sed voluntatem

PROLEGOMENA. 31

voluntatem illius, qui misit me. Et si Orientales unam voluntatem fatentur in duabus naturis rationalibus, & perfectis Christi, quare dicunt de eo: *Homo completus, & Deus completus?* sed patet, quod dicunt propter coniunctionem perfectam. Sic autem afferunt: in alio seculo, quod est Spiritus; non sunt voluntates contrarie, neque multiplices, ut Pater Arsenius testatus est. Dum enim refugiebat habitare cum multis, dixit: *Supra in caelo omnes choros Angelorum unam voluntatem habere; homines vero, qui sunt in terra, tot sunt quot voluntates.* Non enim habent unam voluntatem, quae non vult cogitare, nisi, ut voluntates suae unius voluntati Dei subdantur. Sicut enim David cantauit: *Serui enim sui sunt, qui faciunt suam voluntatem.* Et si inter se, & inter facturam manuum suarum non est discordia voluntatis; quomodo potest etiam inter Deitatem suam & humanitatem Filij, qui habet unionem in aeternum? Inuenitur ne dualitas voluntatum contrariarum? (absit,) sed Filius voluntate humanitatis suae volenter, & non vi subditur voluntati Deitatis suae, eo quod dixit Patri: *At non fiat voluntas mea, sed tua.* Hoc modo subditur Filius illi, qui subdidit ei omnia; & sic Deus est omnia in omnibus, iuxta verbum Divi Pauli.



DE PROCESSIONE SPIRITVS

sancti à Patre , & quomodo Chaldæi
non dissentiant in hoc à San-
cta Romana Ecclesia.

Cap. V.

DE Spiritu verò sancto, qui à Patre procedit, ut faren-
tur Orientales ; & Patres Ecclesiae Magnæ Romæ, qui
profitentur, quòd ex Patre , & Filio procedat ; utraque pars
veritatem agnoscit, & unum testimonium verum veris fi-
delibus sufficit; illa nempe vox, quæ ex ore dilectissimi Iesu pro-
lata est, quæ est : Ego enim & Pater meus unum sumus; &
quod sint unum, ipse dixit; & non dixit; ad inuicem simi-
les sumus: sed unum sunt, & non duo . Et si sunt unum
& non duo, quæ diuisio est inter illam vocem, quam confie-
mur, nimirum quòd Spiritus sanctus à Patre procedat, ab ea,
quòd ex Patre & Filio procedat ? Ecce unum sunt, & non
duo ; & nulla diuisio est inter illos . Etiam dixit: Ego sum in
Patre, & Pater meus in me est; & : Qui me videt , videt
illum, qui misit me . De Spiritu autem sancto dixit: Ille de
meo accipiet, & renuntiabit vobis : Omne, quod habet Pater
meus , meum est. Et si ita non est diuisio inter personas in-
comprehensibiles Deitatis absconditæ sine prioritate , & poste-
rioritate ; sine paruitate, & magnitudine ; sine habitione , &
priuatione in omnibus ; quis unquam discriminaret inter
illam vocem : Spiritus ex Patre procedit ; ab illa : Spiritus ex
Patre & Filio procedit ? Sed Orientales dicunt, quod ex Pa-

tre procedit, quia sciunt, quod nihil possidet Pater, præter id, quod habet Filius; neque Filius præter Patrem, quemadmodum didicerunt ex Filio viuo, qui dixit Patri: Omne quod habeo tuum est, & quod habes meum est. Et Patres Ecclesiæ Magnæ volunt ostendere, quod Filius non est abieictior Patre vlla in re; non in essentia, non in filiatione, neque in potestate, neque in creatione; quoniam ipse est radius gloriae suæ, & idea essentiæ, & tenens omnia in virtute Verbi sui; Deus verus de Deo vero, connaturalis Patri suo, in cuius manibus facta sunt omnia. Dicunt igitur, quod ex Patre & Filio procedit Spiritus salutaris, & vera est professio illorum sine dubio.

PROGREDITVR EXCVSANS propriam insufficientiam.

Cap. VI.

Ad iram concitauit cor meum calamus, & volo cum rumpere, quoniam veritatem dicere non vult, sed veritatis similitudinem scribere nititur; quoniam hic cooperatum videtur id, quod est verum; illud, quod Patres acutissimi, & Philosophi spirituales aperte demonstrauerunt; Pater Marcus, inquam, in suis libris, & Dominus Euagrius in suis centenarijs, & Dominus Ammonius in suis dictis; & reliqui omnes, & ceteri Philosophi. Omne id, quod fuit, est, & futurum est, visible, & inuisibile comprehendenterunt in nouem Categorij; & ad incomprehensibilitatem Dei, manus ad os suum posuerunt, & retro reuersi sunt. Sed unus ex præceptoribus suis, Plato (inquam); qui tempore Samuelis, & David vixit; intuitus est in illum sermonem sacrae Scripturae: Scito Israel,

C

quod

quòd Deus tuus Deus unus est ; & admiratus hac voce ,
in solitudinem se recepit , tuguriumque ibi sibi elegit ; & accep-
pit sacram Scripturam ; & hunc sermonem trium annorum
spatio , meditatus est . Et vidit Deus submissionem , & labo-
rem suum , & reuelauit ei incomprehensibilem Trinitatem
trium personarum Deitatis adoranda ; & reuersus est corri-
piens Iudeos dicens : Affirmant unum esse Deum nostrum ;
unus est & trinus , trinus & unus : & de hoc doctrinam
magnam scripsit , & hodie ista doctrina posita est in Ecclesia
ad Iudeorum confusionem , negantium Trinitatem incompre-
hensibilem essentiæ Dei , quæ est abscondita ; illa , quam nullus
homo vidit , neque potest videre ; ut scriptum est . Etiam
beatus Paulus exclamauit mirabiliter , dicens : O altitudo di-
uitiarum sapientie , & scientie Dei , nemo scrutatus est iudi-
cia eius , & viae eius sunt incomprehensibiles : sed multò ma-
gis suffocatur in hoc mari incomprehensibili ; & pleraque pars
stultorum ad barathrum damni sui expulsi sunt in hoc tor-
renti impertransibili , quem vidit Barabuz ; quoniam desi-
derauerunt dulcedinem mellis inscienter , & spreuerunt mo-
nita Sapientis , qui dixit : Mel inuenisti , comedere quod suffi-
cit tibi , ne forte satiatus euomas illud ; hoc est : Sine scientia
ne inquiras verba diuina supra tuam mensuram , ne forte
mensuram tuæ scientie perdas : quoniam non potest lingua
carnis demonstrare id , quod oculus non vidit , nec auris au-
diuit , nec super cor hominis ascendit . Et testificatur Diuus
Paulus , quòd audiuit arcana , quæ non licet homini loqui .
Et si hæc vera sunt , ut reuera sunt ; quis audet regulas de-
terminatas sub comprehensibilitate , Deo ponere , à quo ple-
na sunt omnia ? Et omnis , qui audaciam habet contra hæc
verba

verba aerem verberat, & volatiles aues apprehendere conatur, & de sua insipientia prædicare vult. Sed nos cibum solidum discretionem habentibus relinquemus, & inde fugamus, iuxta nostram possibilitatem, & nostræ scientiæ sapientiam: & obediamus, & subdamus nos sermoni uniuersali, qui vivat.

A G I T D E L V M I N E,
quod à multis creditur miraculosè accendi
in die Sabbathi sancti, ad sanctissimum Domini Nostri sepulchrum; & finem imponit tractationi.


Cap. VII.

LV M E N verò, quod in Ierusalem lampadibus ostenditur; Patres Ecclesiæ Magnæ Romanae merito affirmant falsum, & apparet esse; quoniam lumen verum, & naturale non eget materia ceræ, aut olei, vt illumine posse; neque in seculo Spiritus aliquid compositum reperitur. Eleuate oculos vestros in cælum, & videte luminaria nocturna, & diurna, quæ splendent, & fulgent à principio seculi, & hucusque; forte ne in materia aliqua illuminat Deus? Et si in materia splenderent, iam extincta essent; quia extingueretur materia, quæ causa illuminations eorum est; & lumen eorum cum ea deficeret necessario, sicut hoc lumen, quod est in Ierusalem. Sed patet, quod Deus non corporaliter illuminat, sed ab eo simpliciter

C 2 illumi-

illuminantur, quoniam Pater luminis est, ut scriptum est. Si Christus est Deus verus ex Deo vero, & per manus suas omnia creata, & constituta sunt, quae sunt in caelo; non est necessarium, ut lumen articiale credatur: sed opera manuum eius teneantur, agmina Angelorum, & artificium elegans cœli, & cœli cœlorum, & posicio terræ. & omne, quod est in ea, & aquæ fluidæ cum omnibus ordinibus aereis mirabilibus. Quid dicitis? hac ne sunt abiecta & nulla, ut celsitudinem Deitatis demonstrent, quasi egeat lumine artificiali? Et si lumen est, quare in ignem conuertitur? & si omne lumen mutatur, & conuertitur in lumen, ergo lumen non est, sed ignis est? Forte ne probi homines propter eorum opera bona igne induuntur? absit: iuxta sententiam errantium ita locutus sum, qui afferunt ignominiam lumini totali & vero; & lumini creatoris, qui non pertransit, nec mutatur, nec perit, nec diminuitur, neque variatur, neque parvus fit. O animi percussio magna; quoniam aliquis homo ingreditur, portamq; obserat, & ille homo Deum orat, ut super sepulchrum sui filij lumen descendere faciat, & si ille homo non vult, qui mediatorem inter Deum & hominem facit; lumen non descendit. Et si mihi dicitis, quod lumen verum est, & horæ spatio durat, dum non accendit; quare cera liquefit, & lampas splendescit? Et ne decipiamenti hac frigiditate, quam videtis unius horæ spatio durare; ecce sanctus Gregorius Nysæ, qui pluribus Cantica Canticorum Salomonis commentatus est; & scripsit de Cinamomo, quod dum parum Cinamomi in ollam feruentem projectur, statim frigescit, & erit ac si non injectus esset ignis sub eam. Est etiam lapis quem inuoluunt pannis lineis puris & candidis, & adproximant ad carbones ardentes, & nunquam illi panni linei

linei comburuntur, quoniam influxus lapidis à parte interiore caliditatem ignis prohibet, & nunquam ille pannus interiectus inter lapidem & ignem comburitur; hoc enim oculis nostris vidimus. Etiam est avis, quæ fidenter in fornacem ignis ingreditur, & nunquam læditur. Etiā sunt panni, qui in igne mundantur; dumq; ignis comburit eorum fôrdes, à natura pannorum cohibetur ignis. Ignis etiam cooperitus parum caliditatis suæ naturæ ostendit, dum verò flat ventus tunc magis, & magis exardescit; hoc omnes fabriferrarij artifices faciunt, etenim cum volunt liquefacere opus manuum suarum, aerem addunt per follem igni, atque ita liquefaciunt sua opera. Hoc modo igne isto cooperito per artificium, & velamina parum caliditas eius diminuitur; & dum deponunt eum foras, & à vento percuditur, statim se ad pristinam naturam suam redit. Ignis verò diuinus apud Moysem rogam accendebat, & rogas non comburebatur. Quare lumen ex sepulchro Christi Domini dum exit comburit? lumen ne Dei comburit, & ignis eius non comburit? hoc est absurdum. Verumtamen errorem errantibus relinquamus, & sequamur vestigia Orthodoxorum virorum arcana explorantium; ne impingamus in lapidem offendiculi, ne in Fide debilitemur, & sit pars nostra cum hypocritis, & opprimentibus veritatem Dei veri. Et ipse concedat nobis, ut eum cognoscamus sicuti est, ut debilitas nostra potest, per gratiam multæ sua misericordia in sæcula sæculorum. Amen.



DISPV TATIO
DE
DOG MATIBVS
CHALDAEORVM.



ADMODVM REVER. AC DILECTISS.
 IN CHRISTO PATRI
ADÆ ARCHIDIACONO CAMERÆ
PATRIARCHALIS BABYLONIS
 ET
MONACHORVM CHALDÆORVM
 ARCHIMANDRITÆ
REVERENDISSIMI D. ELIAE
 PATRIARCHÆ BABYLONIS
 AD SANCTISS. D. N.
D. PAVLVM PAPAM V.
 LEGATO.

PETRVS STROZA VENERABILIS
 Basilicæ Principis Apostolorum humilis Ca-
 nonicus, eidem Sanctiss. D.N. ab episto-
 lis Apostolicis secretis ad Principes.



*A occasionem sapienti , & addetur ei
 scientia . His ego verbis Salomonis
 admonitus , Reuerentiæ tuæ Pater in
 Christo , mihi dilectissime atque ob-
 seruandissime ; exponere non sum
 veritus , quæ in libello professionis
 Fidei , à Reuerendissimo Patre Domi-*

no Elia Babylonis Patriarcha , per te ad Sanctissimū Do-

minum Nostrum P A V L V M Papam V. misso , nota-
ui ; ac similiter in commentario à te , iussu eiusdem Pa-
triarchæ tui composito de conciliatione vestrorum dog-
matum cum orthodoxa veritate , quam sancta Catholi-
ca Apostolica Romana Ecclesia docet . Optimè nam-
que noui diligentiam , & assiduitatem , quam in veri in-
uestigatione adhibes ; ac studium pariter , imò zelum ,
quo flagras instaurandæ unitatis , qua Ecclesia vestræ ab
initio , vt profitemini ; cum Apostolica Sede coniuncta
erat . Quare facile mihi persuasi , fore tibi pergratum ,
si iuxta Sapientis sententiam , occasionem tibi propone-
rem augendæ non mediocriter scientiæ tuæ . Neque
sanè audaciæ notam , reprehensionem vterebor ; aut
ingenij mei imbecillitatem , vel propriam infantiam ex-
cusabo ; quippe ex mea sententia nihil dicturus sum .
Haud enim tantum mihi arrogo , vt audeam de ineffa-
bilis mysterijs nostræ Fidei à me ipso loqui : sed quæ
in medium afferam , cuncta ex sacris Oecumenicis Con-
cilijs , aut ex Sanctorum , probatissimorumq; Patrum
monumentis decerpta erunt . Ad hæc , sermo mihi te-
cum habendus est ; cum viro videlicet mei amantissimo ,
qui quod doctrinæ nostræ deerit , reperire nouerit in
charitate , qua coniuncti in Christo arctissimè sumus .
Igitur illius auxilio fretus , qui dat intellectum parvulis ,
ac linguas infantium facit esse disertas , sanctissimoq; eius
nomine inuocato ; dicere incipiam .

PROFESSIONE FIDEI PATRIARCHÆ
*Babylonis recensetur, & dogmatibus
 Orientalium adiuncta expen-
 ditur. Cap. I.*

Planè; profiteri se cum sancta Romana Ecclesia, credere, Deum unum esse in natura, trinum in personis, Patrem, Filium, & Spiritum sanctum; atque Trinitatem venerari sine substantiæ diuisione, aut personarum confusione: similiter confiteri Deum Verbum Patris æterni Filium ab æterno genitum, in fine temporum propter nostram salutem descendisse in uterum immaculatæ Virginis, humanamq; ex ea carnem rationali anima præditam virtute Spiritus sancti assumptissimæ; ac utriusque naturæ diuinæ, & humanæ, veritate seruata, in unitate personæ; unum esse, eundemque, qui natus est, qui ætate, & gratia proficiebat; qui cum ieunasset, esuriuit, & quinque millium hominum famem exiguo pane satiauit; cuius dum membra labore lassescerent, verba ægros sanarent, cæcis lumen restituerent, mortuos ad vitam reuocarent; qui patiebatur humana, & operabatur diuina; qui demum mortuus est, & resurrexit, ut credere, atque confiteri se scribit venerabilis Dominus Elias Patriarcha Babylonis; Fides quidem hæc, si nihil aliud contineret; à veritate quidem non dissentiret. Sed ex altera parte Beatissimam Virginem non matrem Dei, sed matrem Christi, appellare; Redemptori nostro Domino Iesu Christo cum duabus naturis, duas quo-

quoque personas tribuere ; voluntatem & operationem vnicam presuppositi unitate , non duplices iuxta naturas in eo agnoscere ; & haec dogmata, aut non contraria veritati modo expositæ ; aut,cum manifestè damnata sint à Sanctis Patribus ; velle apposita declaratione redigere ad rectum sensum ; suspectam omnino reddit hanc Fidei professionem . Neque enim sufficit profiteri Fidem cum Orthodoxis , si postmodum ea cum haereticis exponatur . Hoc autem illud est, quod sancti Patres Nestorio professionem Nicænae Fidei iactanti , obijciebant his verbis : *Ceterum minime sat esse putamus , si Reverentia tua Fidei symbolum , quod à magna illa Synodo , quæ in Spiritu sancto in urbe Nicæa quondam conuenerat; expositum est , nobiscum confiteatur . Nam et si vocetenus illud profiteri videare , attamen neque rectè intelligis , neque sincere quoque , sed peruersè planè , præpostereq; interpretaris .* Verum, vt ego arbitror , satis probabile est , errorem hunc modo apud Chaldaeos obedientiæ Patriarchæ tui subiectos non in voluntate , sed in intellectu tantum consistere . Persuadet hoc mihi Patriarchæ zelus , & alacritas , qua sanctam Sedem consulere studuit : deinde responsio Episcoporum , quos ipse de hac grauissima difficultate tanta , animi sollicitudine , vt scribit ; interrogauerat . Neque sanè Episcopi Patriarchæ respondissent , diuersitatem , quæ inter nostram , vestramq; Fidem intercedit ; consistere tantum in ceremonijs , atque ritibus ; ac solum verbis , non autem verborum sensu differre , si sanctorum Conciliorum acta , atque decreta aliquando legissent . Etenim Concilia Oecumenica nunquam congregata fuerunt

runt ab eo tempore , quo primùm illa pessima dogma-
ta damnata sunt ; quin sancti Patres post orthodoxam Fi-
dei confessionem ; ea denuò damnauerint , & anathema
non solum in illorum nefarios autores , sed etiam in
eorum expositores , ac defensores grauissimè iterauerint .
Ideò opereprætium facturum existimo , si antequam ag-
grediamur expendere singillatim vnumquodque vestro-
rum dogmatum ; proposuero ex actis sanctorum Concili-
olorum , atque ex alijs probatis Scriptoribus ; quidquid co-
gnitioni Chaldæorum necessarium esse iudico .

HÆRESIM , QVA NEGAT VR
sanctissima Virgo esse Dei Mater , à Ne-
storio incœpisse , & quis fuerit
Nestorius . Cap. II .

IMPIUS Nestorius primus ausus est , palam negare sanctissimam Virginem esse Dei matrem . Quo tempore , quâve occasione hoc egerit , narrat Theodoretus Cyri Episcopus , qui non modò Nestorij contemporaneus fuit ; sed aliquando acerrimè illi fauit . Is ad fanionem mentem conuersus in epistola , quam ad Sporadium de Nestorio , eiusq; impietate scripsit ; hæc habet : *Vt pri-
mum maximam illam Sedem occupauit (nempe Constan-
tinopolitanam) ac si tyrannidem quandam Sacerdotij præfe-
cturam rapuissef ; non amplius in seipso impietatem , quam ante-
tea mente conceperat ; continere valuit , sed ex potestate li-
centiam quandam stultam adeptus , in medium illam pro-
fert , & omnibus patefacit , quam antea aduersus Dominum*

con-

conceperat blasphemiam. Sed quia Theodoreetus in hac epistola describit nobis ad vnguem Nestorium; adiunctionem, quæ ante, & quæ post relata à nobis modo ipsius verba; de Nestorio scribit. Inquit autem.

Ex Germanicia ciuitate ortus homo iste, cuinam exercitio deditus initio fuerit, ignoro. Ex alia verò aliam regionem peragrans instar Aegyptiacæ plague, ad magnam Antiochenum peruenit urbem; in qua liberalibus artibus mediocreiter institutus, & imbutus, & pulcherrima, & maxima præditus voce in Ecclesiam Dei cum certa eius pernicie irrepit; & Sacerdotum numero adscriptus; populi Dei regendi cura suscepit; in ipsomet principio, qualis in tota vita futurus esset; aperte ostendit. Non enim ingenuum illum, & fructuosum dicendi characterem imitatus est, qui hominum animos pascere posset; sed ad popularem auram declinando, & vanum populi applausum, ut quiuis aucupando; instabile, & abiectum vulgus ad sui desiderium concitauit. Sordida quidem inducus veste, mæstus, ac tristis incedens; forenses tumultus deuitans; corporis pallore, & macie abstinentiam simulans; libris domi, ut plurimum incumbens, & intentus, & quiete sibi vivens; his artibus, & simulationibus plerosque alliciebat ad sui imitationem, quo usque ad grauiorem peruenit etatem; videri potius quam esse Christianus, & suam magis, quam Christi gloriam querere studens. Quoniam verò iuxta Domini dictum: Nihil occultum, quod non reueletur, & nihil absconditum, quod non prodeat in lucem: & bona opera manifesta fiunt, & que mala sunt occultari minimè possunt; imperscrutabili iudiciorum Dei abyso, Nestorius eorum calculo, qui rerum potiebantur, & Ecclesiam administrabant;

bant ; nec non ipsius , qui tunc temporis & uniuersi orbis scepterum tenebat ; Catholicæ Orthodoxorum Ecclesie Constantino-politanæ sedem obtinet , quin etiam parum abest totius orbis . Hinc deinde secutæ sunt tragediaæ illæ , quarum & uniuersa terra , ac mare repletum est . Ut primum enim maximam illam sedem occupauit , ac si tyrannidem quandam sacerdotij præfecturam rapuisset ; non amplius impietatem in seipso , quam mente conceperat ; continere & valuit : sed ex potestate licentiam quandam stultam adeptus , in medium illam profert , & omnibus patefacit , quam antea aduersus Dominum conceperat blasphemiam : & contra Apostolica dogmata suscepit bellum ; contra etiam sanctos Patres , qui ab ipsis Euangelijs cunabulis Orthodoxæ Fidei duces , & magistri fuerant ; eorum sententias nititur conculcare , Regiæ Ciuitatis Ecclesiam perturban-do , & & uniuersum orbem commouendo ; nihil veritus diuinum Paulum clamantem : Qui & vos conturbat , iudicium portabit quicumque ille est : sed supra sacri altaris principum Sacerdotum candelabrum , non lucernam veritatis , sed impietatis tenebras collocat ; & excogitatur ab illo primum no uitatis facinus , & exordium : Quod non oporteat videlicet sanctam Virginem Dei Verbi secundum carnem Genitricem , Dei matrem confiteri , sed Christi tantum matrem : licet iam diu , & diutissime , Orthodoxæ Fidei praecones , iuxta Apostolorum traditionem , Dei genitricem illam ore confite ri , & corde credere nos docuerint Domini matrem . Haec tenus Theodoretus . Sed vt quæ ab eo dicta sunt , melius percipientur ; addamus , quod de electione Nestorij in Constantinopolitanum Antistitem , scribit Socrates lib . vii . cap . xxix . historiæ suæ . Post mortem Sisinij visum est

Impe-

Imperatori (nempe Theodosio) propter homines inanum rerum appetentes, neminem ex illa Ecclesia (licet multi Philippum, complures Proclum designatum cuperent) ad Episcopatum illum eligere: sed aduenam Antiochia accersere constituit. Erat nanque illic Nestorius ex Germanicia oriundus, voce in primis sonora, linguaq; diserta, & ob eam causam tanquam ad docendum populum admodum accommodatus; de illorum sententia accersitur. En quām apposite declarat Socrates, quod dixerat Theodoreetus: Nestorium imperscrutabili iudiciorum Dei abyso, sedem obtinuisse Constantinopolitanam, eorum suffragio, qui rerum potiebantur. Nam nulla alia de causa Imperator Theodosius Nestorium Ecclesiæ Constantinopolitanæ preficiendum curauit; nisi vt peregrina virtute domestica scandala remouerentur; persuasus ex his, quæ de virtute Nestorij ferebantur; fore, vt per eum renouaretur disciplina sancti Ioannis Chrysostomi, qui pariter ex Antiochia euocatus Constantinopolim fuerat. Quod Nestorio exprobrat Ioannes Cassianus libro vij. de Incarnatione his verbis: *Quòd de Antiochena te sibi sumeret Sacerdotem, ex qua illum (Ioannem Chrysostomum videlicet) ante prælegerat; accidit, quia recepturam se in te credidit, quicquid in illo habere desisset.* Itaque subdit eodem loco Socrates: *Antiochia Constantinopolim deducitur Nestorius, qui à plerisque ob temperantiam laude, & prædicatione efferebatur.* De qua laude sanctus Cœlestinus Papa sub initio eius epistolæ, qua Nestorium erroris sui admonuit; sic scribit: *Tanta ante opinione vixisti, ut te aliena Civitas inuidet.* Et paulò superius, dixerat: *Lætificauit animam nostram venien-*

nientium enarratio nunciorum , quam mox firmauit eorum , qui interfuerunt ordinationi tuae relatio collegarum . Narratum fuisse Coelestino facilè credere possumus , quod Socrates scribit , prosequens narrationem ordinationis Nestorij , nempe : *Simul ac Episcopus quarto Idus Aprilis ordinatus fuit Felice & T auro Consulibus ; extemplo cum orationem haberet apud Imperatorem ; hanc sententiam , quæ multis in ore est ; coram vniuerso populo protulit : Mihi , ô Imperator , terram hæreticis purgatam tribue , & ego tibi cælum tribuam . Tu mihi in profligandis hæreticis subueni , & ego tibi in profligandis Persis subueniam .* His pollicitationibus opinio ni de ipso iam conceptæ congruentibus ; cum decepisset Imperatorem , eiusq; gratiam arctissimè sibi deuinxisset ; munitus firmissimo hoc propugnaculo , impietatem suam detegere postea cœpit .

DE VERSVTIA QVA NESTORIVS
 hæresim suam in Ecclesiam inducere curauit ; & de immanitate qua sibi repugnantes Orthodoxos persecutus est . Cap. III .

SE opereprætium est , vt rationem , & modum , quem in propalanda scelestissima opinione sua Nestorius tenuit ; animaduertamus . Non enim proprio ore homo callidissimus , & nequissimus hoc fecit , ne ipse videretur perturbationem in Ecclesia excitatasse : sed vafro , subdoloq; consilio alienā operam adhibuit ; vt Socrates refert

fert his verbis. Erat cum eo Anastasius præbyter ab Antiochia pariter destinatus, quem nimis honorabat, & veluti consiliarium habebat in causis. Aliquando igitur coram Ecclesia docens, Anastasius dixit: Dei Genitricem Mariam nullus appelle; Maria enim homo fuit, & Deum ab homine generari nimis est impossibile. Sed adhuc manifestius declarat hoc Cyrillus Episcopus Alexandrinus in epistola ad Cœlestinum Papam; dum quod contigit prælente ipso Nestorio; narrat. Accidit (inquit Cyrillus) inter cætera, ut Episcopus quidam Dorotheus nomine, Constantinoli præsto esset, eadem, quæ Nestorius sapiens, ac sentiens; vir quæstus causa adulacioni impensè deditus; lingua ad temeritatem usque, ut scribeum est; prompus. Hic enim Constantinopolitanae Ecclesie synaxi præsente Nestorio; cathedralm cum occupasset; magna sublataq; voce inclamare ausus est. Si quis Mariam Deiparam dixerit, anathema sit. Mox ingens uniuersi populi clamor, & discessio consecuta est. Nolebat enim diutius cum eo communionem habere, qui temerè, taliq; sententia præditus esset. Deinde exponens Cyrillus quomodo in tanta populi perturbatione se gesfisset Nestorius; subdit: Quamvis enim id ore suo facere noluerit; attamen sedens, & audiens alterum, nempe memoratum Dorotheum; ut hoc diceret, induxit, subornauitq;. Cui etiam confessim, ubi è cathedra descendisset; in diuinorum mysteriorum celebratione communicauit. Hæc Cyrillus ad Cœlestinum. Itaque Nestorius impietate sua iam detecta, non amplius latenter, ac subdolè; sed impudenter repagulis omnibus verecundiæ effractis, ex potestate licentiam, ut inquit Theodoretus; stultam adeptus, blasphemias à se conce-


pras,

pras, ipse met audacter prædicare, atque in vulgus serere cœpit. Quod hunc in modum contigisse Euagrius narrat libro 1.cap.ij.historiæ suæ, videlicet: *Quæ verba(nem-pe prohibentia vocari Mariam Deiparam) cum populus Christo consecratus grauiter, & acerbè ferret, & disputatio-nem illam non sine causa haberet blasphemia;* Nestorius istius blasphemiae auctor, & dux, non solum prohibuit illum; neque sanam doctrinam tutatus est: verum etiam verba in primis roborare contendit; & in iisdem defendendis acrius in-stictebat, atque sui ipsius opinione adiuncta, atque adeò adscripta, venenoq; animi sui in Ecclesiam effuso, atque eiecto; multò maiorem blasphemiam dicere conatus est; adeò ut ad ipsius capititis perniciem, hanc impiam sententiam proferre non dubitauerit, nimirum: *Ego eum, qui spatijs menstruis, hoc est bimestri, & trimestri, & ita deinceps adoleuerit; Deum certè non appellauero.* hucusque Euagrius. Sed Nestorius his verbis impudentissimis minimè contentus, vim quo-que adhibuit Orthodoxis sibi repugnantibus, gratia potissimum atque præsidio Imperatoris nixus. Quàm ve-rò miserè atque crudeliter; exponit Basilius Archimandrita in libello ad Theodosium Imperatorem, vt habe-mus in actis Concilij Ephesini. Inquit autem Basilius: *Accidit, ut populus existimat, pridemq; receptam Fidei do-trinam requirens, publicè aliquando inclamauerit. REGVLVM HABEMVS, EPISCOPVM NON HABEMVS.* Verum hic populi conatus neutiquam mansit impunitus; pars namque illo temporis articulo comprehensa, & in Regia hac Ciuitate ad Tribunal abstracta, sa-li immanitate diuerberata, exceptaq; est, quali ne apud bar-

baras quidem nationes quandoque visitatum fuit. Hæc de populo fideli recenset Basilius; at quid postea de ipsis Monachis narret, prosequamur. Porrò quæ nos ab illo perpeſſi ſumus, ea omnem fidem, omnemq; opinionem longè ſuperant. Etenim quò perfectè edoceremur, vera ne effert, an falſa, quæ de eo acceperamus; in Episcopale palatium illius iuſſu, hortatuq; conſendimus, aliquoties autem in aliud, & aliud tempus reiecti. Vix tandem prodiens: quæ (inquit) vultis, ea paucis exponite. Postquam vero ex nobis audiuit, quæ docuerat; puta sacram Virginem nihil aliud peperisse, quam hominem ſibi coeſſentialem; nihil rurſus ex carne nasci poſſe, niſi carnem; ea recte Fidei non ſatis conſentanea videri; quamprimum decurionibus, ut nos à turba abreptos cedant; ſerio mandat. Cæſi autem inde ad Ecclesiasticum tribunal abducimur; ibidemq; veluti nequam, & ſcelerati ſummum supplicium promeriti denudamur; denudati indignis modis vapulamus, iactamur, calcibus impetimur. Quid multis? eiusmodi nos in Ecclesia iniuste ab iniustis perpeſſi ſumus, cuiusmodi ne infima quidem fortis homines, in foro ciuili, ne dum Clerici, & Monachi, & Archimandrite experti ſunt aliquando. Ceterum diu, multumq; in Episcopali conſistorio diuexati, rurſus fame tabeſcentes, inde ad ſupplicum ergastulum abripimur; eoq; in loco non modico tempore conclui aſſeuamur. Neque illius furie his contente quieuerunt; verū per quandam impostaſtam magnificentermo celeberrime huius Ciuitatis Praefecto tradi nos curauit. Per hunc ergo ferro onuſti, ad publicum reorum carcerem abſtrahimur. Hinc iterum extracti, catenatiq;, ut ante impediti Prætorio ſistimur. Cumq; ibidem nullus plane, qui nos acuſaret,

cusaret, præsto esset; ordine rursum ad Ecclesiasticum Concilium deducimur; hucq; redacti denuò ab illo in faciem cædimur. Hæc de immanitate Nestorij Basilius, ita ut iure de eo dixerit Theodoretus, vt superius recensuimus; illum cathedralm Episcopalem occupasse, ac si tyrannidem quandam rapuisset. Et hæc quidem agebat Constantinopoli Nestorius, ac pariter reliquum Christianum orbem veneno suo inficere conabatur, scriptis, euulgatisq; quamplurimis de scelerato hoc suo dogmate homilijs. Quod illi obijcit Alexandrina Synodus epistola, qua illum erroris sui admonuit; videlicet: *Quod si dum hæc sentis, & doces, te ipsum tantummodo laderes; fortassis minor nos sollicitudo teneret: at quia totam Ecclesiam grauiter offendisti, ac non ijs modo, qui Constantinopoli versantur; nouæ, insoliteq; hæreseos fermentum, sed omnibus rebus locorum degentibus obiecisti (circumferuntur enim passim tuarum exegeseon libelli) quæ oratio silentio nostro defendendo idonea reperietur?* Sed & Ioannes Episcopus Antiochenus, qui adeò beneuolus, ac fautor Nestorio fuit, vt eius gratia ab vniuersali Concilio dissentire aliquando non dubitauerit; quamuis postmodum errorem suum, sicuti Theodoretus, emendauerit; in epistola, qua cohortatur Nestorium, vt cum Ecclesiæ Catholicæ sanctis Patribus vocare velit sanctam Virginem Dei Matrem; mentionem quoque facit harum grauissimarum perturbationum. Inquit enim: *Eas namque mihi crede; Deo dilecte, cum apud finitimos, tum apud longè quoque positos turbas concitasti, quæ ingentem ex insperato Ecclesiis tempestatem peperere.* Constat enim fideles cir-

cumquaque degentes huius quæstionis , & controuersia causa
inter se conflictari , quotidieq; à se inuicem diuelli . Verum
quid clarius suo ipsius testimonio? ipse namque ad Cœle-
stinum Papam scribens , & quid egerit Constantinopo-
li , & quam latè diffusa sit eius concertatio ostendit: quip-
pe famam Romam usque peruenisse se scribit ; ait enim:
*Quanta certamina sustinuimus, existimo famam præceden-
tem docuisse Beatitudinem tuam.* Sed quoniam ex hac
epistola non modo Nestorij contentio , eiusq; pessimæ
opinionis declaratio manifestè habetur : sed etiam agno-
scere apertè possumus calliditatem , atque versutiam ,
qua uti consueverat ; illam hic totam describamus , vt
in actis sanctæ Ephesinæ Synodi habetur . Prætentatu-
rus enim Nestorius Cœlestini animum , simulavit se
de alio negocio ad eum scribere , quo tamquam insi-
nuatione usus ; quasi per occasionem , & non ex profes-
so suam illi pessimam sententiam exponeret . Scribit
autem sic .



EPISTOLA NESTORII AD

Cœlestinum Papam Vrbis Romæ , ex co-
dice manuscripto veteris editionis
latinæ Ephesini Concilij .

Cap. I I I I .

FRATERNAS nobis inuicem debemus collocutiones .
 unanimitate nobiscum obtinente concordia , impugna-
 turi diabolum pacis inimicum . Quorsum hoc antiloquium ?
 Iulianus quidam , ♂ Florus , ♂ Oronius , ♂ Fabius dicen-
 tes se Occidentalium partium Episcopos , sœpè , ♂ piissimum ,
 ♂ prædicatissimum Imperatorem adierunt , ac suas causas
 defleuerunt , tanquam Orthodoxi temporibus Orthodoxis perse-
 cutionem passi ; sœpè eadem apud nos lamentantes , ac sepe re-
 iecti , eadem facere non desierunt : sed insistunt per dies singu-
 los implentes aures omnium vocibus lacrymosis . His quidem
 ad eos sermonibus , quibus oportuit , ut si sumus ; cum negotijs
 eorum , veram Fidem nesciremus . Sed quoniam apertiore
 nobis de causis eorum notitia opus est , ne piissimus , ♂ Christia-
 nissimus Imperator noster molestiam sepe ab his sustineat ; ne
 nos ignorantes eorum causas , circa negotijs defensionem diuida-
 mur ; dignare nobis notitiam de his largiri , ne vel quidam
 ignorantia iustitiam veritatis , importuna commiseratione con-
 turbentur ; vel canonicam indignationem Beatitudinis tuae ,
 quæ contra eos pro sectis religionis forte probata est ; aliud quid-
 dam , quam hoc existiment . Nam sectarum nouitas nullam
 meretur defensionem à veris pastoribus . Vnde nos non modi-
 cam corruptionem Orthodoxyæ apud quosdam hic reperientes .

D 3 ♂ ira ,

& ira, & lenitate circa agros quotidie utimur. Est enim
 agitudo non parua, sed affinis putredini Apollinaris, & Arij.
 Dominicam enim in homine unionem ad cuiusdam contem-
 perationis confusionem passim commiscent; adeo ut quidam
 apud nos Clerici, quorum alij ex imperitia, alij ex haeretica
 fraude in se olim celata (quia plurima, & Apostolorum tem-
 poribus contigerunt) tanquam haeretici agrotent, & aperte blas-
 phement Deum Verbum Patri homousion, tanquam originis
 initium de Christotoco Virgine sumpfisse, & cum templo suo
 adificatus esset, & carni conseptus; eandem dicunt post re-
 surrectionem commiscuisse carnem, sed in naturam transisse
 Deitatis; (ut in compendio dicam) & Deitatem unigeniti
 ad originem coniunctae carnis referunt, & commortificant car-
 ni. Carnem vero coniunctam Deitati ad Deitatem transisse
 blasphemant in ipso Verbo Deificationis, quod nihil est aliud, ni-
 si utrumque corrumpere. Sed & Virginem Christotocon
 ausi sunt cum modo quodam Theotocon dicere. Hanc enim
 Theotocon vocantes non perhorrescunt, quod Sancti illi, &
 supra omnem predicationem per Niceam nihil amplius de
 sancta Virgine dixisse leguntur, nisi quia Dominus Noster
 Iesus Christus incarnatus est ex Spiritu sancto, & Maria
 Virgine. Et raseo scripturas, quae ubique Virginem Mariam
 marrem Christi, non Dei Verbi, & per Angelos, & per Aposto-
 los praedicarunt. Propter quae quanta certamina sustinuimus,
 existimo famam praecedentem docuisse Beatitudinem tuam, hoc
 quoque attendentem, quod non frustra certauerimus, sed emen-
 dati sunt gratia Domini multi ex his, qui peruersi erant di-
 scedentes a nobis. Siquis autem hoc nomen Theotocon propter
 natam humanitatem coniunctam Deo Verbo, non propter pa-
 rentem

rentem proponet; dicimus quidem hoc vocabulum in ea, quæ peperit non esse conueniens. Oportet enim veram matrem de eadem esse essentia, qua est ex se natum. Ferri tamen potest hoc vocabulum propter ipsam considerationem, & quod solum nominetur de Virgine hoc verbum, propter inseparabile templum Dei ex ipsa; non quia ipsa mater sit Dei Verbi: nemo enim antiquiorem se parie. Hæc quidem existimo præcedentem famam significasse; exponimus etiam nos quæ contigerunt. Rebus ostendimus, quia fraterno animo negotium eorum, quos prædiximus nosse cupimus, non desiderio curiositatis importuna; cum, & nostra narramus tanquam fratres fratribus; veritatem sectarum nobis inuicem publicantes, ut sit mihi principium literarum verissimum. Dixi enim cum has literas inciperem, quia fraternalis nobis debemus inuicem collocutiones. Omnem, quæ tecum est in Christo fraternitatem, ego, & qui mecum sunt, salutamus.

Quam astutè, quam callidè scripta est hæc epistola? A commendatione concordiae exorditur, vt ipsa vigente impugnetur diabolus pacis inimicus. Negocij Episcoporū cognitionem exquirit, vt fidelium quieti, & existimatio ni Cœlestini prospiciat. Dignare (inquit) nobis notitiam de his largiri, ne vel quidam ignorando iustitiam veritatis; importuna commiseratione conturbetur: vel canonicam indignationem Beatitudinis tuæ, quæ contra eos profectis religionis factis probata est; aliud quiddam, quam hoc aestimet. At quanto zelo postulat hæc Nestorius? Nam sectarum nouitas (dicit ille) nullam meretur defensionem à veris pastoribus. Præclarè sane; sed quorsum? declarat ipse subdens: Vnde & nos non modicam corruptionem Orthodoxie apud quos-

*dam hic reperientes, & ira, & lenitate circa agros quotidie
vitimur.*

Pacis cupidus; de existimatione Cœlestini sollicitus; sectarum nouitatis aduersarius, quid tandem sibi volebat intellexi mus; nempe ut simulata pietate, impietatem suam Cœlestino insinuaret. Merito igitur de ipso Theodoreto dixerat; non esse imitatum ingenuum dicendi characterem; qui simulatè, ac fictè ageret, impudenterq; mentiretur. Et quidem quot quantaq; mendacia sunt in hac epistola? nempe Orthodoxos in unitate personæ naturarum confusionem ponere cum Apollinari; Deitatem vnigeniti ad originem assumptæ carnis referre, tanquam originis initium de ipsa Virgine sumpserit; & profiteri carnem post resurrectionem in naturam transisse Diuinitatis. De quibus etiam altera epistola ad eundem Cœlestinum, quæ itidem inter acta Concilij redacta est; eos accusat paulò differentibus verbis, videlicet: *Multus enim etiam nobis labor hic celebratur, dum slaboramus eruere sordidissimam impietatem pessimæ opinionis Apollinaris, & Arij de Ecclesia Dei. Nescio enim quemadmodum quidam de Ecclesiasticis quandam contemperationis imaginem Deitate, & humanitate Vnigeniti accipientes, ægrotant ægritudine prædictorum hæreticorum, dum & corporis passiones audent superfundere Deitati Vnigeniti, & immutabilitatem Deitatis ad naturam corporis transisse configunt; & utramque naturam, quæ per coniunctionem summam, & inconfusam in una persona Vnigeniti adoratur; contemperationis mutabilitate confundunt. Cœci, qui nec sanctorum illorum Patrum expositionem meminerunt; aperte ad eos reclamantes:*

Cre-

Credimus in unum Dominum Iesum Christum Filium Dei incarnatum ex Spiritu sancto, & Maria Virgine. Hæc enim vox in nomine, quod significat utramque naturam, id est Christus; & Deitati Patris homousios, humanitas vero posterioribus temporibus nata est ex sancta Virgine, quæ propter coniunctionem Deitatis ab Angelis, & hominibus simul contigit: & cetera quæ sequuntur.

P A T R E S B L A S P H E M I A

Nestorij audita, illum amanter admittunt, vt suum errorem corrigit. Cap. V.

IAM vero ex ore ipsius Nestorij nefandam, execrabilemque eius blasphemiam habemus in Dei Matrem Virginem sanctissimam, & in mysterium ineffabilem diuinæ dispensationis pro generis humani salute. Ut autem inauditum hoc antea scelus propalatum fuit; statim commouetur grauissime Catholica Ecclesia. Exurgunt incensi zelo domus Dei Orthodoxi Patres, & primo Nestorium admonent erroris sui. Idque præcipue facit sanctus Cyrillus Alexandriæ Episcopus, cuius verba haec sunt: *Ego vero ad id denuò reuersus, quod me potissimum decere existimo; te veluti fratrem in Domino etiamnum admonere non grauabor, ut doctrinae sermonem, Fideique sententiam cum omni cautione populo proponas, cogitesque serio; si vehementer illi Deum irritant, qui è pusillorum numero vel unum tantum in Christum credentem scandalizauerint; quanta*
dili-

diligentia, quantaq; dexteritate opus sit, si tota quæpiam multitudo grauius offensa sit, ut scandalis prudenter præcisis, sacram Fidei sensum, sermonemq; veritatis studiosis afferamus.

Non modo fama impietatis Nestorij, vt arbitrari se scriperat ad Cœlestinum, Romam peruerenerat; sed nefandæ eius quoque homiliae. Propterea Cœlestinus Cyrillo mandauit, diligenter inquireret, essent ne Nestorij, aut cuiusquam alterius. Non enim acceperat adhuc Cœlestinus descriptas superius epistolas. Et quia Cyrilus dum Cœlestini mandata curabat, simul ab huius pestilentis hæreseos contagione fideles præseruare studebat; eaq; de causa Monachos prouinciarum suæ literis summa pietate, ac doctrina scriptis monuerat; Nestorius epistolam hanc Cyrilli ad Monachos cum vidisset; vehementer indignatus est. Scripsit itaque ad eum Cyrus, & quid accepisset in mandatis à Cœlestino illi significauit, pariterq; illum admonuit, vt sententiam suam immelius mutaret: sed cum parum profecisset, iterum eum commonet verbis amantissimis, à nobis modo relatis. Sed fortasse importunum non erit, vt ex priori quoque Cyrilli epistola nonnulla describamus; augebunt quidem non mediocriter huius tractationis notitiam.

Cyrilli Episcopi Alexandriæ ad Nestorium, cum resciuit eum male sentire. Ex prima parte sanctæ Ephesinæ Synodi, capite sexto.

RE LIGIOSISSIMO, Deiq; amantissimo Episcopo, & comministro Nestorio, Cyrus Episcopus in Domino

mino salutem. Aduenerunt Alexandriam viri aliquot ve-
neratione, ac fide digni, qui pietatem tuam grauiter stoma-
chari, nullumq; mei lèdendi causa; lapidem non mouere mihi
renunciarunt. Cupienti autem mihi cognoscere unde nam pie-
tas tua in hanc ægritudinem incidisset; Alexandrinos quosdam
epistolam illam, quam ad sanctos Monachos miseram cir-
cumferre, eamq; rem odij, & offenditioñ causam esse; responde-
runt. Ego vero miratus sum maiorem in modum pietatem
tuam illud potius non perpendisse, secumq; reputasse, eas in fi-
de turbas, non propter hanc quam scripsi epistolam; sed po-
tius ex quibusdam pietatis tuae, siue alterius sermonibus exci-
tatas fuisse: quinimo cum carthæ quædam, vel commentarij
circumferrentur, insignem molestiam pertulimus, quorundam
hac de causa peruersorum emendationi studentes. Eò namque
malum hoc paulatim serpendo peruenit, vt Christum nonnulli
Deum appellari agrè patientur: sed potius Diuinitatis orga-
num, & instrumentum, hominemq; Deiferum, & alia his
ineptiora. Noster proinde hic animi dolor ex ijs natus est,
quæ pietas tua dixit, aut etiam non dixit; si quidem schedis,
quæ ea de re feruntur, parum fidei habeo. Cum igitur Fides
tam insigniter ledet, totq; passim peruerterentur; qui tandem
tacere hic licuit? An non ante tribunal Christi sistemur? An
intempestivu silentij rationem reddituri non sumus, præsertim
nos, qui ea dere hunc in locum ab eo cuecti sumus, vt quæ
oportet prædicemus? Ecquid nunc, obsecro, consilij capiam?
tuam hic namque pietatem appellare compellor: quandoqui-
dem Cœlestino religiosissimo Romana Ecclesiæ Episcopo iubente,
ceterisq; piissimis Episcopis, qui ipsi adfuere, ita postulantibus
inuestigare cogor, chartulæ ne illæ & exegeses, quæ illuc nescio-

quo-

quomodo perlatæ sunt, à tua pietate, an verò ab alio quopiam profectæ sint? Scribunt enim, ut qui grauissimè videntur offensi. Quomodo verò eos, qui ab omnibus totius Orientis Ecclesias subinde huc ventitanti, & contra hec schadia grauissimè murmurant; quandoque sedabimus? Omnes enixe fudamus, ut eos omnes, qui nescio quo pacto, ut secus quam oportebat saperent, persuasi sunt; ad rectum veritatis tramitem reducamus; impendio laboramus. Cum autem pietas tua hanc murmurandi necessitatem attulerit, quo quæso iure me incusat? cur odio me prosequitur? cur contra me, ac temere exclamat? cur potius emendata oratione sua Orbis offenditionem non sanat? Nam et si præterfluxit sermo, utpote in populo excurrens; tamen seria retractatione emendetur. Ne graueris, obsecro, ijs qui non leuiter offensi sunt, unam hanc Theotocos vocem largiri, sacramq; Virginem Deiparam appellare; quo illis, qui non leuem hinc mæstitiam cœperunt, medentes in populorum pace, animorumq; consensione Ecclesiasticos conuentus celebremus.

Neque tantummodo Cyrillus hoc egit, sed & Ioannes Episcopus Antiochenus Nestorij studiosissimus; quamquam id ab eo factum fuerit, postquam error Nestorij Romæ à Cœlestino fuit in Synodali Episcoporum conuentu recognitus. Subijciamus itaque ex superius à nobis citata Ioannis Antiocheni epistola ad Nestorium nonnulla ex multis, quibus eius duritiam flectere conatus est. Inquit autem: *Equidem non ad probrsam aliquam orationis correctionem, atque ad puerilem palinodiam, ut sic loquar, pietatem tuam inuito; sed quia multi, ut intelligo, non infrequenter ex te audierunt, quod ipsam solam vocem non*
piam

piam quoque ipsius vocis notionem auersaris: si qui vero celebrioris famae Ecclesiastici auctores tibi fuerint, ut ipso quoque nomine admisso sacram Virginem Mariam Deiparam appelles; te istud neutquam recusaturum esse. Hanc ob rem te iterum, atque iterum moneo, hortorque, ut libera id vocem depromas, quod citra errorem sapere certò dignosceris. Age inquam, rei quam recte tenes, nomen quod à multis Patribus usurpatum, scriptum, ac pronunciatum est, adiungere ne graueris; neque vocabulum, quod piam, rectamq; notionem in animo gignit; refutare pergas. Etenim nomen hoc Theotocos, nullus unquam Ecclesiasticorum Doctorum repudiauit: qui autem illo subinde usi sunt, & multi reperiuntur, & apprimè celebres. Quod si qui sunt, qui illud non usurparunt, illi nunquam erroris alicuius eos insimularunt, qui illo forte usi fuissent. Sanè dum superuacanea quadam ad vanas hæreticorum opiniones solum spectante curiositate incitati, nomen cuius sententiam recte tenemus; pertinaciter respuimus, aliud nihil, ut videmus, facimus, quam quod fratrum nostrorum conscientias temere, & absqueulla uilitate grauiter offendimus, planeq; contemnimus. Etenim si id, quod nominis significatione offertur non recipimus, restat ut in grauissimum errorem prolabamur: immo vero, ut circa inexplicabilem illam unigeniti Filij Dei œconomiam periculosisime versemur; quandoquidem nomine hoc sublato, vel huius potius nominis notione repudiata; sequitur mox illum non esse Dcum, qui admirabilem illam dispensationem nostræ salutis causa suscepit; cum Dei Verbum neque se exinanuisse, neque in serui formam sese demissum, ineffabilem quandam benignitatis mansuetudinem

dinem humano generi exhibuisse. Hanc enim Dei erga nos clementiam diuinæ scripturæ hinc præcipue confirmant, quod unicum illum, sempiternumq; Dei Filium ante omnia secula natum, imparabili modo ex sacra quoque Virgine ortum ostendunt. Huc namque diuinus tendit Apostolus, dum ita ait: Misit Deus Filium suum factum ex muliere. Claram hic ostendit non alium, sed ipsummet Dei unigenitum admirabili ortu ex Virgine in lucem prodijisse, ut paulò ante dixi. Quod si Virgo à sanctis Patribus propter hanc generationem Deipara nominatur, ut verè hoc nomine ab illis nominatur; nescio quorsum attinuerit, ut questionem hanc nequaquam necessariam (bona venia tua dictum sit) & contra illos ipsos, & contra Ecclesiasticam pacem agitandam suscepimus. Et hæc quidem Ioannes Antiochiae Episcopus ad Nestorium, quem tantoperè diligebat: ita ut satis manifestè appareat, ut diximus Nestorium, & ante, & posteaquam eius blasphemiarum delatae fuerunt ad sanctam Apostolicam Sedem; fraternè admonitum, utq; resipiceret cohortatum, atque requisitum fuisse.



REFRAGANTE NESTORIO

sanctorum Patrum admonitionibus , eiusque
impietate ad sanctam Apostolicam Se-
dem delata ; ipsius correctio Cœle-
stini Papæ decreto demanda-
tur Cyrillo Alexandrinæ
Ecclesiæ Præfuli .

Cap. V I.

SE D cum nihil Patres blandè, suauiterq; agendo pro-
fecissent ; rem ad sanctum Cœlestinum Papam ze-
lo tuendæ Catholicæ veritatis coacti deferunt . Cœlesti-
nus , qui iam ex ipsius etiam Nestorij literis id ipsum de-
prehenderat ; sceleris nouitate , atque Orthodoxæ Fidei
discrimine grauissimo commotus , Concilium conuo-
cat . Expenduntur diligentissimè Nestorij blasphemiae ,
& tamquam execrables vnanimi Episcoporum senten-
tia damnantur ; & Nestorio spatium decem dierum præ-
finitur ad resipiscendum . In quo non præproperè festi-
natum est ; quamuis negotijs grauitas proculdubio id ex-
gisset : cum , vt Cœlestinus in epistola sua ad Nestorium
dicit : *Aegritudinis tuae qualitas non recipit , aut præstari
permittit inducias , (& vt superius dixerat) omnium dispu-
tationum vias , breuis tuarum literarum sermo concludit .*
Sed seruata fuit sacrorum Canonum ratio , vt habetur in
eadem epistola his verbis : *Itaque quamuis frater Cyrilus
secundis te epistolis suis afferat esse conuentum ; intelligas volo
post primam , & secundam illius , & hanc correptionem no-
stram ,*

stram, quam constat esse iam certam; ab Vniuersitate Collegij,
 & Conuentu Christianorum te prorsus esse seiuinctum; nisi mox
 que male dicta sunt corrigantur; nisi in eam viam redeas,
 quam se Christus esse testatur. De quo temporis spacio Ioan-
 nes Episcopus Antiochenus in eadem epistola, cuius su-
 pra mentionem fecimus, hæc habet: *Enim uero licet Do-*
minus meus Cœlestinus Deo deuotissimus Episcopus, decem-
tantum dierum interuallum terminum usque responsioni pœ-
finitum ualde angustum literis suis interposuerit; tamen res
eiusmodi est, ut non dico decem diebus, sed uno; immo uero
paucis horis tota confici posse, videatur. Nam quid facilius
 est, quam nomine commodo, multisq; sanctis Patribus uita-
 to, & uero nihilominus, salutariq; ex Virgine ortui percon-
 gruo, in Christi omnium nostrum Regis dispensatione utri. Cum
 ergo neque periculosum hoc sit, equum non est, ut Sanctitas
 tua illud refutet. Decreti huius Apostolici executio de-
 mandatur Cyrillo Alexandriæ Episcopo, cui quoque vi-
 cem suam Cœlestinus tradidit, ut ex verbis in fine epi-
 stolæ apparet; quam hac de causa ad eum dedit Possido-
 nio Alexandrinæ Ecclesiæ diacono deferendam. Hæc
 autem sunt verba: *Quamobrem nostra Sedis auctoritate*
ascita, nostraq; vice, & loco cum potestate tuis, eiusmodi, non
absque exquisita severitate, sententiam exequaris; nempe, ut
nisi decem dierum interuallo ab huius nostræ admonitionis die
numerandorum, nefariam doctrinam suam conceptis verbis
anathematizet; eamq; de Christi Dei nostri generatione Fidem
in posterum confessurum se spondeat, quam Romana, & tuæ
sanctitatis Ecclesia, & uersa denique religio Christiana
pradicat; illicò Sanctitas tua illi Ecclesiæ prospiciat. Ut au-
 tem

tem Cyrillus mandata sibi ab Apostolica Sede prudenter, ac sedulò curaret, omnemq; vitaret suspicionem priuatæ æmulationis, aut odij in Nestorium ; Synodus Alexandriæ congregat; & grauissimam illam epistolam, cui adiuncti sunt duodecim anathematismi, ad Nestorium scribit: quam Patres in sancta Oecumenica Ephesina Synodo approbauerunt; & aduersus quam Nestorij fautores postea tanta animi acerbitate insurrexerunt: cuius exemplum ex actis eiusdem sanctæ Ephesinæ Synodi hic describendum modò duximus. Sed ut facilius epistolæ sententia percipiatur, vtq; Chaldæi Fidei doctrinam, quam profitentur, melius agnoscant; errores, vel potius blasphemias Nestorij proponemus, vt postea in sancta Ephesina Synodo recitatæ fuerunt, Patribus iubentibus, actione prima.

CATALOGVS BLASPHEMIARVM

Nestorij, vt in Concilio coram Patribus recitatæ fuerunt. Ex secunda parte sanctæ vniuersalis Synodi Ephesinæ, actione prima. Et epistola Synodi Alexandrinæ ad Nestorium. Cap. VII.

PE.T R V S presbyter Alexandriæ, & Notariorum Pricerius dixit: *Habemus etiam præ manibus Reuerendissimi Nestorij blasphemiarum commentarios; è quorum uno capita selegimus: quæ, si sanctæ huic Synodo placet, prælegemus.*

Flauianus Philippensum Episcopus dixit: Legantur, &

E in

De Dogmatibus

in acta referantur. Similiter ceteri Episcopi dixerunt: Omnes eadem dicimus.

Ex libro Nestorij, quaternione xvij. in dogmate. Lecta autem haec sunt hunc in modum: *Cum igitur diuina Scriptura de Christi ortu ex Maria Virgine, aut de eiusdem morte aliquid dictura est, nusquam Dei, sed semper Christi, aut Filij, aut Domini nomen ponere deprehenditur: quandoquidem tria haec duarum naturarum notionem complectuntur: & modò quidem hanc, modò vero illam, nonnunquam autem utramque simul insinuant.* Exempli causa: Cum Scriptura generationem Christi ex Virgine nobis exponit, non dicit: *Misit Deus Verbum Deum;* sed ait: *Misit Deus Filium suum.* Illud enim nomen accipit, quod utriusque naturae significatuum est. Quia enim Filius simul Deus, & homo est; ideo dicit: *Misit Deus Filium suum factum ex muliere.* Ut cum audieris illud: Factum ex muliere; deinde utideris nomen, quod utramque naturam denotat, & præmittitur; natuitatem, quæ ex sancta Virgine est, Filij quidem ut voces: (*siquidem & Christipara Virgo Filium Dei genuit*) attamen quia Filius Dei duplicita naturæ existit, non Dei Filium, sed humanitatem genuisse cogites; quæ propter Filium adiunctum, Filius quoque dicitur.

Ex eodem, quaternione xxj. Quid contingat, adverte haeretice. Non inuideo Christipara Virgini ut vocem agnosco enim illam ut venerandam esse, quæ Deum suscepit, per quam ut iuferorum Dominus processit, per quam Sol iustitiae emicuit. At rursus plausum suspectum habeo: quomodo intellexistis illud, Processit? Non idem ego interpretor illud, Processit, &, Genitus est. neque enim tam citò nostri obliuiscimur: *siquidem Deum ex Christipara Virgine processisse, id per diuinam Scripturam edocitus sum:*

sum: quod autem Deus ex ipsa natus sit, id nusquam scriptum comperi,

Et post alia: *Diuina proinde Scriptura, Deum ex Christi para Virgine genitum esse nusquam affirmat; sed Iesum Christum, sed Filium, sed Dominum. Atque haec fatemur omnes. Neque enim miser esse non potest, qui, quæ diuina Scriptura prodit, non statim recipit. Angelorum vox est: Surge, & accipe puerum, & matrem eius. Atqui certum est, Archangelos nativitatis mysterium te longè exactius cognouisse. Neque tamen dicunt: Surge, & accipe Deum, & matrem eius; sed, Surge, & accipe puerum, & matrem eius.*

Eiusdem, ex quaternione xxiiij. Quod ergo dicebamus, eiusmodi est: *Noli timere accipere Mariam coniugem tuam. quod enim in ea natum, vel factum est, (nihil enim obest sensui, utrum dixeris) de Spiritu sancto est: neque etiam obest, si dixerimus, quod Deus Verbum natus sit in carne. Aliud enim est, simul esse cum nato; & aliud, nasci. Dicit itaque: Quod enim in ea natum est, de Spiritu sancto est: hoc est, Spiritus sanctus, quod in ea est condidit. Animaduerterunt ergo Patres, ut diuinarum Scripturarum peritissimi, si pro eo quod incarnatum dicimus, genitum diceremus; necessario consecuturum, Deum Verbum, vel filium esse Spiritus sancti, vel duos habere patres: si vero factum assereremus, hinc rursum inferri, Deum Verbum Spiritus sancti creaturam esse. Quare generationis vocem fugientes posuerunt: Qui descendit propter nos homines, & propter nostram salutem, & incarnatus est. At quid est, inquis, hoc: Et incarnatus est? Non conuersus ex diuinitate in carnem. Quod autem dixerunt: Et incarnatus est de Spiritu sancto; in hoc Euangelistam fecuti sunt. Euangelista enim in humanationis*

De Dogmatibus

mysterium explicans, fugit generationis vocabulum Verbo tribuere, & incarnationis vocem posuit. Vbi? Audi: Et Verbum caro factum est. Non dixit, Verbum per carnem natum est: nam ubicumque Apostoli, aut Euangeliſta filij meminerunt, semper ponunt, quod ex muliere natus sit. Attende, obsecro, quid dicam. Vbicunque, inquam, Filij nomen recolunt, semper ibi nativitatis vocabulum usurpare; vel quod ex muliere ortus sit, affirmat. At vero tibi in Verbi mentionem inciderunt, ibi nullus eorum, quod per humanam naturam natum sit, afferere audet. Audi quid beatus Ioannes Euangeliſta, cum in Verbum, illiusq; humanationem incidisset, dicat: Et Verbum, inquit, caro factu est, (hoc est carnem sumpsie,) & habitauit in nobis, (hoc est nostram naturam induit,) & habitauit in nobis; & vidi- mus gloriam eius, (nempe Filij). Non dixit autem: Vidi- mus nativitatem Verbi.

Eiusdem, ex quaternione xv. in dogmate: Sic & secun- dum carnem Christum, quod Dei Verbo coniunctus sit, Deum nominamus, in hominis similitudinem apparuisse non ignari. Paulum virumque prædicantem audi: Ex Iudeis, inquit, est Christus secundum carnem, qui est Deus super omnia. Primo hominem esse fatetur; mox ob eam, quam cum Deo sortitus est societatem, hominem illum, Deum, appellat; ne quis videlicet Christianos hominem colere suspicetur.

Eiusdem, ex quaternione xxvij. Verum, ut rerum om- nium opificem, Deum, appellamus; & rursum Moysen, Deum. ait enim: Constitui te Deum Pharaonis. & Israel Filium Dei. Nam filius, inquit, meus primogenitus Israel est: & sicut Saul appellatur Christus: Non enim, inquit, iniiciam manum meam in eum, quia Christus Domini est. Et de Cyro similiter dictum est:

est: *Hæc dicit Dominus Christo meo Cyro. Et Babylonios sanctos: Ego enim ait, præcipiam eis; sanctificati enim sunt; et ego ducam eos. ita quoque Christum Dominum, et Deum, et Filium, et Sanctum, et Christum appellamus. Verumtamen licet nominum communicatio similis sit; dignitas tamen non eadem existit.*

Item eiusdem, ex quaternione xv. *Hoc sapite in vobis, quod et in Christo Iesu: qui cum in forma Dei esset, exinaniuit semetipsum, formam serui accipiens. Non dixit: hoc sapite in vobis, quod et in Deo Verbo, quod cum in forma Dei esset, seruilem formam accepit: sed voce Christi, tanquam vtriusque naturæ notionem complectente, accepta; sine periculo illum, et serui formam sumpsisse asseuerat, et Deum nominat; dictorum vim in naturarum dualitatem inoffensè partiens.*

Item eiusdem, ex quaternione xvij. *Vt in nomine, inquit, Iesu omne genu flectatur, cœlestium, et terrestrium, et inferorum, et omnis lingua confiteatur, quia Dominus est Iesus Christus. Propter induentem induitum veneror: propter latenter adoro apparentem inseparabilis à visibili Deus: atque ideo eius qui non separatur, honorem non separo: naturas separo, sed adorationem coniungo.*

Item eiusdem, ex quaternione xvij. *Erat quidem Deus Verbum ante incarnationem, et Filius, et Deus, et Patri co-existent: at vero in ultimis temporibus serui quoque formam assumpsit. Ceterum cum ante Filius esset, et Filius appellatur; post carnem tamen assumptam seorsum per se Filij nomine appellari non debet, ne duos Filios videamur inducere. Sed quoniam illi unitus est, qui in principio Filius erat, et ipsi coniunctus est; quod quidem ad filiationis dignitatem attinet, non*

De Dogmatibus

quod ad naturas; propterea etiam diuisionem nequaquam recipit: secundum dignitatem dico filiationis, non secundum naturas. Vnde & Deus Verbum nominatur Christus, quoniam perpetuam cum Christo unionem habet.

Item eiusdem, ex quaternione xv. in dogmate. Inconfusam igitur naturarum coniunctionem retineamus: Deum in homine confiteamur; hominem colamus, ob coniunctionem cum omnipotenti Deo simul adorandum.

Item eiusdem, ex quaternione vij. Perpende quod his statim subiungitur: ut misericors, inquit, fieret & fidelis Pontifex in his, quae sunt ad Deum. In quo enim passus est ipse tentatus, potest tentatis subuenire. Pontifex igitur, qui passus est, misericors est: passibile autem extitit templum, non Deus, qui vivificat illum, qui passus est.

Item eiusdem, ex quaternione xvij. Ut discatis, inquit, quam eximia extiterit illa diuinitatis, & carnis Dominice, quae in infante cernebatur, coniunctio. Ipse enim & infans erat, & infantis Dominus. Laudatis vocem, verum ne temere, ac sine examinatione illi applaudatis. Dixi enim, idem omnino & infans erat, & infantis inhabitator.

Eiusdem, ex quaternione j. Communes enim sunt Trinitatis operationes; solaq; hypostaseon distinctione secernuntur. Quamobrem unigeniti gloria aliquando adscribitur Patri: ait enim: Est Pater meus, qui glorificat me. interdum vero Spiritui: Spiritus enim, inquit, veritatis glorificabit me. nonnunquam vero Christi potentiae.

Item eiusdem, ex quaternione xvij. ubi de Christo loquitur. Hic est qui dicebat: Deus meus, Deus meus, quare me dereliquisti? Hic est, qui triduo mortuus fuit: hunc autem tamquam diuinæ

diuinæ maiestatis cooperatorem, & una cum diuinitate adoro. Et post alia: Non per se, & secundum se Deus est, quod in utero formatum est: non per se, & secundum se Deus est, quod Spiritus sancti opera effectum est: non per se, & secundum se Deus est, quod in monumento conditum est. Sic enim hominū, mortuorumq; manifesti cultores essemus. At vero, quia Deus in homine assumpto existit; assumptus, & assumpti coniunctus, propter assumentem, Deus, appellatur.

Item eiusdem, ex quaternione iij. contra hæreticos, vbi de Spiritu loquitur. Quomodo is, inquit, seruus esse queat, qui & una cum Patre, & Filio operatur? Quod si quis Spiritus functiones querat, eas nulla sui parte Patris, & Filii inferiores esse comperiet. Non quod & una diuinitas in plures partes diuisa sit: sed quod diuina Scriptura ad ostendendam Trinitatis aequalitatem, ea singulis hypostasisibus nonnunquam impertiri soleat, quæ & unius alioqui sunt potentiae. Hoc verum esse, ex ijs operibus spectare licet, quæ in tempore sunt suscepta. Deus Verbum factus est caro, & habitavit in nobis. Humanam porrò naturam assumptam Pater sibi confidere fecit. Ait enim: Dixit Dominus Domino meo, sede à dextris meis. Spiritus denique veniens, assumpti gloriam promovit, & inuulgauit. Cum venerit, inquit, Spiritus veritatis, ille me glorificabit.

Item eiusdem, ex quaternione vj. vbi de Christo agit. Missus est enim captiuis prædicare remissionem, & cæcis restorationem & visus: & ut Apostolus subiungit, & ait: Hic est ille, qui fidelis Pontifex à Deo factus est. Factus enim is est, qui ab eterno non præexistebat. Hic, heretice, ille ipse est, qui ad pontificiam dignitatem paulatim euectus est. Audi vocem hoc tibi clarius intonantem: In diebus illis, inquit, carnis suæ preces, &

De Dogmatibus

Supplicationes ad eum, qui possit illum saluum facere à morte, cū clamore valido, & lacrymis offerens, & exauditus est pro sua reuerētia. Et quidem cū esset Filius, didicit ex ijs, quæ passus est, obedientiā; & consummatus, factus est omnibus obtemperantibus sibi causa salutis aeternæ. Consummatur autē, hæretice, id quod paulatim proficit. Qua de re & Ioannes in Euangelijs clamat: Iesus, inquit, proficiebat aetate sapientia, & gratia. Quibus Paulus consona pronuntians, ait: Consummatus, factus est omnibus obtemperantibus sibi causa salutis aeternæ; appellatus à Deo Pōtīfex secundum ordinem Melchisedech. & infra: Pontifex appellatus. Quid igitur contra mentem Pauli, impassibile Deum Verbum interpretaris, terrenæ similitudini ipsum commiscens, & passibilem Pontificem faciens?

Item eiusdem, ex quaternione xvij. Vnde fratres vocationis super celestis participes, considerate Apostolum, & Pontificē confessionis nostræ Iesum, qui fidelis est ei, qui fecit illū. Et infra: Cū igitur unus hic nobis Pontifex sit, cōpatiens, nobis cognatus, & stabilis; nolite à Fide, quæ in ipsum est, recedere. Ipse enim promissa nobis benedictionis ex semine Abrahæ missus est, tanquam pro se, & cognato sibi genere sacrificium offerens. Sed aduerte: Cum omnem Pontificem sacrificio egere fateatur; Christūq; veluti qui illius non indigerit, excipiat; hic tamen tam pro se, quam pro cognato sibi genere sacrificium obtulisse affirmat.

Item eiusdem, ex quaternione iiiij. Audite itaque, & his quæ dicuntur, animum aduertite. Qui manducat, inquit, meam carnē. Memineritis, de carne sermonem hic esse, & carnis vocabulum à me adiectum non esse, ne illis forsitan perperam interpretari videar. Qui, inquit, manducat meam carnē, & babit meū sanguinem, non dixit: Qui māducat meam diuinitatem,

aut

aut qui bibit meā diuinitatem; sed: Qui manducat meam carnem, & bibit meum sanguinem, in me manet, & ego in eo.

Et post alia: Verum ad id, quod propositum est, reuertamur: *Qui manducat meā carnem, & bibit meum sanguinem, in me manet, & ego in eo. Mementote quòd de carne hic verba fiant. Sicut misit me vivens Pater: me, inquam, quem cernitis. Sed forte aliquando perperam interpretor. Audiamus ex sequentibus: Sicut misit me vivens Pater. Ille diuinitatē exponit, ego vero humanitatē. Iam videamus quis perperam interpretetur illud: Sicut misit me vivens Pater. Hæreticus etiā dicit: Diuinitatem hic exprimit. Sensus est enim: Misit me Deus Verbum. Secundū illos, Christi verba hanc sententiā habent: Sicut misit me vivens Pater, & ego Deus Verbum vivo propter Patrem. Deinde quod mox sequitur, quomodo accipiendū est: Qui manducat me, & ipse vivet? Quid quæso manducamus, diuinitatē ne, an humanitatē?*

Item eiusdem, ex quaternione xvij. Et omnino ait, si totū nouum testamentū simul accuratè scrutatus fueris, nusquā in eo mortē Deo adscriptam cōperies; sed vel Christo, aut Domino, aut Filio. Haec autē voces, Christus, & Filius, & Dominus, quū Vnigenito in Scripturis tribuuntur, naturarum duarū indices existunt: & aliquando quidē diuinitatem, nonnunquam vero humanitatē; interdum autem vtrāque simul exprimūt. Exempli causa, quando Apostolus Paulus per epistolā ita prædicat: Cū inimici essemus, reconciliati sumus Deo, per mortem Filii eius; Filiij humanitatē clare indicat. At vero cū idem rursus ad Hebræos scribens, ait: Deus nobis locutus est in Filio, per quem fecit & sacula; diuinitatē Filii indicat. Neque enim caro sacula condidit, vt quæ multa post sacula formata sit. Et infra: Neque deitas Iacobum fratre habuit, neque Dei Verbi mor-

De Dogmatibus

tem annunciamus, dū corpore, & sanguine Dominico reficimur.

Item eiusdem, ex quaternione xxiiij. Animaduerto, inquit, plebem nostram mulcē religionis, & maximum pietatis feruorē habere: verū propter dogmatum noticie diuinæ ignorantē grauiter errare, ac labi. Hoc tamen ipsi populo vītio verendum non est; sed doctoribus (quod qua modestia dixerim?) tribuendum, quibus otium non suppetit, ut tobis aliquid de exactioribus dogmatibus proponant.

Petrus Presbyter Alexandrinus, & notariorum primicerius dixit: En hīc aperte affirmat, neminē ex doctoribus, qui ante illum extiterunt, ea populis locutum, quæ ipse locutus est.

Flavianus Philippensium Episcopus dixit: Quandoquidem horrenda, ac blasphemæ sunt Nestorij dicta, neque aures nostræ hisce amplius inquinari ferūt: blasphemæ illius voces, ad perpetuā auctoris accusationem, & notā singillatim actis; inserātur.

Hæ igitur sunt blasphemiae impij Nestorij, vt vidi mus: transeamus modò ad epistolam sancti Cyrilli, & Alexandrinæ Synodi.

Religiosissimo, ac Deo amabilissimo Consacerdoti Nestorio, Cy rillus, & congregata in Alexandria Synodus ex Aegypti prouincia, salutem in Domino.

CVM Saluator noster aperte pronuntiet: Qui diligit patrē, auē matrem super me, non est me dignus; & qui diligit filium, aut filiā super me, non est me dignus: quid nos faciemus, qui deposcimur à tua religione, vt te super Christum Salvatorem omnium nostrū diligamus? Quis enim nobis in die Iudicij patrocinabitur, aut quā defensionem reperire poterimus propter tā diuturnū silentium, de prolatis à te contra eum blasphemis? Et si quidē te tancummodo laderes, docens ista, vel sentiens, sollicitudo

tudo nobis minor existeret. Cum autē totam scandalizaueris Ecclesiam, & fermentum insolite prauitatis, & nouæ hæresis miscueris in populis, nec tantum ibidē positū, sed ubique consuentibus; (nā tuarum expositionū libri per cuncta vulgati sunt) pro nostro silentio, quæ ratio ultra, vel excusationis sermo sufficiat? Aut quomodo non necesse sit meminisse Christi Domini, sic dicētis: Non putetis quid venierim pacem mittere in terrā; non veni pacem mittere, sed gladium. Veni enim separare hominem aduersus patrem suū, & filiā aduersus matrem suam? Nam cum laeditur Fides, parentū reuerentia velut inutilis, & noxia despiciatur: & amor erga filios, fratresq; vitetur. Ad postremum etiā super ipsam vitā mors potius à pījs viris eligatur, ut meliorem resurrectionē (sicue scriptū est) consequantur. Ecce itaque te simul cum sancta Synodo, quæ apud magnā Vrbem Romanam congregata est, præsidente Sanctissimo, ac reuerentissimo fratre, & consacerdote nostro Cœlestino Episcopo; his scriptis Synodicis, te etiam tertio conuenimus; consiliū dantes, ut à tā prauis abstineas, distortisq; dogmatibus, quæ & sentire cognosceris, & docere recipias vero Fidem rectā, Ecclesiis per sanctos Apostolos, & Euangelistas ab initio traditā; qui & oculis inspexerunt, & ministri verbi fuerunt. Quod si hoc religio tua facere distulerit, iuxta dilationem præfinitā literis Sanctissimi, & Reuerentissimi fratris, & consacerdotis nostri Romanae Præsulis Ecclesiæ Cœlestini; scias te nullam sortem habere nobiscū; nec locum, aut colloquium cum Dei Sacerdotibus, & Episcopis obtainere. Non enim fas est negligere Ecclesias ita turbatas, & scandalizatos populos, Fidei rectissimā violatā, dissipatumq; gregem; quem custodire debueras, si iuxta nos amator recti dogmatis extitisses, sanctorū Patrū vestigia pia consecans. Omnes itaque, quos propter Fidē

De Dogmatibus

tua religio à cōmunione remouit, aut ab ordine suo deposuit laicos, & clericos; in nostrā cōmunionem recipimus. Non enim iustum est eos tuis decretis opprimi, qui nouerunt recta sentire; qui etiam benefacientes, tibi prudentissimè refliterunt. Hoc quidem namque in epistola quam misisti ad Praesulem Magnae Romæ sanctū, & Coepiscopum nostrū Cælestinum, significare curasti. Non autē sufficiet tuæ religioni tantummodo Fidei symbolū confiteri, quod expositū est per idem tempus, Spiritu sancto largiente, à venerando & magno Concilio apud Niceam congregato. Hoc enim non intellexisti, nec rectè interpretatus es; quin immò peruersè, licet sono vocis eadem verba protuleris. Sed consequens est, te scripto, ac iurejurando fateri, quod anathematizas quidem tua scelestā, & prophana dogmata; senties autem, & docebis, quæ nos vniuersi per Orientem, seu per Occidentem Episcopi, & magistri, Praesulesq; populorum credimus, & docemus. Epistolis autem ab Alexandrina Ecclesia tuæ religioni directis; consensum præbuit, tam ea, quæ apud Urbem Romanam conuenit sancta Synodus, quam etiam nos omnes, velut rectè, irreprehensibiliterq; conscriptis. Subdimus autem his nostris, quæ te sentire oporteat, & docere; & ea à quibus abstinere conueniat. Hæc est enim Fides Catholicæ Ecclesie, cui cuncti consentiunt Orthodoxi per Occidentem, Orientemq; Pontifices.

Credimus in unum Deum Patrem omnipotentem, omnium visibilium, & inuisibilium factorem. Et in unū Dominum Iesum Christū Filium Dei; natum de Patre vniigenitum, hoc est ex substantia Patris. Deū ex Deo, lumen de lumine, Deum verum ex Deo vero. Natū, non factum homousion Patris, hoc est unus cum Patre substantiæ; per quem omnia facta sunt in cœlo, & in terra. Qui propter nos homines, & propter nostram

salu-

Salutē descendit de cælis. Et incarnatus est, & homo factus, pa-
sus est. Eresurgens tertia die ascendit in cælos, inde venturus
iudicare viuos, & mortuos. Et in Spiritum sanctū. Eos autem
qui dicunt: Erat tēpis quando non erat, & antequam nascere-
tur nō erat; & quia ex nullis existentibus factus est; aut ex alia
substantia, vel essentia esse dicunt; aut conuertibilem, vel com-
mutabilem Dei Filium; anathematizat Catholica, & Aposto-
lica Ecclesia. Sequentes itaque omnium Sanctorum Patrū con-
fessiones, quas loquente in eis sancto Spiritu protulerunt; & in-
tentioni, quæ est in eorū intellectibus, & quæ vestigijs inherentes,
atque iter ambulantes regium; profitemur quod ipsum vni-
genitum Dei Verbum, natum ex ipsa Patris essentia, de Deo vero
Deus verus, lumen de lumine; per quē omnia facta sunt, siue in
cælis, siue in terra; salutis nostræ causa descendens, ad exinan-
tionem sese dignatus est inclinare; incarnatus, & homo factus;
id est carnem de Virgine sancta suscipiens, eamq; propriam fa-
ciens; natuitatem nostrā ex vnuia sustinuit, homo de muliere
procedens; nec quod erat abiiciens. Nā licet factus sit in assump-
tione carnis, & sanguinis; tamen etiā sic quod erat; Deus natu-
ra scilicet, & veritate persistit. Nec carnem itaque dicimus in
naturā Deitatis esse conuersam; nec in substantiā carnis ineffa-
bilem Dei Verbi essentiā cōmutatam. Inconuertibilis est enim,
& inalterabilis omnino; idemq; ipse, iuxta Scripturas, iugiter
permanens. Vñus est autem & parvulus, positusq; in cunabu-
lis; & simibus Genitricis Virginis constitutus, vniuersam crea-
turā replebat ut Deus, genitori suo affidens: diuinum enim sine
quantitate, & sine mole est, nec ullis terminis continetur. Vni-
tum esse carni Verbum secundum subsistentiā confitentes, vnum
adoramus Filiū, & Dominum Iesum Christum; non seorsum

ponen-

De Dogmatibus

ponentes, neque determinantes hominem, & Deum, velut in unitate dignitatis, & auctoritatis unitate coniunctos: hoc enim nouitas vocis est, & nihil aliud. Nec ite Christum specialiter nominantes Dei Verbum, quod ex Deo est; nec alterum similiiter Christum specialiter, qui de muliere natus est: sed unum solummodo Christum, Dei Patris Verbum cum propria carne cognoscimus. Tunc enim ex humana cognitione nobiscum unitus est; etiam si ipse sit, qui dat dignis accipere, Spiritum sanctum: & non ad mensuram; sicut beatus Ioannes Evangelista afferuit. Sed nec illud dicimus, quod Dei Verbum velut in homine communis, qui de sancta Virgine natus est; habitauerit: ne existimetur Christus homo Deifer. Quemadmodum enim habitasse omnem plenitudinem Deitatis corporaliter; attamen intelligimus, quod caro factus, non sicut in sanctis habitare dicatur, nec talem in ipso habitationem factam diffinire tentauimus: sed unitus naturaliter, nec in carnem commutatus, talem sibi fecit habitationem, quam & anima hominis habere creditur ad proprium corpus. Unus igitur est Christus Filius, & Dominus; non velut coniunctione qualibet in unitate dignitatis, & auctoritatis hominis habentis ad Deum. Non enim unitas dignitatis aequalitas. Etenim Petrus & Ioannes aequales sunt ad alterutrum dignitatis, quatenus sunt Apostoli, & sancti discipuli: verum tamen duo non sunt unus. Nec secundum appositionem modum coniunctionis aduertimus: hoc enim ad unitatem non sufficit naturalem. Nec secundum participationem relatiuam, sicut nos etiam adherentes Domino, unus cum eo spiritus sumus secundum quod scriptum est: immo potius coniunctionis nomen euitamus, tanquam non existens idoneum ad significandam unitatem. Sed neque Deum, aut Domi-

num Christi, Verbum Dei Patris nominamus, ne iterum manifeste in duos diuidamus & unum Christum Filium, & Dominum, & in crimen blasphemiae recidamus; Denique illi seipsum facientes, & Dominum. Unitus quippe (sicuti superius diximus) Deus Verbum carni secundum hypostasim; Deus quidem est omnium, & dominator universitatis: verum tamen nec seruus est sibi ipse, nec dominus; quoniam ineptum est, vel potius impium, hoc sic sentire, & dicere. Quamuis enim dicat Deum, suum Patrem, cum sit natura Deus, & de substantia eius, tamen nullatenus ignoramus, quod manes Deus, homo quoque factus sit, qui sub Deo, iuxta legem naturae humanitatis conuenientem, existeret: ipse vero sibi quomodo, vel Deus poterit esse, vel Dominus? Ergo sicut homo, quantum decenter exinanitionis mensurae congruit, sub Deo se nobiscum esse dicit. Hoc pacto sub lege factus est; quamvis ipse dederit legem, & legislator, ut Deus, existeret. Cauemus de Christo dicere: Propter assumentem veneror assumptum; & propter invisibilis adoro visibilem. Horrendum vero super hoc est etiam illud dicere: Is, qui suscepimus est, cum eo, qui suscipitur, connuncipatur Deus. Qui enim hoc dicit, diuidit iterum in duos Christos eum qui unus est, hominem seorsum in parte, & Deum similiter in parte constituens. Evidenter enim denegat unitatem, secundum quam non alter in altero coadatur, neque connuncipatur Deus; sed unus intelligitur Christus Iesus Filius unigenitus, una adoratione cum propria carne venerandus. Confitemur etiam quod idem ipse, qui ex Deo Patre natus est Filius, & Deus unigenitus, licet iuxta naturam propriam impassibilis extiterit; pro nobis tamen secundum Scripturas, carne perpessus sit; & erat in crucifixo corpore, propriæ carnis impassibiliter sibi approprians passiones. Gratia vero Dei pro omnibus gustauit mortem, tradens & proprium

De Dogmatibus

prium corpus; quāuis & naturaliter ipse vita sit, & resurrectio mortuorum. Nā ut mortem ineffabili potentia procularet; ac prius in sua carne primogenitus ex mortuis fieret, & primitiae dormientium; viamq; faceret humane naturae ad incorruptionis recursum; gratia Dei (sicut supra dictum est) pro omnibus gustauit mortē, & tertia die resurrexit, & expoliauit infernū. Idcirco quāuis dicatur, quod per hominem facta sit resurrectio mortuorum; tamen intelligimus hominem, qui est Verbum ex Deo genitum; & per ipsum, mortis imperiū fuisse destrūtum. Veniet autem temporibus praefinitis (tanquā vñus Filius, & Dominus) in gloria Patris, ut iudicet orbem terrarum in iustitia; ut scriptum est. Necessariò quoque, & hoc adiiciemus: Annunciantes enim mortem secundum carnē Vnigeniti Filij Dei, id est Iesu Christi; & ex mortuis resurrectionem eius; & in cœlis ascensionem pariter confitentes; incruentum celebramus in Ecclesiis sacrificium. Sic enim ad mysticas benedictiones accedimus, & sanctificamur, participes sanctæ carnis, & pretiosi sanguinis Christi omnium nostrum Redemptoris effecti; non ut communem carnem percipientes (quod absit) nec ut viri sanctificati, & Verbo coniuncti, secundum dignitatis unitationem; aut sicut diuinam possidentis habitationem: sed verè viuificantem, & ipsius Verbi propriam factam. Vita enim naturaliter ut Deus existens, quia vñus factus cum propria carne; viuificantem eam esse declarauit. Et ideo quamvis dicat ad nos: Amen, Amen dico vobis, nisi manducaueritis carnem Filij hominis, & biberitis eius sanguinem: non tamen eam, ut hominis vñus ex nobis existimare debemus, (quomodo enim iuxta naturam suam viuificantrix esse caro poterit hominis?) sed ut verè propriam eius factam, qui propter nos Filius hominis

minis est factus, & vocatus. Eas autem voces, quas Saluator
 noster in Euangelijs protulit; non in duabus subsistentijs, aut per-
 sonis partimur: non enim duplex est, unus, & solus Christus;
 quemadmodum ex duabus, & differentibus rebus ad unitatem cognosci-
 tur individua coenisse. Sicut homo quoque ex anima intelligi-
 tur esse, & corpore; non duplex, sed unus potius est ex utroque.
 Humanas ergo, & diuinam insuper voces ab uno Christo di-
 cetas, animaduertentes recte sentimus. Cum enim loquitur de seipso:
 Qui me videt, videt & Patrem; & Ego & Pater unus sumus;
 diuinam eius intelligimus, ineffabilemque naturam, secundum quam
 unus est cum Patre suo propter identitatem substantiae; imago &
 character, splendorque glorie eius existens. Cum vero humana na-
 turae conditionem minimè aspernans, Iudeos alloquitur: Nunc me
 queritis occidere hominem, qui veritatem loquutus sum vobis;
 rursum nihilominus eum, qui in similitudine, & equalitate Pa-
 tris est; Deum Verbum, etiam in conditionibus humanitatis eius,
 agnoscimus. Etenim si necessarium est credere, quod natura Deus
 existens, factus sit caro; immo potius homo animatus anima-
 rationali: quae causa est, ut in eius quibuslibet vocibus aliquis eru-
 bescat, si eas homine dignas effatus est? Quod si sermones homini
 congruentes abiicit; iuxta nos hominem fieri, quis coegit? Cum ve-
 ro se propter nos ad exinanitionem spontaneam misericorditer in-
 clinauerit; quem ob causam dignos exinanitione sermones effuge-
 rit? Vni igitur personae cunctae voces eius in Euangelio adscri-
 benda; vni subsistente Verbi (scilicet) incarnati; quia unus est
 Dominus Iesus Christus, secundum Scripturas. Quamuis autem
 appelletur, & Apostolus, & Pontifex confessionis nostra, tan-
 quam offerens Deo, & Patri, ac etiam Spiritui sancto Fidei con-
 fessionem; ipsum rursus esse dicimus ex Deo Filium Unigenitum;

nec

nec homini alteri ab eo, Sacerdotij nomen, & usum tribuimus: factus est enim mediator Dei & hominum, & reconciliator ad pacem, semetipsum Deo, & Patri offerens in odorem suavitatis. Ideoq; dicebat: Sacrificium & oblationem noluisti: corpus autem perfecisti mihi. holocausta, & pro peccato non tibi placuerunt. tuc dixi: Ecce venio. In capite libri scriptum est de me, ut facerem, Deus, voluntatem tuam. Obtulit enim proprium corpus non pro se, sed pro nobis in odorem suavitatis. Nam qua pro se vel oblatione, vel sacrificio indigeret, omni peccato existens liber, ut Deus? Quod si omnes peccauerunt, & egent gloria Dei, secundum hoc quod sumus ad mutabilitatis excessum priores effecti; & peccatis agrotauit humana natura; ipse vero non ita: ideoq; & nos a gloria eius superamur; cur erit ultra iam dubium, quod agnus verus sit pro nobis immolatus? Qui autem dicit, quia seipsum tam pro se, quam pro nobis obtulerit; nullatenus impietatis crimen effugiet: cum nihil prorsus iste deliquerit, nec ullum fecerit omnino peccatum. Quia igitur egeret oblatione, nullo suo existente facinore? pro quo (si esset) satis admodum conuenienter offerret. De Spiritu quoque cum dicit: Ille me clarificabit; hoc rectissime sentientes, unum Christum Dominum, & Filium, non velut alterius egentem gloria, confitemur, a Spiritu sancto gloriam consecutum: quia eius Spiritus nec melior, nec superior ipso est; sed quia magna opera faciens ad demonstrationem sue Deitatis, proprio Spiritu vtebatur: sicuti si quis forte nostrum de existente in serobore, vel scientia in quolibet; ipsa me clarificabit; dicaret. Quauis enim in propria sit subsistentia Spiritus; & intelligatur per se iuxta id, quod Spiritus est, & non Filius; atamen alienus non est. Nam Spiritus appellatus est veritatis, & veritas Christus est; & ab isto similiter, sicut ex Deo Patre, procedit.

dit. Denique hic ipse Spiritus, etiā per sanctorū manus. Apostolorum miracula glorioſa perficiens, Dominum glorificauit Iesum Christum, postquam ascendit in cœlum. Nam creditus est Christus, natura Deus existens; per suū Spiritum virtutes efficiens: ideoque, dicebat: de meo accipies, & annuntiabit *tobis*. Nequaquam vero participatione alterius idē Spiritus sapiens, aut potens dicitur; quia per omnia perfectus est, & nullo prorsus indigens bono. Nā paterna virtutis, & sapietiae, idest Filij Spiritus est: & ideo ipsare virtus, & sapientia est, & potentia. Igitur, quia Deum carne vnitū, iuxta subsistentiam sancta Virgo corporaliter peperit; idcirco eam Dei genitricem esse profitemur: non quod Verbi natura existendi principium de carne sortita sit; (erat enim in principio Verbū, & Deus erat Verbum, & Verbū erat apud Deum, & ipse conditor sacerdorum Patri coæternus, & universitatis creator:) sed vt superius diximus; quoniam iuxta subsistentiam sibimet vniens humanam naturā; nativitatem subsisteret ex ipso vulua corporea. Non quod eguerit necessario propter suam naturam, nativitate, quae est in extremis saceruli facta temporibus; sed vt ipsas benediceret substatiæ nostræ primicias: & dum Deum carni vnitum mulier edidisset; illa, quæ aduersus omne genus humanum maledictio fuerat prolata, desineret; nec iam morti nostra corpora destinaret. Illud quoque, quod dictū est: In tristitia paries filios, ipse dissoluens; verū esse monstraret, quod Prophetæ voce prædixerat: Absorpta est mors in victoria. Et iterum: Abstulit Deus omnem lacrymā ab omni facie. Propter hanc enim causam dicimus, eū dispensatoriè & ipsis tūc benedixisse nuptijs; cū in Cana Galilæe cum sanctis vocatus fuit Apostolis. Hæc sapere edoceti sumus, tam à sanctis Apostolis, quam Euangelistis, & ab omni Scriptura diuinitus inspi-

inspirata, necnon & à beatis Patrum confessionibus veritate subnixis. His omnibus etiam religionem tuam concordare, & præter aliquem dolū consentire, conuenit. Quæ verò religionem tuā anathematizare neceſſe est, huic epistolæ nostræ subiecta sunt.

I. Si quis non confitetur, Deum esse veraciter Emanuel; & propterea Dei genitricem sanctam Virginem: (peperit enim secundum carnem, carnem factum Dei Verbum, secundum quod scriptum est: Verbum caro factum est) anathema sit.

II. Si quis non confitetur, carni secundum hypostasim unitum Dei Patris Verbum; & unumq; esse Christum cum propria carne; eundem scilicet Deum simul, & hominē: anathema sit.

III. Si quis in uno Christo diuidit subsistentias post unitatem, sola eas connexione coniungens; eaq;, quæ secundum carnis dignitatem sit, vel etiā auctoritatē & potestatem; ac non potius conuentu, qui per unitatē factus est naturalem: anathema sit.

IV. Si quis in personis duabus, vel subsistentijs eas voces quæ in Euangelicis, Apostolicisq; scriptis continentur, diuidit; vel quæ de Christo dicuntur à Sanctis, vel ab ipso de seipso; & alias quidem ex his, veluti homini, qui præter Dei Verbum specialiter intelligatur, adscribit; alias verò, tanquam conuenientes Deo, soli Dei Patris Verbo: anathema sit.

V. Si quis audeat dicere hominē Christum Theophoron, id est Deiferū; ac non potius Deum esse veraciter, dixerit, tanquā Filium per naturā; secundum, quod Verbum factum est caro, & cōmunicauit similiter & nos carni, & sanguini: anathema sit.

VI. Si quis dicere audeat, Deum esse vel Dominum Christi Dei Patris Verbum; & non magis eundem ipsum confiteatur Deum simul, & hominem: propterea quod Verbum caro factum est, secundum Scripturas: anathema sit.

VII. Si

VII. Si quis dicit, velut hominem Iesum operante Deo Verbo factum esse; & Vnigeniti gloriam, tanquam alteri præter ipsum existenti, tribuit: anathema sit.

VIII. Si quis ausus fuerit dicere, assumptum hominem coadordanum Deo Verbo, & conglorificandum, & connuncipandum Deum, tanquam alterum in altero (nam, con, syllaba superadieta, hoc cogit intelligi;) ac non potius una adoratione veneratur Emmanuelem; unamq; ei glorificationem attribuit; iuxta quod Verbum caro factum est: anathema sit.

IX. Si quis unum Dominum Iesum Christum glorificatum dicit à Spiritu sancto, tanquam qui aliena virtute per eum unus fuerit; & ab eo acceperit posse operari contra immunidos spiritus; posse & coram hominibus diuina signa perficere; ac non potius proprium fatetur eius Spiritum, per quem diuina signa operatus est: anathema sit.

X. Pontificem & Apostolum confessionis nostræ factum esse Christum diuina Scriptura dicit; obtrulisseq; semetipsum pro nobis in odorem suavitatis Deo & Patri. Si quis ergo Pontificem & Apostolum nostrum dicit factum non ipsum Dei Verbum, quando caro factum est; & homo, (iuxta nos homines;) sed velut alterum, præter ipsum specialiter, hominem ex muliere: aut qui dicit, quod pro se obtrulisset semetipsum oblationem, & non potius pro nobis solis. Non enim eguit oblatione, qui peccatum omnino nesciuit: anathema sit.

XI. Si quis non confiteretur carnem Domini viuificatricem esse, & propriam ipsius Verbi Dei Patris; sed velut alicuius alterius præter ipsum, coniuncti eidem per dignitatem; aut quasi diuinam habentis habitationem; ac non potius viuificatricem esse, ut dicebamus; quia facta est propria Verbi, cun-

Eta viuificare habentis potestatem : anathema sit.

*XII. Si quis non confitetur Dei Verbum passum carne,
et crucifixum carne, et mortem carne gustasse; factumque pri-
mogenitum ex mortuis, secundum quod vita est; et viuifica-
tor ut Deus : anathema sit.*

P E R S I S T E N T E I N S V A
impietate Nestorio, Concilium Vniuersale
Ephesi congregatur, in quo Syno-
dali sententia ipse damnatur.

Cap. V I I I .

IGTVR epistolam, & anathematismos cum Cœle-
 stini literis, quibus decretum corrigendi ab eo er-
 roris sui continebatur, ad Nestorium per quatuor Epi-
 scopos, Theopentum, Danielem, Potamonem, atque Ma-
 carium, ab Alexandrina Synodo hac de causa ad ipsum
 Legatos; Cyrillus mittit. Obduratur magis Nestorius,
 ac vehementiori excandescens iracundia, actus in furias,
 adeò graues vndique commouet turbas, vt ad eas com-
 ponendas, sedandasque necessarium fuerit indicere Vni-
 uersale Concilium. Locus habendæ Synodo eligitur
 Ephesus nobilis Civitas in Asia. Tempus statuitur dies
 Pentecostes. Conueniunt Patres literis Imperatoris
 Theodosij cohortati ad hunc necessarium conuentum;
 cui sanctus Cyrillus vices Summi Pontificis Cœlestini
 gerens, præfuit. Venit quoque Nestorius Ephesum, sed
 sistere se sacro Concilio noluit; quamquam à sancta Sy-
 nodo fuerit canonicè requisitus; missis ad eum non mo-
 do

dò ter , sed quater Episcopis , qui illum euocarent . Ni-
cænum interea Fidei Symbolum legitur; ac pariter literæ
à Cyrillo , atque Alexandrina Synodo ad Nestoriū missæ
leguntur; & cum Symbolo prædicto conferuntur, atque à
Patribus mirificè laudantur . Deinde ad comprobandam
magis eorū doctrinam de ineffabili mysterio Incarnatio-
nis Verbi Dei, quamplura sanctorum Patrum testimonia
in medium afferuntur . Postremò nefariæ Nestorij blas-
phemiæ ex diuersis suis cōmentarijs, & homilijs recēsen-
tur, expenduntur, examinanturque . Ipso autē in sui cordis
duritia magis semper perfistēte; sancta Synodus sententiā,
iuxta decretū Cœlestini Papæ in eum protulit, his verbis :

*S A N C T A S Y N O D V S dixit : C V M p r æ t e r c e-
t e r a i m p i ñ s s i m u s N e s t o r i u s , n e q u e n o s t r a c i t a t i o n i p a r e r e , n e q u e
s a n c t i s s i m o s , r e l i g i o s i s s i m o s q ; E p i s c o p o s à n o b i s d e s t i n a t o s a d m i t-
t e r e v o l u e r i t ; n e c e s s a r i o d e u e n i m u s a d e x a m i n a t i o n e m e o r u ,
q u a e i m p i è d o c u i t . D e p r e h e n d e n t e s i t a q u e p a r t i m e x l i t e r i s , c o m-
m e n t a r i j s q ; i p s i u s ; p a r t i m e x s e r m o n i b u s , q u o s n u p e r r i m e i n
h a c E p h e s i o r u m M e t r o p o l i h a b u i t , q u i q ; t e s t i m o n i j s c o m p e r t i
s u n t ; i l l u m i m p i è s e n t i r e , & p r æ d i c a r e ; c o a c t i p e s a c r o s c a n-
n e s , & e p i s t o l a S a n c t i s s i m i P a t r i s n o s t r i , & c o m m i n i s t r i C œ-
l e s t i n i R o m a n æ E c c l e s i æ E p i s c o p i ; l a c r y m i s a b u n d e p e r f u s i , a d l u-
g u b r e m h a n c c o n t r a e u m s e n t e n t i a m n e c e s s a r i o v e n i m u s . I g i t u r
D O M I N V S N O S T E R I E S V S C H R I S T V S ,
q u e m s u i s i l l e b l a s p h e m i s v o c i b u s i m p e t u i t ; p e r s a n c t a m h a n c
S y n o d u m e u n d e m N e s t o r i u m E p i s c o p a l i d i g n i t a t e p r i u a t u m ,
& a b v n i u e r s o S a c e r d o t u m c o n f o r t i o , & c æ t u a l i e n u m e s s e
d e c r e u i t .*

Hoc igitur pacto Nestorius ab vniuersali Concilio
San-

Sanctorum Patrum damnatus , & ab Ecclesia sancta Catholica separatus ; electus fuit ; quia , ut vidimus , primus ausus fuit assertere , quod haec tenus inauditum fuerat : Beataissimam Virginem non esse Dei matrem : & diuisionem in Christo Domino nostro ponere .

FONS, ET ORIGO HÆRESEOS Nestorij detegitur. Cap. IX.

NOMODO Nestoriana hæresis in Ecclesia Dei exorta est ; & quo pacto à sanctis Patribus damnata ; fatis , ut arbitror , abundè vidimus . Sed quia in ægritudinibus corporis , haud sufficit nosse morbum esse febrim , vel aliquam aliam prauam humorum affectionem ; sed necessarium est , quantum fieri potest ; causas , ex quibus infirmitas processit , cognoscere ; si quis ægroti curationem rectè instituere velit : ita , & nobis de pestilentiissima hac hæresi agentibus , ut saluti animarum contagione hac pessima laborantium , prospiciatur ; necesse est , post eius declarationem , causam , & originem , vnde ab initio fluxit ; detegere . Nam , tametsi primus fuerit Nestorius , qui nefariam hanc blasphemiam in sanctissimam Dei Matrem palam euomuerit ; habuit ipse nihilominus impietatis suæ autores , atque magistros ; quorum perniciosissima scripta ipso Nestorio iam damnato , atque in exilium expulso , combustisq; vbique locorum commentarijs , homilijs , & expositionibus de pessimo hoc suo dogmate ab ipso compositis ; instaurare damnatissimam hæresim , summo cum Ecclesiæ Catholicæ detimento , potue-

potuerunt: quos nisi Chaldaeis indicaremus, apud quos, ut facile percipere potuimus, auctoritas, & doctrina eorumdem damnatorum auctorum plurimum valet; frustra laborauissemus. Clerus Constantinopolitanus, qui primus blasphemias Nestorij audiuit, arbitratus est ipsum infestum fuisse Pauli Samosateni peruersa opinione: ut ex contestatione ipsius Cleri, hic apposita, videre licet.

Contestatio publicè proposita à Clericis Constantinopolitanis, & in conspectu Ecclesiae publicata: Quod Nestorius eiusdem sit sententia cum Paulo Samosateno, ante CLX. annos ab Orthodoxis Episcopis anathemate condemnato. Descripta ex prima parte Concilij Ephesini, cap. 13.

QVICVMQUE schedam hanc accepturi sunt, eos, per sacram sanctam Trinitatem adiuro, obtestorque, ut eandem Episcopis, presbyteris, diaconis, lectoribus, nec non & laicis quoque Constantinopoli habitantibus, ostendant: eiusdemque fieri potest, exemplum, ad evidentem heretici Nestorij confusionem, iisdem imperitantur: ut qui eadem prorsus, quae Paulus Samosatenus, ante CLX. annos à Catholicis Episcopis anathemate condemnatus; docere, ac sapere aperte conuincitur. Quae autem ab utroque dicta comperiuntur, ea ad hunc modum se habent. Paulus Samosatenus ait: *Maria Verbum non peperit.* Nestorius ab huius sensu non recedens, inquit: *Heus tu, bone vir, Maria diuinitate non edidit.* Addit Paulus: *Neque enim erat ante saecula.* Nestorius ait: *Diuinitati, quae tempora condidit, matrem temporaneam assignant.* Rursum Paulus: *Maria Verbum suscepit;* neque est senior Verbo. Nestorius ait: *Qui fieri queat,* ut Maria ex se genuerit seniore se? Paulus ait: *Maria edidit hominem, nulla in parte nobis diffi-*

milem. Nestorius dicit: Qui ex Virgine natus est, tantum homo est. Paulus ait: Atqui per omnia præstantior est; nam iuxta Scripturas, de Spiritu sancto est, diuinoq; decreto, uberrima gratia donatus est. Nestorius ait: Vidi Spiritum descendenterem quasi columbam, & manentem super illum, necnon ascensionis vim illi impertientem: quandoquidem præcipiens Apostolis, quos elegerat, per Spiritum sanctum assumptus est. Hic igitur ille est, qui hanc tantam gratiam Christo impertitus est. Paulus ait: Quare, qui genere ex David ducto inunctus est; à sapientia alienus censendus non est: neque tantum sapientiae in alio quopiam, quantum in ipso extitisse, putandum est. Sanè fuit illa ampla in Prophetis; & superior, ampliorq; in Moyse, & alijs nonnullis: at vero in Christo, tanquam in quodam Dei templo, amplissima extitit. Idem in alio loco, alium docet esse Iesum Christum; alium rursum, Deum Verbum. Nestorius ait: Fieri nequit, eum, qui ante omnia sacula natus est semel; denudo nasci; idq; secundum diuinitatem. En manifeste legis transgressor deprehenditur Nestorius, ut qui eum, qui ex Patre genitus est, ex sacra Virgine nasci potuisse diserte neget: & Paulo Samosateno heretico, qui alium afferit esse Verbum, & alium rursus Iesum Christum; neque unum esse, ut Orthodoxa profiteretur Ecclesia; planissime adstipulatur. Haecenus Clerici Constantinopolitani. Quæ contestatio Cleri Constantinopolitani consonat ijs, quæ scriperat hoc tempore Summus Pontifex sanctus Cœlestinus. Ipse enim scribens ad Clerum, & Populum Constantinopolitanū, sic ait: Aperte ergo dilectioni vestrae, quod sine lacrymis non possumus dicere; nuntiamus. Mout disputator vester prælium veritati, antiquæ Fidei intulit manus: impugnat Apostolos: Prophetas respuit:

ipfius

ipsius Domini nostri de se dicentis verba non sequitur. Cuius religionis, & quibus legibus seipsum Episcopū dicit; abusus veteri, & nouo testamento? nam intellectum figuræ respuit, & inter nos versatam non recipit veritatem. Aliter denique de Christi Dei nostri iactat arcano, quam Fidei nostræ patitur sacramentum, quod reuerenter fecutus est omnis Catholicus disputator. Nemo enim bene religioni deditus, aliud de Christo sentit, quam de se voluit ipse sentiri. Mox aliquando hanc sacrilegam questionem Samosatenus Paulus, cum sancta apud Antiochiam praeset Ecclesiae: sed eum de Throno, cui feraliter præsidebat, Sacerdotum Catholicorum sententia unita deiecit.

Cœlestinus itaque, & Constantopolitanus Clerus fontem, & originem huius hærefoe detexerunt: sed Patres in quinta vniuersali Synodo riuum, ductumque, vel cloacā potius, vnde cœnolus, virulentusq; hic humor proximè defluxit; patefecerunt: nempe Theodorum Mopsuestenū, qui Nestorij doctor, ac magister fuerat. Daunnato enim Nestorio ab Oecumenica sancta Synodo Ephesina, eiusq; commentarijs, atque scripturis per vniuersum orbē, Imperatoris edicto exustis; sectatores illius, occultato eius nomine, pessimam eius doctrinam studuerunt instaurare. Theodori igitur Mopsuesteni, quem vt diximus, Nestorius doctorem impietatis suæ habuerat; auctoritatem ad pessimum corum consilium perficiendum adhibent: nam eius fama satis celebris erat; ob studium, constantemq; laborem, quo hæreticos, ac præcipue Apollinarium exagitauerat. Apollinarius quippe dixerat: Deum Verbum carnem tantum humanam absque rationali anima assumpsisse; diuinitatemq; rationalis animæ vi-

cem suppleuisse; ex quo confusionem diuinæ, & humanae
naturæ in Christo Domino nostro stultè, impieq; pone-
bat. Contra verò Theodorus sic vtramque naturam di-
stinguebat, vt inter eas diuisionem poneret. Atque adeò
erant Patres intenti ad manifestam Apollinarij impieta-
tem repellendā, vt virus in scripturis Mopsuesteni latens,
tunc non animaduerterint; præsertim cum ipse malitio-
sè ageret, & nefandum dogma suum callidè occultaret.
Idq; facile agnosci potest in verbis ipsius ex octauo libro
Incarnationis, recitatis in quinta Vniuersali Synodo, colla-
tione sexta, videlicet: *Sicut & Dominus de viro, & mu-*
liere dicit, quòd iam non sunt duo, sed una caro: dicamus
& nos rationabiliter, secundum unitatis rationem, quoniam
non sunt duæ personæ, sed una; naturis scilicet discretis. Et
libro xj. similiter de Incarnatione, inquit: *Ad hæc itaque*
sufficiunt quidem, quæ diximus, ubi & naturarum differen-
tiam ostendimus, & personæ unitatem. Quibus verbis
quis non videt negatam esse personarum dualitatem,
quam ipse Theodorus alijs in locis scelestè tenuisse de-
prehenditur in mysterio ineffabili dispensationis Dei
. Verbi: vt sapientissimè, atque luculentissimè Patres in ea-
dem sancta Synodo quinta Vniuersali, verba superius al-
lata excedentes, & cum Nestorij verbis componentes;
demonstrauerunt? Mirum itaque non fuit, latuisse tunc
sanctos Patres nequitiam Theodori, doctrinæ orthodoxæ
specie, vt vidimus, fucatam; eo potissimum tempore quo
manifestissima hæresis vigebat, huic è diametro cōtraria:
Latuisse quoq; diutius, nisi Nestoriani præsidio Mopsue-
stenitutari se curauissent. Nam, vt vidimus, longè aliter ab

initio senserunt Patres de Nestoriana hæreſeos origine, quæ ambigua ſemper fuit, donec eam sancta vniuersalis Synodus declarauit. Ceterū, quia Imperator Iustinianus, cuius tempore celebrata fuit Constantinopoli Quinta vniuersalis Synodus; in epiftola, qua ſanctos Patres, qui ad Concilium conuenerant, hortatur ad remouenda grauiſſima ſcandala hac de cauſa exorta, amputandasq; omnes hærefes, atque contentiones ab Ecclesia Dei; vberius, & enucleatius cuncta narrat, quæ nos hactenus innuimus: ideò duximus epiftolam illam, vt habetur initio Quintæ Synodi vniuersalis, fideliter describere.

E X E M P L U M E P I S T O L Æ
 Iustiniani Imperatoris ad ſanctos Patres
 Quintæ Vniuersalis ſanctæ Synodi.
 Ex actis eiusdem ſanctæ Synodi
 collatione prima. Cap.X.

IN NOMINE DOMINI DEI NOSTRI IESV CHRISTI. Imperator Cæſar Flavius Iustinianus, Alamanicus, Gotthicus, Francicus, Germanicus, Anticus, Alanicus, Vuandalicus, Africanus, pius, felix, inclitus, viator, ac triumphator ſemper Augustus. Beatissimis Episcopis, & Patriarchis, Eutychio Constantinopolitano, Dominino Theopolitano, Stephano, Georgio, & Damiano religiosissimis Episcopis, vicem agentibus Eustochij viri beatissimi Archiepiscopi Hierosolymitani, & Patriarchæ, & reliquis religiosissimis Episcopis ex diuerſis Provincijs in hac regia Vrbe degentibus.

SEMPER studium fuit Orthodoxis, & pijs Imperatoribus patribus nostris, pro tempore exortas hæreses, per congregationem religiosissorum Episcoporum amputare; & recta Fide sincerè prædicata, in pace sanctam Dei Ecclesiam custodire. Quapropter & Constantinus pia recordationis, Ario blasphemante, & dicente: Non esse Filium consubstantialem Deo Patri, sed creaturam, & ex non extantibus factum esse; congregauit Nicæa ex diuersis dioecesibus trecentos decem & octo sanctos Patres: & cum ipse etiam Concilio interfuisset, & adiuuisset eos, qui consubstantialem Filium Patri confessi sunt; condemnata Ariana impietate, studium habuit rectam Fidem obtinere. Exposito itaque sancto Symbolo, vel mathemate Fidei; per hoc sancti Patres confessi sunt: Consustantiam esse Filium Deo Patri; quod usque tunc apud plurimos dubitabatur. Sed & Theodosius senior pia recordationis, Macedonio negante Deitatem sancti Spiritus; & Apollinario, vel Magno eius discipulo, in dispensatione incarnati Dei Verbi blasphemantibus, & dicentibus: Sæsum humanum non recepisse Deum Verbum, sed carni unitum esse, animam irrationali habenti: congregatis in Regia Vrbe centum quinquaginta sanctis Patribus, cum & ipse particeps fuisset Concilij; damnatis prædictis hereticis, una cum impijs eorum dogmatibus; fecit rectam prædicare Fidem. Secuti enim idem sancti Patres expositam rectam Fidem à trecentis decem & octo sanctis Patribus, explanauerunt de Deitate sancti Spiritus, & perfectè de dispensatione incarnati Dei Verbi docuerunt. Iterum Nestorio impio alium dicente Deum Verbum, & alium Christum: & hunc quidem natura Filium Dei Patris, illum autem gratia Filium impie introducente,

cente; & sanctam gloriosam semper Virginem, Dei genitricem esse negante; cum penè omnes Orientales partes sua impietate adimplesse idem Nestorius; Theodosius junior pie recordationis congregauit priorem Ephesinam sanctam Synodum, cui præsidebant Cælestinus, & Cyrilus sancti Patres: & directis Iudicibus, qui deberent Concilio interesse, compulit & ipsum Nestorium ibi peruenire, & iudicium propter eum procedere: & tali examinatione facta; secuti ijdem sancti Patres per omnia, ea quæ de Fide definita sunt ab anterioribus sanctis Patribus; condemnauerunt Nestorium, & cum eius impietate. His itaque subsecutis, cum insurrexissent contra Cyrrillum sequaces Nestorij impij; festinauerunt, quantum in ipsis fuit, refutare condemnationem contra Nestorium factam: sed prædictus pie recordationis Theodosius, vindicans ea, quæ ita recte contra Nestorium, & eius impietatem fuerunt iudicata; fecit firmiter obtinere contra eum factam condemnationem. Et post hæc iterum, cum Eutyches demens emersisset, negando consubstantialem nobis esse carnem Domini; multis interea motis tam Constantinopoli, quam Ephesi: tanta pro illo facta est hæretorum circumuencio, ut etiam ejaceretur propter eum Flavianus religiose memoria regiae Urbis Episcopus. Pie autem recordationis Marcianus congregauit Chalcedone sanctos Patres; & magna contentione inter Episcopos facta, non solum per suos Iudices, sed etiam per se ipsum in Concilium peruenit, & ad concordiam omnes perduxit. Qui sancti Patres in omnibus secuti ea, quæ pro Fide definita sunt à prædictis tribus sanctis Concilijs; & quæ iudicata sunt de hæretorum damnatione, & impietate eorum: damnauerunt, & anathematizauerunt Eutychem dementem,

Et impia eius dogmata: nec non Et Nestorium cum impiis eorum
 dogmatibus, quoniam tunc festinauerunt quidam defendere
 Nestorium, Et impia eius dogmata. Super haec autem ipsum
 in Chalcedone sancti Patres anathematizauerunt eos, qui a-
 liud Symbolum tradiderunt, aut tradunt, praeter hoc, quod ex-
 positum est a trecentis decem Et octo sanctis Patribus, Et ex-
 planatum a centum quinquaginta sanctis Patribus. His ita-
 que omnibus per diuersa tempora subsecutis; predicti pie recor-
 dationis nostri Patres, ea que in unoquoque Concilio iudica-
 ta sunt; legibus suis corroborauerunt, Et confirmauerunt: Et
 hereticos, qui definitionibus praedictorum sanctorum quatuor
 Conciliorum resistere, Et Ecclesias conturbare conati sunt;
 expulerunt. Defuncto autem Marciano diuina recordationis,
 cum contentio esset per diuersa loca de Chalcedonensi san-
 ctio Concilio; Leo pie recordationis ad omnes ubique Sacerdo-
 tes scripsit, ut unusquisque eorum propriam sententiam ma-
 nifestaret de codem sancto Concilio: Et cum alius alium Epi-
 scopum non expectasset, ad hoc quod interrogari sunt, respon-
 derunt. Exiguo autem tempore transacto, iterum insurrexe-
 runt Nestori, Et Eutychis sequaces, Et tantas turbas in san-
 ctis Dei Ecclesiis fecerunt, ut diuisiones, Et schismata in eis
 fierent, Et nullam communionem ad se inuicem Ecclesiae ha-
 berent. Nec enim presumebat aliquis de Civitate in alias
 Civitatem veniens communicare; nec Clericus ex alia Ciui-
 tate in alias Civitatem veniens, in Ecclesiam procedere. Cum
 autem secundum misericordiam suam Dominus Deus Reipu-
 blicae gubernationem nobis credidit; initium, Et fundamen-
 tum nostri Imperij fecimus, coniungere diuisos Sacerdotes san-
 ctarum Dei Ecclesiarum ab Oriente usque ad Occidentem: Et

omnem contentionem amputantes, quæ contra Chalcedonensem sanctam Synodum ab Eutychis, & Nestorij impiorum sequacibus mouebatur; fecimus prædicare eandem sanctam Synodum, cum prædictis alijs sanctis tribus Concilijs, in Dei Ecclesiis: certè scientes, quòd ea, quæ ab ea de Fide exposita sunt, consonant per omnia alijs tribus sanctis Concilijs: & multis quidem ad eandem sanctam Synodum contradicentibus, satisfecimus: alios autem, qui perseverauerunt, eidem sancto Concilio contradicentes; expulimus sic à sanctis Dei Ecclesiis, & venerabilibus Monasterijs, ut concordia, & pace sanctorum Ecclesiarum, & eorum Sacerdotum firmiter custodita; una, & eadem Fides, quam sanctæ quatuor Synodi confessæ sunt; in sanctis Dei Ecclesiis prædicetur. His itaque pro firmitate sanctorum quatuor Synodorum, Deo proprio, per nos factis, & obtainentibus in sancta Dei Ecclesia; Nestorij sequaces propriam impietatem applicare volentes sanctæ Dei Ecclesiae, & non potentes hoc per Nestorium facere; festinauerunt eam introducere per Theodorum Mopsuestennum doctorem Nestorij: qui multo peiora Nestorio blasphemauit, & super alias innumerabiles suas blasphemias contra Christum Deum nostrum factas; alium dixit Deum Verbum, alium Christum: neconon & per impia conscripta Theodoreti, quæ contra rectam Fidem, & Ephesinam primam sanctam Synodum, & contra sanctæ memoriae Cyrillum, & duodecim eius capitula exposuit: & insuper sceleratam epistolam, quam dicitur Ibas ad Marim Persam scripsisse, quæ plena est omni impietate Theodori Mopsuesteni, & Nestorij. Per hanc etenim impiam epistolam, non solum impietatem, sed etiam ipsas personas Theodori, & Nestorij, quas maximè

lau-

laudat, & iudicat eadem impia epistola; festinauerunt con-
 demnatione liberare: dicentes, eam suscepitam esse à sancta
 Chalcedonensi Synodo. Hoc autem dicunt non pro defensione
 sancta Synodi; sed nomine eius, sicut putant, suam impieta-
 tem confirmare festinantes. Certum autem est, quod impia
 intentio est ista vindicantium, ut si eis euenerit, non prædi-
 cetur Deus Verbum, homo factus esse; nec sancta gloria sem-
 per Virgo Maria, Dei Genitrix prædicetur. Hæc enim Theo-
 dorus, & Nestorius in suis conscriptis impie exposuerunt; &
 qui epistolam scripsit, in ea blasphemat. Nos igitur, sequentes
 sanctos Patres, & volentes rectam Fidem sine aliqua ma-
 culâ in Dei Ecclesiis prædicari, & impiorum conatum reseca-
 re; primum quidem, & in vestris vos degentes Ecclesiis, in-
 terrogauimus de predictis impijs tribus capitulis; & vestram
 nobis voluntatem fecistis manifestam: pro qua & compro-
 bauimus vos, quod indubitanter, & cum omni alacritate re-
 clam Fidem confessi estis, & impiam condemnastis. Quo-
 niam vero, & post condemnationem à vobis factam; in eis-
 dem ipsis permanent quidam, eadem impia tria Capitula vin-
 dicantes; ideo vocauimus vos ad Regiam Urbem; hortantes,
 communiter conuenientes, quam habetis pro his voluntatem,
 iterum manifestare. Et Vigilio enim religiosissimo Papæ an-
 tiquioris Romæ, cum peruenisset ad hanc Regiam Ciuitatem, de
 tribus Capitulis subtiliter omnia manifestauimus; & interro-
 gauimus eum, quid sapit de hoc: & ipse non semel, nec bis,
 sed etiam saepius in scriptis, & sine scriptis anathematizavit
 impia tria Capitula. Quod vero eiusdem voluntatis semper
 fuit de condemnatione trium Capitulorum, & per plurima alia
 declarauit, & per condemnationem Rustici, & Sebastiani
 ali-

aliquando Diaconorum antiquioris Romæ : qui cum primum suscepissent factum ab eo iudicatum , in quo anathematizauit eadem impia capitula ; postea suscepérunt , & defenderunt eorum impietatem . Sed etiam Valentiniano Episcopo Scythiae , & Aureliano Arelati , quæ est prima sanctissimarum Galliæ Ecclesiarum ; scripsit , & manifestauit de condemnatione istorum capitulorum : & præcepit eis nihil suscipere , quod à condemnatis Diaconis scribitur contrarium prædicto iudicato : & compendiosè dicere semper in eadem voluntate perseuerauit . Et hæc omnia per suum tempus vobis manifesta faciemus . Quomodo verò postea , cum peruenissetis , sicut dictum est , ad hanc Regiam Cuiatem , scripta facta sunt ad inuicem à vestrâ Sanctitate , & à Vigilio religiosissimo Papa antiquioris Roma , ut omnes vos uniti conueniatis ; & propter illos , qui , siue ex ignorantia , siue scientia , impietatem Capitulorum defendunt ; congruum iudicium eis , quæ à sanctis quatuor Synodis pro Fide definita sunt , proferatis ; mandauimus illi etiam per nostros Iudices , & per quosdam ex vobis , ut una cum omnibus conueniret , & communiter disceptaret de prædictis capitulis ; ut forma daretur recte Fidei conueniens : & quod ipsum , & vestrâ Sanctitatem in scriptis interrogauimus de hoc , ut aut tanquam impia capitula ab omnibus condemnarentur ; aut si putat recta esse , aperte suam manifestaret voluntatem . Alienum enim est Christianorum , cum recta Fide impia suscipere , & non à malis recta discernere . Ille verò nobis mandauit , quod de prædictis tribus capitulis per se metipsum faciens , porrigit nobis . Adhortamur igitur vos de his disceptare . Scire etenim vos volumus , quod nos ea , quæ à sanctis quatuor Concilijs , Niceno , Constantinopolitano , Ephesino

sino primo, & Chalcedonensi, de una, eademq; Fide exposita, & definita sunt; & de Ecclesiastico statu regulariter disposita, seruamus, & defendimus, & ea sequimur: & omnia, quæ consonant istis, suscipimus, & amplectimur. Quicquid autem non consonat istis, vel à quacumque persona scriptum inueniatur contra ea, quæ de una, eademq; Fide à sanctis quatuor Concilijs, vel uno ex his definita sunt; hoc tanquam alienum omnino pietatis execramur. Sequimur autem, & in omnibus sanctos Patres, & Doctores sanctæ Dei Ecclesie, Athanasium, Hilarium, Basilius, Gregorium Theologum, & Gregorium Nyssenum, Ambrosium, Theophilum, Ioannem Constantinopolitanum, Cyrillum, Augustinum, Proculum, Leonem: & omnia quæ ab his de Fide recta, & ad condemnationem hæreticorum conscripta, & exposita sunt; suscipimus. In prædictis igitur omnibus permanentes, illos Patres, & Sacerdotes suscipimus, qui ea, quæ à sanctis quatuor Concilijs de Fide exposita sunt, & à prædictis sanctis Patribus prædicata sunt; seruant, & prædicant in sancta Dei Ecclesia. Quando verò hæretici per omnia Theodorum, & Nestorium, & eorum impietatem vindicare volentes, sicut prædictum est; & susceptam esse dicunt à sancto Chalcedonensi Concilio impiam epistolam, quæ ad Marim Persam ab Iacobis scripta esse dicitur: hortamur vos considerare ea, quæ à Theodoro impiè tam in alijs scripta sunt, quam in Iudaico Symbolo: quod & Ephesi, & Chalcedone prolatum, anathematizatum est ab utraque Synodo cum his, qui ita sapuerunt, vel sapienterunt: considerare autem & quæ de ipso, & eius blasphemij sancti Patres conscriperunt, & antecessores nostri promulgaverunt: necnon ea, quæ Ecclesiasticarum historiarum scriptores

res de eo exposuerunt. Ex his etenim omnibus cognoscetis, quod ab illo tempore condemnatus est, tam ipse, quam blasphemiae eius a sanctis Patribus; & quod propter istas superioribus temporibus deletum est, & nomen eius a sacris diptychis Ecclesie, cuius fuit Episcopus. Hortamur etiam & illud disceptare, quod vanè profertur ab eis, qui dicunt, non oportere post mortem hæreticos anathematizari: & sequi in hoc doctrinam sanctorum Patrum, qui non solum hæreticos viventes condemnauerunt; sed & post mortem, ut potè in sua impietate mortuos; anathematizauerunt: sicuti eos, qui iniuste condemnati sunt, reuocauerunt post mortem, & in sacris diptychis scripsierunt. Quod factum est, & in Ioanne, & in Flauiano religiose memoriae, Episcopis Constantinopolitanis. Scit enim vestra reuerentia, quod positum est a Domino in Euangeliō de ipso: Quod qui credit in eum, non iudicatur: qui autem non credit in eum, iam iudicatus est, quod non credit in nomine unigeniti Filii Dei. Manifestum autem est, quod hoc non tantum de vivis, sed etiam de his dictum est, qui in sua impietate mortui sunt. Insuper autem hortamur vos inspicere, & que impie scripta sunt a Theodoreto contra rectam Fidem, & Ephesinam primam sanctam Synodus; & contra sanctæ memorie Cyrilum; & contra duodecim eius capitula: & quæ impie idem Theodoreetus conscripsit pro Theodore & Nestorio, & blasphemis eorum contra sanctæ memorie Cyrillum. Examinare autem & de impia epistola, quæ dicitur ab Iba ad Marim Personam scripta esse: in qua scriptor eius abnegat Deum Verbum hominem factum esse; & sanctam gloriosam semper Virginem Mariam, Dei Genitricem esse. Condemnat autem eadem impiæ epistola, & Ephesinam sanctam primam Synodus, tanquam

quam sine iudicio, & quæstione Nestorio condemnato: & sanctæ quidem memoriae Cyriillum Ecclesiæ doctorem, hereticum vocat; & impia dicit duodecim eius capita: Theodorum autem, & Nestorium, & eorum impietatem defendit, & laudat. Et quoniam sicut dictum est, presumunt quidam dicere, & epistolam, quæ prædictam impietatem continet, suscep-
tam esse à Chalcedonensi sancto Concilio; hortamur vos con-
ferre ea, quæ dicta sunt ab eodem sancto Concilio in definitione
pro Fide exposita, cum his, quæ in impia epistola continentur;
ut & undique recta quidem confirmentur, impia autem con-
demnentur. Omnia igitur prædicta cum omni subtilitate di-
sceptantes, sicut Sacerdotes decet; in mente habentes Dei timo-
rem, & futurum iudicium; & nihil pietati, & rectæ Fidei
& veritati, & Dei gloriae, & honori præponentes: in mente
autem habentes, & Apostolicam pronuntiationem, quæ con-
tra eos, qui contraria rectæ Fidei tradunt; prolatæ est: mani-
festè dicentem: Quòd licet nos, & Angelus de cœlo euangeliza-
uerit vobis, præter quam quod euangelizauimus vobis: ana-
thema sit. Sicut prædictimus, & modò iterum dico: Si quis
vobis euangelizauerit, præter quam acceperitis: anathema sit.
Scientes & Petri Apostoli præceptum, dicentis: Parati semper
estote ad satisfactionem omni petenti & os rationem de spe, quæ
in vobis est; celeriter de his, quæ interrogauimus, vestram ma-
nifestate voluntatem. Cum enim qui de recta Fide inter-
rogatur, diu protrahit, nihil aliud est, nisi abnegatio rectæ
confessionis. In interrogationibus enim, & responsis, quæ de
Fide sunt, non est primus, nec secundus; sed qui in recta
confessione paratior inuenitur, acceptabilis apud Deum est.
Divinitas vos seruet per multos annos, sancti, & religiosissimi

Pa-

Patres. Datum quarto Nonas Maias Constantinopoli, Imperij Domini Iustiniani perpetui Augusti anno xxvij. post Consulatum Basilij viri clarissimi anno xij.

**EX BLASPHEMIIS THEODORI
Mopsuesteni, quod de origine Nestorianæ hæresis dictum est, confirmatur. Cap. XI.**

LEcta igitur hac epistola, quæ in actis Concilij, quoniam Imperator formam in ipsa præscriperat, quam grauissimum hoc negotium cupiebat agi; Forma appellatur; Sancti Patres decreuerunt, ut singillatim unumquodque trium capitulorum examinaretur. A recognitione itaque errorum, atque blasphemiarum Theodori Mopsuesteni cœptum est. Quod factū fuit collatione, siue conuentu Patrū, hoc est actione Concilij quarta. Recensita autem fuerunt septuaginta & vnu loca, ex diuersis translationibus, commentarijs, & expositionibus Theodori; ac eius quoque sceleratum symbolum recitatum. Nos è tam multis nonnulla hic describenda duximus: ex quibus apparere satis aperte poterit, quām verè dictum sit in epistola superius descripta: Nestorium à Theodoro pessimam suam doctrinam accepisse; ipsumq; Theodorum multo peiora Nestorio blasphemasse. Primus igitur locus ex relectis in Concilio, desumptus ex 3. libro Theodori contra impiū Apollinarium, habetur his verbis: *Quo modo igitur tu, quem super omnes maximè decet mentium regimen;*

gimen; illum qui ex Virgine natus est, Deū esse, & ex Deo con-
substantialem Patri existimari dicis; nisi forte sancto Spiri-
tui imputare illius creationem nos iubes? Sed quis est Deus ex
Deo, & consubstantialis Patri? is idem, qui ex Virgine natus
erat; (o mirandum) & qui per Spiritum sanctum, secundum
diuinās Scripturas, plasmatus est, & confictionem in muliebri
accepit ventre? Inerat forsitan, quia mox quidem plasmatus
est, & ut templū Dei esset, accepit. Non tamen existimandū
nobis est, Deum de Virgine natum esse: nisi forte existimandū
idem nobis est, & quod natum est, & quod est in nato tem-
plo; & qui in templo est, Deus Verbum: non tamen nec secun-
dum tuam vocem pronuntiandum est, omnino ex Virgine
Deum natum esse, & ex Deo consubstantialem Patri. Nam
si non homo est, sicut dicas, assumptus, qui natus est ex Virgi-
ne; Deus verò incarnatus: quomodo qui natus est, Deus ex
Deo, & consubstantialis dicetur Patri; carne non potente hanc
vocem suscipere? Nam est quidem dementia, Deum ex Vir-
gine natum esse dicere. Hoc enim nihil aliud est, quam ex
semine eum dicere David, de substantia Virginis genitum;
& in ipsa plasmatum: quia quod ex semine David, & de
substantia Virginis est; in materno ventre constitit: & san-
cti Spiritus plasmatum virtute, natum fuisse dicimus de Vir-
gine. Ut autem aliquis ex hoc concedat dicere ipsis, quod Deus
ex Deo, & consubstantialis Patri, natus est ex Virgine, eo
quod est in templo nato; sed non per se natus est Deus Verbum;
incarnatus verò, sicut dicit iste sapiens. Si igitur cum carne
eum natum esse dicunt; quod autem natum est, Deus ex Deo,
& consubstantialis Patri est; necesse est hoc, & carnem dice-
re. Quod si non idcirco caro est, quoniam nec Deus ex Deo, nec

consubstantialis Patri, sed ex semine David, & consubstantialis ei, cuius semen est; & non id, quod natum est ex Virgine, Deus est ex Deo, & consubstantialis Patri: nisi forte pars nati, prout ipse in inferioribus partem Christi nominat Deitatem: sed non diuina natura ex Virgine nata est. Natus autem est ex Virgine, qui ex substantia Virginis constat; non Deus Verbum, ex Maria natus est. Natus autem est ex Maria, qui ex semine est David; non Deus Verbum ex muliere natus est; sed natus ex muliere, qui virtute Spiritus sancti plasmatus est in ea. Non ex matre natus, & consubstantialis Patri: sine matre enim est, secundum beati Pauli vocem; sed qui in posterioribus temporibus, in materno ventre, sancti Spiritus virtute plasmatus est, utpote sine Patre propterea dictus. Hæc Theodorus; ex quibus Nestorius didicisse potuit nefandam distinctionem, immò blasphemam diuisionem templi, & Dei templum inhabitantis, à Mopsuesteno ex cogitatam. Sic quoque ex his, quæ modò subiicimus, secundo, tertio, ac sexto loco in Concilio lectis, videbimus accepisse ab eodem doctore, ac magistro impietatis suæ: Dominum nostrum Iesum Christum, tanquam purum hominem, diuinæ gratiæ beneficio (verumtamen modo præstantissimo, utpote ex coniunctione inseparabili inhabitantis in se Dei Verbi;) paulatim ad virtutem profecisse; & sic redemptionis nostræ mysterium adimpleuisse: passione videlicet, morte, resurrectione, & ad cœlum ascensione sua. Pari quoque pacto meruisse coadorationem cum Deo Verbo, ex eius coniunctione. Quæ omnia postmodum Nestorius à

G Theodo-

Theodoro mutuatus, impiè delirauit. Sed subijciamus verba Theodori ex eodem libro, paulò post illa, quæ superius descripta sunt. *Mox autem in ipso plasmato, Deus Verbum factus est: nec enim in cælum ascendi solum inerat, sed etiam ex mortuis resurgent; utpote & resuscitans eum secundum suam promissionem.* Nec resurgent ex mortuis solum inerat, sed etiā crucifixo, & baptizato, & euangelicam post baptismū conuersationem peragenti; necnon etiam ante baptismū legalem adimplenti constitutionem; & præsentato secundum legem, & circumcisio, & partus pannis obuoluto. Erat autem forte in ipso, & nascente, & cum in materno utero esset, à prima statim plasmatione. Dispensationi enim, quæ circa eum erat, ordinem imponebat; utpote, & particulatim ipsum ad perfectionem perducens. Et post alia ex eodem libro tertio contra Apollinarium. *Et per tempus quidem ad baptismū dicens, post illud autem ad mortem: deinde secundum suam pronuntiationem, resuscitans, dicens in cælum, collocans eum ad dexteram Dei per suam coniunctionem; ex qua sedet, & adoratur ab omnibus, & omnes iudicabit.* Istorum autem omnium finem apud se habebat Deus Verbum, cum in eo erat, & omnia per ordinem complebat: quem ordinem ipse arbitrabatur bene habere, præfinitione quidem, & voluntate, quam antea statuit pro his, quæ euentura erant; & bona voluntate, quam circa eum habebat, ab initio similiter inerat ei: per ordinem autem sibi placitum, ad perfectionem ducebat ipsum. Et post multa in eodem libro, inquit impius iste: *Quod enim dictum est, Ducebatur à spiritu, aperie hoc significat, quod ab eo regebatur; ab eo ad virtutem propositorum confor-*
taba-

tabatur; ab eo ad hæc quæ oporeebat, ducebatur; ab eo, quod decebat, docebatur; ab eo cogitationibus corroborabatur, ut ad tantum certamen sufficeret: sicut & beatus Paulus dicit: *Quicumque enim spiritu Dei aguntur, hi sunt filii Dei: duci spiritu dicens illos, qui ab eo gubernantur, ab eo docentur, ab eo ad melius constituuntur, ab eo competentium doctrinam accipiunt.* Cum dixisset autem Euangelista, quod Spiritu sancto plenus regressus est à Iordanè; aperte demonstrauit, quod huius causa Spiritus sancti habitationem in baptisme suscepit; ut inde propositam caperet virtutem. Vnde & ad certamen illud, quod pro nobis erat ad Diabolum effecturus; Spiritu ducebatur. Patere abundè credimus ex his, quod ab initio dictum est: Theodorum Nestorij doctorem fuisse. Quod autem peiora Nestorio blasphemauerit; ex relectis in Concilio blasphemis suis, ostendamus. Affirmauit impius, ac nefarius iste; quod non sine maximo animi horrore Christianæ aures audire possunt: Redemptorem nostrum, agnum Dei immaculatum, temptationibus corporalium libidinum, atque passionum obnoxium fuisse: quas tamen faciliùs vincebat, quam ceteras animi passiones. Execranda eius verba, quæ non nisi magna necessitate compulsi, maiori tamen cordis nostri dolore, hic describimus; hæc sunt, ex libro de Incarnatione: *Plus inquietabatur Dominus, & certamen habebat ad animæ passiones, quam corporis: & meliore animo libidines vincebat, mediante Deitate, ad perfectionem.* Vnde & Dominus ad hæc maximè instituens videatur certamen. Cupiditate enim pecuniarum non decepitus, & gloriae desiderio non tentus; carni quidem præluit nihil: nec enim illius erat

G 2 tali-

talibus vinci . Et paulò post : *Et maius ceramen instituit ad animæ passiones , minus autem ad carnis : quanto & amplius , & magis inquietare illas concingebat ; & magis illa erat , quæ & amplioris indigebat medicinæ ; videlicet , quod & carnem , & animam assumens , per utrasque pro utrisque certabat : mortificans quidem in carne peccatum , & mansuetans eius libidines , & facile capiendas meliori ratione animæ faciens : erudiens autem animam , & exercitans & suas passiones vincere , & carnis refrænare libidines . Hæc enim Deitas inhabitans operabatur : hæc inhabitans medebatur utriusque eorum . His igitur inauditis blasphemis Maiestatem Dei Verbi incarnati , iste teterimus hostis mysterij ineffabilis nostræ salutis , lædebat . Sed eius gloriæ inuidens , etiam quod ipsa Veritas de seipsa testata est ; nempe , cuncta quæ euentura erant de eius incarnatione , nostraq; redemptione , à Spiritu sancto prædicta in Scripturis sanctis antea fuisse ; impudentissimè negavit . In principio enim commenti , quod in duodecim Prophetas scripsit , abnegans prophetias de Christo esse prædictas ; ita loquitur : *Sed non volentes ista considerare , voces omnes trahere ad Dominum tentant Christum : ut & quæ de populo facta sunt , simili modo intelligerent ; & risum præstarent Iudeis : quando , ex scriptorum sequentia , nihil ad Dominum Christum pertinentes ostendunt voces . Et post alia infert : Tale est : Et quod non derelicta est anima eius in inferno , nec caro eius vedit corruptionem . Nam propheta quidem supra modum ipsam ponit circa populum prouidentiam ; volens dicere , quoniam inexterritabiles eos ab omnibus conseruauit malis . Quoniam autem hoc verum , & ex ipsis rebus euentum acceptum**

pit in Domino Christo; frequentissimè de eo loquens beatus Petrus
 utitur Prophetæ voce: ostendens, quod de populo supra modum
 dictum est; hoc verum euentum in ipsis rebus accepit nunc in
 Domino Christo. Et post alia infert: Eundem intellectum ha-
 bet & illud: Diuiserunt sibi vestimenta mea, & super vesti-
 mentum meum miserunt sortem. Quod enim psalmus nullaten-
 nus conuenit Domino, certū est. Neque enim erat Domini Chri-
 sti, qui peccatum non fecit, nec inuentus est dolus in ore eius; dice-
 re: Longe à salute mea verba delictorum mecum. Sed & ipse
 Dominus, dum secundum communem hominum legem, in pas-
 sione opprimeretur: Deus meus, Deus meus, quare me derel-
 quisti; emisi vocem. Et Apostoli: Diuiserunt sibi vesti-
 menta mea, & super vestimentum meum miserunt sortem;
 ad eum traxerunt manifestè: quoniam, quod supra modum
 dictum fuerat prius à David, propter illata ei mala; hoc ex
 operibus euenit in Domino Christo; cuius & vestimenta di-
 uiserunt, & sorti tunicam subiecerunt. Nec defunt sanè alia
 loca, quibus eamdem blasphemiam iteravit Theodorus:
 quæ similiter recitata in Concilio fuerunt. Immò verò
 sanctis ipsis Scripturis fidem abrogare pluribus in locis
 conatur: præcipue verò librum Iob, & Canticum Can-
 torum Salomonis reprobat. De quibus hæc scripsit,
 ut habetur ex cathalogo blasphemiarum eius, in actis
 Concilij. Afferit enim de libro Iob: non ab ipso Iob scri-
 ptum fuisse, sed ab alio; qui cupiditate vanæ gloriae scri-
 bere viri Sancti vitam aggressus, multa importunè de
 paganis fabulis in ea inferuerit. Inquit autem: Erat
 igitur satis idoneum, superuacula quidem omnia verba au-
 ferre Scripturæ; quæ autem ad significationem vitæ eius ne-

cessaria erant; exponere: quæ omnia sufficiebant quemlibet ad meliora conuertere, & emulatorem facere boni. Nunc ve-
rò cum hoc non fecisset; ad vani honoris amorem non necessa-
rium respiciens; non in minimis existimationi iusti nocuit
apud eos, qui diuinæ Scripturæ non cum debita deuotione in-
dicare solent. Et ex hoc multos fecit scripta inculpare, & ad
accusationē ea trahere beati Iob. Et post alia, ut magis ostend-
eret figmentum, atque fabulam esse scriptionem illam;
subsequitur: *Ipsa statim verba, ex quibus incipere eum di-
cit conscriptor, cum peruenissent amici; quis consideranter om-
nia videns, putet, aut dicat, iusti unquam menti conuenire?* Maledicta enim tam multa colligere statim ab initio;
& rebus ea imponere, quæ maledictum suspicere non possunt;
quia nec subsistere creduntur: quis existimet ei conuenire, qui
cum tanta sapientia, & virtute, & reuerentia suam vitam
gubernasset? Et per omnia reprobans scripturam Iob, &
conscriptori (idest Spiritui sancto) maledicens; in fine
interpretationis blasphemiae suæ, ita dicit: *Paruum au-
tem est istud flagitium ad hoc, quod in fine positum est. Hoc
enim quod dixit, tertiam filiam suam Amaltheæ cornu eum
vocasse; nihil aliud est, quam ostendere cum paganis fabu-
lis assentientem, & idolatriæ figmenta diligentem: certo qui-
dem constituto, quod nec scire quidem de Ioue, de Saturno, &
Iunone paganicas fabulas poterat Iob beatus, homo barbarus,
& Edomitanus genere. Quod si & sciret, sed non filie suæ
mirabiliter diuinitus natae, ex idolatriæ paganis fabulis no-
men imponeret; decorare eam existimans, si ita nominata
fuisse. Hæc de his, quæ in Iob Theodorus impiè bla-
phemauit. Quamplura etiam in Concilio, eiusdem in-*
eodem

codem genere lecta fuerunt. Sed transeamus ad eius nefarium iudicium de Canticis Canticorum. Est enim, ut ex his verbis apparebit: *Cum me piguissest Cantica Canticorum perlegere, quoniam neque secundum propheticam speciem exposita sunt; neque secundum historiarum traditionem, sicut Scriptura Regum; neque demonstrativa admonitione studij utuntur: nescio quomodo tuarum literarum praeceptum, de Canto Canticorum exigens a nobis irrecusabiliter causam; fecit me circa eam diligentiores: violenter quidem. Et sic nec enim cessavi, & initio ipso lectionis quasi studiosa alacritate oscitans frequenter, & dormitans, sicut conuiuio codicis nuptiali, & hoc regali, percantatus.* Et post pauca subdit: *Sed sic per sapientiam, Gentibus, & Iudeis prædicabilem, & terribilem existentem, ut solertem. Vnde & pax ei firmior, quam in anterioribus temporibus, erat; timore summae circa ea prudentiae, frenatis gentibus bella amantibus. Aegyptiacum conuiuium facie Salomonem apud Iudeos vitiosum, tanquam legum paternarum prævaricatorem; abdicantium alienigenas nuptias. Et ad puellæ conuiuium cecidit; fugienda quidem etiam ipso patrio deformi colore: (nocturnorum enim colorum Aegyptius genitrix) magis vero fugienda, quoniam genus habebat ex Cham, qui haeres fuit antiquæ maledictionis Noe; ex quibus passus est aliquid Salomon circa coniugis desiderium: & opprobrio prævaricationis irritatus, componit Canticam excusationem, ut gratior etiam uxori sit, Canticis delectatus pro ea factis: & improperantes sapienter percussit, tanquam conscripti causam illi dantes lœtitiarum, & non penitentiae, proper nuptias tanquam prauas. Vnde ab osculis nuptialibus statim ei & initium est, tanquam sistenti nouam*

nuptiam reclamantem vituperantibus: Osculetur me sponsus ab oculis cris eius: & vestrum mihi cura nulla opprobrium latrantium. Et quæ sequuntur.

Iam verò cuique satis abundè patere potest, quomo^do de sacra Scriptura impius Theodorus sentiret; qui talia, vt vidimus scripsisset: quæ tametsi ad disputationem nostram non pertineant; voluimus nihilominus in medium afferre: cum, & peiora ipsum blasphemasse, vt sancti Patres dixerunt, appareret; tum, vt vniusquisque dignoscere posset, quām vitanda sint cuncta, à nefando, pessimoq; hoc auctore conscripta. Sed adhuc euidentius constabit, quod dicimus, ex scelerato eius symbolo, ex actis eiusdem quintæ vniuersalis sanctæ Synodi inferius descripto.

SCELERATVM SYMBOLVM impij Theodori. Cap. XII.

Eos, qui nunc primum erudiuntur Ecclesiasticorum dogmatum subtilitatem; seu ab aliquo hæretico errore transire volunt ad veritatem; doceri oportet, & confiteri, quod Credimus in unum Deum Patrem sempiternum, qui non postea cœpit esse, sed supra constitutum sempiternum: sed neque postremò factum Patrem, quia semper & Deus erat, & Pater. Credimus autem, & in unum Filium Dei unigenitum, qui est de substantia Patris, ut verè Filium, qui & eiusdem substantie est, scilicet & est, & creditur Filius. Et in Spiritum sanctum, qui ex Dei substantia est: qui non Filius. Deus autem est secundum substantiam: quia illius est substantia, cu-

ius est Deus, & Pater: ex quo secundum substantiam est. Nos enim, inquit, non spiritum huius mundi accepimus; sed spiritū, qui ex Deo est: à creatura quidē ipsum segregans omni; Deo autem coniungens, ex quo secundum substantiam est: propria autem ratione præter omnem creaturam, quam non secundum substantiam, sed causa opificationis; ex Deo esse putamus: & neque Filium putantes, neque per Filium essentiam accipientem. Confitemur autem Patrem unum, perfectum personam; & Filium similiter, & Spiritum sanctum eodem modo. Salua autem ratione pietatis nobis, Patrem, & Filium, & Spiritum sanctum, non tres alias substantias diuersas putare; sed unam eandemq; naturam Deitatis cognoscentes. Oportet autem & de dispensatione, quam pro nostra salute in ea dispensatione, quæ est circa Dominum Christum; Dominus effecit Deus; scire, quid Deus verum hominem assumpsit, perfectum, à semine constitutum Abrahæ, & David, secundum declarationem scripturarum diuinarum; hoc constitutum natura, quod erant illi, quorum de semine erat: hominem perfectum secundum naturam, & ex anima intellectuali, & carne consistentem humana. Quem hominem constitutum secundum nostram naturam, Spiritus sancti virtute in Virgine factum, & natum ex muliere, & factum sub lege, ut omnes nos redimeret à legis seruitute; quam longè ante statuit, adoptionem recipientes; ineffabiliter coniunxit sibi. Qui mortem quidem cum secundum legem hominum sustinere fecit: resuscitauit autem ex mortuis, & eduxit in cælum, & sedere fecit in dextera Dei: unde super omnem constitutus Principatum, & Potestatem, & Dominationem, & Virtutem, & omne nomen, quod nominatur non solum in hoc saculo, sed etiam

etiam in futuro ; ab omni creatura suscipit venerationem, ut inseparabilem ad diuinam naturam habens coniunctionem, relatione Dei, & intellectu: omni ei creatura venerationem attribuente. Et neque duos dicimus Filios, neque duos Dominos; quoniam unus Filius secundum substantiam Deus Verbum, unigenitus Filius Patri, cui iste coniunctus, & particeps, communionem habet Filij nomine, & honoris : & Dominus secundum substantiam Deus Verbum, cui coniunctus iste communionem habet honoris. Et ideo nec duos dicimus Filios, nec duos Dominos : quoniam certo constituto, secundum naturam, Domino & Filio ; inseparabilem habens ad eum coniunctionem, qui pro nostra assumptus est salute ; cum illo honorem, & nominationem Filij & Domini habet : non tamquam nostrum unusquisque per seipsum subsistens filius (unde, & Filij multi secundum beatum dicimur Paulum;) sed solus præcipuum habens hoc, ut in coniunctione ad Deum Verbum, tam filiationis, quam dominationis particeps sit : amputans omnem intellectum dualitatis filiorum, & dominorum. Præbet autem nobis in coniunctione ad Deum Verbum, omnem habere eius, & Fidem, & intellectu, & visionem : pro quibus & venerationem, relatione Dei, ab omni suscipit creatura. Vnum ergo Filium dicimus, & Dominum Iesum Christum, per quem omnia facta sunt : principaliter quidem Deum Verbum intelligentes: qui secundum substantiam, & Filius Dei, & Dominus est. Deinde simul mente accipientes sumptum Iesum, qui est de Nazareth, quem unxit Deus spiritu, & virtute ; ut coniunctione ad Deum Verbum, filiationis, & dominationis participem constitutum: qui secundus Adam à beato vocatur Paulo ; eiusdem quidem naturæ constitutus Adam; & ostendens

dens nobis futurum statum; & tantam habens ad illum differentiam, quanta fiet eius, qui ineffabilia præbet futuri statutus bona, ad eum, qui præsentium tristium dedit initium. Simili autem modo, & secundus homo vocatur, ut statum secundum manifestans: quia prioris quidem initium dedit Adam, mortalis, & passibilis, & mulierum pleni dolorum; in quo & demonstrauit ad eum habere similitudinem: secundum autem ostendit Dominus Christus. Iste de cælis in futurum visus, omnes nos in communionem educet suam. Nam primus, dicit, homo de terra terrenus: secundus, homo Dominus de cælo: idest inde in futuro apparitus, ut omnes ad imitationem adducat sui. Vnde addit: Qualis terrenus, tales & terreni: & qualis cælestis, tales & cælestes. Et quomodo induimus imaginem terreni, induamus & imaginem eius, qui de cælo est. In eo apparente, & eum omnibus videntibus, qui iudicandi sunt; in occulto constituta diuina natura, faciet iudicium. Tempora enim ignorantiae nostræ despiciens Deus, nunc annunciat hominibus, ut omnes ubique pænitentiam agant: quoniam statuit diem, quo iudicet de orbe terrarum in equitate; in viro, cui constituit fidem præstare, suscitans eum de mortuis. Ista est Ecclesiasticorum dogmatum doctrina: & omnis qui contraria ei sapit: anathema sit. Hactenus sceleratum symbolum impij Theodori. Quod quanta, cum indignatione sanctæ Synodi auditum fuerit, declarant hæc verba, ex synodalibus actis descripta; videlicet:

Et postquam lectæ sunt blasphemæ Theodori Mopsuesteni, & impium eius symbolum: SANCTA SYNODVS exclamauit: HOC symbolum Satanas composuit. Anathema ei, qui hoc symbolum composuit. Hoc symbolum Ephesi-

na prima Synodus, terna cum auctore eius anathematizauit. Vnum tantummodo Fidei Symbolum scimus, quod Nicæni sancti Patres exposuerunt, & tradiderunt. Hoc & sanctæ tres Synodi tradiderunt: in hoc omnes baptizati sumus; & nos in hoc baptizamus. Anathema Theodoro Mopsuesteno. Iste Euangeliar reprobauit, iste dispensationem iniuriauit. Anathema illis, qui non anathematizant illum. Defensores eius, Iudei sunt: sequaces eius, pagani sunt.

D E T E C T A O R I G I N E
Nestorianæ hæreseos, fomenta illius
patefiunt. Cap. XIII.

HACTENVS ex blasphemij Theodori superiùs descriptis; & ex ipsius scelerato symbolo, cuiq; manifestum esse abundè credimus; quod ab initio ostendum proposuimus: Nestorium nempè impietatis suæ doctrinam à Theodoro Mopsuesteno accepisse. Sed quoniam nostra hæc disputatio ad eradicationem Nestorianæ hæresis ex animis dilectissimorum fratum Chaldeorum, instituta est; cum eius originem iam detexerimus, nunc ipsius fomenta ostendere, ex eiusdem sanctæ vniuersalis quintæ Synodi auctoritate; aggrediamur. Hæc autem sunt reliqua duo capitula, eidem sanctæ Synodo à Iustiniano Imperatore, vt examinarentur; proposita: scripta videlicet Theodoreti Episcopi Cyri aduersus duodecim Anatheinatimos sanctissimi Cyrilli; cæteraq; ab eodem Theodoreto pro Nestorio composita; & epistola Ibæ

Ibæ ad Marim Persam. Describenda autem hæc omnia
hoc in loco duximus , quia fundamenta suorum dog-
matum facilè Chaldæi in illis agnoscere poterunt: quæ
cum viderint damnata fuisse à sanctis Patribus ; non du-
bitamus, quin & ipsi pietatis zelo , & orthodoxæ doctri-
næ studio incensi , alacri animo illa reiijciant; atque Ca-
tholicam veritatem , quam sancta Romana Ecclesia do-
cet, libentissimè amplectantur .

EX HIS, QVÆ A THEODORETO

scripta sunt aduersus duodecim Capitula.

S.Cyrilli.Et primo ex his,quæ ad pri-
mum anathematisnum scripsit;
vt coram Patribus in Con-
cilio lecta fuerunt ,
collatione V.

Cap. X I I I I.

INQVIT Theodoretus: *Certum igitur est ex prædi-
ctis, quod Dei forma non immutata in serui formam,
sed manens quod erat; sumpsit serui formam.* Si igitur non
factus est caro Deus Verbum , sed carnem vivam , & ratio-
nablem recepit; non ipse natura ex Virgine natus est, conce-
ptus est , complasmatus, & formatus; & initium inde, ut es-
set accipiens, qui ante secula est, & Deus est, & apud Deum
est, & cum Patre est, & cum Patre cognoscitur , & adora-
tur : sed cum sibi templum in Virginali vtero complasmauit,
cum illo erat, qui complasmatus, & conceptus, & formatus ,
& na-

Et natus est. Quapropter, Et sanctam illam Virginem, Dei genitricem appellamus; non quod Deum natura genuit, sed quod hominem Deo unitum, qui eum complasmanuit. Et aduersus secundum anathematismum: Vnum quidem Christum confitemur, diuinis doctrinis Apostolorum obedientes; Et eundem per unitatem Deum, Et hominem nominamus: unitatem vero, quae est secundum subsistentiam, omnino ignoramus, tanquam nouam Et alienigenam diuinarum scripturarum, Et Patrum, qui eas interpretati sunt. Et iterum contra quartum anathematismum. Cui igitur adscribamus hoc quod est: Deus meus, Deus meus, quare me dereliquisti? Et hoc quod est: Pater, si potest fieri, transeat calix iste a me. Et hoc quod est: Pater saluum me fac ab ista hora. Et hoc quod est: Horam illam nemo cognouit, neque filius hominis: Et alia, quae humiliter ab ipso, Et a sacris Apostolis de ipso dicta, Et scripta sunt? Cui esuritionem, Et sitiim applicemus? cui laborem, Et somnum? cui ignorantiam, Et formidinem? Quis est, qui Angelico indiguit auxilio? Si Dei Verbi hac sunt, quomodo ignorauit sapientia? Et post alia: Non erat Dei Verbi ignorantia, sed servi formae; quae tantum in illo tempore cognoscebat, quantum inhabitans Deitas reuelauit. Et contra decimum anathematismum haec scribit: Quis est, qui laboribus virtutis perfectus est, Et non natura perfectus existens? Quis est, qui experimento cognouit obedientiam, Et istam ignorans ante experimentum? Quis est, qui cum reuerentia vixit; Et cum labore forti, Et lacrymis supplicationes obculit; Et saluum se facere non potens, sed obsecrans illum, qui poterat saluum facere; Et mortis liberationem postulans? Non Deus Verbum, qui immortalis est, qui impassibilis, qui

incor-

incorporealis. Et post alia: Sed id, quod ex semine David sumptum ab ipso est, quod est mortale, quod est passibile, quod timet mortem, licet postea destruxerit mortis potentiam, propter unitatem Dei, qui hoc recepit, quod per omnem ambulauit iustitiam; & ad Ioannem dixit: Sine modo; sic enim decet nos implere omnem iustitiam: hoc summi Sacerdotij appellationem accepit, secundum ordinem Melchis-dech. Illud enim habebat naturæ infirmitatem. Eiusdem Theodoreti ex epistola, quam ad Monasteria contra sanctum Cyrillum scripsit: Qui propè stant, derident nostram pugnam, & nostris fruuntur malis, & gaudent videntes nos à nobismetipsis consumptos. Causa verò istorum sunt, qui Apostolicam Fidem corrumpere contendunt; & Euangelicis dogmatibus instabilem doctrinam imponere præsumunt; & impij Cyrilli capitula cum anathemate in Regiam Ciuitatem transmisrunt: suscipientes, & suis scriptoribus, ut putauerunt, confirmantes, quæ manifestè ex amara Apollinarij doctrina exorta sunt: eandem enim habent Arij, & Eunomij blasphemiam. Quòd si quis subtiliter perspicere voluerit, nec ab insanìa Valentini, & Manæ, & Marcionis aliena sunt. Nam in primo quidem capitulo, dispensationem pro nobis factam eiecit: non recepisse Deum Verbum carnem humanam, sed ipsum in carnem mutatum esse docens; & suspicione, & phantasia Saluatoris nostri, inhumanationem, sed non verè factam esse, dogmatizans. Hæc verò ab impietate Marcionis, & Manæ, & Valentini generata sunt. In secundo autem & tertio capitulo, quasi oblitus eorum, quæ in principijs exposuit: unitatem, quæ est secundum subsistentiam, introducit, & conuentum per unitatem

tem naturalem : temperationem quandam , & confusionem , per hæc nomina factam esse docens , diuinæ naturæ , & serui formæ . Hoc verò ab Apollinarij heretica insania natum est . In quarto verò capitulo , Euangelicarum , & Apostolicarum vocum diuisionem abdicat : & non permitit secundum orthodoxorum Patrum doctrinas , eas quidem , quæ Deo conueniunt , voces , in diuina excipere natura ; humiliores verò , & humaniter dictas recipi , & applicari humanitati ; & inde igitur est inuenire benè sapientes impietatis cognationem . Arius enim , & Eunomius creaturam , & ex his , quæ non sunt , & serum , & nigenitum Dei Filium dicentes ; humana , quæ à Domino Christo humaniter dicta sunt , Deitati ipsius applicare ausi sunt : alienum paternæ substantiæ , & dissimilem inde cum ostendere festinantes . Super hæc , ut compendiosè dicam ; ipsam impassibilem , & non mutabilem Christi Deitatem & pati , & crucifigi , & mori dicit . Hoc verò & Arij , & Eunomij insaniam superat . Nec enim qui creaturam audent dicere Creatorem omnium & opificem , in istam exceperunt impietatem . Blasphemat verò & sanctum Spiritum ; non ex Patre ipsum procedere dicens , secundum Dominum vocem ; sed ex Filio esse . Et iste verò Apollinarij seminum fructus est : propinquat verò & Macedonij malignæ culturæ . Tales sunt Aegyptij partus maligni ; patris verò peior progenies . Hæc cum offerteret vel abortiuia facere in ipsa conceptione , aut statim nata corrumpere , eos , quibus animarum medicina commissa est , & pote perniciosa , & nostræ naturæ læsiones ; nutriunt magnanimi ; & multo digna esse studio iudicant , ad perniciem tam suam , quam aliorum , qui aures eis patiuntur præstare . Item ex allocutione Theodoreti aduer-

aduersus sanctum Cyrillum, Chalcedone habita, statim post Ephesinam primam Synodum, cum ab Epheso ascendisset Constantinopolim, vna cum Orientalibus, pro Nestorio, quasi iniuste condemnato. *Vides, inquit, quomodo differentiam naturarum scio, & unitatem non soluo, ò noue Christi impugnator, magis verò Dei impugnator?* Hunc præscripto consilio, & præscientia Dei traditum capientes, per manum iniquorum adfigentes, interfecisti: quem Deus resuscitauit ex mortuis, solutis vinculis inferni. Item & ex alia allocutione in eadem Ciuitate, contra sanctæ memoriæ Cyrillum: *Nunquid soluo unitatem, ò noue hæretice, neque tu confundis naturas?* Dic inconfusam unitatem, & suscipio vocem. Sed quid dicas, quod una natura duæ naturæ factæ sunt? *Quis te hoc Propheta eruditus?* quis Apostolorum? primus, secundus, medius, ultimus, qui est post duodecim, Paulus, Barnabas? *Quis posterior illis doctoꝝ?* Disce tuum doctorem. Hoc Asterius Arianus genuit, & Apollinaris tuus pater. Te ipsum enim filium illius constituiſti: cuius dogmatum hæres fastus es, sis & appellationis hæres merito.

Hæc ex his, quæ de conscriptis à Theodoreto contra orthodoxæ Fidei doctrinam in Concilio lecta sunt, descripsisse sufficient. Prætermisimus autem eius epistolas ad Andream Episcopum Samosatenum, ad ipsum Nestorium, & ad Ioannem Antiochenum; nonnullaque loca ex eius allocutione Antiochiae, post beati Cyrilli transitum habita; quæ similiter cum superioribus eius scriptioribus recitata fuerunt: quod conuicijs magis, quam doctrina referta sint. Et quod in his facilè agno-

scere possint Chaldæi fundamenta illius doctrinæ, quam hæc tenus in mysterijs altissimis nostræ Fidei explicandi, secuti sunt: atque insuper mendacia manifestissima, quorum scriptores isti, hæreticorum fautores, insimulant orthodoxos, sanctosq; Patres, Ecclesiæ sanctæ Apostolicos Doctores; impudentissimè illis ascribentes, quòd diuinitatis, & carnis confusionem, aut diuinitatis in carnem mutationem, impiè nos docere cum damnatissimis hæreticis voluerint. Sed iam addamus, quid egerit sancta Synodus, postquam impia hæc scripta audiuit.

SANCTA SYNODVS dixit: *ET ex his, quæ Theodoreus impiè conscripsit, miranda est subtilitas sancti Chalcedonensis Concilij. Sciens enim eius blasphemias, prius quidem multis sèpius & saepe contra eum exclamationibus postea & verò non aliter eum suscepisset, nisi prius anathematizasset Nestorium, & eius blasphemias, pro quibus antea scripsit, defendens eas.* Hæc sancta Synodus. Transeamus modò nos ad epistolam Ibæ, hoc est tertium capitulum à sanctis Patribus in Concilio expensum, examinatumque. Cuius epistolæ auctoritate maximè nitebantur Nestoriani.



INTERPRETATIO EPISTOLÆ
 quæ dicitur ab Iba Episcopo scripta ad Ma-
 rim Persam. Ex collatione vj. Uni-
 uersalis quintæ sanctæ Syno-
 di. Cap. X V.

COMPENDIOSE verò sapientia tua lucida, quæ per pauca multa cognoscit, qualia ante hoc, & nunc facta sunt; manifestare festinauimus: scientes, quod hæc tua reuerentia scribentes, omnibus per tuum studium, qui ibi sunt; fuerint manifesta, quæ à nobis scribuntur; qui nullam immutationem à Deo date scripturæ acceperunt. Facio verò initium cause ex verbis, quæ & ipse cognoscis. Factum est certamen, ex quo tua reuerentia hic fuit, duobus hominibus istis Nestorio, & Cyrillo: & conscripserunt contra se verba nocibilia, quæ scandala erant audientibus. Nestorius enim dixit in suis libris, sicut & tua reuerentia cognoscit: Quod Beata Maria, Dei Genitrix non est; ut putaretur pluribus, de secta Pauli Samosateni esse, dicentis, hominem purum esse Christum. Cyrus verò volens verba Nestorij refutare, lubricauit; & inuentus est cecidisse in dogma Apollinarij. Conscripsit enim & iste similiter illi: Quod ipse Deus Verbum factus est homo; ut non sit differentia inter templum, & inhabitantem in eo. Conscripsit enim duodecim Capitula, quæ puto & tuam reuerentiam cognouisse: Quod una natura est Deitatis, & humanitatis Domini Nostri Iesu Christi: & Quod non oportet, inquit, diuidere voces dictas; quas, aut ipse Dominus pro se dixit; aut Evangelistæ de ipso. Omni verò impietate ea plena sunt & an-

requam nos dicamus, sicut & tua sanctitas cognoscit. Quo-
 modo enim possibile est accipi Verbum, quod ab initio est;
 pro templo, quod ex Maria natum est? aut illud: Mi-
 norasti eum paulominus ab Angelis; de Deitate unigeniti di-
 etum fuisse? Ecclesia enim sic dicit, sicut & tua reueren-
 tia cognoscit, & ab initio edocita est, & firmata diuina do-
 ctrina ex verbis beatissimorum Patrum: Dua natura, una
 virtus, una persona; quod est unus Filius Dominus Iesus
 Christus. Propter hoc certamen viatores, & p[ro]ij Imperato-
 res iusserunt primates Episcoporum in Ephesinam ciuitatem
 congregari; & sub omnibus libros Nestorij, & Cyrilli iudi-
 cari. Antequam vero omnes Episcopi, qui iussi sunt congrega-
 gari, in Ephesum peruenirent; antecedens idem Cyrilus, au-
 res omnium, veneno obcaecanti oculos sapientium, obtinuit: in-
 uenit enim causam ex odio contra Nestorium. Et antequam
 in Synodum perueniret vir sanctissimus Archiepiscopus Ioan-
 nes; de Episcopatu Nestorium deiecerunt; iudicio, & quæstio-
 ne non facta. Post duos vero dies deiectionis eius, venimus
 in Ephesum: & cum didicissemus, quod in deiectione Ne-
 storij, que ab his facta est; duodecim Capitula conscripta a
 Cyrillo contra constituta Fidei verae proposuerunt, & con-
 firmauerunt, & eis consenserunt, ut potè verae Fidei con-
 sonantibus; omnes Orientis Episcopi ipsum Cyrillum deiece-
 runt; & contra alios Episcopos, qui consenserunt Capitulis,
 excommunicationem statuerunt. Et post hanc confusionem
 unusquisque in suam Ciuitatem reuersus est. Nestorius
 vero, quoniam odio habebatur sua Ciuitati, & maioribus in ea constitutis; illuc reuerti non potuit. Et mansit
 Synodus Orientalis non communicans Episcopis communi-
 canti-

cantibus Cyrillo. Et propter haec ,tribulatio multa inter eos facta est : & in certamine ,Episcopi ad Episcopos facti sunt ; & populi ad populos : & quæ scripta sunt ,opere impleta sunt : Quod erunt inimici hominis domestici eius . Et ex hoc maleloquia multa contra nos facta sunt , tam paganorum ,quam hereticorum : nec enim audebat aliquis de ciuitate in ciuitatem , & à prouincia in prouinciam ire : sed unusquisque proximum ut inimicum persequebatur . Multi vero non habentes timorem Dei ante oculos ; occasione zeli pro Ecclesiis ,quam habebant inimicitiam occultam in corde suo ; ad effectum perducere festinauerunt . Quorum unus ex ipsis est ciuitatis nostra tyranus ,quem & ipse non ignoras : qui occasione Fidei ,non solum cum eo viventes persequitur ; sed etiam eos ,qui dudum ad Dominum abierunt . Qui unus ex ipsis est beatus Theodorus predicator veritatis , & doctor Ecclesiae : qui non solū in vita sua hereticos percussit pro veritate sua Fidei ; sed etiam post mortem arma spiritalia in suis libris , filijs Ecclesiae dereliquit ; sicut & tua reverentia cum eo collocuta ,cognovit ; & ex his ,quæ ab eo conscripta sunt ,credidit . Istum ausus est ,qui omnia audet ,in Ecclesia manifestè anathematizare : qui propter zelum Dei ,non solum suam ciuitatem ab errore in veritatem conuertit ; sed etiam longè agrotantes Ecclesias erudiuit sua doctrina . Et de codicibus autem eius multa ubique inuestigatio facta est ; non quod Fidei veræ alieni fuerant (vidi enim ,quod illum viventem frequenter laudabat , & in codicibus eius legebat;) sed propter inimicitiam occultam ,quam habebat ad eum ; quoniam conuicit cum manifestè in Synodo . Iстis vero malis inter eos tenentibus ; & unoquoque ut volebat ,sicut scriptum est ,eunte : Deus noster adorandus ,qui

semper sua clementia curat Ecclesiam; excitauit fidelissimi,
 & viuteris Imperatoris cor, mittere virum magnum, & co-
 gnitum de suo Palatio, qui compelleret virum religiosissimum,
 & sanctissimum Archiepiscopum Ioannem conciliari Cyrillo:
 ab ipso enim Episcopatu deiectus erat. Et postquam suscepit
 literas Imperatoris, direxit sanctissimum, & Reuerendissi-
 mum Paulum Episcopum Emesa; scribens per eum veram
 Fidem; & mandans ei, quod si isti Fidei consenserit Cyrus,
 & anathematizauerit dicentes, Quod Deitas passa est; & di-
 centes, Quod una natura est Deitatis. & humanitatis; ut ei
 communicet. Voluit autem Dominus, semper curans pro sua
 Ecclesia sanguine suo redempta, & cor Aegyptij mollire; ut
 sine vexatione, Fidei consentiret, ut eam susciperet, & omnes
 extra eam credentes anathematizaret. Et cum communica-
 sent inuicem, certamen de medio ablatum est, & pax in Ec-
 clesia facta est; & non iam de cetero in ea dissidium, sed pax,
 sicut prius est. Que verò sunt verba à viro sanctissimo,
 Reuerendissimoq; Archiepiscopo Ioanne scripta; & quæ rescripta
 suscepit à Cyrillo; ipsas epistolas huic, quæ ad tuam reuerentiam
 scripta est, coniungens; direxi tuae reuerentiae: ut legens cognoscas,
 & omnibus Patribus nostris pacem amantibus annun-
 tias, quod cereamen iam cessauit, & medius paries ablatus est
 inimicitiae: & qui inordinate contra viuentes, & mortuos ir-
 ruerunt, in confusione sunt; satisfacientes pro suis culpis; etiam
 contraria priori sua doctrinæ docentes. Non enim presumit ali-
 quis dicere, quod una est natura Deitatis, & humanitatis; sed
 conseruentur in templum, & inhabitantem in eo, qui est unus
 filius Iesus Christus. Hæc verò scripsi tuae reuerentiae ex
 mulo affectu, quem habeo ad te: confidens, quod tua Sancti-
 tas

tas noctu, dieq; in doctrina Dei te ipsum exerces, ut & multis prodeesse possis.

SENTENTIA SANCTORVM

Patrum quintæ Vniuersalis sanctæ Synodi:

qua Theodorus Mopsuestenus, eiusq;

nefaria doctrina; itidemq; impia

Theodorei scripta; & epi

stola Ibæ, modo re-

lata, damnan-

tur.

Cap. X V I.

SE D videamus tandem, quid sancti Patres censuerint de scripturis superius à nobis propositis. Habetur autem sanctorum Patrum sententia in actis ipsius sanctæ Vniuersalis quintæ Synodi, collatione viij. ut infra, videlicet:

Diodorus Archidiaconus, & Primicerius reverentissimorum Notariorum, dixit: Scit vestra sancta Synodus, quod ante aliquot dies in diuersis conuentionibus acta sunt quedam apud nos de Theodoro Mopsuesteno; & quæ impiè conscripsit Theodoreus; & impia epistola, quæ dicitur Ibæ, ad Marim Personam conscripta. Et quod in ultima Actione promisit vestra sancta Synodus perfectam, & synodicam sententiam imponere bis, quæ examinantur. Quoniam igitur ad hoc ipsum conuenisti; suggestimus ad quod placuerit. Sancta Synodus dixit: Ea quæ de propositis questionibus apud nos acta sunt, mani-

festentur. Et post lectionem, cum suscepisset Calonymus recitentissimus Diaconus, & Notarius sententiam; recitauit.

MAGNO DEO, & Salvatore nostro Iesu Christo, secundum parabolam in Euangelijs dictam, pro cuiuscunque viribus talenta distribuente, & operam eorum opportuno tempore exigente: si is, qui creditum sibi unum talentum sine diminutione seruavit, eo quod non operatus est, & amplificauit hoc, quod sibi creditum est; condemnatur: quanto maiori & horribiliori iudicio subiacet, qui non solum de ipso neglexerit; sed etiam alijs scandali, & perturbationis causam praebuit? cum sit omnibus manifestum, quod quando de Fide ratio moueat, non solum impius condemnatur; sed etiam ille, qui potest quidem prohibere impietatem, negligit verò aliorum correptionem. Et nos igitur, quibus regere Ecclesiam Domini creditum est; timentes maledictionem, quae imminet his, qui negligenter opera Domini faciunt; festinamus bonum Fidei semen, purum conseruare ab impietatis zizanijs, quae ab inimico inseminantur. Quoniam igitur videbamus, quod Nestorij sequaces conati sunt per Theodorum impium, qui Mopsuestia fuit Episcopus; & impia eius conscripta; & insuper per ea, quae impie Thodoreetus conscripsit; & per epistolam sceleratam, quae ab Iba dicitur ad Marim Persam scriptam esse; suam impietatem Dei Ecclesiae applicare: ideo ad eorum quae mouebantur, correptionem surreximus: & pro Dei voluntate, & iussione p̄issimi Imperatoris vocati ad hanc Regiam Vrbem; conuenimus. Et quia contigit, Vigilium religiosissimum, in hac Regia Vrbe degentem, omnibus interesse, quae his tribus capitulis annotata sunt; & tam sine scriptis, quam in scripturis, ea saepius condemnasse; postea tamen & consensit in

scriptis

scriptis, in Concilio conuenire, & disceptare una nobiscum de his tribus capitulis, ut definitio communiter ab omnibus nobis præbeatur, Fidei recte conueniens: Pissimus Imperator, secundum quod inter nos placuit, tam ipsum, quam nos hortatus est communiter conuenire: eo quod Sacerdotes decet communibus questionibus finem communem imponere. Vnde necessario pertinimus ipsius reuerentiam, scriptas suas promissiones adimplere; nec iustum esse amplius, scandalum pro tribus istis capitulis crescere, & Dei Ecclesiam conturbare. Et pro his ad memoriam eius perduximus magna illa Apostolorum exempla, & Patrum traditiones. Licet enim sancti Spiritus gratia & circa singulos Apostolos abundaret, ut non indigerent alieno consilio, ad ea, quæ agenda erant; non tamen aliter voluerunt de eo quod mouebatur; si oportet gentes circumcidendi; definire, priusquam communiter congregati, diuinarum scripturarum testimonij unusquisque sua dicta confirmaverunt. Vnde communiter de eo sententiam protulerunt, ad gentes scribentes: *Uisum est Spiritui sancto, & nobis, nihil aliud imponere vobis, præterquam necessaria: ut abstineatis ab immolatis simulacrorum, & sanguine, & suffocato, & fornicatione.* Sed & sancti Patres, qui per tempora in sanctis quatuor Concilijs conuenerunt; antiquis exemplis utentes, communiter de exortis heresis, & questionibus disposuerunt: certo constituto, quod in communibus disceptionibus, cum proponuntur, quæ ex utraque parte discutienda sunt; veritatis lumen tenebras expellit mendacij. Nec enim potest in communibus de Fide disceptionibus aliter veritas manifestari: cum unusquisque proximi adiutorio indiget, sicut in Proverbijs dicit Salomon: *Frater fratri adiutorium præstans, exaltabitur*

sic ut

sicut Ciuitas munita: valet verò sicut Regnum fundatum. Et ierum in Ecclesiaste dicit: Optimi duo, quām unus; qui-
bus est merces bona in laboribus ipsorum. Sed etiam ipse Do-
minus dicit: Amen dico vobis, si duo ex vobis conuenerint su-
per terram; de omni re quamcumque petierint, continget illis
à Patre meo, qui in cœlis est. Ubicumque enim fuerint duo,
aut tres collecti in nomine meo, ego cum eis sum in medio ip-
sorum. Cum autem sèpius & à nobis inuitatus; & insuper
gloriosissimis Iudicibus missis ad ipsum à piissimo Imperatore;
promisit per seipsum de iisdem tribus capiculis sententiam pro-
ferre. Huiusmodi responso audito, Apostoli nos admonitio-
nes in corde habentes, quod unusquisque pro se rationem red-
det Deo: timentes autem & iudicium imminens eis, qui vel
unum ex minimis scandalizant; quanto magis Imperatorem
ita Christianissimum, & populos, & Ecclesias totas: & quod
dictum à Deo ad Paulum: Ne timeas, sed loquere, & ne ta-
ceas, quoniam ego sum tecum, & non poterit nocere tibi: con-
gregati ante omnia, compendiosè confessi sumus Fidem illam
tenere, quam Dominus noster Iesus Christus verus Deus tradi-
dit sanctis suis Apostolis, & per eos sanctis Ecclesiis; & qui
post illos fuerunt sancti Patres, & Doctores Ecclesie, creditis
sibi populis tradiderunt. Tenere autem, & seruare, & pre-
dicare sanctis Ecclesiis confessi sumus hanc Fidei confessionem,
quam latius exposuerunt trecenti, decem, & octo sancti Pa-
tres Nicae congregati, qui sanctum Mathema, sive Symbo-
lum tradiderunt: insuper autem, & centum quinquaginta
in Constantiopoli collecti, exposuerunt; qui eandem Fidei
confessionem secuti sunt, & eam explanauerunt: & ducen-
torum sanctorum Patrum prius Ephesi collectorum, pro eadem
Fide

Fide consensum: & quæ à sexcentis triginta Chalcedone congregatis, definita sunt pro una, eademq; Fide; quam & ipsi secuti, prædicauerunt. Eos autem, qui pro tempore condemnati, vel anathematizati à Catholica Ecclesia, & prædictis quatuor Concilijs sunt; confessi sumus condemnatos, & anathematizatos habere. Cumq; hæc ita confessi sumus, initium fecimus examinationis trium capitulorum; & proposuimus prius de Theodoro Mopsuesteno: & cum in medio prolate sunt blasphemie codicibus insertæ, mirati sumus in his Dei patientiam, quod non diuino igni statim incensa est lingua & mens, quæ hæc eructauit: & nunquam concesssemus, procedere lectorum prædictarum blasphemiarum: pro sola memoria illarum, indignationem Dei timentes; (utpote unaquaque blasphemia magnitudine impietatis, antecedentem superante, & mentem auditoris funditus permouente) nisi eos, qui talibus blasphemij glorianter, videremus indigere confusione, per manifestationem earum eis inferenda: ut nos omnes zelo blasphemiarum contra Deum expositarum incensi, & in medio lectionis, & post ipsam, exclamaciones, & anathematismos contra Theodorum, ut viuentem & præsentem faceremus: Propitius sis Domine, dicentes: nec dæmones ausi sunt talia contra te loqui. O intolerabilem linguam illam? O prauitatem viri? O altam illam manum, quam extendit contra Creatorem suum. Scripturas scire, miser ille, pollicitus, non meminit Oseæ prophetæ, dicentis: Væ illis, quoniam exilierunt à me: famosi facti sunt, quia impij fuerunt in me; iniqua locuti sunt aduersum me, & aduersum me excogitantes, locuti sunt pessima. Ideo cadent in frameam propter improbitatem linguæ suæ. Hic contemptus eorum in sinu eorum: quia transierunt testamentum

tum meum, & aduersus legem meam impiè egerunt. Istis Theodorus impius merito subjicitur. Prophetias enim, quæ de Christo sunt, reijciens; festinavit dispensationis pro nostra salute magnum mysterium, quantum ad se pertinet; reprobare. Fabulas tantummodo ad risum propositas gentibus, diuina eloquia multis modis conatus ostendere: & contempnit tam alias propheticas pronuntiationes contra impios factas: & quod dixit diuinus Habacuc de his, qui mendaciter docent: Vae qui adaquat proximum sibi euersione turbata, & inebriat eum, ut inspiciat speluncas eorum: idest tenebrosas, & omnino à luce alienas doctrinas eorum. Et quid oportet multa dicere? Liceat volētibus codices impij Theodori præ manibus accipere; vel quæ ex impijs codicibus eius, gestis apud nos habitis, inserita sunt, impia capitula; & inuenire nimiam insaniam, & nefanda illa, quæ dixit. Ulterius enim procedere, & iterum memoria repetere nefanda illa veremur. Recitata nobis sunt & quædam, à sanctis Patribus contra illum, & omnes hæreticos superantem eius insaniam conscripta: & insuper historiae, & leges Imperiales, illius impietatem ab initio diuulgantes. Et quoniam post hæc omnia, impietatis illius defensores, iniurijs contra Creatorem suum dictis gloriantes; dicebant non oportere eum post mortem anathematizare: licet cognosceremus Ecclesiasticam de impijs traditionem, quod & post mortem hæretici anathematizantur; tamen necessarium putauimus, & de hoc perscrutari. Et fertur in gestis, quomodo diuersi hæretici & post mortem anathematizati sunt. Et per multa manifestum est apud nos, quod qui hæc dicunt, nullam curam Dei iudicatorum faciunt; nec Apostolicarum pronuntiationum; nec paternarum traditionum. Libenter utique interrogemus eos,

eos , quid dicant de Domino, dicente de seipso : Qui crediderit in eum , non iudicatur : qui autem non crediderit in eum , iam iudicatus est, quia non crediderit in nomine cōnigeniti Filij Dei? Et Apostolo clamante : Licet nos aut Angelus de cœlo euangelizauerit vobis , præterquam euangelizauimus vobis: anathema sit . Sicut prædiximus , & nunc iterum dico : Si quis vobis euangelizauerit, præterquam quod accepistis: anathema sit ? Domino enim, quod iam iudicatus est, dicente ; & etiam Apostolo , Angelos si docerent , præter quod euangeli-
zati sumus , anathematizante: quomodo præsumunt dicere, qui omnia audent , de cōviis tantummodo hæc dicta esse ? Aut ignorant, magis autem scientes ignorare configunt, quod iudicium anathematis, nihil aliud est, nisi separatio à Deo ? Quod impius licet non verbo ab aliquo suscepisset ; tamen anathema re ipsa sibi infert , per suam impietatem semetipsum à vera vita separans . Quid autem dicunt & ad Apostolum iterum dicentem : Hereticum hominem post cōnam , & secundam correptionem evita ; sciens , quoniam peruersus est huiusmodi homo , & peccat , & est à semetipso damnatus ? Quibus consonantia sanctæ memorie Cyrillus in libris , quos contra Theodorum scripsit , ita dicit : Euitandi sunt illi , qui tam pessimis culpis detinentur , siue in cōviis sint , siue non . A nocente enim semper refugere necessarium est ; & non ad personam magis respicere , sed ad hoc quod Deo placet . Et iterum idem sanctæ memorie Cyrillus scribens ad Ioannem Episcopum Antiochiae , & congregatam ibi Synodum; de Theodoro , ut potè cōna cum Nestorio anathematizato, ita dicit : Erat igitur necessarium , claram propterea ducere festinatatem , expulsa certè omni voce à quocumque dicta , quæ consonat Nestorij bla-

blasphemij. Processit enim aduersus omnes, qui eadem sapiunt, vel sapuerunt aliquando, quod absolute nos, & vestra Sanctitas dixit: Anathematizamus illos, qui dicunt Filios duos, & duos Christos. Unus enim, ut dictum est, prædicatur à nobis & vobis, Christus, & Filius, & Dominus unigenitus ut homo, secundum vocem sapientissimi Pauli. Sed etiam in epistola ad Alexandrum & Martinianum, & Ioannem, & Paregorium & Maximum presbyteros, & patres Monachorum, & eos qui cum ipsis erant, solitariam vitam exercentes; ita dicit: Iam quidem & sancta Synodus Ephesi secundum Dei voluntatem congregata, contra Nestorianam perfidiam iusta, & subtili prolatâ sententia; & aliorum vaniloquia, qui vel postea futuri sunt, vel iam fuerunt; eadem illi sapientes, & dicere, vel scribere tale aliquid præsumentes; una cum ipso condemnauit; aequalem condemnationem ei imponens. Consequens enim erat, uno semel pro suis tam profanis vaniloquijs condemnato, non contra unum tantum venire; (sed ut ita dicam) contra omnem corum heresim, siue calumniam, quam fecerunt contra pia Ecclesiæ dogmata; duos colentes Filios, & diuidentes individuum, & anthropolatriæ crimen inferentes cœlo, & terræ. Adorat enim nobiscum supernorum Spirituum sancta multitudo unum Dominum Iesum Christum. Sed etiam Augustini religiose memorie, qui inter Africanos Episcopos splenduit; diuersæ epistole recitate sunt; significantes, quod oportet hereticos & post mortem anathematizari. Talem autem Ecclesiasticam traditionem & alij Africani Reuerendissimi Episcopi seruauerunt. Sed & Romana sancta Ecclesia quosdam Episcopos & post mortem anathematizauit; licet pro Fide in vita sua non essent

essent accusati: & utrumque apud nos habita gesta significant. Sed quoniam euidentissimè veritatem impugnantes, Theodori, & ipsius impietatis discipuli; quædam verba sanctæ memoria Cyrilli, & Procli proferre conantur, quasi pro Theodoro scripta; oportunum est propositis aptare verba Prophetæ dicentis: Qui recte sunt via Domini, & iusti ambulant in eis: impij autem infirmabuntur in eis. Nam & isti male excipientes ea, quæ bene & opportunè à sanctis istis Patribus scripta sunt; & excusantes excusationes in peccatis; hæc verba proferunt. Apparent enim Patres non liberantes anathemate Theodorum, sed dispensatiuè talibus quibusdam utentes verbis, propter defensores Nestorij, & eius impietatis; ut ab eiusmodi errore eos abstrahentes, ad perfectum deducerent; & docerent non solum, discipulum impietatis, Nestorium addicere, sed etiam doctorem eius Theodorum. Itaque & in ipsis dispensationis verbis suam Patres intentionem ostendunt, de eo, quod oportet anathematizari Theodorum; sicut per plurima in gestis apud nos habitis demonstratum est, ex his, quæ ad condemnationem Theodori, & eius impietatis, Cyrus, & Proclus sanctæ memoria scripsérunt. Et talem dispensationem in diuina Scriptura est inuenire: ad hoc & Paulus Apostolus in principio prædicationis fecisse ostenditur, propter eos, qui ex Hebreis erant, Timotheum circumcidens: ut per hanc dispensationem, & condescensionem, ad perfectum eos deduceret. Vnde postea interdicens circumcisionem, ad Galatas ita scripsit: Ecce ego Paulus dico vobis, quod si circumcidamini, Christus vobis nihil prodest. Inuenimus autem & illud, quod solent heretici facere, & à Theodori defensoribus factum. Quædam enim ex his, quæ sancti Patres scripsérunt, circumcidentes,

tes, quædā vero falsa ex semetipsis componentes, & confingen-
tes; Cyrilli sanctæ memorie epistola conabantur, quasi ex testi-
monio Patrum, prædictum impium Theodorum anathemate li-
berare: in quibus & ipsis veritas demonstrata est: his quidem,
quæ circumcisa erant, per sequentiam anteriorum, & posteriorū
perlectis: mendacio autem falsitatis, per collationem eorum,
quæ vera erant; per omnia conuicta. In omnibus autem istis,
qui talia vana loquuntur, secundum quod scriptum est, Con-
fidunt falsis, & loquuntur vana, quia concipiunt dolorem,
& pariunt iniquitatem, telam araneæ texentes. His ita de
Theodoro, & eius impietate discussis, pauca & ex his, quæ impie-
tate Theodoreto scripta sunt contra rectam Fidem, & duode-
cim Capitula sancti Cyrilli, & contra Ephesinam primam
Synodus; necnon quædam ad defensionem Theodori, & Ne-
storij impiorum, ab eo conscripta; ad satisfactionem legentium,
in gestis apud nos confectis, recitari, & inseri perspeximus: ut
sciant omnes, quod iuste isti ejciuntur, & anathematizan-
tur. Tertio loco epistola, quam dicitur Ibas ad Marim Persam
scriptisse, ad examinationem proposita; necessarium esse perspe-
ximus & eam recitari. Statim igitur ex ipsa lectione, impiet-
tas ei inserta, omnibus manifestata est. Et oporteret quidem,
usque ad hoc quæstione facta; condemnationem, & anathe-
matismum prædictorum trium capiculorum facere. Sed quia
Theodori, & Nestorij impiorum defensores alio modo machi-
nabantur confirmare eorum personas, & impietatem; & di-
cebant, istam impiam epistolam, quæ laudat, & defendit
Theodorum, & Nestorium, & eorum impietatem; suscep-
tem esse à sancto Chalcedonensi Concilio: necessarium esse pu-
tauimus per omnia ostendere, liberam esse sanctam Synodus
ab im-

ab impietate, quæ in epistola continetur: eo quod, qui talia dicunt, non favore sancti Concilij hoc faciunt; sed ut per eius nomen, suam impietatem confirmarent. Et ostendebatur in gestis, quod anterioribus temporibus accusatus est Ibas propter eandem impietatem, quæ & in epistola continetur: primo quidem apud Proclum sanctæ memoriae Episcopum Constantinopolitanum; postea verò apud Theodosium piae recordationis, & Flavianum, qui post Proclum Episcopus ordinatus est: qui & cause examinationem delegauerunt Photio Episcopo Tyri, & Eustathio Episcopo Berytiorum ciuitatis. Postea verò inculpatus idem Ibas, ab Episcopatu deiectus est. His itaque subsecutis, quomodo presumunt aliqui dicere, istam impiam epistolam suscepitam esse à sancta Chalcedonensi Synodo; eamq; per omnia secutum esse sanctum Chalcedonense Concilium? Tamen ne quæcumque remaneret occasio eis, qui tales calumnias applicant sancto Chalcedonensi Concilio; recitari perspeximus ea, quæ apud sanctas Synodos, Ephesinam primam, & Chalcedonensem, pro epistolis sanctæ memoriae Cyrilli, & religiose memorie Papæ antiquioris Romæ Leonis moxa sunt. Et cum ex his accepissimus, quod non aliter oportet suscipi, quæ ab aliquo scribuntur, nisi prius recte Fidei sanctorum Patrum consonare demonstrentur; interlocuti sumus recitari & definitionem quæ de Fide exposita est à sancto Chalcedonensi Concilio; ut conferantur, quæ in epistola, & quæ in definitione continentur. Quo facto demonstratum est, contrariam per omnia epistolam esse his, quæ in definitione continentur. Nam definitio quidem consonat his, quæ iudicata sunt proutna, eademq; Fide, tam à trecentis decem & octo sanctis Patribus, quam à centum quin-

quaginta; & his, qui prius Ephesi conuenerunt: impia au-
tem epistola, illa continet, quæ Theodorus & Nestorius hæ-
retici blasphemauerunt; & defendit eos, & doctores sibi
adscribit; sanctos autem Patres hereticos vocat. Et illud
autem omnibus facimus manifestum, quod nec partes in-
terlocutionum tñius, vel secundi, quibus utuntur Theodo-
ri, & Nestorij sequaces, præterire sustinuimus; sed & istis,
& alijs omnibus interlocutionibus in medio prolatis, & his quæ
eis continentur, consideratis; inuenimus, quod non aliter pas-
si sunt prædictum Ibam suscipere, priusquam exegissent eum,
Nestorium, & impia eius dogmata, quæ in epistola vindicantur,
anathematizare. Et hoc fecerunt tam alij religio-
si Episcopi prædicti sancti Concilij, quam illi duo, quorum
interlocutionibus quidam uti conantur. Hoc enim & in
Theodoreto obseruauerunt, & exegerunt eum, anathemati-
zare ea, pro quibus accusabatur. Si igitur Ibam non alio
modo suscipere sustinuissent, nisi impietatem, quæ in episto-
la continetur, condemnasset; & subscripsisset definitioni, quæ
pro Fide à sancto Concilio data est: quomodo conantur dice-
re, susceptam esse eandem impiam epistolam ab eodem sancto
Concilio? Quæ enim, ut verè dicamus, participatio est iu-
sticie, & iniquitatis? & quæ societas est luci cum tenebris?
quæ autem conuentio est Christi cum Belial? aut quæ pars est
fideli cum infideli? quæ autem est commixtio templo Dei cum
Idolis?

Repetitis igitur omnibus, quæ apud nos acta sunt, iterum
Confitemur, quod suscipimus sanctas quatuor Synodos: idest
Nicenam, Constantinopolitanam, Ephesinam primam, &
Chalcedonensem; & quæ pro una, eademq; Fide definie-
runt,

runt, prædicauimus, & prædicamus. Eos autem, qui hæc non
fusciunt, alienos Ecclesiæ Catholice iudicamus. Condem-
namus autem, & anathematizamus, una cum omnibus alijs
hæreticis, qui condemnati, & anathematizati sunt à prædi-
ctis sanctis quatuor Concilijs, & à sancta Catholica, &
Apostolica Ecclesia; & Theodorum, qui Mopsuestiæ Episco-
pus fuit; & impia eius conscripta: & quæ impiè Theodoreetus
conscriptis contra rectam Fidem, & contra duodecim capi-
tula sancti Cyrilli, & contra Ephesinam primam Synodum;
& quæ ad Theodori defensionem, & Nestorij ab eo scripta
sunt. Super hæc anathematizamus & impiam epistolam,
quam dicitur Ibas ad Marim Persam scripsisse: quæ denegat,
Deum Verbum, de sancta Dei Genitrice, & semper Virgine
Maria incarnatum, hominem factum esse: & sancta me-
moria Cyriillum, qui rectè docuit; tanquam hæreticum, &
similiter Apollinario scribentem criminatur. Et inculpat
quidem Ephesinam primam Synodum, tanquam sine exami-
natione, & quæstione Nestorio ab eo deposito; & duodecim S.
Cyrilli capitula, impia, & contraria rectæ Fidei vocat: defen-
dit autem Theodorum, & Nestorium, & impia eorum dog-
mata, & conscripta. Prædicta igitur tria capitula anathemati-
zamus: id est Theodorum impium Mopsuestenum, cum nefan-
dis eius conscriptis: & quæ impiè Theodoreetus conscriptis: &
impiam epistolam, quæ dicitur Ibæ: & defensores eorum: & qui
scripserunt, vel scribunt ad defensionem eorum, vel recta ea
dicere præsumunt; vel omnino impietatem eorum, nomine san-
ctorum Patrum, aut sancti Chalcedonensis Concilij, defen-
derunt, aut defendere conantur. His ita cum omni sub-
tilitate dispositis, in memoria tenentes promissiones de sancta

Ecclesia factas; & qui dixit: Quod portæ inferi non præualebunt aduersus eam; idest hæretorum mortiferæ linguae: recordantes autem, & quæ per Oseam de ea prophetata sunt, in quibus dicit: Et sponsabo te mihi in fide, & cognoscet Dominum: hæretorum quidem effrenatas linguas, & eorum impissima conscripta, & eosdem ipsos impissimos hæreticos, qui usque ad mortem in sua impietate permaneserunt, patri mendacij Diabolo connumerantes; illis dicimus: Ecce omnes vos ignem accendistis, & conualescere facitis flamمام ignis: ambulabitis in lumine ignis vestri, & per flamمام, quam accendistis.

Haec tenus sententia sanctorum Patrum de tribus capitulis: cui sententiæ Canones quatuordecim adiunxerunt, quibus orthodoxa doctrina Fidei Catholicæ, de incomprehensibilibus mysterijs sanctissimæ Trinitatis, & Incarnationis Dei Verbi, summatim, breuiterque, ac dilucidè continentur; eosque nos quoque hic subiiciemus.



CANONES QVATVORDECIM

sanctæ Vniuersalis quintæ Synodi.

Cap. X V I I.

MAN DATVM habentes, per doctrinam rectam exhortari populum, & loqui in cor Hierusalem, idest Dei Ecclesiam; meritò seminare quidem in iustitia festinamus, vindemiantes fructum vitæ, & illuminantes nobis ipsis lumen scientiæ ex diuinis scripturis, & Patrum doctrina: necessarium esse putauimus capitulis comprehendere, & prædicationem veritatis, & hereticorum, necnon eorum impiecatis condemnationem.

CANON I.

Si quis non confiteatur, Patris, & Filij, & Spiritus sancti unam naturam, sive substantiam; & unam virtutem, & potestatem; Trinitatem consubstantialem, unam Deitatem in tribus subsistentijs, sive personis adorandam: talis anathema sit. Vnus enim Deus, & Pater, ex quo omnia; & unus Dominus Iesus Christus, per quem omnia; & unus Spiritus sanctus, in quo omnia.

CANON II.

Si quis non confitetur, Dei Verbi duas esse nativitates; unam quidem ante saecula ex Patre sine tempore incorporaliter; alteram vero in ultimis diebus eiusdem ipsius, qui de cœlis de-

scendit; & incarnatus de sancta glorioſa Dei Genitrice, & ſemper Virgine Maria, natus eſt ex ipta: talis anathema ſit.

C A N O N I I I .

Si quis dicit, alium eſſe Deum Verbum, qui miracula fecit; & alium Christum, qui paſſus eſt; vel Deum Verbum cum Christo eſſe naſcente de muliere; vel in ipſo eſſe, ut alterum in altero: & non unum, eundemq; Dominum nostrum Iesum Christum, Dei Verbum incarnatum, & hominem factum; & eiusdem ipsiſ miracula, & paſſiones, quas voluntarie carne fuftinuit: talis anathema ſit.

C A N O N I I I I .

Si quis dicit, ſecundum gratiam, vel ſecundum operacionem, vel ſecundum dignitatem, vel ſecundum equalitatem honoris, vel ſecundum auctoritatem, aut relationem, aut affectum, aut virtutem; unitatem Dei Verbi ad hominem factam eſſe, vel ſecundum bonam voluntatem, quaſi quod placuit Deo Verbo homo, eò quod bene vifum eſt ei de ipſo; ſicut Theodorus infaniens dicit: vel ſecundum homonymiam, per quam Nestoriani Deum Verbum, Filium & Christum vocantes; & hominem ſeparatim, Christum & Filium nominantes; & duas personas euidenter dicentes, per ſolam nominationem, & honorem, & dignitatem, & adorationem; unam personam, & unum Filium, & unum Christum conſigunt dicere: Sed non conſentunt unitatem Dei Verbi ad carnem animatam anima rationabili, & intellectuali, ſecundum

com-

compositionem, siue secundum subsistentiam factam esse; sicut sancti Patres docuerunt; & ideo unam eius subsistentiam compositam, qui est Dominus noster Iesu Christus, unus de sancta Trinitate: talis anathema sit. Cum enim multis modis unitas intelligitur; qui impietatem Apollinarij, & Eutychetis sequuntur, interemptionem eorum, quae conuenerunt, co-lentes; unitatem secundum confusionem dicunt. Theodori autem, & Nestorij sequaces, diuisione gaudentes, affectualem unitatem introducunt. Sancta Dei Ecclesia veriusque perfidae impietatem reiiciens, unitatem Dei Verbi ad carnem secundum compositionem confitetur; quod est secundum subsistentiam. Unitio enim per compositionem in mysterio Christi, non solum inconfusa ea, quae conuenerunt, conseruat; sed nec diuisionem suscipit.

C A N O N . V.

Si quis unam subsistentiam Domini nostri Iesu Christi sic intelligit, tanquam suscipientem plurimarum subsistentiarum significationem; & per hoc introducere conatur in mysterio Christi duas subsistentias, seu duas personas; & duarum personarum, quas introducit, unam personam dicit secundum dignitatem & honorem, & adorationem, sicut Theodorus, & Nestorius insanientes conscriperunt; & calumniantur sanctam Chalcedonensem Synodum, tanquam secundum istum impium intellectum, unius subsistentiae utentem vocabulo; sed non confitetur, Dei Verbum carni secundum subsistentiam unitum esse; & propter hoc unam eius subsistentiam, seu unam personam: & sic sanctum Chalcedonense Concilium

onam subsistentiam Domini nostri Iesu Christi confessum esse: talis anathema sit. Nec enim adiectionem personae, vel subsistentiae suscepit sancta Trinitas, ex incarnato uno de sancta Trinitate Deo Verbo.

C A N O N V I .

Si quis abusue, & non verè Dei Genitricem dicit sanctam gloriosam semper Virginem Mariam; vel secundum relationem, quasi homine puro nato, sed non Deo Verbo incarnato, & nato ex ipsa; referenda autem, sicut illi dicunt, hominis natuitate ad Deum Verbum, eo quod cum homine erat nascente: & calumniatur sanctam Chalcedonensem Synodum, tanquam secundum istum impium intellectum, quem Theodorus execrandus adinuenit, Dei Genitricem Virginem dicentem: vel qui hominis genitricem vocat, aut Christotocon, id est Christi genitricem; tanquam si Christus, Deus non esset; & non propriè, & verè Dei genitricem ipsam confitetur, eo quod ipse, qui ante secula ex Patre natus est Deus Verbum, in ultimis diebus ex ipsa incarnatus, & natus est; & sic pie & sanctam Chalcedonensem Synodum Dei Genitricem eam esse confessam: talis anathema sit.

C A N O N V I I .

Si quis in duabus naturis dicens, non ut in Deitate, & humilitate, unum Dominum nostrum Iesum Christum cognosci confitetur; ut per hoc significet differentiam naturarum, in quibus inconfuse ineffabilis unitio facta est, neque Deo Verbo in

bo in carnis naturam transmutato, neque carne in Verbi naturam transducta (manet enim utrumque hoc, quod est natura, etiam facta unitate secundum substantiam;) sed pro diuisione per partem, talem excipit vocem in mysterio Christi; vel numerum naturarum confitendo in eodem Domino nostro Iesu Christo Deo Verbo incarnato, non intellectu tantummodo differentiam excipit earum, ex quibus & compitus est; non interemptam propter unitatem (unus enim ex utroque, & per unum utraque;) sed in hoc numero unitur, ut separatim unaquaque natura suam habeat substantiam: talis anathema sit.

C A N O N V I I I.

Si quis ex duabus naturis Deitatis, & humanitatis confitens unitatem factam esse; vel unam naturam Dei Verbi incarnatam dicens, non sic ea excipit, sicut Patres docuerunt: Quod ex divina natura, & humana, unitione secundum substantiam facta; unus Christus effectus est: sed ex talibus vocibus unam naturam, siue substantiam Deitatis, & carnis Christi introducere conatur: talis anathema sit. Secundum substantiam enim dicentes, unigenitum Deum Verbum carni unitum esse, non confusionem aliquam naturarum in se inuicem factam esse dicimus; sed magis permanente utraque hoc, quod est; unitum esse carni Deum Verbum intelligimus. Propter quod & unus est Christus Deus & homo; idem ipse consubstantialis Patri secundum Deitatem; & consubstantialis nobis idem ipse, secundum humanitatem. Aequaliter enim & eos, qui per partem diuidunt, vel incident; & eos,

qui

qui confundunt diuinæ dispensationis mysterium Christi : rejicit, & anathematizat Dei Ecclesia.

C A N O N I X.

Si quis in duabus naturis adorari dicit Christum ; ex quo duas adorationes introducunt, separatim Deo Verbo, & separatim homini : vel si quis ad interemptionem, vel ad confusionem Deitatis, & humanitatis, unam naturam, sive substantiam eorum, quæ conuenerunt, introducens ; sic Christum adorat ; sed non una adoratione Deum Verbum incarnatum cum propria ipius carne adorat , sicut ab initio Dei Ecclesie traditum est : talis anathema sit.

C A N O N X.

Si quis non confiteatur Dominum nostrum Iesum Christum, qui crucifixus est carne ; Deum esse verum, & Dominum gloriae, & unum de sancta Trinitate : talis anathema sit.

C A N O N X I.

Si quis non anathematizat Arium, Eunomium, Macedonium, Apollinarium, Nestorium, Eutychem, Origenem cum impijs eorum conscriptis ; & alios omnes hereticos, qui condemnati, & anathematizati sunt à sancta Catholica, & Apostolica Ecclesia, & à predictis sanctis quatuor Concilijs ; & eos qui similia predictis hereticis sapuerunt, vel sapiente, & usque ad mortem in sua impietate permanserunt, vel permanent : talis anathema sit.

C A-

C A N O N . X I I .

Si quis defendit impium Theodorum Mopsuestenum, qui dixit, alium esse Deum Verbum, & alium Christum à passionibus animæ, & desiderijs carnis molestias patientem, & à deterioribus paulatim recedentem; & sic ex profectu operum melioratum, & à conuersatione immaculatum factum; & tanquam purum horum in baptizatum esse in nomine Patris, & Filij, & Spiritus sancti; & per baptismam, sancti Spiritus gratiam accepisse, & filiationem meruisse; & ad similitudinem Imperialis imaginis, in persona Dei Verbi adorari; & post resurrectionem, immutabilem cogitationibus, & impeccabilem omnino factum fuisse. Et iterum dixit idem impius Theodorus, talem factam esse cunitionem Dei Verbi ad Christum, qualem dixit Apostolus de viro & muliere: Erunt duo in carne una. Et super alias innumerabiles blasphemias auras est dicere, quod post resurrectionem cum insufflasset Dominus Discipulis, & dixisset: Accipite Spiritum sanctum; non dedit eis Spiritum sanctum, sed figuratim tantummodo insufflavit. Iste enim, & confessionem, quam fecit Thomas, cum palpasset latus, & manus Domini post resurrectionem, dicens: Dominus meus, & Deus meus; inquit non esse dictam à Thoma de Christo. Nec enim dicit Theodorus, Deum esse Christum; sed ad miraculum resurrectionis stupefactum Thomam, glorificasse Deum, qui Christum resuscitauit. Et quod peius est, etiam in interpretatione, quam in Actis Apostolorum scripsit Theodorus, similem fecit Christum Platoni, & Manichæo, & Epicuro, & Marcioni: dicens, quod sicut illorum unusquisque ex dogmate quod inuenit, suos discipulos fecit vocari

vocari Platonicos, & Manichaos, & Epicuræos, & Mar-
cionistas; simili modo, & cum Christus dogma inuenisset, &
ipso Christianos vocari. Si quis igitur defendit prædictum
impium Theodorum, & impia eius conscripta, in quibus tam
prædictas, quam alias innumerabiles blasphemias effudit con-
tra magnum Deum, & Salvatorem Iesum Christum: & non
anathematizat eum, & impia eius conscripta; & omnes qui
fusciunt, vel defendunt eum, & dicunt orthodoxe eum expo-
suisse; & qui scriperunt pro eo, & eadem illi sapuerunt, vel
scribunt pro eo, vel impijs eius conscriptis; & eos, qui similia
illis sapiunt, vel aliquando sapuerunt, & usque ad mortem
permanerunt, vel permanent in tali impietate: talis ana-
thema sit.

C A N O N X I I I.

Si quis defendit impia Theodorei conscripta, que contra
rectam Fidem, & contra primam Ephesinam sanctam Sy-
nodum, & S. Cyrilum, & duodecim eius capitula exposuit;
& omnia que conscripsit pro Theodoro, & Nestorio impijs,
& pro alijs, qui eadem prædictis Theodoreo, & Nestorio sa-
puerunt; defendens eos, & eorum impietatem: & propter hoc,
impios, vocans Doctores Ecclesie, qui unitatem, secundum
subsistenciam, Dei Verbi ad carnem confitentur; & non ana-
thematizat ea, & eos, qui similia illis sapuerunt, vel sapiunt;
insuper autem, & omnes qui scriperunt contra rectam Fi-
dem, & sanctum Cyrilum, & duodecim eius capitula; &
usque ad mortem in tali impietate permanerunt: talis ana-
thema sit.

C A-

C A N O N X I V.

Si quis defendit epistolam, quam dicitur Ibas ad Marim Persam hæreticum scripsisse: quæ abnegat quidem Deum Verbum de sancta Dei Genitrice semper Virgine Maria incarnatum, hominem factum esse; dicit autem purum hominem ex ipsa natum esse, quem templum vocat; ut alius sit Deus Verbum, & alius homo: & sanctum Cyrillum, qui rectam Fidem Christianorum prædicauit, tanquam hæreticum, & similiter Apollinario impio scripsisse, criminatur: & inculpat primam Ephesinam sanctam Synodum, tanquam sine examinatione, & quæstione Nestorium condemnantem; & duodecim capitula sancti Cyrilli, impia, & contraria rectæ Fidei, vocat eadem impia epistola; & defendit Theodorum, & Nestorium, & impia eorum dogmata, & conscripta. Si quis igitur memoratam impiam epistolam defendit, & non anathematizat eam, & defensores eius; & eos qui dicunt eam rectam esse, vel partem eius; & eos, qui scripserunt, vel scribunt pro ea, vel pro impietate, quæ in ea continetur; & presumunt eam defendere, vel insertam ei impietatem, nomine sanctorum Patrum, vel sancti Chalcedonensis Concilij; & in his usque ad mortem permanent: talis anathema sit.

Cum igitur hæc ita rectè confessi sumus, quæ tradita nobis sunt tam à diuinis Scripturis, quam à sanctorum Patrum doctrina, & ab his, quæ definita sunt de una, eademq; Fide à prædictis sanctis quatuor Concilijs: facta autem à nobis & condemnatione contra hæreticos, & eorum impietatem; necnon etiā contra eos, qui defenderunt, vel defendunt prædicta impia tria capitula, & permanerunt in suo errore, vel qui permanent:

Si

Si quis conatus fuerit contra hæc, quæ piè disposituimus, vel tradere, vel docere, vel scribere; siquidem Episcopus, vel Clericus sit: iste, tanquam aliena à Sacerdotibus, & statu Ecclesiastico faciens, denudabitur ab Episcopatu, vel Clericatu: si autem monachus, vel laicus sit, anathematizabitur.

Eutychius misericordia Dei Episcopus Constantinopoleos, nouæ Romæ, decreui quæ proposita sunt: & confitens sic habere, sicut omnia supra Capitula & dogmata continent; & suscipiens sanctas quatuor Synodos, idest Nicenam, Constantinopolitanam, Ephesinam primam, & Chalcedonensem, & quæ ab his de una, eademq; Fide definita sunt; & in omnibus his permanens, sicut supra scriptū est: Condemno, & Anathematizo super alios hæreticos, & impia eorum conscripta, Theodorum impiū, qui fuit Mopsuestiæ Episcopus; una cum impijs eius conscriptis: & omnia, quæ impiè Theodoreetus conscripsit, sicut prædictum est: & impiam epistolam, quæ dicitur Ibæ: & qui similia eis sapuerunt, & sapiunt: & subscripsi.

Apollinaris misericordia Dei Episcopus Alexandriæ, decreui quæ proposita sunt: & confitens sic habere, sicut omnia supra Capitula, & dogmata continent; & suscipiens sanctas quatuor Synodos, &c. vt supra in subscriptione Eutychij Episcopi Constantinopolitani.

Domininus misericordia Dei Episcopus Theopolitanæ (civitatis idest Antiochiae) decreui, quæ proposita sunt, &c. vt supra. Eodemq; pacto ijsdem verbis subscripserunt

Stephanus Episcopus Rapheotanae (civitatis, vicem agens Euſtachij Patriarchæ Hierosolymitani. Ac subinde alij quoque Episcopi centum sexaginta.

NESTORIVM, ATQVE THEODORVM
 maximè differre à sanctis Patribus in signifi-
 catione vocis, *Personæ*; ipsosq; etiam ali-
 quo modo vnam personam in Chri-
 sto ponere : quorum imitatione
 Chaldæos dicere vnum Par-
 sopa Christi; ex quo vnam
 quoque esse eius vo-
 luntatem, atque
 virtutem.

Cap. X V I I I .

AI T Ibas in epistola ad Marim Persam, à sanctis Pa-
 tribus damnata, ut modò vidimus: *Ecclesia enim*
sic dicit, sicut & tua reverentia cognoscit, & ab initio edocet
est, & firmata diuina doctrina, ex verbis beatissimorum
Patrum: Due naturæ, una virtus, una persona; quod est
unus Filius Dominus Iesus Christus. In quibus verbis
 Patres duo notauerunt. Alterum est: Nestorium, &
 Theodorum naturas pro personis accipere. Alterum
 verò: Vnitatem, quam in Christo Domino nostro po-
 nunt. Quamvis enim vnam esse dicant personam; eam
 tamen non esse secundum subsistentiam, sed secundum
 affectum, idest accidentalem. Sed describamus verba
 sanctorum Patrum, ex Actis quintæ sanctæ vniuersalis
 Synodi, collatione sexta. Inquiunt itaque Patres: *Scri-*

ptor

pior epistole dicens, duas naturas, & unam virtutem, & unam personam, & unum Filium; & non confitens, quod Deus Verbum incarnatus, & homo factus est, (quod est duarum naturarum secundum substantiam unitas) cuius duas naturas dicit: certum est, quod pro personis naturas ponit, & affectualem unitatem dicit, secundum Theodorum, & Nestorium impios, quos defendit, & laudat scriptor epistolæ. Et isti enim duas personas, & duos Christos, & duos filios, dicentes; suam impietatem obumbrare volentes, duas naturas, & unum Filium dixerunt. Quo loco maximè attendere debemus, quod quamuis Nestorius, atque Theodorus diuisionem naturarum in Christo Domino posuerint; oretenus tamen negauerunt dualitatem personarum in eo. Dicit enim impius Nestorius in epistola ad Alexandrum Hieropolitanum Episcopum, eadem ei sapientem: Non duas personas, unam personam facimus; sed una appellatione Christi, duas naturas simul significamus. Dixerat quippè paulò superius in eadem epistola Nestorius: Oportet manere naturas in suis proprietatibus, & sic per mirabilem, & omnem rationem excedentem unitatem, unam intelligi gloriam, & unum confiteri Filium. Sed eius docto Theodorus adhuc enucleatus libro octauo de Incarnatione. Inquit autem: Sicut & Dominus de viro, & muliere dicit, quod non sunt duo, sed una caro; dicamus & nos rationabiliter, secundum unitatis rationem, quoniam non sunt duas personæ, sed una; scilicet naturis discretis. Igitur personarum dualitas in Christo, & à Theodoro, & ab eius discipulo Nestorio, oretenus ut diximus, apertè negata est. Qui tamen ob hanc blasphemam personarum dualitatem,

tem, meritò à sanctis Patribus damnati fuerunt. Quo loco considerandum se nobis offert discrimen, quod intercedit inter orthodoxos, atque hæreticos in significazione vocis *Personæ*. Notare igitur debemus, quod cum duo sint, quæ in mysterio ineffabili dispensationis Dei Verbi concurrunt, natura diuina, & natura humana; & humana natura in persona diuina subsistat; (Diuina quippe natura, humanam, quam assumpsit, in sui ipsius assumentis persona substentat. Et hæc est unitas admirabilis secundum substantiam; quam ut vidimus, hæretici non admittunt;) ideò in huius altissimi mystérij explicatione utimur his vocibus, natura, persona, atque substantia. Verum apud sanctos Patres cùm Græcos, tūm Latinos, persona, atque substantia prō vno, eodemq; accipiuntur; quamquam Græci frequētius utantur voce, substantia, quæ Græcè dicitur hypostasis; Latini verò libentius dicunt personam, eo quod hæc vox magis illis sit familiaris, & ob id opportunior ad explicandum id, quod intelligunt. Sed, ut diximus, idem est apud orthodoxos, quod significatur per vocem, hypostasim, & personam. At apud hæreticos, præcipue apud Nestorium, & Theodorum, eorumq; sectatores, non item: siquidem magnum discrimen ponunt inter personam & hypostasim. Nam, hypostasim, intelligunt naturam per se substantiem, quæ tantum mente percipiatur: personam verò, ipsam eandem naturam substantiem, ut sensui patet, & per sensum cognoscitur. Sed cum propriè, personam, intelligant id, quod oculis se offert; non tamen negant, aliquo pacto accipi posse pro hy-

K postasi

postasi. Idq; ex verbis ipsius Theodori eodem libro octauo de Incarnatione manifestè colligitur ; sic enim inquit : *Quando etenim naturas discernimus ; perfectam natu- ram Dei Verbi dicimus , & perfectam personam (nec enim sine persona est substantiam dicere ;) perfectam autem & hominis naturam, & personam similiter . Quando autem ad coniunctionem respicimus ; unam personam tunc dicimus .* Hæc Theodorus: in quibus, vt manifestè appetet, de dupli cognitione loquitur, intellectiuia atque sensitiuia. Nam dubium non est, quin ipse tribuat intellectui discernere naturas perfectas: respicere autem coniunctionem naturarum, sensui. Hinc facile manasse credimus ad Chaldeos hanc distinctionem vocis, hypostasis, &, personæ; apud quos, vt accepimus, magna est auctoritas Theodori Mopsuesteni: siquidem & ipsi in explicatione dispensationis Verbi Dei incarnati, adhibeant tria hæc nomina, *Chianè, Chnuma , & Parsopa*; id est, naturam, hypostasim, & personam. Dicunt enim, in Christo esse duas Chianas, duasq; Chnumas, & vnum Parsopa. Parsopa autem appellant, id quod oculis cernitur; quasi verò Græca voce Prosonon paulò immutata, quæ communiter significat vniuersitatemque faciem: & propterea, vt Christi Domini Parsopa, appellant humanum ipsius aspectū; & Spiritus sancti Parsopa, columbam, & ignem, sub quibus speciebus apparuit: ita & Patris aeterni Parsopa, dicunt ignem illum, quo succensum rubum minimè comburi Moses videbat. Pari quoque pacto facile nobis persuademus, quòd cum Ibas dicat, in Christo esse duas naturas, unam virtutem, & unam personam: Chaldæi ex

peffima

peſſima huius epistolæ doctrina acceperint impium, execrandumq; dogma vnius voluntatis, & operationis in Christo. Nam & ipsi dicunt vnam eius virtutem, vt dicit Ibæ, & vnam voluntatem. Et ratio, qua inducimur, vt ita existimemus, eſt, quia impia hæc epiftola fuit ab eodem auctore in Syriacum idioma conuersa; ſicut Proclus Epiftopus Constantinopolitanus teſtatur in epiftola ad Ioannem Epiftopum Antiochenum; vt habemus in actis Quintæ Vniuersalis sanctæ Synodi, collatione ſexta: quæ epiftola Ibæ, maximam auctoritatem apud Nestorij, atque Theodori fautores habebat. Quamquam idipſum à Nestorio didiciffe potuerint: qui vt sanctus Agatho Papa in epiftola ad Constantinum Imperatorem, atque Heraclium, & Tiberium Augustos ſcribit; vnicam & ipſe voluntatem, atque operationem Christo Domino tribuit. Epiftola hæc sancti Agathonis, inter acta ſextæ sanctæ vniuersalis Synodi relata eſt, actione quarta. Verba autem Nestorij, ex quibus eius peruersa opinio de vnitate voluntatis, & operationis Chriti colligitur; defumpta ex libro ſecundo, quem infiſpit: *Præclaram initiationem;* vt teſtatur sanctissimus Pontifex; hæc ſunt: *Inconfusas custodimus naturas, non secundum substantiam arbitrio tantum copulatas; propter quod earum vnam voluntatem, & operationem, & dominationem videmus dignitatis equalitate ostendas.* Sed, ſiue ab epiftola Ibæ, ſiue à Nestorij commentarijs Chaldaeū execrandum hoc dogma acceperint; illud quidem ab vnitate personæ deducunt, atque defendunt, vt Macarius Antiochenus, & ceteri Monothelitæ, nempe Theodorus

Episcopus Pharanitanus, Sergius, Pyrrhus, Paulus, & Petrus Episcopi Constantinopolitani, atque Cyrus Episcopus Alexandrinus; quorum impietas in sexta Universali sancta Synodo, hac de causa Constantinopoli congregata; à sanctis Patribus damnata fuit. Ceterum, ut fratres nostri desideratissimi Chaldae intelligant, quibuscum habeant communionem, defendantes unitatem voluntatis, atque operationis in Christo; & quam impossibile sit conuenire cum Ecclesia sancta Catholica; describamus Monothelitarum dogma, ut à Macario Episcopo Antiocheno fuit expositū, professione suæ impietatis; quam Imperatore Constantino in Concilio residente, atque interrogāt eundem Macarium de fide sua; audientibus Patribus, proprio ore exposuit; ac similiter libello eiusdem blasphemæ professionis, eidem Imperatori ab ipso Macario oblato; ut in ipso possint Chaldae recognoscere similitudinem, immo potius identitatem communis erroris. Postmodum sanctorum Patrum sententiam adiiciemus; qua commoti, alacrius execrandum dogma, ut confidimus; detestentur.



PRO-

PROFESSIONE NEFARII DOGMATIS
 vnius voluntatis, & vnius operationis in Christo : Habita à Macario Episcopo Antiocheno , in Concilio Patrum sextæ Universalis sanctæ Synodi , ipso Imperatore præsente , & Macarium interrogante . Descripta ex Actis eiusdem Synodi , Actione octaua . Cap. XIX .

CONSTANTINVS piissimus Imperator dixit : Si placet vestrae sanctæ Synodo , adueniant codicilli testimoniorum , qui dudum porrecti sunt à Macario venerabili Archiepiscopo Antiocheno , qui & à vobis sigillati sunt ; ut legantur , & conferantur cum authenticis codicibus , qui repositi sunt in hic sito venerabili Patriarchio . Sancta Synodus dixit : Quod & nunc à vestra Serenitate pie iussum est , fiat . Et prolati sunt per Photinum magnificum à secretis , & Imperiale Secretarium codicilli tres sigillati : qui & dati sunt , & oblati assistenti Macario venerabili Archiepiscopo Antiochiae ; ut recognosceret , si ipsi sunt , qui ab eodem fuerant prolati codicilli . Quos in manibus accipiens , & inspiciens idem venerabilis Macarius , dixit : Etiam verè ipsi sunt , & recognosco eos . Constantinus piissimus Imperator dixit : Edicat Macarius venerabilis Archiepiscopus Antiochiae , & Stephanus religiosus presbyter & Monachus , eius discipulus , quid sibi coaceruantes , huiusmodi deflorauerunt

testimonia. Macarius sanctissimus Archiepiscopus dixit: De ipsa una voluntate, quæ est Patris, & Domini nostri Iesu Christi, & sancti Spiritus. Constantinus p̄issimus Imperator dixit: De dispensatione Domini nostri Iesu Christi, unius sanctæ Trinitatis Dei Verbi, quomodo sentitis? Macarius venerabilis Archiepiscopus dixit: Confiteror, Dominum Iesum Christum unum sanctæ Trinitatis esse; & post incarnationem in duabus perfectis naturis inconfuse, & indivisi in una persona, & una subsistencia; nusquam naturalium differentia perempta, propter unionem; sed saluata potius proprietate utriusque naturæ, & in unam personam, & unam subsistentiam concurrente. Quoniam vero alteram personam, & post humanationem unius sanctæ Trinitatis non assumpsit; propter hoc nec aliquid peccati dicimus eum assumpsisse; quia absque carnalibus voluntatibus, & cogitationibus humanis, in imagine nouitatis consuemur unum Dominum nostrum Iesum Christum. Qui enim unam voluntatem habens, est ad susceptionem harum omnium passionum idoneus; unam, eandemq; habuit virtutem ad toleratiā horum omnium, secundum sanctum, & acceptabilem Augustinum. De hoc enim & confessionem Fidei iam pridem exposuimus, & consentimus tam sanctis quinque Synodis, quamque Honorio à Deo erudito, Sergio, Paulo, atque Petro, & reliquis, quorum mentionem & in his, quæ Domino porrexitimus testimonijs, fecimus: confitentes unam voluntatem subsistentiam in uno Domino nostro Iesu Christo, & Dei uirilem eius operationem. Nec enim quæ diuina sunt, secundum Deum, neque quæ humana sunt, secundum hominem; sed humanam, & Dei nouam quandam Dei uirilem operationem.

cionem in conuersatione demonstrasse confitemur , secundum sanctum Dionysium . Constantinus piissimus Imperator dixit : Confessio , cuius mentio facta est , quod data sit nobis à Maccario Archiepiscopo Antiochiae , proprie eius Fidei lectione pandatur . Et prolata est per Photinum à secretis , & Imperiale Secretarium : & relecta est per Diogenem à secretis , & Imperiale Secretarium ; quæ continet in verbis ita :

Pacis Dei , quæ exuperat omnem sensum , summa est pie-
tas , per quam uno ore , unoq; corde Deo viventi , & vero ,
Trinitati seruientes , tenemus confessionem , pace Dei constri-
cti . Hac non ab homine , neque per hominem , sed diuina gra-
tia , & fidclissime Imperator , instructus ; cetera omnia inferiora
ponens , ut condecebat diuinum , sacrumq; fastigium ; diui-
num zelum , qui tibi inditus est , exacuisti : & Ecclesie oculos
fuscans , Pontifices , inquam ; inuitas unumquemque , ut quod
in eo est , orthodoxyæ proferat lumen , quatenus fulgeat amplius
in mundo . Annuat tibi quoque Deus , temperibus pij tui Impe-
rij , Christianissimæ prædicationis indeficiens lumen ; & hære-
ticorum nouæ caligines extinguantur . Obedio quippe præpara-
tus , Deo placito vestro consilio . Quis ego sum , Domine à Deo
decrete , vilis , & abiectus , nec apparens , & in paumento
reiacens ? Dicam quoque , immeritus terribili seruire , atque assi-
stere tribunali . Verum à vobis dignus habitus , hanc profes-
sionem facio Fidei , quam Patres nostri , qui in Nicæa , & de-
hinc fuerunt ; promulgauerunt : cum qua genitus , & edocitus
sum , cum hac & abscedam . Credo igitur in unum Deum
Patrem omnipotentem , omnium visibilium & inuisibilium
factorem . Et in unum Dominum nostrum Iesum Christum ,
filium eius unigenitum , qui ex eo natus est ante omnia sacu-

la: Deum verum ex Deo vero, perfectum Filium, perfectum Patris Verbum, effectricem Sapientiam, essentialem virtutem, totius creaturae factorem. Et in Spiritum sanctum, ex Patre procedentem, & per Filium manifestatum, videlicet hominibus, vitam viuentium causam, immortalē sanctitatem, totiusq; sanctificationis largitorem. Trinitatem perfectam gloria, & aeternitate, & imperio, & consilio non diuisam; una Deitatem, & dominationem. Nihil enim seruili in Trinitate, vel subiectum, & introductitum; tanquam prius quidem non extitisset, post verò intromissum. Neque enim deficit Filius Patri, neque Filio Spiritus; sed inconuertibilis semper, & consubstantialis sancta Trinitas Deus noster. Deum verò cum dico, uno lumine illustror, & tribus. Tribus quidem secundum proprietates, sive subsistentias, & personas: uno verò secundum essentiæ rationem, id est Deitatis. Diuiditur quippe indiuisibiliter, ut ita dicam; & coniungitur diuisibiliter. Vnum nempè in tribus ipsa Deitas; & ipsa tria unum, in quibus Deitas, sive (ut expressius dicatur,) quæ est Deitas. Et neque ipsam Unitatem, confusionem opinamur; neque ipsam diuisiōnem, alienationē. Absit à nobis ex aequo & Sabellij confusio, & Arij diuisio, quæ è regione mala sunt, & similia quidem impietate. Quid enim est opus aut Deum confundere male, aut concidere in inæqualia? Nobis verò unus Deus Pater, ex quo omnia: & unus Dominus Iesus Christus, per quem omnia: & unus Spiritus sanctus, in quo omnia: unus hæc tria Deus, & hec tria unum, sicut diximus. Confitemur autem, unum sanctæ Trinitatis Dominum Iesum Christum, Filium Dei unigenitum, propter nos in ultimis diebus descendisse de cælis, & incarnatum esse de Spiritu sancto, & sancta,

imma-

immaculataq; domina nostra Dei Genitrice, semperq; Virgine Maria; & humanatum esse, hoc est veram carnem accepisse de ea, animatam anima rationali, atque intellectuali: & hanc nullo modo ante hoc subsistentem, mirabiliter in seipso formasse; & hanc, propriam, per unitatem dispensatiuam fecisse; non ex semine humano, vel operatione viri extitisse, neque ex voluntate carnis; sed operatione, & voluntate virtutis Altissimi Dei. Ait enim Angelus ad gloriosam, & verè Dei Genitricem: Spiritus sanctus superueniet in te, & virtus Altissimi obumbrabit tibi. Ideoq; quod ex te nasceretur sanctum, vocabitur Filius Dei. Ex hoc quippe solum, Dei Genitricem propriè, atque secundum veritatem, Dei Verbi Virginem Matrem glorificamus; quoniam, qui præcerat Deus super naturam, ex se peperit incarnatum: & ita factus est secundum nos humanatus Deus Verbum, ut non quod erat amitteret: sed sicut factus est in assumptione carnis, & sanguinis, ita quoque mansie quod erat Deus; natura scilicet, & veritate. Nec enim carnem dicimus in Diuinitatis transire naturam; neque iterum in naturā carnis ineffabilem Dei Verbi deriuari naturam; sicut Apollinarius, Eutyches, & Seuerus impudenter asseruerunt. Nusquam enim propter unitatem differentia naturarum evanescit. Saluatur autem magis proprietas utriusque naturæ in una persona, unaq; subsistencia. Unitum quippe esse carni secundum subsistentiam confitentes Verbum, unum illum adoramus, Filium & nigenitum, verum Deum, Dominum omnium Iesum Christum, in duabus naturis inconfusè, & indivisi cognoscendum; non per partes ponentes, ac segregantes hominem, & Deum: neque illum operatum quidem fuisse miracula; huc verò passum fuisse quæ humana sunt, sicut diuidentes

dentes Theodorus & Nestorius dicunt: sed unum, eundemque confitemur Deum, & hominem perfectum, consubstantialem Patri secundum Deitatem, & consubstantialem nobis eundem secundum humanitatem: eiusdem utrasque nativitates predicanteres, etiam quae ante saecula ex Patre, secundum Deitatem; quam quae in ultimis diebus ex Maria Virgine Dei Genitrice, secundum humanitatem; eiusdem miracula, & passiones, & omnem simul Deo decibilem, atque homini condecentem operationem, ex eodem uno Christo Deo nostro, & conuenienter, noua ratione processisse credimus. Neque enim quae diuinæ sunt, secundum Deum: neque rursus, quæ sunt hominis, secundum hominem: sed humanatus Deus Verbum, nouam quandam Deiuirilem operationem, & hanc totam viuificatricem demonstrat. Tametsi nouum videtur, & perturbat aliquorum auditus, suspicantium, in peremptionem hanc nos proferre earum, quae in Christo Domino nostro sunt, inconfuse, & secundum subsistentiam, adunatarum duarum naturarum: quod non est unquam, nec fiat. Vnum igitur, eundemque operatum fuisse dicimus; id est, mirè operatum esse salutem nostram: eundemque passum propria carne, & omnes verè sustinuisse salutares passiones, idem est dicere, & miracula; ut si quidem carnis, pati, non separatae videlicet à Diuinitate, quamvis non Diuinitatis fuit pati; ipsius autem Dei operatio, quamvis per humanitatem eius, hoc est, totam nostram conspersionem hanc adimpleuerit, una, & singulari voluntate diuina; ut potè non existente in eo & alia voluntate, sive obstante, & aduersante diuinæ eius, & potenti illius voluntati. Impossibile autem est, in uno, eodemque Christo Deo nostro duas simul, & ad iniucicem contrarias, seu dissimiles existere voluntates. Salutaris verò à Deo

Deo instrutorum Patrum doctrina manifestè instruit, quia nunquam intellectualiter animata Domini caro, diuise, atque ex proprio appetitu, & uniti sibi subsistet aliter Dei Verbi naturalem sui fecisset motionem: sed quando, & quantam, & quam idem Deus Verbum volebat: & ut clarius dicatur; quemadmodum nostrum corpus regitur, & ornatur, atque ordinatur ab intellectuali, & rationali anima nostra; ita & in Domino Christo tota humana eius conspersio, ab eiusdem Verbi diuinitate semper, & in omnibus mota, Deo mobilis erat, secundum Nyssenum Gregorium, dicentem aduersus Eunomium ita: Secundum quod Deus est, Filius impassibilis est per omnia, & immortalis. Si autem passio de eodem in Euangelio dicatur; per humanitatem, quæ per omnia passionis est capax, hoc operatus est. Operatur enim verè Diuinitas per corpus, quod circa eam est, omnium salutem: ut corporis quidem sint passiones, Dei vero operatio, per quā & saluati sumus; & huiusmodi saluti nullam introducimus diuisionem. Semel enim moriens, & multorum abluens peccata, redemptionem, & salutem ex seipso nobis, qui iam in peccatis sumus, acquirens, surrexit, & consuscitauit, & viuificauit nos, pacem perpetuam donans: ascendensq; in cœlos, sedet ad dexteram Patris eius. Et iterum veniet cum gloria iudicatus viuos, & mortuos; cuius Regni non erit finis. Speramus enim resuscitari omnes, & diuino assistere tribunal, ut percipiat unusquisque iustum ab eo retributionem, finem non habituram. Necessarie vero & illud adiçimus: afferentes quippe mortem, quoad carnem unigeniti Filij Dei, idest Iesu Christi, & ex mortuis ascensum, & in cœlos assumptionem confitentes; incruentum sacrificium in Ecclesiis celebramus. Ita quippe accedimus ad benedi-

nedictiones arcanae, & sanctificamur, participes effecti, tam
sanctae carnis, quamq[ue] præciosi sanguinis Christi omnium no-
stri Saluatoris: & non uti communem carnem suscipimus,
absit: neque iterum ut viri sanctificati, & copulati Verbo per
unitatem dignitatis, siue ut diuinam habitationem haben-
tis; sed sicuti vere viuificatricem, & propriam Verbi: Vita
enim est naturaliter, ut Deus. Quia ergo factus est unus ad
carnem suam, viuificare eam demonstrauit. Vnde cum di-
cit ad nos: Amen, Amen dico vobis, nisi manducaueritis car-
nem filij hominis, & biberitis eius sanguinem. Non sicut ho-
minis unus ex nobis, & ipsam estimamus esse: quomodo
enim hominis caro viuificare poterit, secundum propriam sui
naturam? Sed ut vere propriam Filij Dei, qui pro nobis
etiam factus filius hominis est, & appellatus. Ceterum vo-
ces Saluatoris nostri, quæ in Euangelijs sunt, neque subsistentijs
duabus, neque personis partimur. Sed tam humanas, ad hæc
& diuinas ab uno dictas recipimus, rectè sentientes. Vni igi-
tur personæ uniuersas voces, quæ sunt in Euangelio, deputare
oportet, uni subsistentiæ Verbi incarnati. Deus enim unus
est Iesus Christus, secundum Scripturas. Hæc sapere sumus
edocti à sanctis Apostolis, & Evangelistis; ab omni quoque à
Deo inspirata Scriptura; & à vera confessione beatissimorum
Patrum corum, qui in Nicæa & Constantinopoli, & deinceps,
idest sanctorum, & uniuersalium quinque Synodorum: in
quibus & epistolæ sanctorum Cyrilli, & Leonis, & quæq[ue] præ-
dicauerunt, & suscepserunt, suscipimus, & predicamus: &
quæq[ue] abiecerunt, & nos anathematizamus; & omnem hære-
sim à Simone usque in præsens, præcipue Arium, Eunomium,
Macedonium, Apollinarem, Sabellium, Nouatum, & Sab-
batium,

batium, Diodorum, & Nestorium, Eutychem quoque, Diocorum, & Seuerum, & Julianum, & ignorantem Themistium, & omne eorum profanum consortium; Origenem quoque, & Didymum, & Euagrium, & fabulosa eorum deliramenta. Ad hæc anathematizamus, & quos sancta quinta Synodus abiecit: Theodorum, inquam, Mopsuestenum, maledictum illius Maximi hereseos, diuisionisq; doctorem: & impia Theodoreti scripta, quæ aduersus orthodoxam Fidem, & duodecim capitula beati Cyrilli: & epistolam, quæ dicitur ab Iba scripta fuisse ad Marim Persam. Super his etiam omnibus hereticis, & eum, qui his subortus est, Maximum nefandum, cum eius discipulis; qui manicheizare, & projicere corpus Christi Domini nostri ille paganus edocebat: & impium diuisionis eius dogma, quod & olim nostri Patres respuerunt; idest, Honorius, Sergius, & Cyrus, & reliqui Ecclesiarum doctores; ad hæc etiam, & pia memorie Heraclius proauus vester, cuius prosapia Deus Orthodoxie, huic pio Imperio assignauit: cum indignatione quippe cum sanctis Patribus nostris etiam ipse exortam hanc Maximianorum heresim condemnauit. Quos secuta & ea, quæ hic facta est per iussionem pia memorie patris vestri, sancta Congregatio; Petrus quoque sanctissimus, & uniuersalis Patriarcha; & predecessor meæ paruitatis Macedonius beatæ memorie; & Vicarius Alexandriæ Theodorus; præsentibus una cum eis & qui aduenerant, Episcopi, & sacro senatu, quæ circa eum fuerant, in scripto discutientes; hunc anathematizauerunt, & exilio damnauerunt, cum impijs eius discipulis. Sed uniuersos hereticos apud se anathematibus congemiscere derelinquens, iterum convertor ad Dominum, & ab eo conseruari vestram pietatem

expo-

exposco, quæ orthodoxia sermonem corroborat. *Vos enim cum
sitis & à proavis luminaria Fidei, luminaria Fidei Domi-
ne illustra. Orthodoxia custodes, Domine custodi.* Deus exal-
tet cornu vestrum; Deus pacificet Imperium vestrum, per-
sequens omnem hostem, & pacem profundam Ecclesias, &
universo Mundo condonans. Et subscriptio. Macarius mi-
sericordia Dei Episcopus Theopoleos, dictans omnem supradi-
ctum Orthodoxie textum, iuxta editiones sanctorum, & uni-
uersalium quinque Synodorum, & sanctorum probabilium
Patrum, qui nominatum à me positi sunt; qui explanauerunt
iuxta præfixam virtutem, una voluntatem in uno Domi-
no Iesu Christo Deo nostro, qui Dei uirilem demonstrauit nobis
suam operationem. Et quia impium sit dicere in eodem Chri-
sto Deo nostro duas voluntates; consentiens, atque confessus, &
ita sentiens, & docens, & sperans assistere terribili Dei tribu-
nali, una cum hac mea orthodoxa Fidei; subscripsi.

Constantinus piissimus Imperator, & sancta Synodus di-
xerunt: Per tenorem oblatæ confessionis à Macario Deo ama-
bili Archiepiscopo Antiochiae, Fidei eius agnitionem accepi-
mus. Edicat autem idem Deo amabilis Macarius, si consentit
testimonijs ab eo prolatis, & porrectis. Macarius sanctissimus
Archiepiscopus dixit: Utique Domine. Constantinus piissimus
Imperator, & sancta Synodus dixerunt: Prosequatur idem Deo
amabilis Macarius, si confitetur duas naturales voluntates, &
duas operationes naturales in Incarnationis dispensatione Do-
mini nostri Iesu Christi? Macarius venerabilis Archiepisco-
pus dixit: Non dico duas naturales voluntates, aut duas opera-
tiones naturales in Incarnationis dispensatione Dñi nostri Iesu
Christi, nec si membratim incidar, & mittar in mare.

Ha-

Hactenus professio impij dogmatis Macarij de una voluntate, & operatione Christi Domini nostri. Nunc videamus sanctorum Patrum Synodalem sententiam.

DEFINITIO ORTHODOXÆ

Fidei:Facta in Regia Vrbe,temporibus piissimi, atque tranquillissimi Domini nostri

Constantini Magni, Victoris Imperatoris.

Descripta ex Actis

sextæ Vniuersalis sanctæ

Synodi, actione xvij.

Cap. X X.

PRAESENS sancta vniuersalis Synodus, fideliter suscipiens, & expansis manibus amplectens tam suggestionem, quæ à sanctissimo, ac beatissimo Agathone Papa antiquæ Romæ facta est, ad Constantinum piissimum, atque fidelissimum nostrum Imperatorem; quæ nominatim abiecit eos, qui docuerunt, vel prædicauerunt (sicut superius dictum est) unam voluntatem, & unam operationem in Incarnationis dispensatione Domini nostri Iesu Christi veri Dei nostri; ad eque amplexa est & alteram synodalem suggestionem, quæ missa est à sacro Concilio, quod est sub eodem sanctissimo Papa, centum vigintquinque Deo amabilium Episcoporum, ad eius à Deo instructam tranquillitatem; ut potè consonantem sancto Chalcedonensi Concilio, & tomo sacerdoti, ac beatissimi Papæ eiusdem antiquæ Romæ Leonis, qui directus est ad sanctum Flavianum; quem columnam rectæ

Fides

Fidei, huiusmodi Synodus appellauit: ad hæc, & synodis epistolis, quæ scriptæ sunt à beato Cyrillo aduersus impium Nestorium, & ad Orientales Episcopos. Aſsecuti quoque sancta quinque vniuersalia Concilia, & sanctos, atque probabiles Patres, consonanterq; confiteri definientes Dominum nostrum Iesum Christum, Dominum verum nostrum, vnum de sancta, & consubstantiali, & vitæ originem præbente Trinitate; perfectum in Deitate, & perfectum eundem in humanitate; Deum verè, & hominem verè; eundem ex anima rationali, & corpore; consubstantialem Patri secundum Deitatem; & consubstantialem nobis secundū humanitatem; per omnia similem nobis absque peccato; ante ſacula quidem ex Patre genitum, secundum Deitatem; in vltimis diebus autem eundem propter nos, & propter nostram salutem de Spiritu sancto & Maria Virgine propriè, & veraciter Dei Genitricē; secundum humanitatem. Vnum eundemq; Christum, Filium Dei vniigenitum, in duabus naturis inconfusè, inconueribiliter, inseparabiliter, indiuisè cognoscendum; nusquam extincta harum naturarum differentia propter vnitatem; salvataq; magis proprietate vtriusque naturæ; & in vnam personam, & in vnam ſubſiſtentiam concurrentem. Non in duas personas partitum, vel diuīsum; sed vnum, eundemq; Filium Vnigenitum, Deum Verbum, Dominum Iesum Christum; iuxta quod olim Prophetæ de eo, & ipſe nos Dominus Iesus Christus erudiuit, & sanctorum Patrum nobis tradidit ſymbolum: & duas naturales voluntates in eo, & duas naturales operationes indiuisè, inconueribiliter, inseparabiliter, inconfusè, secundū sanctorum Patrum doctrinam, adæquè prædicamus: & duas naturales voluntates; non contrarias. abſit;

(abfit;) iuxta quod impij asseruerunt heretici: sed sequentem eius
humanam voluntatem, & non resistentem, vel reluctantem;
sed potius & subiectam diuinæ eius, atque omnipotenti vo-
luntati. Oportebat enim, carnis voluntatem moueri; subiici vero
voluntati diuinæ, iuxta sapientissimum Athanasium. Sicut enim
eius caro, caro Dei Verbi dicitur, & est; ita & naturalis carnis
eius voluntas, propria Dei Verbi dicitur, & est; sicut ipse ait:
Quia descendit de cœlo, non ut faciam voluntatem meam, sed
eius, qui misit me, Pater; suam propriam dicens voluntatem,
qua erat carnis eius. Nam & caro propria eius facta est. Quem-
admodum enim sanctissima, atque immaculata animata eius
caro deificata, non est perempta; sed in proprio sui statu, &
ratione permansit: ita & humana eius voluntas deificata,
non est perempta; saluata est autem magis, secundum Deilo-
quum Gregorium, dicentem: Nam illius velle, quod in Sal-
uatori intelligitur, non est contrarium Deo; deificatum est to-
tum. Duas autem naturales operationes indiuise, inconuer-
tibiliter, inconfusè, inseparabiliter in eodem Domino nostro
Iesu Christo, vero Deo glorificamus: hoc est, diuinam operatio-
nem, & humanam operationem, secundum diuinum prædi-
catorem Leonem, apertissime afferentem: Agit enim utraque
forma cum alterius communione, quod proprium est; Verbo
scilicet operante, quod Verbi est; & carne exequente, quod car-
nis est. Nec enim in quoquam unam dabimus naturalem
operationem Dei, & creature: ut neque quod creatum est, in
diuinam educamus essentiam; neque quod eximum est diuinæ
naturæ, ad competentem creaturæ locum deificiamus. Vnius
enim, eiusdemq; tam miracula, quam passiones cognoscimus, se-
cundum aliud, & aliud earum, ex quibus est, naturarū, & in

quibus habet esse, sicut admirabilis inquit *Cyrillus*. Undique igitur inconfusum, atque indiuisum conseruantes, breui voce cuncta proferimus; unum sanctae Trinitatis, & post Incarnationem Dominum nostrum Iesum Christum, verum Deum nostrum esse credentes; asserimus duas eius esse naturas, in una eius radiantes subsistentia; in qua tam miracula, quamq[ue] passiones, per omnem sui dispensatiuam conuersationem; non per phantasiam, sed veraciter demonstrauit, ob naturalem differentiam in eadem una subsistentia cognoscendam; dum cum alterius communione, utraque natura indiuise, & inconfuse propria velit, atque operetur: iuxta quam rationem, & duas naturales voluntates, & operationes confitemur, ad salutem humani generis conuenienter in eo concurrentes. His igitur cum omni undique cautela, atque diligentia a nobis formatis: Definimus, aliam Fidem nulli licere proferre, aut conscribere, componere, aut sapere, vel etiam aliter docere. Qui vero presumperit Fidem alteram componere, vel proferre, vel docere, vel tradere aliud symbolum voluntibus conueri ad agnitionem veritatis ex Gentilitate, vel Iudaismo, aut ex qualibet heresi: aut qui nouitatem vocis, vel sermonis adiunctionem, ad subversionem eorum, quae nunc a nobis determinata sunt, introducere: horum, siquidem Episcopi fuerint, aut Clerici; alienos esse, Episcopos quidem ab Episcopatu, Clericos vero a Clero: sin autem Monachi fuerint, vel laici: anathematizari eos.

Et subscriptiones.

Theodorus humilis Presbyter Sanctae Romanae Ecclesie, & locum gerens Agathonis ter beatissimi, & Vniuersalis Papae Vrbis Romae, subscripsi.

Geor-

Georgius humilis Presbyter, sicut supra.

Ioannes humilis Diaconus, sicut supra.

Georgius, misericordia Dei Episcopus Constantinopoleos nonae Romæ, definiens subscripsi.

Petrus misericordia Dei Presbyter, & locum seruans Apostolicæ Sedis Alexandrinæ magnæ Ciuitatis, subscripsi.

Theophanes misericordia Dei Episcopus Theopoleos (idest Antiochiae), definiens subscripsi.

Georgius humilis Presbyter, & locum gerens Theodori Deo amabilis Presbyteri, & loci seruatoris Apostolicæ Sedis sanctæ Christi Dei nostri Hierosolymorum Ciuitatis, subscripsi.

Ioannes misericordia Dei Episcopus Thessalonicensis, & Vicarius Apostolicæ Sedis Romæ, & Legatus, definiens subscripsi.

Theodorus misericordia Dei Episcopus Ciuitatis Thremethuntenæ Insulæ Cypri, & locum gerens Epiphanij sanctissimi Archiepiscopi, definiens subscripsi.

Theodorus humilis Presbyter sanctæ Rauennatis Ecclesie, locum gerens Theodori beatissimi Archiepiscopi, subscripsi.

Eodem modo subscripterunt alij centum quadraginta octo Episcopi.



CHALDÆORVM DOGMATA
 cum veritate Catholica concordari non posse;
 & impossibile esse , duas in Christo perso-
 nas ponere,& simul Virginem sanctif-
 simam , verè Dei Matrem appell-
 lare . Cap. X X I.

HA C T E N V S quæ arbitrabamur necessariò pro-
 ponenda esse Chaldeis, ex sacrorum Conciliorum
 Vniuersalium decretis , antequam agere inciperemus de
 illorum dogmatibus . Nec dubitamus , quin satis mani-
 festè appareat , quām decipientur , qui dicunt : diuersita-
 tem , quæ inter nostram , Chaldæorumq; Fidem interce-
 dit ; in ceremonijs tantum , atque ritibus consistere : vel
 qui existimant , non reiectis omnino primum Nestorij ,
 Theodori , atque Macarij erroribus ; eos vnum , idemq;
 de Fide nobiscum sentire ; verba , non sensum verborum ,
 tantummodo differre . Profectò qui hæc dicunt , aut pror-
 sus ignorant horum damnatissimorum hæreticorum
 peruersa dogmata ; aut , quod facile nobis persuademus ,
 nunquam legerunt acta sanctorum Conciliorum , atque
 decreta . Sed quando etiam adeò manifesta sanctorum
 Conciliorum non refragaretur auctoritas ; vel res ipsa ,
 paulò diligentius considerata , falsitatem huius opinio-
 nis facile detegeret . Dicentibus enim , duas in Christo
 fuisse personas , repugnat omnino sanctissimam Virgi-
 nem , Dei Genitricem appellare . Etenim , si quemad-
 modum duæ sunt in Christo naturæ , duæ simul fuis-
 sent personæ , Virgo nunquam Deum , (vt Ecclesia
 sancta

sancta Catholica credit, & confitetur;) sed purum hominem peperisset. Ex duabus namque personis vnum fieri nullo pacto potest. Est enim persona, incommunicabilis vniuscuiusque subsistens. Nam (vt inquit sanctus Basilius Magnus, in epistola de differentia substantiae & hypostasis, ad Gregorium eius fratrem;) hypostasis, siue persona circumscribit, & sistit, proprietatibus mediantibus, quod in unoquoque commune, & incircumspectum est naturæ: hoc est, naturam communem proprietatibus determinat, vt in se subsistat, & ab alio distinguatur. Verba sancti Basilij sunt hæc: *Hypostasis est notio, que mediantibus apparentibus proprietatibus, quod commune est, & incircumspectum substantie, in unoquoque subiecto sistit, atque circumscribit.* Et quidem, quod sanctus iste Pater inquit, re ipsa cum in humanis, tum in diuinis personis comprobatur. Ostendit hoc idem sanctus Basilius eodem loco, auctoritate sanctæ Scripturæ, ex principio historiæ sancti Iob. Inquit enim: *Est autem hoc consuetum Scripturæ, & in alijs multis, & præser-tim in historia Iob.* Et enim cum deberet narrare, quæ ad ipsum pertinebant; primum cum meminerit, quod commune erat, dicens, Homo; statim illud diuidit eo, quod proprium facit; appositione nempe articuli, Quidam: tacuit autem de-scriptionem substantie, tanquam nihil afferentem utilitatis, ad instituti sermonis scopum assequendum. Et illud, Quen-dam, proprijs etiam indicijs designat: locum dicens, & mores, & quemque extrinsecus accepta, ipsum separare, ac distin-guere poterant à communi significatione; vt ex omnibus ma-nifesta fieret descriptio illius, de quo instituta erat historia:

videlicet, ex nomine, ex loco, ex animi proprietatibus, & ex his, quæ extrinsecus de ipso cognoscabantur. Quod si de substantia sermonem haberet; nulla utique eorum, quæ dicta sunt, mentio fieret in explicatione naturæ. Siquidem erat eadem ratio, & in Baldad Suhites, & in Sophar Naamathites, & in unoquoque hominum ibi memoratorum. Igitur differentia rationem, quam nouisti substantia, & personæ in nobis; eamdem si ad diuina transtuleris, non aberrabis. Ergo ex huius sancti Patris doctrina, ut natura vnit, sic persona separat; idq; tum in humanis, tum in diuinis. Verum hæc separatio in diuinis, citra diuisionem est: persona quippe diuina distinguit, non diuidit. Nam Pater, & Filius, & Spiritus sanctus sunt unus Deus; licet Pater non sit, qui Filius; nec Filius, qui est Spiritus sanctus; nec Spiritus sit Pater, aut Filius: ita ut in personis proprietatem agnoscamus, & in natura unitatem adoremus. Quapropter Theologi recentiores distinctionem hanc diuinorum personarum sine diuisione ostendere volentes; illam oppositione relativa originis declarant; demonstrata prius summa, perfectissimaq; diuinæ naturæ unitate, ex simplicitate incomparabili diuinæ essentiæ, & æqualitate Maiestatis, gloriae, omnipotentiæ, æternitatis, immensitatis, ceterorumq; quæ de Deo absolute dicuntur. Vna enim, eademq; est Patris, Filij, & Spiritus sancti diuinitas; æqualis gloria; coæterna maiestas. Ac similiter increatus Pater, increatus Filius, increatus Spiritus sanctus: immensus Pater, immensus Filius, immensus Spiritus sanctus: æternus Pater, æternus Filius, æternus Spiritus sanctus: omnipotens Pater, omnipotens Filius,

lius, omnipotens Spiritus sanctus : & propterea hi tres vnum sunt, sancta Trinitas, unus Deus. Sed quia Pater generat, & Filius est genitus ; & Spiritus sanctus a Patre & Filio procedit, tanquam ab uno, eodemque principio : Et qui genitus est, alius verè est ab eo, qui generat ; & qui procedit, similiter est alius ab ipsis, ex quibus procedit; distinguuntur enim ad invicem, secundum principium, & secundum quod a principio ; hoc est relatione vera, & non secundum rationem tantum ; fundata nempe oppositione originis : ideo tres personæ in diuinis verè distinctæ sunt inter se, ac verè vnum sunt : distinguuntur itaque, & non dividuntur. Sed in humanis ex persona, id est ex concursu proprietatum ; natura communis maximè dividitur : hominis enim species dividitur in plures, singularesque homines numero differentes : Petrus namque a Paulo, & Ioannes ab utrisque dividitur ratione, proprietatum personæ, cum eorum natura una sit, atque eadem. Igitur personæ, separare, ac dividere, proprium est. Quod si hoc de personis, quæ sunt unius, eiusdemque naturæ, necessario affirmare debemus : quanto magis ubi personæ, & naturæ maximè differunt, ut mortale, & aeternum ; humanum, & diuinum ? Quare si in Christo simul cum persona diuina, humana quoque persona extisset, unus verè, ac simpliciter non fuisset. Excluditur quippe unitas, si adsit innata subsistendi per se utriusque personæ proprietas ; quæ salua ratione personarum remoueri ab ipsis neque re, neque cogitatione vñquam potest. Ergo nec Verbum caro factum esset : quo enim pacto fieri poterat, si persona humana, ne

vnum cum propria carne fieret, obſtēbat? Nec Deus verē incarnatus, nec verē natus ex immaculata Virgine diceretur. Ad hanc impietatem ineuitabiliter adigit duarum in Christo positio personarum. Nec vnitas com- mentitia aspectus, ſiue ſpeciei, quæ tantum corporeis ſe offert oculis; quam Chaldaei Parlopa vocant; diuisioni ex dualitate personarum neceſſario procedenti, reſiſtit: ſed extēnam tantum, & accidentalem coniunctionē oſten dit. Quam vnitatem, vtpotē non contrariam diuisioni naturarum, quam impiè Nestorius in Christo ponebat; & ipfemēt quoque in epiftola ad Cyrillum admittit. Sic enim inquit: *Sentio promiffam in proœmio loquendi breui- tatem, frāno coabitam, ad ſecundum caput epiftolæ tuæ gressum dirigere: in quo naturarum diuisionem, ſecundum humanitatis, atque diuinitatis rationem; @ harum, in una dumtaxat per- fona, coniunctionem laudabam.* Et impium ſenſum, quo laudem dictis à Cyrillo tribuit, cum expoſuifet; non nullisq; alijs ad confirmationem nefarij ſui dogmatis additis; ſubiungit: *Quapropter ſi rem diligentius conſideremus: ſacra Vir- go, non Deipara, ſed Christipara appellanda erit.* hactenus Nestorius. Igitur manifeſta ſe implicat contradictione, qui personarum dualitatem in Christo tuetur, & beatif- ſimam Virginem, Dei Matrem nominat. Reijciatur itaque importunum ſtudiū conciliandi inter ſe adeò repugnantes ſententias: & veritas pura ac ſimplex, quam ſemel per beatos Apoftolos à Spíritu ſancto Eccleſia Ca- tholica edoc̄ta, ſemper cuſtodiuit; ab omnibus Christifi- delibus vno ore, iſdemq; verbiſ enuncietur. Non enim vna eſt Fides, niſi vna pariter ſit cōfessio. Nam ſicut cor-

de

de creditur ad iustitiam ; ita ore fit confessio ad salutem .

Sanctorum Patrum doctrinam , diuinarum Scripturarum oraculis confirmatam, indubitabili Fide , puroq; corde retinentes ; sanctissimam Mariam semper Virginem, Matrem Dei verè , simpliciterq; appellemus : & Filium eius vnigenitum Iesum Christum Dominum nostrum , vnum , eundemq; verum Deum , & verum hominem confiteamur . Vnum videlicet, non confusione, aut transmutatione diuinitatis , & carnis ; sed vnitate vera , substanciali , indivisibili , intrinseca personæ : ita ut quemadmodum anima rationalis , & corpus vnum est homo ; ita Deus & homo vnum est Christus . Hanc Fidei confessionem nos docuerunt trecenti decem , & octo Patres , Nicææ in Spiritu sancto congregati : qui profisi sunt , credere in vnum Deum Patrem omnipotentem , factorem visibilium omnium , & invisibilium . Et in vnum Dominum Iesum Christum , Filium eius vnigenitum ; ex Patre ante omnia sæcula , ex Matre in fine temporum natum . Vnum non confusione substanciali , sed vnitate personæ . Sic enim definitionem Incarnationis Dei Verbi ijdem Patres exposuerunt , aduersus Paulum Samosatenum ; vt habetur in Actis sanctæ vniuersitatis Ephesinæ Synodi , parte tertia , cap. 5. In qua definitione illud animaduertere debemus : quod sicut sancti Patres mentionem carnis facientes , non carnem simpliciter , sed animatam rationali anima intelligunt ; ita , & de Spiritu loquentes , non spiritum intelligunt , quo nos homines vivimus ; sed diuinitatem , quatenus diuina natura spiritualis est ; & vt Deus dicitur spiritus : vt ab eius

eius ineffabili, atque incomprehensibili puritate omnis ratio corporis, atque materiae excludatur. Nam si Spiritus hoc in loco pro spiritu, qui communis nobis est, acciperetur; id est, pro anima rationali, utique & caro, de qua Patres loquuntur, sine anima rationali, ut Apollinarius dicebat, intelligenda esset: quod veritati aduersatur, & ipsorum sanctorum Patrum sententia, qui in hac eadem definitione dicunt, Christi Domini nostri personam constare ex diuinitate coelesti, atque ex humana carne. Sed describamus totam definitionem. Verba sanctorum Patrum hæc sunt: *Confitemur Dominum nostrum Iesum Christum, ex Patre quidem secundum Spiritum ante secula genitum; nouissimis diebus secundum carnem ex Virgine natum. Unam personam compositam ex Diuinitate cœlesti, & humana carne; unum quatenus homo est; & quidem totum Deum, & totum hominem. Totum sane Deum cum corpore, sed non secundum corpus Deum. Et totum hominem cum diuinitate, sed non hominem secundum diuinitatem. Sic totum adorandum cum corpore, sed non adorandum secundum corpus. Totum adorantem cum diuinitate, sed non adorantem secundum diuinitatem. Totum increatum, etiam cum corpore, sed secundum corpus non increatum. Totum plasmatum etiam cum diuinitate, sed non secundum diuinitatem plasmatum. Totum consubstantialem Deo, etiam cum corpore; sed non secundum corpus consubstantialem Deo: sicuti neque secundum diuinitatem hominibus consubstantialis est; quamvis nobis secundum carnem consubstantialis, etiam cum diuinitate existens. Etenim quando dicimus ipsum consubstantiale Deo secundum spiritum; non sane dicimus consubstantialem*

lem hominibus secundū spiritum. Et è contra, quando prædicamus ipsum consubstantialem hominibus, secundum carnem; non prædicamus ipsum, secundum carnem, consubstantialem Deo. Sicut enim non est nobis consubstantialis secundum spiritum, quia secundum hunc consubstantialis est Deo: sic neque secundum carnem consubstantialis est Deo; quia secundum hanc, consubstantialis est nobis. Quemadmodum autem hec distincta, & declarata sunt, non ad diuisionem unius personæ indiuisibilis; sed ad declarationem impermixtionis proprietatum carnis, & Verbi: sic & easque ad indiuisibilem pertinent compositionem, prædicamus.

Quam expositionem vnitatis personæ, sine confusione utriusque naturæ, etiam fuisse munitam à Patribus cōminatione anathematis; sanctus Athanasius, qui interfuit Synodo, auctor est in libro, quem ipse composuit de Incarnatione Dei Verbi: *Confitemur (inquit) esse eundem Filium Dei, & Deum, secundum spiritum filium hominis, secundum carnem.* Et identitate hac ex vnitate personæ, iuxta sanctorum Patrum doctrinam, pluribus exposita; demū concludit: *Si quis præter hæc ex sanctis Scripturis docet, affirmans alterum Filium Dei, & alterum ex Maria, per gratiam, Filium, sicut nos factum; ita ut sint duo Filii, unus secundum naturam Filius Dei, qui ex Deo; & unus per gratiam, qui ex Maria est homo. Vel si quis carnem Domini nostri, è cælo, non ex Maria Virgine dicit; vel diuinitatem conuersam in carnem; vel confusam; vel mutatam; vel diuinitatem Domini passibilem; aut Domini nostri carnem, tanquam hominis, non adorandam: hunc anathematizat sancta Catholica Ecclesia.*

E V A N-

EVANGELICIS TESTIMONIIS,
 aliarumq; sanctarum Scripturarum aucto-
 ritatibus, Vnitas personæ Christi Do-
 mini nostri ostenditur : diuinæ
 humanæq; naturæ diui-
 sio omnino ab ea
 remouetur .

Cap. XXXII.

AT fortasse inaudita erat haec veritas ante Nicæa
 sanctorum Patrum conuentum. Immò verò, quid
 vnitate hac manifestius verè in Christo credentibus?
 Nonne Præcursor illius, statim ac Saluatorem digito pri-
 mum ostendit hominibus ; ipsum, eundemque , quem
 hominem videbant, Deum declarauit; dicens : *Hic est, de
 quo dixi : Post me venit vir, qui ante me factus est, quia
 prior me erat.* Et Fidei nostræ petra , ac fundamentum,
 Princeps Apostolorum Petrus, quando interroganti Do-
 mino respondit: *Tu es Christus Filius Dei vivi;* alium
 forte mente concipiebat ab eo, quem natum ex Maria
 sciebat, atque intuebatur? Et quomodo redemptos nos
 præioso eius sanguine dixisset, ac regeneratos *in spem
 viuam ex mortuis, per resurrectionem eius, in hereditatem in-
 corruptibilem, incontaminatam, immarcescibilem, conseruatam
 in cælis;* nisi vnum , eundemq; fuisse Deum , & hominē ,
 qui nos redemit, & regenerauit, indubitanter credere
 nos voluisset ; cum sanguinem fundere , & mori, sit ho-
 minis;

MAVÆ

minis; redimere ab æterna morte, ac regenerare in hæreditatem conseruatam in cœlis, sit Dei. Sed & discipulus ille, qui testimonium perhibet de his; & scimus, quia verum est testimonium eius; qui cum fluenta Euangelij de ipso sacro Dominici pectoris fonte potauisset; illud admirabile, *Verbum caro factum est*, ex intimo corde postea eructauit; plane vnitatem hanc personæ Verbi incarnati, non solum mentis nostræ oculis inspi ciendam, sed manibus etiam corporeis palpandam exposuit: *Quod fuit ab initio, (ait ille,) quod audiuimus, quod vidimus, quod perspeximus, & manus nostræ contrectauerunt de Verbo vita: & vita manifestata est, & vidimus, & testamur, & annuntiamus vobis.* Et quidem, nisi carnem, Verbi esse propriam intellexisset; nunquam aliquid de Verbo vitæ se contrectasse asseruisset. Neque sanè id illi soli contigit; immò verò quando post resurrectionem suam Dominus discipulis apparuit, palpandum omnibus liberè se obtulit. *Palpate (inquit) & videte, quoniam spiritus carnem, & ossa non habet.* Vbi illud maximè admirabile, quòd qui postea manum incredulus admouit, hominem tetigit, & agnouit Deum. Ceterum Doctor gentium, & veritatis prædictor Paulus Apostolus, factus electionis vas, ut nomen Domini portaret coram gentibus, ac Regibus, & filijs Israel; siue ministerium, quod accepit, euangelizandi Verbi Dei exponat; siue Fidem eorum, ad quos scribit, commendet; siue illos doceat, aut moneat; manifestè vnitatem personæ in Christo semper supponit: peculiariter tamen in epistola ad Hebreos, admirabili illa, mysterijq; plena compara tione

tione Domini nostri Iesu Christi, ad Melchisēdech Re-
gem Salem, Sacerdotem Dei summi; ipsam declarat. 2
Quem sine patre, & sine matre, neque habentem initium
dierum, neque finem cum dicat; illum assimilauit filio
Dei. Et quomodo sine patre, & sine matre Filium Dei
diceret; nisi vnum, eundemq; in vnitate personæ Deum
& hominem intelligeret, & prædicaret Christum? Nam
si duæ naturæ in ipso attendantur, Verbum Dei vtique
Patre non caret, homo matrē planè habet. Remanet igitur,
vt ex personæ vnitate in duabus naturis, sine patre,
& sine matre dicatur. Sine patre quidem in terris, sine
matre autem in cœlis. Sic & quia vna est Christi perso-
na; & proprio Filio suo Deum non pepercisse dicit, & Fi-
lium se exinaniuisse. Non peperit sanè Filio suo Deus,
dum secundum carnem flagellandum, atque crucifigen-
dum illum Iudæis tradidit.

Secundum carnem itaque, & non per adoptionem,
est proprius Filius Dei. Qui verè non se exinaniisset,
nisi cum verus Deus sit, verus homo factus fuisset; vnuſ,
idemq; in vna persona permanisset. Et ideo Apostolus,
vtpotè de hac vnitate minimè dubius; quem crucifixum
tamquam hominem prædicauit; Deum, distinctione à
ceteris hominibus sola, atque simplici, ostendit. Sic enim
ad Galatas scribit: *Paulus Apostolus, non ab hominibus, ne-*
que per hominem; sed per Iesum Christum. Ergo si non ab
hominibus, neque per hominem; sed per Iesum Chri-
stum; dicendum est, quòd intelligere debeamus, per Ie-
sum Christum; id est, per Deum. Et paulò infra: *Notum*
enim vobis facio, fratres, Euangeliū, quod euangelizatum est

amē;

à me; quia non est secundum hominem: neque enim ego ab homine accepi illud, neque didici; sed per reuelationem Iesu Christi. Sed adhuc testimonium huius veritatis maius, quam quod accepimus ab Apostolis, quærimus? Patrem æternum manifestè dicentem de homine, qui baptizabatur: *Hic est Filius meus dilectus, audiamus: Vel potius Dominum nostrum Iesum Christum, semetipsum Deum verum, cœco à nativitate mirabiliter a se illuminato, manifestantem.* Cum enim illum Dominus interrogaret, crederet ne in Filium Dei? ille è contra sciscitaret ab eo, quis nam Filius Dei esset? ipse, in cuius ore dolus nunquā inuentus est, respondit: *Et vidi te eum, & qui loquitur tecum, ille est.* Non alia profectio de causa, nisi quia secundum hanc personæ unitatem, idem Deus, & homo est.

Diuinis itaque vocibus, Apostolicisq; documentis instructi, manifestam veritatem unitatis personæ in Christo, inconfusis, immutatisq; permanentibus duabus eius naturis; omnes pariter, qui sincero corde profitentur Catholicam Fidem, confiteantur: & admonitione terribili B.Ioannis Apostoli, dicentis: *Omnis spiritus, qui soluit Iesum, ex Deo non est, perterriti; quamcūque non modo diuisionem, sed diuisionis in Christo suspicionem studeant euitare.* Qua suspicione non caret illa nominum Verbi Incarnati distinctio in libello expositionis Fidei Orientaliū posita: *Quòd, Iesus, sit nomen humanitatis; Christus, nomen diuinitatis, & humanitatis; Dominus noster, nomen diuinitatis.* Eadem enim hac nominum distinctione vsos fuisse Nestorium, & Theodorum compemus; ad diuisionem naturarum, quam impiè in Christo

pone-

ponebant, insinuandam : cui distinctioni aduersatur plā-
nē sanctorum Scripturarum auctoritas. Nam , vt de ad-
mirabili, adorandoq; nomine Iesu tantummodo agamus:
Nonne ab Angelo inditum præcepto diuino fuit, vt con-
ceptus Altissimi Filius in vtero ab immaculata Virgine,
suo tempore ex ea nasciturus, hoc nomine appellaretur?
Nonne in nomine Iesu omne genu flectendum est , cœ-
lestium, terrestrium , & inferorum? Et cui omnia ge-
nua flectenda, nisi Deo? Immò verò de ipso Christo Pa-
tres Nicēni, in expositione definitionis Incarnationis Dei
Verbi, nos docuerunt : *Quamuis totus adorandus sit Chri-
stus etiam cum corpore ; non tamen secundum corpus adoran-
dus.* Et Ioannes in Euangeliō : *Hæc autem scripta sunt,
vt credatis, quod Iesus Christus est Filius Dei: & vt credētes,
vitam habeat in nomine eius.* Neque tantummodo vita
in nomine Iesu promittitur; sed, quod maius est donum,
vt credentes in hoc diuino nomine , sint quoque Filii
Dei: *Quotquot autem receperunt eum , dedit eis potestatem
filios Dei fieri , his, qui credunt in nomine eius.* Recipere vi-
tam, & fieri Filii Dei , ex Fide, quam quis habeat in ali-
quo nomine ; nomen illud demonstrat , esse diuinitatis ,
an humanitatis? *Quamquam abundè sufficeret ad diui-
nitatem ostendendam nominis , quod debeamus in ip-
sum credere : cum fides soli Deo debeat.*

DE MYSTERIO VNITATIS
 personæ in Christo, magna cum modestia
 agendum esse; humanarumq; ratio-
 num importunam curiositatem
 vitandam. Cap. XXIII.

J
OPORTET igitur, omnes, qui de altissimo huius
 unitatis mysterio dignè agere cupiunt; maxima-
 cum circumspectione, atque reuerentia ad illud contem-
 plandum accedere: & quantumuis in sanctarum Scriptu-
 rarum lectione exercitatos; humanæ mentis imbecillita-
 tem agnoscētes, fateri se impares tantæ speculationi. Pro-
 pterea quando ad intelligendum Natuitatis Christi sac-
 eramentum accedimus; procul abigatur (vt sapientissimè
 nos admonet sanctus Leo Papa) caligo terrenarum ratio-
nūm; & ab illuminato Fidei oculo, mundanæ sapientiæ
fumus prorsus abscedat. Nec sanè prohibet sanctissimus
 iste Pater, vt ex his quæ facta sunt, & oculis nostris patent;
 intelligere inuisibilia Dei studeamus; sed vt vitemus illā
 sapientiam, de qua dixit Apostolus: *Iudei signa petunt, &*
Græci sapientiam querunt. Quæ non in ostensione spiritus,
 & virtutis; sed in persuasilibus verbis consistit; qua hæ-
 retici decepti, à veritatis Euangeliō recesserunt: & Incar-
 nationem Verbi intelligere non valentes, de causa illu-
 minationis, fecerunt sibi materiam cœcitatis: in quod
 incommodum incurserunt, aut omnino non vitaue-
 runt Chaldæi. Qui persuasilibus hisce propositioni-
 bus acquiescentes: *Nulla natura est sine persona*. Et: *Na-*

M

tura

tura ex persona demonstratur : nullaq; facta examinatione veritatis illarum; recesserunt à sanctorum Patrum doctrina de personis , atque naturis ; hæreticorum commento de Parlopa recepto . Sed expendamus veritatem propositionum modò propositarum . Etsi nulla natura sine persona subsistere , & natura ex persona demonstrari dicitur ; profectò non ob id sequitur , quòd vna ab altera dependeat ; ideo , quòd ex unitate , aut multiplicitate vnius , unitas , vel multiplicitas alterius inferatur . Neque enim quia vna est natura in diuinis , ideo quoque in diuinis est vna persona ; vel quia sunt tres personæ diuinæ , ideo sunt tres diuinæ naturæ . Sed ab essentia , natura ; & à subsistentia , persona determinatur . Quia igitur vna est essentia trium diuinarum personarum , vna est earum natura ; & quia vna natura in tribus subsistentijs subsistit , ideo tres sunt personæ . Concurrentibus igitur duabus essentijs in unicam subsistentiam , due naturæ perfectæ in una persona subsistunt . Humano ysu , & consuetudine , quod credimus caret : humanarum ergo rationum importuna curiositas rejiciatur . Diuina auctoritas est , cui credimus ; diuina est doctrina , quam sequimur . Hanc autem edociti , primum didicimus , Virginem sanctissimam Matrem Dei nulla mentis hæsitatione appellare ; quamuis quomodo Deus factus sit homo , & ex Virgine natus ; humanis rationibus nemo possit ostendere . Nam generationem eius quis enarrabit ? Verè Matrem Dei dicimus , vt sectatorum Nestorij blasphemia omnino ab ore fidelium prohibetur : nam & ipsi Virginem sanctissimam , Matrem Dei , sed non verè , dixerunt . Id ostendunt verba

verba Theodoreti in reprehensione primi anathematifi-
mi aduersus Nestorium . Inquit autem , loquens de for-
ma serui in Christo : *Quoniam non nuda erat à forma Dei,*
sed erat templum habens Deum Verbum inhabitatam, secundū
Pauli vocem: In ipso enim, inquit, complacuit omnem plenitu-
*dinem diuinitatis inhabitare corporaliter : non hominis genitri-
cem, sed Dei genitricem Virginē appellamus; illam quidem fig-
mento, & formationi, & conceptui ; hanc autem vnitio[n]i im-
ponentes appellationem . Ex quibus Theodoreti verbis appa-
ret, non sufficere, Virginem sanctissimam, Matrem Dei,
appellare ; sed oportere , verè Matrem Dei credere ; hoc
est, quòd ipsa pepererit vnica prole verum Deum , & ve-
rum hominem ; non appellatione filiationis vnum , ne-
que coniunctione indissolubili naturarum facta per gra-
tiam ; sed vnitate vera , atque substanciali vnius personæ.
Cum itaque Beatissimam Virginem dici Matrem Dei
hoc pacto, Catholica Ecclesia non permittat; mirari non
debent Chaldae, si illam appellari ab ipsis Matrem Chri-
sti non approbet ; qui cum hac appellatione Matris, duas
Filij personas defendunt . Non enim reprobatur nomen,
quia & nos quoque immaculatam Virginem, Matrem
Christi, vocamus ; sed non recipimus eos, qui hoc nomi-
ne vtuntur, ad duas in Christo personas significandas .*



D E D V A B V S C H R I S T I D O M I N I
nostri voluntatibus, & operationibus ; dēq;
causa , qua decepti hæretici, vnicam
voluntatem, atque vnicam ope-
rationem eius dixerunt .

C a p . X X I V .

OMNIS itaque fidelium lingua confiteatur , san-
ctissimam, semperq; Virginem Mariam verè Dei
Genitricem esse ; & Dominum nostrum Iesum Christū,
natum ex ea; vnum, eundemq; Filium Dominum Vni-
genitum, in duabus naturis, inconfusè, inseparabiliter ,
indivisiè, inconveneribiliter agnosendum: nunquam sub-
lata naturarum differentia per vnitatem , magisq; salua-
proprietate vtriusque naturæ ; & in vnam personam , at-
que subsistentiam concurrente : non in duas personas
partitum, atque diuisum ; sed vnum , eundemq; Filium ,
Vnigenitum, Deum Verbum , Dominum Iesum Chri-
stum; sicut post Ephesinam sanctam Synodus vniuersa-
lem, etiam in omnibus vniuersalibus Concilijs sancti Pa-
tres semper credere professi sunt . Hinc duæ voluntates ,
& duæ operationes in Christo manifestè cognoscuntur ;
cum voluntas non à persona, sed à natura procedat; quod
hæretici ignorauerunt, aut intelligere noluerunt. Et ideo
quod debetur naturæ, tribuentes personæ ; pari ignoran-
tia, atque peruvacia vnicam fuisse volūtam, atque ope-
rationē in Christo; dixerunt. Et quidē S. Agatho Papa illos
irrefragabili ratione perstringit, in epistola, quā aduersus

hanc

hanc hæresim scripsit ad Constantiū Imperatorem, atque ad Heraclium & Tiberium Augustos, eius fratres; cuius superius mentionem fecimus: nempe, quod si à persona, & non à natura voluntas penderet; vtique cum tres sint personæ sanctissimæ Trinitatis, non una esset trium diuinarum personarum voluntas. Quam impietatem; atque falsitatem ne dum dicere, sed neque cogitare ullus potest. Et ita omnes Patres Orthodoxi senserunt, cùm Latini, tūm Græci; cùm Occidentalis, tūm Orientalis Ecclesiæ: qui pariter duas voluntates, ac duas operatio-nes in Christo ponunt; quia in eo duas naturas agnoscunt. Contra verò hæretici, quia unus est Christus, unam tantum esse eius voluntatem, atque operationem affirmant; decepti, quod sicut actiones, & passiones dicuntur suppositi; pari pacto ab illius unitate determinen-tur. Sed valde falluntur, cum & in hominibus etiam unitas subiecti diuersitatem affectionum non tollat. Sic & Paulus dicebat: *Video aliam legem in membris meis, repugnantem legi mentis meæ.* Multò minus igitur hoc præstat eiusmodi unitas, vbi tanta intercedit formarum dif-ferentia, diuinæ scilicet, & humanæ naturæ. Verùm il-lud quidem efficit personæ unitas, quod una nihil ope-ratur ab alia separata. Propterea sanctus Leo Papa dicit in admiranda illa epistola ad sanctum Flauianum Con-stantinopolitanum Patriarcham; quam Patres, colum-nam, & monumentum Fidei, appellauerunt: *Agit enim etraque forma cum alterius communione, quod proprium est:* *Verbo scilicet operante, quod Verbi est;* *& carne exequente,* *quod carnis est.* *Vnum horum coruscat miraculis, aliud suc-*

cumbit iniurijs : & sicut Verbum ab equalitate Paternæ gloriæ non recessit , ita caro naturam nostram generis non reliquit . Differentibus itaque Patribus Catholicis ab impijs hæreticis , quia isti vnitatem voluntatis ab vnitate personæ Christi determinant ; illi autem duas esse Domini nostri voluntates , duasq; operationes , ex duabus eius naturis demonstrant ; quomodo cum Chaldaëis idem de Fide sentire possumus ; cum ipſi , vt habetur in libello conciliationis , ab vnitate filiationis , & à perfecta naturarum coniunctione , vnam esse in Christo virtutem , atque voluntatem profiteantur ? Hæc sunt verba ex libello conciliationis descripta : *Orientales unam voluntatem in Christo fatentur , non eo quod alteram voluntatem concubcent , sed ne sit confusio in una filiatione unita Christo .* Et paulò infra : *Et si Orientales unam voluntatem in Christo fatentur in duabus naturis rationalibus , & perfectis Christi ; quare de eo dicunt : Homo completus , & Deus completus ? Sed patet , quod dicunt propter coniunctionem perfectam .* At fortasse dicent non dissentire à nobis , quia non admunt humanam voluntatem ; tantum cauere ne confundantur naturæ . Sed hoc minimè sufficit , quia & Macarius Antiochenus naturas impermixtas , & inconfusas in vnitate personæ confitebatur : sed quia ex vnitate suppositi , voluntatem in Christo vnicam esse dicebat ; à Patribus damnatus fuit , vt ostensum est . Sed eius verba iterum consideremus ; inquit enim in libello professionis suæ Fidei superiorius descripto : *Vnatum quippe esse carni secundū subsistentiam confitentes Verbum , unum illum adoramus , Filium Vnigenitum , Deum verum , Dominum omnium Iesum Christum ,*

in dua-

in duabus naturis inconfusè, & indiuisè cognoscendum; non per partes ponentes, ac segregantes hominem, & Deum: neque illum operatum quidem fuisse miracula; hunc verò passum fuisse quæ humana sunt, sicut diuidentes Theodorus & Nestorius dicunt: sed unum, eundemq; confitemur Deum, & hominem perfectum, consubstantiale Patri secundum Deitatem, & consubstantiale nobis secundum humanitatem: eiusdem utraverse natiuitates prædicantes; tam quæ ante sæcula ex Patre secundum Deitatem, quam quæ in ultimis diebus ex Maria Virgine Dei Genitrice secundum humanitatem; eiusdem miracula, & passiones, & omnem simul Deo decibilem, atque homini condecentem operationem, ex eodem Christo Deo nostro decenter processisse credimus. Neque enim quæ diuina sunt, secundum Deum; neque rursus, quæ sunt hominis, secundum hominem: sed humanatus Deus Verbum, nouam quandam Dei uirilem operationem, & hanc totā uivificatricem demonstrat. Tametsi nouum uidetur, & perturbat aliquorum auditum, suspicantium hanc nos proferre in peremptionem earum, quæ in Christo Deo nostro sunt inconfusè, & secundum substantiam adunatarum duarum naturarum. Quod non est unquam, nec fiat. Iam verò impius iste protestatur, vt patet, conseruatas velle impermixtas, & inconfusas utraverse in Christo naturas; nulloq; pacto interemptas ab hac, quam ipse appellat Dei uirilem operationem: & nihilominus à sanctis Patribus damnatur, & è patriarchali throno Antiochenæ Ecclesiæ deiicitur; quia voluntates, & operationes Christi non à naturis, sed à persona pendere docebat. Nunquid igitur eosdem sanctos Patres allatam modò ex libello conciliationis expositionem uni-

tatis, voluntatis, & virtutis in Christo, tamquam Fidei nostræ Catholicæ minimè contrariam, admissuros esse, credendum est? Mihi sanè non probatur: nam Patres ipsi in prosphonetico ad Constantinum, ab ipsis post absolutum Concilium, habito; ita loquuntur: *Duas igitur in eo (idest Christo) naturales voluntates, & duas naturales operationes communiter, atque indiuise procedentes prædicamus: superfluas autem vocum nouitates, & horum adiumentores procul ab Ecclesiasticis septis abiecimus, & anathemati merito subiçimus.* Hæc Patres. Et ideo aut veluti nouam eieciſſent prædictam expositionem vnitatis virtutis, & operationis, ex vnitate filiationis; aut cum vnitate personali, quam hæretici impiè imaginati sunt; vnam, eandemq; censuissent. Nam si expositiones requiramus sanctorum Patrum de illis verbis Domini: *Pater, si possibile est, transeat à me calix iste;* verumtamen non sicut ego volo, sed sicut tu vis. Et: *Verumtamen non mea voluntas, sed tua fiat;* omnes vno ore dicere reperiemus, duas fuisse voluntates in Christo, quia duæ erant in eo naturæ. Sic Athanasius in libro aduersus Apollinarium hæreticum de Trinitate, & Incarnatione. Sic Gregorius Nyssenus lib.ij.contra Eunomium. Sanctus Ioannes Chrysostomus in sermone ad eos, qui ad Missas non occurrerent; & de consubstantiali. Et Cyrillus Alexandrinus in libro Thesaurorum: ac demum omnes Patres Orthodoxi Ecclesiæ Orientalis. Quod si libet sententias sanctorum Patrum Ecclesiæ Occidentalis recognoscere; præter auctoritates ex Decretalibus Epistolis Summorum Pontificum à nobis relatis; possumus proferre expositio-

positionem eorundem verborum Domini, quam beatus Ambrosius in ij. libro ad Gratianum Augustum, & beatus Augustinus aduersus Maximianum Arianum assertunt; ambo Ecclesiæ sanctæ præstantissimi Doctores; qui pariter differentiam voluntatum in naturarum differentiam referunt. Quare quando Chaldæi expositionem hanc suam veritati contrariam non existimarent; saltem nouam non esse affirmare non possent; & ideo tanquam nouam sanctorum Patrum auctoritate, atque definitio ne, ut vidimus, reprobandam. Sed si, ut in libello professionis Fidei dictum est; Chaldæi profiterentur, se non Dei Genitricem, sed Christi matrem, sanctam Virginem appellare, ob refutationem Apollinarij, atque Pauli Samosateni (excusatio quidem, ut videtur, longè petita, :) cur non magis refugiunt dicere vnicam voluntatem, & virtutem in Christo? in quo manifestè deprehenduntur consentire cum tot damnatissimis hereticis, Theodoro Pharanitano, Sergio, Paulo, Pyrrho, & Petro Constantinopolitanis, Cyro Alexandrino, Macario Antiocheno; qui vnius voluntatis, & vnius operationis execrabilem nouitatem induxerunt, Arij, Apollinarij, Eutychetis, & Seueri perditissimam sectam instaurantes.

E P I L O G V S T O T I V S
Disputationis.

IAm verò satis manifestè ostendisse credimus, ex sacræ Scripturæ, sacrorumq; Conciliorum, & sanctorum Patrum auctoritatibus, (Pater admodum Reuerenda) Beatissimam Virginem Mariam, verè, simpliciterque appellandam esse Dei Matrem; & in Domino nostro Iesu Christo duas esse naturas in vnica persona; duasq; itidem voluntates & operationes ipsius; contrarias autem sententias nullo modo cum hac Catholica veritate conciliari posse; cunctaq; diuinarum Scripturarum testimonijs, sanctorum Conciliorum auctoritatibus, probatissimorum Patrum documentis sufficienter confirmauisse. Abstinuimus autem de industria à maiori copia testimoniorum, & auctoritatum diuinæ Scripturæ, atque sanctorum Patrum: quia cum hæc abundè sufficerent, breuitati consulendum existimauimus: rationem habentes difficultatis conuertendi hunc nostrum commentarium in Syriacum sermonem. Abundant quidem apud nos volumina à probatissimis Ecclesiæ Doctoribus sapientissimè de his scripta; quorum tibi copia fieri potuisset, nisi diuersitas idiomatis obstitisset. Quantum autem ad processionem Spiritus sancti, quia dicentes Spiritum sanctum à Patre procedere, non negatis, quòd etiam à Filio procedat, sicuti schismatici faciunt: hortamur vos, cum sancta Romana Ecclesia Catholica, & Apostolica, aperte confiteri, Spiritum sanctum à Patre, Filioq; procedere;

cedere ; sicut in Oecumenica Synodo Florentina definitum est ; ut ex Decreto patet Eugenij Papæ Quarti , sub quo Pontifice Vniuersale Concilium Florentinum celebratum fuit : quod in fine nostræ huius Disputationis posuimus , ad absolutam veritatis notitiam .

Restat modo , vt à Paternitate tua petamus , nobis pro tua humanitate ignoscas , si fortè dogmata à sanctis Patribus damnata redarguentes , asperius aliquando egi ; nimio fortasse zelo , sed tamen minimè disiuncto à charitate , qua te in visceribus Christi prosequor , fratresq ; nostros Chaldaeos amplecti desidero . Veniam igitur postulo toto mei cordis affectu : sicuti summa animi demissione , quicquid haetenus scripsi , correctioni sanctæ Catholice Apostolicæ Romanæ Ecclesiæ subijcio .

Ita profiteor , & affirmo ego idem Petrus Stroza manu propria .



SAN-

SANCTÆ VNIONIS LITERÆ.

E V G E N I V S E P I S C O P V S S E R V V S
seruorum Dei, ad perpetuam rei memoriam. Consentiente ad infra scripta charissimo filio nostro Ioanne Palæologo Romæorum Imperatore illustri, & loca tenentibus venerabilium fratrum nostrorum Patriarcharum, & ceteris Orientalem Ecclesiam representantibus.

LÆTENTVR COELI, ET EXVLTET TERRA; sublatuſ est enim de medio paries, qui Occidentalem, Orientalemq; diuidebat Ecclesiam: & pax, atque concordia rediit: illo angulari lapide Christo, qui fecit utraque unum; vinculo fortissimo charitatis, & pacis, utrumque iungente parietem, & perpetua unitatis fædere copulante ac continente; postq; longam mœroris nebulaſ, & dissidij diuturni atram, ingratamq; caliginem serenum omnibus unionis optatæ iubar illuxit. Gaudeat & mater Ecclesia, quæ filios suos haec tenus inuicem disſidentes, iam videt in unitatem, pacemq; rediſſe: & quæ antea in eorum separatione amarissimè flebat, ex ipsorum modo mira concordia, cum ineffabili gaudio, omnipotenti Deo gratias referat. Cuncti gratulentur fideles ubique per orbem, & qui Christiano censentur nomine, Matri Catholice Ecclesiæ collætentur. Ecce enim Occidentales, Orientalesq; Patres, post longissimum dissentionis, atque discordiæ tempus, se maris, ac terræ periculis exponentes, omnibusq; superatis laboribus; ad hoc sacrum Occumenicum Concilium, desiderio sacratissimæ unionis, & antiquæ charitatis reintegrandæ gratia, læti, alacresq; conuenerunt; & intentione sua nequaquam

frustrati sunt. Post longam enim, laboriosamq; indaginem, tandem Spiritus sancti clementia, ipsam operatissimam, sanctissimamq; unionem consecuti sunt. Quis igitur dignas omnipotentis Dei beneficij gratias referre sufficiat? Quis autem diuinæ miserationis diuitias non obstupefacat? cuiusve ferreum pectus tanta supernæ pietatis magnitudo non molliat? Sunt ista prorsus diuina opera, non humanae fragilitatis inuenta; atque ideo eximia cum veneratione suscipienda, & diuinis laudibus prosequenda. Tibi laus, tibi gloria, tibi gratiarum actio, Christe fons misericordiarum, qui tantum boni sponsæ tuæ Catholice Ecclesie contulisti, atque in generatione nostra tuae pietatis miracula demonstrasti, ut enarrarent omnes mirabilia tua. Magnum siquidem, diuinumq; munus nobis Deus largitus est; oculisq; nostris vidimus, quod ante nos multi, cum valde cuperint, aspicere nequierint. Conuenientes enim Latini & Græci in hac sacrosancta Oecumenica Synodo, magno studio inuicem uti sunt, ut inter alia, etiam articulus ille de diuina Spiritus sancti processione, summa cum diligentia, & assidua inquisitione discuteretur. Prolatis vero testimonij ex diuinis Scripturis, plurimisq; auctoritatibus sanctorum Doctorum Orientalium & Occidentalium; aliquibus quidem, ex Patre & Filio; quibusdam vero, ex Patre per Filium procedere dicentibus Spiritum sanctum; & ad eandem intelligentiam aspicientibus omnibus, sub diuersis vocabulis: Græci quidem asseruerunt, quod id, quod dicunt, Spiritum sanctum ex Patre procedere, non hac mente proferrent, ut excludant Filium. Sed quia eis videbatur (ut aiunt) Latinos asserere, Spiritum sanctum ex Patre, Filioq; procedere, tanquam ex duobus principijs, & duabus spirationibus; ideo abstine-

Et inueniuntur à dicendo, quòd *Spiritus sanctus ex Patre procedat, & Filio.* Latini verò affirmauerunt, non se habente dicere, *Spiritum sanctum ex Filioq; procedere, ut excludant Patrem,* quin sit fons, ac principium totius Deitatis, *Filij scilicet, & Spiritus sancti;* aut quòd id, quòd *Spiritus sanctus procedit ex Filio, Filius à Patre non habeat;* siue quòd duo ponant esse principia, seu duas spirationes: sed ut unum tantum asserant esse principium, unicamq; spirationem *Spiritus sancti, prout hactenus asseruerunt.* Et cum ex his omnibus unus, & idem eliciatur veritatis sensus; tandem in infra scriptam sanctam Deo amabilem, eodem sensu, eademq; mente unionem, unanimiter concordarunt, & consenserunt.

IN NOMINE IGITVR SANCTAE TRINITATIS, PATRIS, ET FILII, ET SPIRITVS SANCTI, hoc sacro & universalis approbante Florentino Concilio: Diffinimus, ut h.ec Fidei veritas ab omnibus Christianis credatur, & suscipiatur; sicq; omnes profiteantur, quia *Spiritus sanctus ex Patre, & Filio eternaliter est; & essentiam suam, suumq; esse subsistens habet ex Patre simul & Filio; & ex utroque eternaliter, tanquam ab uno principio, & unica spiratione procedit.* Declarantes, quòd id, quod sancti Doctores & Patres dicunt, ex Patre per Filium procedere *Spiritum sanctum;* ad hanc intelligentiam tendit, ut per hoc significetur, *Filium quoque esse, secundum Græcos quidem, causam;* secundum Latinos verò principium subsistentiae *Spiritus sancti, sicut & Patrem.* Et quoniam omnia, quae Patris sunt, ipse Pater & unigenito Filio suo gignendo dedit, praeter esse Patrem: hoc ipsum quòd *Spiritus sanctus procedit ex Filio, ipse Filius à Patre eternaliter habet, à quo eternaliter etiam genitus.*

nitus est. Diffinimus insuper, explicationem verborum illorum, Filioque, veritatis declaranda gratia, & imminente tunc necessitate, licet, ac rationabiliter Symbolo fuisse appositam. Item, in azimo, siue fermentato pane triticeo, corpus Christi veraciter confici, Sacerdotesq; in altero ipsum Domini corpus conficere debere, & numquemque scilicet iuxta sue Ecclesie, siue Occidentalis, siue Orientalis consuetudinem. Item, si verè pénitentes in Dei charitate decesserint, antequam dignis pénitentiæ fructibus de commissis satisfecerint, & omissis; eorum animas pénis purgatorijs post mortem purgari; & ut à pénis huiusmodi releuentur, prodeesse eis fidelium viuorum suffragia, Missarum scilicet sacrificia, orationes, & eleemosynas, & alia pietatis officia, quæ à fidelibus pro alijs fidelibus fieri consueverunt, secundum Ecclesiæ instituta: illorumq; animas, qui post baptisma suscepimus, nullam omnino peccati maculam incurserunt; illas etiam, quæ post contractam peccati maculam, vel in suis corporibus, vel eisdem exutæ corporibus (prout superius dictum est) sunt purgatae; in cælum mox recipi, & intueri clare ipsum Deum trinum & unum, sicuti est; meritorum tam diuersitate alium alio perfectius. Illorum autem animas, qui in actuali mortali peccato, vel solo originali decedunt, mox in infernum descendere, pénis tamen disparibus puniendas. Item diffinimus, sanctam Apostolicam Sedem, & Romanum Pontificem, in uniuersum orbem tenere primatum; & ipsum Pontificem Romanum successorem esse beati Petri Principis Apostolorum, & verum Christi Vicarium, totiusq; Ecclesiæ caput, & omnium Christianorum patrem ac doctorem existere: & ipsi in beato Petro, pascendi, regendi, & gubernandi uniuersalem Ecclesiam, à Domino nostro Iesu Christo plenam potesta-

testatem traditam esse; quemadmodum etiam in gestis Oecumenicorum Conciliorum, & in sacris Canonibus continetur. Renouantes insuper ordinem traditum in Canonibus, ceterorum venerabilium Patriarcharum: ut Patriarcha Constantinopolitanus secundus sit post sanctissimum Romanum Pontificem, tertius vero Alexandrinus, quartus autem Antiochenus, & quintus Hierosolymitanus: saluis videlicet privilegijs omnibus, & iuribus eorum. Datum Florentiae in sessione publica Synodali, solemniter in Ecclesia maiori celebrata, anno Incarnationis Dominicæ M. CCCC. XXXIX. pridie Nonas Iulij, Pontificatus nostri anno nono.

Et subscriptiones.

Ego Ioannes Palæologus, fidelis in Christo Rex, & Imperator Romæorum, subscripsi.

Ego Antonius humilis Metropolita Heraclien. & Consiliarius Edeissenorum, totius Thracie & Macedoniae Pontifex, & Philothei sanctissimi Patriarchæ, & Sedis Apostolice Alexandrinae locum tenens, subscripsi.

Ego Gregorius Protosingelus, confessor spiritualis, ac Sedis Apostolice Alexandriae, & eius Domini Patriarchæ locum tenens, subscripsi. Eodem modo subscripterunt ceteri Patres, tūm Orientalis, tūm Occidentalis Ecclesiæ.



APPENDIX.

DISPUTATIONI finem imposuimus: nunc autem supereft, vt cum præposuerimus epistolam Patriarchæ Babylonis, correctionem Fidei suæ postulatis; adiiciamus, quid Sanctissimus D. N. ad eius postulata responderit. Subiiciemus itaque Apostolicum Breue ad Babylonis Patriarcham; neque hoc tantummodo, sed Commentarium quoque, quæ ipse Adam Patriarchæ Legatus ante suū discessum composuit de Fide Orthodoxa; vt nobis ostenderet, quantū profecerit ex disputationibus, quas toto ferè triennio, quo in Vrbe permanxit, habuit cum diuersis eruditis, ac pijs viris, de doctrina Catholicæ Fidei.

S. D. N. PAVLI PP. V. EPISTOLA AD ELIAM BABYLONIS PATERARCHAM. PAVLVS PAPA V.

VENERABILIS Frater, Salutem, & Apostolicam benedictionem. Dupli affectu, latitia, atque commiseratione, nec sanè leui; commouerunt charitatis nostræ viscera literæ, quas à Fraternitate tua Nobis reddidit dilectus filius Adam Archidiacus, ut scribis, Camere tuæ Patriarchalis, & Monachorum

N

tuorum

tuorum Archimandrita, quem ad Nos misisti. Lætabamur quidem summopere, ex reuerentia, ac deuotione, quam proficeris summam erga sanctam Beatissimi Petri Principis Apostolorum Sedem; eoq^z magis, quia hoc verè Christianæ pietatis studium perpetuo viguisse in Ecclesia tua scribis. Miserebamur autem, ut potius angebamur; quòd cum hac veneratione Apostolice Sedis, non eandem doctrinam Catholice Fidei, quam ipsa profitetur; reperiebamus. Sed misericordiarum Patri Deo gratias agimus, quia te quoque vehementer commotum fuisse ob hanc diuersitatem vidimus: in quo diuitias ineffabilis eius clementiae agnoscimus, & peculiarem quandam erga te immensa misericordia & sua gratiam. Nam tametsi ex diligentia, atque sollicitudine, qua rationem tantæ discrepantiae exquisiuisti; te valde prudentem, & accuratum in pastorali tuo munere deprehenderimus; nihilominus, cum nimis compertum sit, quantum referat non modò in his, quæ ad Fidem pertinent; sed in qualibet doctrina, quomodo quis educatus fuerit; fatendum planè videtur, totum hoc miserentis Dei opus fuisse; ut dum omnes antecessores tui, ac nationis vestrae Doctores semper existimauerunt, ut dicas; se recte de Fide sentire, nec ab Ecclesia sancta Catholica, & Apostolica Romana in alio, quam in modo loquendi differre; primus dubitare cœperis; sedulò veritatem quæseris; nec temere tuorum responsioni, quamvis desiderio tuo congruerit; acquieueris; sed pie, ac sapienter Nos, ac sanctam hanc Sedem consulere volueris. Per amanter itaque Archidiaconum tuum exceperimus; professionem Fidei vestrae, & quo pacto tam diuersa dogmata componi, & ad unum sensum redigi posse existimaret; audiuiimus. Sed mutauit ille suam sententiam: etenim cum

nullam

nullam prorsus haberet notitiam sacrorum Conciliorum , ut manifeste apparebat ex Commentario , quem de hac compositione , & consensu , scriptum à se , mandato tuo , ad Nos attulerat ; & ex disputationibus , quas habuit satis diurnas , ac frequentes cum viris pietate , ac doctrina præstantibus , quibus ut illum docerent Catholicam veritatem , mandauiimus ; & ipse quoque ingenuè fatebatur : posteaquam ostensum illi fuit , damnatum fuisse Nestorium à sanctis Patribus in Concilio Ephesino , ob has nefarias blasphemias ; nempe quia impie asserebat Christum Dominum nostrum fuisse purum hominem ; & Verbum Dei inhabitaſe in eo , tanquam in templo , ita ut Diuinitatem , & Humanitatem diceret in ipso accidentaliter coniunctas , & non substantialiter , & hypostaticè unitas ; & Beatissimam , immaculatamq. Virginem Mariam hac de causa non Matrem Dei , sed tantum Matrem Christi appellandam : similiter duas in uno Filio fuisse personas ; puri scilicet hominis , ac Verbi Dei : Hominem à Deo assumptum , ob assumptionis coniunctionem , non autem propriè dicendum esse Deum ; eguisse propitiatione , sicuti certi homines egent ; paulatim ad Pontificiam dignitatem euentum esse ; & non minus pro se , quam pro nobis sacrificium Deo obtulisse ; à Spiritu sancto tanquam ab aliena virtute glorificatum ; ac demum non aliter , quam Moyses dictus fuit Deus Pharaonis , Dominum nostrum Iesum Christum existimandum esse Deum . Quibus omnibus diligenter , ac sedulò recognitis , post annum elapsum . & amplius ; Nestorium tandem , & omnes , qui cum eo hæc , & similia sentiunt ; alacri animo damnauit , & anathematizauit . Pari quoque patet fuit illi demonstratum ex determinatione sextæ Synodi

universalis, quæ tertia est Constantinopolitana: Duas esse in Christo Domino voluntates, ac duas operationes, sicut duæ sunt in eo naturæ: contrarium autem, tanquam blasphemum, & hæreticum, à sanctis Patribus fuisse reprobatum; qui synodali decreto Macarium Patriarcham Antiochenum episcopalij dignitate propterea priuauerunt, & à communione Ecclesie sanctæ Catholicae separauerunt; quia ausus fuerat impiè asserere cum Theodoro Episcopo Pharanitano; Sergio, & Petro Episcopis Constantinopolitanis; Cyro Episcopo Alexandrino, damnatis hæreticis; unam tantum esse in Christo voluntatem, atque unicam operationem. Videl similiter Decretum in Concilio Florentino universali, à felicis recordationis Eugenio Quarto prædecessore nostro factum, de processione Spiritus sancti à Patre, & Filio; cui Patres omnes Ecclesiae Latinæ, ac Græcae pariter subscripserunt, ipso Græcorum Imperatore presente; qui ad remouendum Græcorum schisma, Synodi universalis congregationem curauerat; & ex Regia Urbe Constantinopolitana in Italiam venerat. Ex quibus omnibus Archidiaconus tuus Orthodoxa veritate percepta, quam Ecclesia sancta Catholica Apostolica Romana docet, de altissimis mysterijs Incarnationis Verbi Dei, & processionis Spiritus sancti; errores suos proprios, atque nationis vestræ communes agnouit; quos sponte, & ingenuè coram dilecto filio Magistro Commisario Officij sanctæ Inquisitionis confessus, ac detestatus est; illosq; auctoresq; illorum, Nestorium, Theodorum Mopsuestenum, Diodorum Tarsensem, Macarium Antiochenū, ceterosq; omnes hæreticos, atque hæresiarcas ab Ecclesia sancta Romana damnatos; cù eoru hæresibus, & impietatibus abiurauit, dñauit, & anathematizauit. Et quia venerabilis Frater à Nobis effica-

efficaciter postulaſti, ut tibi errores significaremus, quos in Fide vestra reperiſſemus; illosq; corrigeremus; paratum quippe te exhibebas cum Archiepiscopis, & Episcopis obedientiae tuae ſubiectis, ad correctionem recipiendam: iusto, pioq; tuo deſiderio ſatisfacere cupientes, ac ſimul ut adimpleremus praeceptum, quod à Domino in beati Petri persona accepimus; ut videlicet conſirmaremus fratres noſtros in fide: mandauimus, cuncta, quæ dilecto filio Adæ Archidiacono tuo oſtenſa fuerunt de ſacrorum Conciliorum Decretis, diligenter deſcriberentur, & in Chaldaeum idioma fideliter verterentur; & ad fraternitatem tuam mitterentur. Igitur accipies cum hiſ noſtriſ literis deſcriptionem errorum, immò blaſphemiarum impij Nestorij, ut in Concilio coram Patribus recitatæ fuerunt; cuius initium tale eſt: Petrus presbyter Alexandriae, Notariorum Primi-
cerius dixit: Habemus præ manibus Reuerendissimi Ne-
storij blaſphemiarum commentarios, &c. Accipies pa-
riter epistolam à beato Cyrillo Episcopo Alexandrino, atque
Synodo Alexandriae congregata, ad Nestorium scriptam; qua
fraternè illum erroris ſui admonent; atque duodecim capitibus,
quid de ineffabili mysterio Incarnationis tenendum Catholice
ſit; declarant. Incipit autem ſic: Cum Saluator noſter aper-
tè pronuntiet, &c. Monuerat beatus Cœleſtinus primus
prædeceſſor noſter Nestorium; & de illius ſalute ſollicitus, cor-
rectionem eius curandam beato Cyrillo mandauerat: ea ratio-
ne, ut niſi ad præſinitum tempus reſipuiſſet; illum auſtorita-
te Apoſtolica, ab Eccleſiæ communione ſepararet. Itaque Cyril-
lus coacta Alexandriae Synodo; epistolam, cuius exemplum
tibi mittimus; ſcripſit. Sed Nestorius ex admonitione dete-
rior, ac magis contumax, deteſtabiliores ſemper euomens blaſ-

Disput.
cap. vii.
pag 65.

Disput.
cap. vii.
pag. 69.b

phemias; grauiores turbas in Ecclesia excitabat. Quare Synodus vniuersalis Ephesi conuocatur, cui Cyrilus vices Cœlestini Papa gerens, auctoritate eius Apostolica præfuit: in qua recognitis, examinatisq; erroribus Nestorij; cum ipse noluisse sistere se Concilio; vnanimi Patrum sententia Synodali decreto damnatus fuit: cuius damnationis exemplum tibi quo-

que mittimus, quod ita incipit: Sancta Synodus dixit: Cum præter cetera, &c. Sed damnato, depositoq; Nestorio, atque in exilium ad Libyæ deserta deportato; scriptisq; suis vbiique locorum concrematis; nihilominus ignis hæreses extinctus omnino non est; sed flamma tantum compressa, quæ longè, latèq; diffusa erat. Nam scintillæ, vnde hoc incendium initium habuerat; latitantes permanerant: scripta nempe Theodori Episcopi Mopsuesteni, qui Nestorij magister extiterat. Neque enim à Patribus antea animaduersa fuerant; vel quia non satis vulgata, vel quia Theodorus ob grauissimam pugnam, quam suscepérat, atque sustinuerat de mysterio Incarnationis aduersus Apollinaristas; tantam sibi doctrinæ, ac pietatis famam comparauisset, vt ne dum suspectus non esset; immò verò inter orthodoxos, grauissimosq; Ecclesiæ Patres haberetur. Igitur hæretici, quod Nestorij nomine amplius profiteri non poterant; Theodori auctoritate docere, ac tueri nitebantur. Hinc temporis progressu adeò magna perturbatio exorta est in Ecclesia Dei, vt post Chalcedonensem Synodum, quartam videlicet vniuersalem; iterum sancti Patres coacti fuerint conuenire Constantinopolim ad vniuersale Concilium; in quo Theodori Mopsuesteni dogmata recitata, diligenterq; animaduersa, & examinata, ac demum damnata, & anathematizata fuerunt. Huius autem examinis, atque damnatio-

Disput.
cap. viij.
pag. 79.

nationis exemplum; necnon Fidei sceleratum symbolum Theodori Mopsuesteni, ex actis eiusdem quintae Synodi vniuersalis descriptum tibi mittimus, cuius initium est: Sancta Synodus dixit: Ad longum tempus extensis quæ de Theodoro mouentur, qui Mopsuestenæ sanctæ Ecclesiæ fuit Episcopus, &c. Quibus omnibus existimauimus, fore ut satis innotescere fraternitati tuae possent errores, qui cum Nestorio, atque Theodoro Mopsuesteno vobis communes sunt: & quam execrabile, atque Catholicæ Fidei contrarium sit, negare, Beatissimam, semperq; Virginem Mariam esse verè matrem Dei; & in Christo duas personas ponere. Pari paratu tibi mittimus Decretum sextæ Synodi vniuersalis Constantinopoli celebratæ; quo sancti Patres actione decima octana definierunt, eadem ratione confitendum esse duas in Christo esse voluntates, atque operationes, qua credimus, duas eius esse naturas, in una eius riantes subsistentia; nec ulli licere aliam Fidem profiteri, aut docere. Incipit autem sic: Præfens sancta, & vniuersalis Synodus, fideliter suscipiens, &c. Ex quo non tantum quid Catholicè credendum sit, intelliges; verum etiam cognosces, quam grauiter peccent, qui importunis interpretationibus contrariam sententiam, damnatamq; impietatem tueri student. Postremò mittimus tibi Decretum à felicis recordationis Eugenio Quarto etiam prædecessore nostro, in Synodo vniuersali Florentina factum, de processione Spiritus sancti; cuius initium est: Eugenius Episcopus seruus seruorum Dei. Ad perpetuam rei memoriam. Lætentur cœli, &c. Aperte in hoc Eugenij Decreto videbis, omnes pariter Latinæ, & Græcæ Ecclesiæ Patres confessos fuisse, Spiritum sanctum à Patre, & Filio, tanquam ab uno prin-

Erros
itos in-
uenies
cap. xij.
pag. 95.

Disput.
cap. xx.
pag. 159.

Post Epi-
logum
pag. 188.

cipio procedere. Et quamvis Græci à Patre per Filium procedere Spiritum sanctum dicant; non ob id tamen, qui recte sentiunt; processionem hanc aliter, quam ab utroque equaliter intelligunt. Nullo autem modo dicendum, Spiritum sanctum à Patre solo procedere; hoc enim hereticum, atque damnatum est. Ideo sancta Romana Ecclesia, omnium aliorum Mater, & Magistra, diuinitus illustrata; ad evitandam omnem suspicionem huius impietatis, opportunè declaratura eiusmodi processionem; non addens, sed exponens, posuit in Symbolo illud: Filioq; procedit. De incomprehensibilibus igitur mysterijs salutiferæ Incarnationis Verbi Dei, atque æternæ processionis Spiritus sancti, sic definitum fuit à sanctis Patribus; & ita credit, oportet, quicunque proficitur Catholicam Fidem. Declarationes, expositiones, conciliaciones omnes, quæ vel contrarias sententias defendunt, vel eas ad sensum orthodoxæ veritatis redigere conantur; non modo vanæ, ac superfluæ; sed damnatæ, ac reprobatae. Sunt enim hereticorum commenta, quibus eorum impietatem, quam profiteri amplius manifestam non poterant; fucatam defendere conabantur. Nam sectatores Nestorij nefaria eius dogmata, ex commentarijs, ut diximus, Theodori Mopsuesteni, à quo virus perditissimæ heresis hauserat; & ex his, quæ ab eius fautoribus contra beatum Cyrillum, sanctamq; Ephesinam Synodum scripta fuerunt; callide instaurare, atque in vulgus ferere studuerunt. Vnde magna Orientis pars postmodum infecta fuit; præcipue Chaldaei, qui hac de causa deinceps Nestoriani dicti sunt. Propterea monemus fraternitatem tuam, atque efficacissimè hortamur, ut Theodori Mopsuesteni scripta; pariterq; Diodori Tarsensis, qui cum eo pesimè

simè sentiebat ; lethalis huius messis infausta semina ; si, ut accepimus, apud vos reperiuntur ; delere, effringere, penitusq; ex vestra natione exterminare, omnino studeas. Quippe Theodorus tanquam hæreticus, ac pessimæ doctrinæ auctor, à sanctis Patribus in quinta uniuersali Synodo, ut videre poteris ; secunda videlicet Constantinopolitana, damnatus est. Remoto autem hoc obstaculo, facile ut confidimus, cooperante diuina gratia ; Catholicam veritatem contra aduersorum mendacia tueberis, præsidio auctoritatis sanctorum uniuersalium Conciliorum, quorum decreta tibi mittimus. Quibus sicut fraternitatem tuam, ceterosq; venerabiles fratres Archiepiscopos, & Episcopos, atque eruditiores Monachos, & Sacerdotes vestrae nationis instruere aduersus hæreticos curauimus ; ita & reliquorum necessitati, quantum cum Domino possumus, consulere cupientes ; quamplurimos libellos professionis Catholicæ Fidei, & Christianæ doctrinæ typis Arabicis excusos, eidem Adæ Archidiacono tuo, perferendos ad vos dedimus. Abundè satisfecisse nos haec tenus tuo desiderio credimus, & venerabilis, ac dilectissime frater. Habet namque à Nobis certissimam doctrinam Catholicæ Fidei, & firmissima fundamenta, quibus ipsa nititur. Docere igitur tuos veritatem, aduersorum mendacia, atque malitiam redarguere sufficienter poteris. Reliquum modò est, ut eodem zelo, quo veritatem cognoscere concipiueristi ; cures, nitaris, efficias, ut ipsam nunc vobis declaratam, & patefactam, ceteri quoque recipiant. Nos autem alaci animo pios labores, atque conatus tuos in propagatione Orthodoxæ Fidei semper adiuuabimus : & quò maiores progressus vestros in recta doctrina audierimus ; eò magis prompti, ac parati erimus ad nostrum


nostrum auxilium *tobis subministrandum*; sicut Archidiacono tuo *überius declarauimus*. A quo particulam salutiferi ligni sanctissime Crucis Domini nostri, inclusam parua crucem aurea, ornata lapidibus cœlestis coloris, in maioris crucis formam; atque librum sanctorum Euangeliorum, Arabico idiomate typis excusum; *et* cum his argenteum calicem, *et* patenam, atque thiarum, ac vestes Pontificales pro solemnni celebrazione incruenti sacrificij, diuinorumq; officiorum; necnon duos alios libros iisdem characteribus Arabicis impressos, utiles ad medicinæ corporalis doctrinam, *et* ad intellectus acumen augendum: nam fore illos tibi valde gratos, ipse communis noster filius Adam Nobis ostendit. Quæ omnia fraternitati tuæ ex benedictionibus sancti Petri mittimus; ut signum aliquod à Nobis habeas sincerae, ac perfectæ dilectionis, qua te in visceribus Christi complexi sumus. Quem tuum Archidiaconum valde tibi commendamus; *et* pro peculiari nostro in eum amore, tanquam filium Nobis valde charum, ut præcipue diligas; desideramus. Toto enim tempore, quo apud Nos mansit, piè admodum vixit; monasticae vitæ suæ institutum religiose obseruauit; zelum veritatis agnoscendæ eximium prætulit; assiduus in expeditione negotijs scii à te commissi, fuit; in exponendis vestris de Fide opinib; diligens, *et* accuratus, sed minimè peruvicax; in recipienda vestrorum errorum correctione docilis, atque morigerus: demum ita se in omnibus gessit, ut merito benevolentiam omnium, qui aliqua de causa cum eo egerunt; sibi conciliauerit. Quare si rem Nobis gratissimam facere desideras; virtutem, *et* probitatem ipsius, omni honorificentia maiori, qua poteris, nostra causa augebis: non enim dubitamus, quin optimè


optimè collocaueris quicquid honoris , ac dignitatis in eum contuleris ; ac præterea debitum laboribus suis tam magnis , tamq; laudabilibus præmium tribues , quod maximè desideramus . Deum misericordiarum , ac Patrem luminum oramus , vt opus , quod ineffabilis sua clementia cœpit in te; perficere per humilitatis nostræ ministerium , ad sanctissimi nominis sui gloriam , ac vestrarum animarum salutem dignetur : Et ex intimis nostri cordis visceribus tibi , dilectisq; filiis nationis vestræ , qui Fidei Catholicæ notitiam vere , Et ex animo concupiscunt ; benedictionem nostram Apostolicam impartimur . Datum Romæ apud Sanctum Petrum , sub Anulo Piscatoris , die sanctissimæ Annuntiationis Beatæ Virginis Mariæ . viij. Calendas Aprilis M. DC. XIV. Pontificatus Nostri Anno Nono .

Petrus Stroza .

VIDERAT Adam hoc Apostolicum Breue , dum in Chaldaicum idioma conuerteretur : cumq; in eo legisset , se laudatum fuisse , quod rectam Fidei doctrinam accepisset ; vt hanc de se conceptam opinionem magis confirmaret ; statim Commentarium composuit ; in quo , quasi fratres suos Chaldæos eruditurus esset ; exposuit singillatim quid de unitate diuinæ essentiæ , de incomprehensibili sanctissimæ Trinitatis mysterio , deq; ineffabili dispensatione Incarnationis Dei Verbi sentiret ; potissimum aduersus Nestorium , & Theodorum perditissimos hæresiacas : habita in primis

mis satis eleganti, & pia disputatione de præminentia
summi Pontificis, atque sanctæ Apostolicæ Se-
dis, & de necessitate, qua omnes Chri-
stifideles subijci debent eius do-
ctrinæ, atque præ-
ceptis.





S E R M O
A D A E A R C H I D I A C O N I
 C A M E R A E P A T R I A R C H A L I S
 B A B Y L O N I S .
D E F I D E C A T H O L I C A
 A D F R A T R E S S V O S C H A L D A E O S .

Proemium, in quo agit de Primatu sanctæ Apostolicæ
 Sedis , & de præminentia auctoritatis ,
 & doctrinæ Summi Pontificis .

In nomine Patris, & Filii, & Spiritus sancti .

De Fide Catholica, deq; professione Ortho-
 doxa loqui volumus, fratres. Itaque pro-
 ximi in Domino nostro, & charissimi in
 Iesu spe nostra, petimus à vobis, per
 humilitatem, & mansuetudinem, &
 obedientiam Iesu Christi; ne quis con-
 tendat extra legem contra veritatem,
 sed in lege pro veritate; ut coronetur. Neque enim fas est
 nobis

nobis contradicere Deo, propter propensionem nostræ voluntatis; sed debemus subiçere nos voluntati suæ, pro salute animarum nostrarum: quia sicut est unus Deus Pater, & unus Dominus Christus; sic una est Fides de illo, & una Ecclesia sancta caput omnium Ecclesiarum; & una est petra solida, in qua positi sunt ordines Ecclesiastici à sapiente architecto, adificatore Vniuersi. Neque enim frustra, & vanè dedit claves altitudinis, & profunditatis Petro fundamento Ecclesiae suæ; neque fortuitò tradidit ipsi greges rationales, emptos sanguine suo pretioso. Et sic longa successione post Petrum, accepit summum Pontificatum Pater noster sanctus Papa, caput sublime totius Christianitatis; & est verus Vicarius Christi Domini nostri super terram vniuersam, per successiōnem veram & legalem, quæ ab illo deriuauit. Propterea fratres in Christo, & membra Iesu: non enim fænum & paleam, sed aurum, & lapides preciosos debemus ponere super hoc fundamentum verum, quia probatio in igne fit; & preter hoc fundamentum nemo aliud potest ponere; & si audeat, & ponit; super arenam sit adificium eius, & non ascendit ad culmen; quia errat à fine recto, quicunque est contra lapidem perfectum capit is anguli, qui colligat parietes ad inuicem. Itaque fratres, & patres petimus à vobis, propter amorem Christi, ne tollus celet veritatem. Omnibus hæc dicimus; transacta iam sunt antiqua: modo vero quamnam veritatem rectam inuenietis, præter eam, quæ est Romæ, secundum voluntatem Dei? Ecce enim quam multis in locis ordinantur Pontifices illegitimi? Sunt enim aliqui, qui munere; alij vi; alij fucis, & dolis; alij per subscriptionem barbarorum; alij per hypocrisiam; alij per imperium Regum huius mundi, & non per ordinem

Dei:

Dei: & hi omnes præter voluntatem Spiritus sancti sunt. An ne nos haec dicimus? Ecce enim Synodus reprehendit, & damnat ordinantem, & ordinatum illegitime. Etiam in lege noua ac veteri reprobantur ij, qui non eliguntur secundum voluntatem Spiritus sancti, per ordinem Summi Pontificis, qui fidelis est super omnes greges Iesu. Ecce enim audistis, familiam Corè, quæ surrexit contra præceptum Dei, & voluit abripere Sacerdotium; quomodo aperuit terra os suum, & viuos deglutiuit: & Simonem illum seductorem, qui obtulit argentum Apostolis, propter hoc donum quid respondit ei Simon Petrus? Argentum tuum vadat tecum in perditionem: quia putasti donum Dei possessione seculi possideri; non habes partem, neque sortem in hac fide. Sic enim ambigit, & aberrat à veritate, quicumque vivitur talentis spiritualibus inconuenienter. Gratis accepistis, gratis date omnibus dignis; ordinavit Dominus talentorum. Et hunc ordinem rectum, & fidem veram tenet ab ipso Ecclesia sancta Roma, usque ad hanc diem; dum congregantur omnes Patres illustres, & laudabiles, ad Ecclesiam magnam & sanctam sancti Petri; & per ieiunia, & orationes orant, & supplicant coram Deo; & volunt ingenuè in omni humilitate; & obediunt ei, qui eligitur à Spiritu sancto: & sic ordinatur Papa, & Pontifex fidelis Ecclesie Christi. Igitur fratres, non ille, qui laudat se metipsum, est probatus; sed ille, quem Dominus laudabit; neque ullus sibi sumit honorem, sed qui vocatur à Deo, sicut Aaron. Et sic Dominus Papa non seipsum laudat, ut sit Pontifex; sed ille, qui dixit ei: Pasce mihi agnos meos, pasce mihi agnos meos, pasce mihi oves meas. Sic etiam elititur, & honoratur à congregacione sancta beatorum Patrum, in voluntate

tate Spiritus sancti. Ideo fratres in Christo, decet omnes Christianos ubicumque seruare præcepta sua plena vita, ut pupillam oculi; & abiurare, & refutare omnes heresies; & anathematizare eos omnes, qui à verbo suo discedunt, & aduersantur Ecclesiae sanctæ & Apostolice, & adducunt fallacias è sanctis libris, iuxta eorum voluntatem; & ignoranter colligunt folia pro fructibus; & scelestè confirmingant sermonem suum mendacem. Ecclesia autem Catholica Romæ, per anathematismum determinat contra quemcumque, qui variat veritatem Synodorum sanctorum, & electarum. Propterea conuenit fideles veros, per voluntatem suam liberam adhaerere Fidei vera, & Canonibus rectis, & ordinatis; quos docet & prædicat Pater Patrum, & summus Pastor Dominus Papa; ut lucentur vitam animabus suis, eo mediante; & benedicantur benedictionibus suis Apostolicis. Amen.

De Confessione vnius Dei. Cap. I.

ITaque credimus propter hoc, & etiam loquimur: Credimus enim, & Confitemur unum Deum verum, immortalem, æternum, non habentem principium, neque finem. Quia non in tempore solum est, sed ante tempus; & sine principio, & sine fine est; & in æternum tempora omnia in eo includuntur; cum sit eleuatus ab omni intellectu; eo quod id quod habet, semper habet: quia non erat aliquando, & modò est; sed est, & futurus est; & est causa omnis entis, & causa causæ causarum omnium; neque cadit natura ipsius sub decem prædicamenta. Sermo enim de nobis ostendit ut sumus, aut supra id quod sursum, aut infra. Sermo vero de Deo non habet

bet quid supra se , ut de ipso demonstret ; neque ut est , potest dici . Demonstrationes ergo infra se remanebunt , quia nullus iudicia eius penetrauit , & viæ eius sunt ininvestigabiles . Quantumvis enim homines multiplicant scientiam , hic despiciuntur ; scriptum enim est : Noli nimis scire , ne mireris . Et Gregorius Theologus ait : Ego multa intra me cogitauit per discursum intellectus , & vnde rectificaui sermonem ; & volens demonstrationem de hoc toto negotio accipere , nihil ex inferioribus habui , ut compararem mihi scientiam Naturæ Diuinæ , licet parua similitudo inueniatur . Et Paulus præcipit , ne altiora cogitemus , quam decet cogitari ; quia Deum ex suis creaturis tantum inueniunt inuestigatores , & non ex essentia ; dum intellectus Sanctorum illuminatur à Spiritu sancto : & nullus ex his comprehendit visionem Dei ; sed originem visionarum , & vita , & sapientia , quæ ex summa bonitate perfectissimæ essentia effunditur super omnes substancialias . Propterea dicitur de Deo , quod sit charitas , eo quod charitas est complementum omnis bonitatis ; & bonum est contrarium malo , & sic malum bono . Et si dominaretur malum totale , nunquam quicquam constitueretur ; sed non existit malum totale : nam cum bonum totale includat omne , & quod est , & quod potest esse ; priuat necessario malum omni essentia . Et sic dicimus , quod bonum tribuat malo priuationem perfectam . Perfecta autem priuatio nihil est ; & nihil non habet existentiam . Ergo valde errant dicentes , esse alium Deum malum . Et sic est Essentia Diuina dissipans malum naturaliter ; & est principium bonitatis perfectæ , & causa bonorum ; & effunditur in omnes essentias per suam prouidentiam perfectam ;

¶ in hoc ipso bono est causa omnium, quæ sunt : neque per artem , neque per calliditatem , ¶ inuentiones ; sed propter bonitatem naturalem dedit omnibus esse . Naturæ enim spirituales excellenter eam desiderant ; ¶ homines per cogitationes ; ¶ bellæ in ea per sensum existunt ; plantæ per virtutem plantalem , ¶ nutrituam ; ¶ inanimata per id, quo sunt . Et sic inuenitur in ipso existentia omnium naturarum diuersarum , quas creauit per bonitatem suæ gratiæ ineffabilis .

De Trinitate Personarum Diuinarum .

Cap. I I.

Deus enim vocatur , ¶ est principium bonitatis , ¶ causa bonorum : ¶ hoc bonum bonitas essentiæ sua reuelauit Sanctis suis ; ¶ patescit distinctiones proprietatum personarum , Patris , ¶ Filij , ¶ Spiritus sancti ; ¶ per Filium patuit , ¶ explicatum est hoc mysterium , praecipientem baptizari in nomine Patris , ¶ Filij , ¶ Spiritus sancti . Pater genitor , ¶ Filius genitus , ¶ Spiritus sanctus procedens . Pater genitor Filiij , ¶ non genitus ; Filius genitus à Patre , ¶ non genitor ; Spiritus sanctus procedens à Patre ¶ Filio tanquam ab uno principio ; nec genitor , nec genitus . Distincti proprietatis , ¶ personis . Vnum natura ¶ essentia . Propterea omnia sunt vnum in Diuinis , ubi non obstat relationis oppositio : reliqua enim , ut essentia , intellectus , ¶ voluntas , communia sunt tribus personis . Pater distinguitur à Filio , paternitate ; ¶ Filius à Patre , filiatione ; ¶ Spi-

Spiritus sanctus à Patre, & Filio, spiratione passua; & Pa-
ter & Filius à Spiritu sancto, spiratione actiua: & hæc Spi-
ratio actiua non constituit personam, at communis est Pa-
tri, & Filio; & per eam opponuntur Spiritui sancto, opposi-
tione originis. Et sicut sunt tres personæ, sic tres subsisten-
tiæ, quæ dicuntur ad inuicem; & non sunt distinctæ ab
essentia, re, sed fundamentaliter tantum; actualiter autem
per intellectum; & Pater per inuictionem sui intellectus
generat Filium. Et quia opus intellectus præcedit opus vo-
luntatis; idcirco proprietate originis generat Filium, & dat
illi omne quod habet, præter Personam Paternitatis; & Spi-
ritus sanctus procedit per modum amoris & voluntatis; &
in hoc nulla est oppositio inter Patrem, & Filium, quia Pa-
ter amat Filium, & Filius amat Patrem: & ab hoc amo-
re procedit Spiritus sanctus, & vocatur spiratio actiua Spi-
ritus in Patre, & Filio; & est sine diuisione tanquam in
uno; & sic dant Spiritui sancto omne quod habere, præter
Personas, quæ non communicantur ad inuicem, quia ex re-
lationibus oppositis originis existunt. Et istæ tres persona pro-
prietate personali constituuntur; & unaquæque illarum in-
tellectualiter à nobis concipitur; & Deum, & substantiam,
& naturam confitemur. Supra modum factibilium, una
est natura, una est potentia, una voluntas, una essen-
tia, una dominacio, una magnificentia, una possessio,
unus intellectus, una mens; propterea tres Personæ unus
Deus sunt. Tres autem dicimus in proprietatibus, non exclu-
dentes unam Deitatem: & non dicimus tres Deos, aut sub-
stantias, aut naturas; sed unum Deum, unam naturam,

& unam substantiam. Et sic veneramur Unitatem in Trinitate, & Trinitatem in Unitate: trinè intelligitur proprietatibus, & tunc cognoscitur Deitate. Ne mireris (inquit Basilius ad fratrem) si dicamus, eundem unitum & distinctum esse. Hæc enim per Fidem, & non per demonstrationes tenere oportet; & Fides à quæstione libera est: at intellectus non quiescit ab inuestigando, sed audet extendere se per omnia; sicut & habet duas potentias, unam naturalem, alteram supernaturalem: per naturalem, per syllogismum, à sensibilibus potest figurare diuina; & per supernaturalem non eget syllogismo, per quem sciat Deum; quando est purus, & castus: at Fides sufficit. Non enim dicit, quis ascendit in cælum, & descendere fecit Christum; & quis descendit in abyssum inferni, & resurgere fecit Christum è mortuis? sed tantum Fide viuit. At non est unusquisque capax huius rei; propterea timur rationibus. Itaque inuestigamus Deum, qui est nobis proximus, per quem vivimus, mouemur, & sumus; & à creaturis suis inuenimus eum, qui est id quod est, immortalis, viuus, & intellectualis. Quia ex his tribus donis videmus creature existere: nam sunt, viuunt, & intelligunt; eo quod nihil potest esse constitutum in creaturis, cuius principium non sit apud ipsum Deum. Igitur in ipso est principium bonitatis perfectæ, continentis omnes substantias per suam totalem prouidentiam; & in ipso est principium sapientiae intellectualis omnium creatricis, quia ipse est Sapiens solus, ut inquit Paulus; & in ipso est principium vitae viuificantis omnia, ut inquit Salomon: *Spiritus tuus bonus in omnibus inhabitat.* Pater ex sua

præ-

presentia est, & non ex aliqua causa: propterea ab ipso denominatur omnis Pascernitas. Filius est Verbum Dei, & Sapientia; & per ipsum creata sunt omnia. Spiritus vero sanctus est fons vite essentiae, per quem omnia vivunt. Et istae tres persona, eo quod sunt perfectissima, nobis sunt unus Deus, sicut dixit Theologus; diuisiones vero gratiarum sunt, idem autem Spiritus; & diuisiones ministracionum sunt, idem autem Dominus; & diuisiones operationum sunt, idem autem Deus. Nomina vero conuenientia Deo, toti Diuinitati competunt; & nomina communia de tota Diuinitate dicuntur; & quicquid sit per virtutem naturalis Deitatis, tribuitur toti Trinitati. Et sic sumunt omnes naturae existentiam ab uno fonte abundanti essentiae aeternae: & sicut Sol producit splendorem, & caliditas procedit ab utroque, hoc est a Sole, & splendore; sic Filius generatur a Patre, & Spiritus sanctus procedit a Patre & Filio. Non enim dicimus unquam, caliditatem procedere a Sole sine splendore, nec a splendore sine Sole; sed sic ordine recto dicimus, quod splendor habet modum generationis a Sole, & caliditas modum processionis a Sole & splendore: & sic Filius genitus, & Spiritus sanctus procedens est, alio modo a modo Filii. Propterea Pater & Filius equales sunt in spiratione actiua, eo quod sunt vita, & principium vitae perfectae; quia exponitur Spiritus vita, spirituales autem (hoc est habentes vitam.) Et vita intellectualium est ex igne & spiritu non elementali, sicut canit David: Fecit Angelos suos spiritus, & ministros eius ignem ardenter: & vita plantarum, & ceterorum est ex igne, & spiritu elementali; & ista simul evanescunt secundum Scripturam: Aufers spiritum eorum, & morientur, &

ad terram eorum reuertentur. Et intellectuales, etiam si naturaliter vivant; attamen sunt facti, & causati. Sequitur necessario, quod per gratiam vivant, & non perfecte ex se, & per se; ut Apostolus ait: per quem vivimus, & mouemur, & sumus. Etiam scriptum est: Dedit eis vitam aeternam; hoc perpetuitatem gratiae indicat: nec cohibet suam gratiam; deficeret enim perpetuitas vite eorum. Ergo donum non succiditur, nec vita corrumpitur. Vita enim diuina non sic; sed est supra omnes mutationes, & accidentia; & est simplex, & origo omnis vita, & causa; quia simplicitatem puram habet natura diuina, sine compositione. Deus enim spiritus est; & non sicut nos, sumit spiritum attractivè: propterea Spiritus sanctus non procedit attritione vocum, neque commotione aeris; propterea non est creatus à sapientia; ergo non est priuatus persona, sed est persona perfecta, & omnipotens cum Patre, & Filio. Propterea Spiritus Dei est semper cum Verbo suo; & sic ex se, & per se vivit semper natura diuina, vita simplici, sine medietate alicuius rei; eo quod est origo omnis vita, sicut psallit filius Isai: Quia tecum est fons vite. Spiritus autem, qui est in nobis, non habet tantum ex natura sua vitam, sed medietate aeris. Spiritus enim Dei non est sic; non enim attrahit aliquid extra, quia non est compositus, sicut nos: omne compositum, quia imperfectum; componitur, ut perficiatur. Deus enim est perfectus omnibus suis proprietatibus. Ergo motio Spiritus sancti est in se; propterea non procedit tantum ab una persona. Itaque audite quid Dominus dicat: Ego sum via, veritas, & vita. Et: Cum veniet Spiritus veritatis, ipse reget vos in omni veritate. Ergo Spiritus veritatis à veritate procedit sine dubio.

Etiam

Etiam dicit: Ego in Patre meo, & Pater meus in me est. Et: Ego, & Pater meus unus sumus. Si Filius Pater unus sunt ad inuicem; & ipse est via, & porta; & sine ipso nihil ingreditur ad Patrem: ergo & sine ipso nihil a Pate procedit. De Spiritu autem Sancto sic dicit: De meo accipiet, & renunciabit vobis. Et, Omne quod meum est, tuum est; & tuum meum est, dixit ad Patrem. Si Spiritus sanctus a suo accipiet, & ipse est aequalis Patri in omni possessione; quia in ipso inhabitat omnis plenitudo Divinitatis, quis negabit; priuando eum Spiritu sancto? Ecce ut Pater habet vitam in se; sic dedit Filio habere vitam in se. Ergo iuste oportet credere verè, & indubitanter cum Ecclesia sancta Romæ, quod Spiritus sanctus procedat a Patre, & Filio, tanquam ab uno principio, & una spiratione actiuâ.

De generatione æterna Verbi Dei ex Deo Patre. Cap. III.

IN principio erat Verbum, indicauit Ioannes. Berescith, autem est vocabulum hebraicum; Chaldaice principium interpretamur. Et quare dixit: in principio; & non: in primo: quia primo refertur ad secundum; si est primum, necessario & secundum; si secundum, & primum. Non autem sic principium: quia si est primum, est etiam principium; non autem si est principium, est primum. Principium est hora prima diei primi; sicut etiam scripsit Moyses: In principio creauit Deus cælum & terram: sed etiam si principium sit hoc vocabulum, sed determinatum est; quia in ea incepit Deus creare creaturas. Berescith autem Ioannis non est principium:

O 4 quia

quia non inchoauit Deus nouiter generare Filium; propterea non est determinatum; eo quod sequitur: Erat Verbum: Indeterminatè autem, quando erat. Ecce aperte sublati sunt terminus & tempus, & quidditas, quando, & quomodo, è medio; quia ad Berescith Moseos de operibus Dei nobis ostendere pertinebat. Berescith autem Ioannis, de generatione aeterna, & incomprehensibili Dei veri de Deo vero, nobis aperiebat. Et sciendum est, nullum ex Apostolis, aut Paulum; sed solum ipsum Ioannem, ac nullum aliud; utrum esse nomine Verbi, ad ostendendam aeternitatem generationis Filij. Et etiam dicit, quod ipsum Verbum erat apud Deum, & Deus erat ipsum Verbum. Ostendit autem Natiuitatem Filij essentialē à Patre essentiali; qui non est genitus, ut corpora, in loco & tempore, & decisione & natura; sed sicut verbum ex anima; quod quotiescumque anima est, & cogitat; necessario etiam verbum secum est; & quotiescumque verbum, & anima; & omnis anima est verbalis, & omne verbum est animale. At ex anima verbum, & non ex verbo anima. Et sicut voluntas animæ per verbum procedit ad manifestationem; sic voluntas latens Patri; per Filium, virtutem eius, & sapientiam, manifestata, & patefacta caelestibus, & inferioribus; sicut indicauit Theologus filius Tharsorum: Sapientiam autem loquimur apud perfectos; sapientiam non huius saeculi, neque principatus mundi huius; sed loquimur sapientiam Dei in mysterio; quæ erat celata, & Deus præstinavit eam ante saecula, ad gloriam nostram. Etiam dicit, quod hoc erat in principio apud Deum. Deus enim est hoc Verbum, & apud Deum est; cum non sit aliud, id quod est: sed id quod est, est quod est apud ipsum. Varietas enim in nullo

ullo substantialiter ; sed in personis est distinctio ; eo quod unus est apud alium . Ecce sicut Sol ex internubibus apparet . Ibi enim Verbum apud Deum ; hic vero Deus apud Deum . Ibi demonstratio apud veritatem ; hic vero veritas apud veritatem . Bene vides : scriptor totum mysterium Theologiae terminauit in breuitate sermonis . Et etiam dixit : Omnia per ipsum , & sine illo factum est nihil . In hoc enim : omnia : nihil reliquit , quod non est inclusum , & determinatum in ipsis . Prosdiorismos enim includens omnia . Nihil enim est extra omnia . Ergo sibile est verbum , & dignum ut credatur , quod Verbum erat in principio non determinato , & non temporali ; ipse metu quia in Bereſith determinato , & temporaneo creauit cælum , & terram ; iuxta Paulum : In ipso autem fecit secula , & per ipsum creatum est omne , quod est in cælo , & in terra ; omne quod videtur , & non videtur . Igitur patet , omne quod est , intellectu & sapientia fit ; sicut Sapiens affirmat , quod Dominus in sua sapientia posuit fundamenta terræ , & constituit cælum in sua intellectione . Propterea Filius Verbum , intellectus Dei vocatur a Philosophis spiritualibus ; quia ipse est virtus , & sapientia , & splendor gloriae eius . Et Theologus etiam affirmat , Christum esse virtutem Dei , & Sapientiam Dei ; & Sapientia etiam dicit de seipſa : Ego ex ore Altissimi processi . Et Salomon etiam in sua Sapientia magna affirmat ; quod Deus sit Pater suus , & Dominus omnium dilexit eam ; quia est a secretis Dei , & a consilijs : & sic per Verbum Filium Sapientiam Patris , omne quod est , accipit esse ; & per gratiam suam magnam , in principio compactionis suæ , principij generis nostri , vocavit nos , & fecit nos ad imaginem , & similitudinem suam : & omnis

nis imago participat idem in identitate nominis, etiam si non in identitate termini. Et dum hunc gradum magnum honoris, sive dignitatis, suscepit genus nostrum; inuidit ei Satan, & traxit naturam humanam ad legem peccati; & corrupta est, & maculata est effigies imaginis suæ; & sensuit pulchritudo eius in peccato; & cum multi medici extiterint, nullus ex ijs potuit facere, ut possideat sanitatem.


De secunda generatione Filij æterni, qui incarnatus est, & natus est iterum cum carne. Cap. IV.

Quid igitur? Videns omnium factor, quòd corruptum est opus manuum suarum; & fuerunt Sacerdotes & Leuitæ, & Prophetæ, nec potuerunt vlcera eius sanare, nec subleuare; misertus est eius, & cœpit opem ferre ei. Et quia congruebat ut genus humanum per eum haberet renouationem, per quem acceperat esse; propterea ille, qui natus est ante tempora, à Patre sine Matre; factus est homo in generatione temporanea, à Matre sine Patre; sicut dixit Baruch: Nasceretur ex Virgine in Bethelem, & nativitas eius ante secula; eo quòd ei tantum conueniebat hæc dispensatio. Et cum esset in forma Dei inuisibilis, exinaniuit seipsum, formam servi accipiens; & descendit Filius Deus Verbum à sinu Patris, & habitauit in ventre matris suæ Mariae Virginis, & sumpsit ab ea naturam humanam perfectam anima & corpore; & uniuit eam substantialiter suæ personæ, ne sagitta inimici eius in genus humanum iaciantur; & venenum aspidis, sicut antea, illud offendat. Et sic ambæ naturæ, diuina & huma-

humana, terminata sunt in una persona Verbi; eo quod natura humana non secum tulit personam humanam, quia non habebat subsistentiam: propterea terminata est in persona Verbi; quia substantia significat id quod est; & persona est quae facit subsistere id quod est. Et sic ambae naturae perfectae, divina & humana, terminatae sunt in una persona Verbi; eo quod natura humana non secum tulit personam humanam, quia adhuc non subsistebat: propterea terminata est a persona Verbi; quia substantia significat id quod est; & persona, id quod facit subsistere id quod est. Natura autem humana Christi, antequam sit id quod est, terminata est a persona illius, quod erat: quia cum efformatione facta in ventre, impleta est Spiritu sancto; & a Spiritu sancto concepta est, & unita est personae Verbi substantialiter. Ac etiam si a Spiritu sancto concepta est, & eo impleta est; nihilominus Verbum incarnatum est, & genitum est ex beata Maria semper Virgine. Ne quis autem ponere possit in medium blasphemiam hereticam, Angelus confirmauit hoc aperte, eo quod inquit: Quod Spiritus sanctus superueniet, & virtus Altissimi obumbrabit tibi; propter hoc id quod nascetur ex te, sanctum est, & filius Altissimi vocabitur. Quia Spiritus sanctus in dispensationibus dirigit ad id quod decet intellectuales; sicut scriptum est: Misisti enim Spiritum sanctum tuum de celis, & sic semita facta sunt super terram, & didicerunt homines voluntatem tuam. Et quemadmodum facta est visitatio ad Saulum, primus impletus est Spiritu sancto in impositione manus Ananiae; & cecidit ex oculis quod simile squammis; & mox cepit praedicare de Iesu, quod sit Filius Dei. Propterea post suam obedientiam determinauit, & confirmauit, quod

non

non sit ullus, qui in Spiritu Dei loquatur, & dicat quod Ies-
sus sit anathema: neque ullus dicere potest, quod Dominus
est Iesus, nisi a Spiritu sancto. Propterea Spiritus sanctus
cepit splendore in dispensatione Domini, & a Spiritu sancto
conceptus est. Sed Verbum factum est caro, & uniuersit na-
turam humanam suae personae, & sustinuit humilia cum
sua carne; & natus est ex sua Matre, cum non mutatus sit,
aut variatus in sua natura eterna; neque separatus est, aut
secessit a sinu Paterno; quia illi aequalis est in essentia: non quod
sua natura per conuersationem caro facta sit, aut conuersa in to-
tum hominem ex anima & corpore. Et neque natura illius
diuina principium sumpsit a Maria Virgine sancta; sed na-
turam humanam uniuersit suae personae: & sic in una hyposta-
si natus est ex beatissima Virgine. Quia Verbum per unio-
nem substancialis, Caro factum est in utero purae Virginis;
& ex Spiritu sancto Virgo concepit, iuxta annunciationem
Angelicam. Igitur id quod concipitur, necesse est ut nascatur:
& sic Deus Verbum appropriauit sibi nativitatem carnis ex
beata, & benedicta sancta Virgine Maria. Propterea recte
vocatur, & verè est conceptrix Dei, & Genitrix Dei, &
Mater Dei.



De distinctione recta personæ. Cap. V.

Dicimus autem, quod essentia significat id quod est; & persona est, quæ facit subsistere id quod est. Essentia autem continet principia speciei, quæ definitione explicantur. Persona autem addit ad principia speciei, principia individuationis. Igitur persona est individuabilis in se, & incommunicabilis alteri; ita ut persona sit subsistens in natura intellectuali in se, & ex se, dum est distincta actualiter à natura, quam ipsa facit subsistere. At in Diuinis non sic: sed substantia & essentia, & similia, quæ non dicuntur ad inuicem; tribus Personis sunt communia. Et quia ponitur relatio opposita originis, propterea actualiter distinguuntur hypostases à se inuicem, & non ab essentia, quæ est communis Personis Diuinis. In his autem creatis substantia est communis essentiae, & subsistentiae, & personæ, quia he omnes sunt substantia. Essentia autem est substantia, quæ declaratur per genus & differentiam; subsistentia est substantia, quæ ultimo constituit res, ut sint extra suas causas; persona autem est substantia, per quam aliquid stat per se, & ex se, dum est distinctum ab omni alio. Essentia enim in Paulo, est animal rationale. Subsistentia est id, per quod ultimo est extra suas causas. Persona autem est id, per quod existit incommunicabiliter. Paulus enim non communicat cum Petro; sicut si quis dicat: Ego, tu, Paulus distincti sumus ab inuicem. Ego autem personam meam ostendo, quæ facit subsistere meam naturam: nisi ego essem, neque natura mea subsisteret. Et sic tu, & Petrus facitis unusquisque subsistere naturam, ne cadas. Pro-

pterea

pterea dicimus in *unione Christi* naturas personæ, & non personas naturarum. Ut si quis dicat: anima mea; corpus meum; natura mea. Eodem modo puta de singulis personis. Et etiam operationes animæ & corporis prædicantur ad inuicem; & operationes utriusque prædicantur de persona; ut illud Sampsonis: Moriatur anima mea cum Philistijn. Patet enim animam non mori. Et ecce dicitur de illa mors corporis: & fuerunt etiam mortui, qui mortui sunt in morte Sampsonis, qui est persona; plures quam mortui sunt in vita eius. Ecce etiam dicitur mors de persona, quia illius sunt anima & corpus; eo quod ipsa est, quæ terminat ea. Itaque fratres, qui vult relinquere omnes hereses, & conformare se orthodoxè in Fide Catholica; sic debet considerare duas naturas unitas, Dei & hominis, cum vult perfectè tribuere omnes proprietates, & actus personæ Verbi, tam sublimia & alta, quæ habet natura Diuina; quam infima, & vilia, quæ habet natura humana; & sic liberatur ab omni fictione. Si autem corpus & anima, quæ sunt composita ad tempus, & per mortem iterum dissoluitur illorum compositio; sic terminat persona omne quod habent, sicut semper ostendimus; quanto magis persona Verbi, quæ neque per mortem amisit suum? Anima enim relinquit corpus; at Verbum per unionem substantialem non recessit neque à corpore, neque ab anima. Quod enim assumpsit, non amisit, nec amitteret. Sic enim omnis possessio perfecta utriusque naturæ inuariabilis in suis proprietatibus; est propria persona Verbi. Et ex his quæ diximus, patet, quod Filius Christus totus est Deus perfectus, & totus est homo perfectus sine varietate naturarum.

De

De duabus voluntatibus, & duabus operationibus in Christo. Cap. VI.

OMnis qui fatetur unum Filium, eget reciprocatione proprietatum Dei & hominis: quia quemadmodum habet duas naturas perfectas; sic duas operationes, duas voluntates, & duos intellectus; eo quod naturae Deitatis, & humanitatis non mutatae sunt per unionem substantialis. Sequitur etiam proprietates earum conseruari in eis sine mutatione. Propterea dicitur, in Verbo esse duas voluntates; Diuinam scilicet, qua est communis alijs Personis Diuinis; & humanam, quam propriè habebat; eo quod ipse solus, & non aliæ personæ terminabat naturam humanam. Id ipsum aperit ostendit Dominus noster, dicens Patri suo: Fac transire à me calicem istum. & mox: At non mea, sed tua voluntas sit. His verbis aperiè demonstrauit se habere duas voluntates: quando enim dixit: Non sit voluntas mea: non poterat loqui, nisi de humana tantum voluntate, quam ipse solus habebat. Quando autem dixit: Sit voluntas tua: patet ipsum loquutum esse de Diuina, quæ actu erat in tribus Personis; eo quod non erat ad alium, neque opposita alteri Personæ, oppositione originis: ut enim diximus superius, omnia sunt unum in Diuinis, ubi non obstat relationis oppositio. Et quemadmodum habet duas voluntates, sic & duas operationes: quia ea, quæ habent unam operationem, necessariò & unam naturam. Ex duabus naturis dissimilibus non potest procedere una operatio. At operationes, & voluntates Dei & hominis, non per se, & ex se singulæ in natura sua diuisibiliter, & separabi-

rabiliter operabantur; sed ordine ad inuicem agebant sua naturalia; sicut naturæ ordinatae erant sine confusione, & diuisione; quia unus erat, à quo siebant. Sicut culter in igne comburit, & incidit; incisio autem est ferri, & combustio ignis; & incisio est aliud, & combustio aliud; & ab uno ambo fiunt proprie. Et sic in Filio admirationis Iesu reperiuntur due operationes, ordinatae ineffabili admiratione: cui, & Patri, & Spiritui sancto gloria indiuisibilis per omnia secula seculorum. Amen.

Completa est Fides facta à Patre Adam Orientali, per gratiam Domini Presbytero, & Monachorum, ac Presbyterorum Domini Eliae Babylonis Patriarchæ capite.

Anno 1974. Regis Graecorum, Romæ. Die,

bus Beatus Patris, & Petri no-

stri temporis, Domini Papæ

Pauli Quinti; cuius o-

ratio nobiscum

sit. Amen.



SER-

SERMO
CONTRA HAERESES
DISENTIENTES A VERITATE
ECCLESIAE CATHOLICAE ROMAE.



VIS autem, fratres, ex veris Christianis, qui nesciat verè Iesum Christum, qui in carne venit, esse Deum Magnum, iuxta Paulum; & hunc esse Dominum omnium, secundum Petrum? Quam veritatem amplectitur Ecclesia Apostolica Romæ: sed quia multæ hæreses ab hæreticis prolate sunt; necesse est vni argumentis, & questionibus contra opiniones, & dogmata falsa. Horum unus est Nestorius, qui callide seducit opinio-nes simplices à veritate; docens per suam scelestam doctrinam, Iesum Christum esse hominem simplicem. Et videtur etiam asserere duos filios ex tota doctrina sua; unum assumptum, alium assumentem; unum latentem, alium patentem; unum habitationem, alium habitatorem; & tanquam per societatem ipsam unionem substantiali Diuinitatis & hu- manitatis includit: & similia huiusmodi asserit, quæ auris Catholica ferre non potest. Propterea sic contra eum dicimus; Si enim verè est unio ad duo, necessario duo sunt: at unus est solus Christus; in conione enim substantiali & vera in-confusa permanerunt naturæ: ergo & proprietates natura-

rum. Nam et si ex alio, & alio constitutus est Christus, at non
 est alius, & alius. Omne compositum, ex partibus imper-
 fectis componitur; ideo patitur mutationem accidentium.
 Non ita unitas Christi: ex duabus enim naturis perfectis
 constituitur, unitis substantialiter; propterea est supra om-
 nes mutationes, & accidentia: natura enim Diuina in-
 commutabilis est, ut scriptum est: *Ego sum Deus, & non
 mutor: & etiam natura humana similiter ex se, & in se
 existeret, nisi à Persona Diuina assumeretur tamquam ma-
 gis hypostasis terminaretur.* At id quod est proprium Verbo,
 non est commune Trinitati, etiam si tres Personæ mysterium
 Incarnationis sint operatae: sed Verbum solum incarnatum
 est, & homo factum in unitate personæ, non naturæ. Si
 unus est Filius, ergo & una persona; non enim possunt duo
 hypostases existere simul in uno. Propter hoc testatum est
 Verbum de unitate suæ personæ, quæ terminat duas natu-
 ras, dicens: *Amen, Amen dico vobis, quod veniet ho-
 ra, & nunc est, cum mortui audient vocem Filii Dei;* &
 iij qui audiant, vivent. Et demonstrans unam hypostasim
 indivisibilem terminantem duas naturas; iterum dixit, quod
 sic ipse Filius hominis: *Non admiremini, quod veniet ho-
 ra, cum omnes qui sunt in sepulchris, audient vocem eius,*
 & egredientur. Etiam dicit Nestorius: *Infans Domini,*
 & *Dominus infantis.* At non sic: Hic enim necessario in-
 greditur relatio ad aliquid, & diuidit in duo; sed statim
 caro, caro Domini; statim anima, anima Domini; statim
 infans, infans Dominus; & sine præpositione Daleth, quæ
 est apud Chaldaeos signum relatiui. Etiam dicit de Sacra-
 mentis trinificantibus, corpore, & sanguine hominis simpli-
 cis

cis sine Deo nutriti nos. Absit: verum enim corpus Dei manducamus, sed Dei incarnati, vere sanguinem hominis bibimus, sed hominis Dei; vere corpore, & sanguine hominis reficimur; at hominis, qui fuit in anima viuens, & in spiritu vivificans; illius hominis, quem vocavit Daniel, Vitam Dei, dicens: Quod inspicietis vitam Dei ambulantem super terram, & non intelligetis; quia in similitudine hominis ambulabit super terram; illius hominis, qui dixit: Ego sum panis, qui de celo descendit; illius hominis, qui promisit se ascendere ad regionem, in qua erat prius; illius hominis, qui dixit: Nemo ascendit ad celum, nisi Filius hominis, qui de celo descendit. Non enim unquam manducamus id sine Deo; Absit. Si Filius vere est Sapientia Patris, secundum Theologos; ergo scriptum est de Sapientia, quod edificauit domum, hoc est Ecclesiam; & constituit in ea septem columnas, hoc est septem Sacraenta Dominica, quae recipit Ecclesia Romae; de qua specialiter dictum est hoc, quod sit fundamentum verum, & Mater Ecclesiarum; & etiam mactauit suum sacrificium, & commiscauit vinum suum, & preparauit mensas suas, hoc est corpus, & sanguinem Domini. Igitur hoc corpore, & sanguine Filii Sapientiae Patris procul dubio nutrimur. Etiam distinguit nomina Dominica, quod Iesus sit humanitatis, & Dominus Divinitatis, & Christus Divinitatis & humanitatis. sed non ita: Si enim naturae non possunt dividere unitatem Christi, quanto minus nomina, quae sunt extra naturas? Sed omnia nomina Dominica, cum naturis, & proprietatibus una persona Verbi terminat, ut dictum est. Scriptum est etiam in Isaia: Ego viuo, ait Dominus, & mihi incuruabitur

omne genu. Et Apostolus concludit: *In nomine Iesu omne genu flectatur. Ergo Deus est verus Iesus, & non homo simplex.* Audi quid dicat ad Patrem: *Pater clarifica nomen tuum; & vox audita est de caelo: Clarificaui, & iterum clarificabo.* propterea iterum dixit: *Quia Pater est, qui me clarificat.* Et scriptum est: *Gloriam meam alteri non dabo.* Ergo non est alter à Deo, Iesus Christus: sed ipsemet est Deus, qui operatur diuina & humana; quia eiusdem sunt ambo: eiusdem est nativitas ante tempora; & eiusdem est nativitas temporalis: idem Filius Dei, & idem filius Mariæ: est unum quid cum Patre, & unum quid cum matre; ipse qui iacet in præsepe, & eo plenum est cælum & terra: ipse est infans, qui crescet statuta; & ipse est senex dierum, quem vidit Daniel in reuelatione; ipse est splendor à Patre, & resplenduit etiam à domo David, sicut propheta Hieremias; ipse in Caluario, & ipse super thronum glorie; in carne eius sunt infixi clavi, & lancea; & sanguis stillabat super membra eius; & qui non comprehenditur, includitur in sinu; ipse, qui descendit ad inferiora terre, & ascendit ad cælos, sedet ad dexteram Patris sui. Igitur fratres ne admiremini, neque perturbemini, audientes hæc vocabula de uno Filio; sicut fecerunt multi deficientes à veritate, ponentes diuisionem in unitate indiuisibili, quæ existit in una hypostasi; varie vocabula confundentes, quæ de illo prædicantur; & iuxta duas naturas non similes, quas habet; quia hæ naturæ postulante proprietates necessario. Propterea aliquando diuinè, aliquando humanè operatur; aliquando diuina de homine, aliquando humana de Deo dicuntur in una persona Verbi. Idcirco omnis, qui sollicitè non ample-

amplectitur hoc dogma , numquam liberatur à seductione
obscura hæresum . Igitur debemus fugere à vocibus blasphemis , & audire Fidem rectam Iesu Christi , qui substantialiter erat perfectus & rectus ; & non per accidens iustificatus est , & perfectus , iuxta opinionem hæreticorum . Absurdum enim est , fratres , ut quis cogite de illo , qui à Spiritu sancto conceptus est , & Spiritu sancto impletus est , dum est in ventre materno ; egere sacrificijs , ut pro se offerret , & sic paulatim perficeretur , & dignus fieret dignitate Pontificia . Peccatum enim non fecit , nec invenimus est dolus in ore eius ; sicut ipse testatus est : *Quis ex vobis potest me arguere de peccato?* Ideo dictum est illi à Deo per David : *Tu es Sacerdos in eternum.* Et Apostolus vocat eum , *Filium perfectum in eternum.* Itaque patet nullum esse in creatis , cuius dignitas Pontificia in eternum duret ; nec in rationalibus , qui habeant perfectionem totalem , nec in hoc saeculo , nec in illo futuro ; sicut dixit quidam Theologus , quod perfectio huius novi saeculi , quam docent Scripturae , & Patres afferunt , non sit in comparatione perfectionis compleæ Dei ; sed in comparatione carentiae , & defectus , & compositionis saeculi huius in comparatione ad illud saeculum spirituale . Si enim in saeculo nostro ita perficiuntur Sancti , ut non sit sumere gratiam , nec dare gloriam , nec soluere , neque praestare gratiarum actionem , ob perfectionem illorum ; defecit igitur ratio , ut sint sine necessitate compleæ : nulla est enim perfectio completa , sed solidi Naturæ Diuinæ , quæ dat perfectè , & non deficit . Ita Jesus Christus non est perfectus , eo quod accipit , ut Sancti , perfectè ; sed eo quod perfectè dat , ut Deus . Non enim surrexit inter natos mulierum maior filio Zachariae ; & clamat : *Egeo*

à te baptizari ; neque nullus est perfectior Ioanne minori , qui
 in suo Berescith tetigit occulta ante sacula , & patefecit ab-
 scondita diuina ; & testatur nos omnes accepisse à plenitudi-
 ne eius . Ex hoc necessario sequitur , ut Iesu Christus Do-
 minus gloriae , substantialiter , & propriè sit perfectus in aeternum . Bene igitur Theologus determinate vocat Filium , Per-
 fectum in aeternum . Etiam dicit Nestorius , tanquam in
 templo Diuinitatem in humanitate inhabitare accidentaliter ,
 & non substantialiter ; & Christum esse hominem simpli-
 cem : idcirco non vocari Mariam Virginem , sanctam
 Dei Genitricem ; sicut nec matrem Moysis appellari Matrem
 Dei , eo quod vocatus est Filius eius , Deus . Et hæc blasphem-
 mia scelere est plena , eo quod Moyses non est Filius Dei , sed
 filius Amram ; & sequitur necessario esse illius à quo natus
 est . Christus enim est Filius Dei , propterea Deus est . An ne
 audistis , Legem per Moysen datam esse ; veritatem autem
 & gratiam per Iesum Christum existere ? Moyses enim
 metaphorice nominatus est Deus Pharaonis unius parsopæ .
 Christus autem non nuncupatus est , sed est Deus super omnia .
 Deus magnus , inquit Paulus . Et alibi , esse multos Deos , mul-
 toisque Dominos : sed nobis est unus Deus Pater , per quem om-
 nia , & nos per ipsum ; & unus est Dominus Christus , per
 quem omnia , & nos per ipsum . Igitur falsa est hæc opinio ,
 existimare Christum esse hominem Deiferum , aut non perfe-
 ctum Deitate , sed in parte plusquam aliij Sancti . Quidam
 Theologus sic dixit , Diuinitatem Christi non esse partem , ne-
 que totum . At Apostolus indicauit , quod Filius Dei Iesus
 Christus non erat , est , & non ; sed , est , erat in ipso : propterea
 non est Deus in Christo dubitanter ; sed Deus in natura est
 Chri-

Christus, eo quod habitauerit in eo plenitudo Diuinitatis corporaliter. Hoc est, non solū spiritualiter habitauit Deus in Christo per gratiam, sicut in alijs Sanctis; sed etiam corporaliter in illius corpore, quod erat substantialiter unitum Personæ Diuinitæ. Et si dicas: Apostolus dixit, plenitudinem Diuinitatis; & non specialiter, Deum Verbum: & hoc sequitur tres Personas; propterea impossibile est. Parce mihi, audi Filiū dilectum, quid dicat: Pater meus, qui in me habitat, ipse facit hæc opera. Modò certum est, nullum accidens, aut mutatione esse in natura Diuina: sed est, sicut erit; & erit, sicut est. Igitur essentialiter habitat in ipso Pater; & ex hoc necesse est, ut Spiritus sanctus ex eo procedat, tanquam ex Patre: & ipse habet substantialiter corpus naturæ suæ humanæ; & sic in ipso inhabitat omnis plenitudo Diuinitatis corporaliter. Et si forte non sufficit tibi hoc; audi, dicam aliud clarius. Apostolus enim sollicitudine magna in epistola ad Colossenses, agens de plenitudine Diuinitatis & humanitatis Christi, quomodo existant in una hypostasi indivisiibili, & indistincta; propterea sic primo dicit: Ille, qui est similitudo Dei inuisibilis, &c. quæ de sua Diuinitate ostendunt. Et mox de sua humanitate dicit, quod ipse est caput corporis Ecclesie, qui est principium, & primogenitus ex mortuis, ut sit in omnibus ipse primatum tenens; & in ipso complacuit omnem plenitudinem inhabitare. Modò vero in ipso capite corporis Ecclesie inhabitat omnis plenitudo cum donis, quæ sunt in ea, siue quæ sunt in cælo, siue in terra: at non sine Diuinitate sua, sed cum Diuinitate sua; eo quod prius affirmauerit ipsum esse imaginem Dei inuisibilis, & inde mox in ipso inhabitare omnem plenitudinem Diuinitatis corporaliter: hoc est, non sine humanitate, sed cum sua humanitate; nec spiritualiter tantum, sed

Appendix.

etiam corporaliter. Ibi enim corpus corporatum secum tulit imaginem Dei inuisibilis, ad communicationem plenitudinis eius. Hic enim inuisibilis communicavit corpori in sua plenitudine; & volens Apostolus congregare duas plenitudines in una hypostasi, iterum praecepit Colossensibus: Expilate hominem veterem cum omnibus suis actibus; & induimini nouum hominem, qui renouatur in agnitionem secundum imaginem eius, qui creauit illum; ubi non est Gentilis, & Iudeus; nec circumcisio, & præputium; nec barbarus, & Scytha; seruus, & liber; sed omnia, & in omnibus Christus. Hic enim terminatur, quod scriptum est: Deus omnia, & in omnibus: & tota hæc plenitudo, & perfectio completa eius, qui omne in omnibus perficit.

Deprecatio Auctoris.

Accensus est calamus, & charta in igne tuo Iesu, intellectus intellectuum rationabilium; & defatigatus est, & quietus subtilis intellectus ab inuestigando mysteria ineffabilia. Inflammati sunt oculi, & debilitati digiti; & permanerunt ab effigurando tuas similitudines; cum non sit preter te aliquid per quod comprehendaris. Propterea concitatum est cor meum supra calatum, & volo effringere eum, qui me decepit, & gratis me defatigauit in frequentia scripturarum atramentarium; & non perduxit me ad portum terminorum tuorum interminatorum. Sed tu omnipotens educ me tuo rete, à profundo ignorantiae ad portum gratiarum tuarum; & sim tua pars. Amen.

Oppo-

Oppositio contra dogmata Theodorica .

Theodorus dixit: Stultitiam dicere, post resurrectionem, sufflantem Dominum nostrum in suos Discipulos, de-
dice eis Spiritum sanctum; aliter frustra diceretur eis: Ma-
nente in ciuitatem Ierusalem, donec induamini virtutem ab
alto. Nos enim dicimus, illam esse magnam stultitiam, ut
quis ponat terminum, & tempus, & limites Personis Diuinis
simplicibus. Ecce enim Filius a Spiritu sancto conceptus est in
suo baptismo, descendit super eum Spiritus sanctus, sicut corpus
columbae: & certum est, quod non accepit de nouo Spiritum
sanctum, quasi non haberet. Propterea credimus, & fatemur,
verè Apostolos accepisse Spiritum sanctum a Domino nostro
Iesu Christo ante passionem; & post resurrectionem suam, an-
te Ascensionem; & post per donum dignatum. Ante passio-
nem enim, cum ordinavit eos ministros; & misit eos binos, bi-
nos; & dedit eis potestatem super spiritus immundos expellen-
dos. Et hoc aperte demonstrauit Dominus, cum eos misit, asse-
rens eis: Non enim vos estis, qui loquimini; sed Spiritus Pa-
tris vestri loquetur in vobis: non enim dixit, loquetur pro vo-
bis; sed, in vobis. Et sic post resurrectionem suam insufflavit
in eos; & acceperunt Spiritum sanctum, & virtutem dimit-
tendi peccata. Etiam ante Ascensionem extendit manus suas
super eos, & benedixit eis; id est, & consolabatur eos, promis-
sione Paraclyti, dicens: Ego orabo Patrem meum, & alium
paraclytum dabit vobis; quod interpretatum est, Spiritus san-
ctus; ut consolaretur illorum tristitiam. Et volens magis con-
firmare eos, dixit: Est in vobis, & habitat apud vos, non enim

P s dixit:

dixit: apud vos habitat tantummodo; sed, & in vobis est: ostendens per hoc, quod sit unus, quem accepistis antea, & quem accipietis postea. At divisiones gratiarum distinctae sunt, sed unus est Spiritus; & sic Apostoli per descensum Paraclyei suscepserunt consolationem, & spem rectam. Etiam affirmat, quando dixit Thomas: Dominus meus, & Deus meus, Christo; non dixisse ei, ac si ipse esset Dominus eius, & Deus eius; sed clarificasse Deum propter opus mirabile, quod vidit in sua resurrectione. At respondit aperte Thomas, & dixit: Dominus meus, & Deus meus: per hanc dictio[n]em ei clare ostendit, tantum Christo dixisse: Dominus meus, & Deus meus. nisi enim adesset haec dictio, forte aliquis dubitare de hoc posset. Etiam de eo, quod dixit Simon in Actibus Apostolorum: P[re]nitentiam agite, & baptizetur unusquisque vestrum in nomine Domini Iesu; dicit hoc nomen non esse Dei, sed hominis Iesu; & quia ab eo inuentus est baptismus, nuncupatur suo nomine; & habet distinctum sensum ab eo, quod præcepit Dominus baptizari in nomine Patris, & Filii, & Spiritus sancti. At neque haec opinio vera est: nomen enim pertinet ad communitatem, & non impedit Personas Diuinias, præter personam genitoris, & geniti, & processionem actiuam, & productionem. Propterea dum aliquis dicit: In nomine Patris: commemorat tres Personas Diuinias; In nomine Filii, aut in nomine Spiritus sancti, tres Personas inuocat. Non enim præcepit Dominus baptizari in nominibus Patris, Filii, & Spiritus sancti pluraliter; sed in nomine Patris, &c. singulariter; quia unus est Deus, sicut dixit Filius: Pater clarifica nomen tuum. & etiam dicit: Est Pater, qui me clarificat. Ecce enim unus nomen prædicatur de ambabus, quia non est oppositio relata.

relationis. Etiam dixit: Paraclytum Spiritum sanctum mittet Pater in nomine meo; & si in nomine Filii, etiam Spiritus sanctus mittitur a Patre. Ergo nullo modo distinguitur sensus illius sermonis Simonis, qui praecepit in nomine Domini Christi; ab eo quod praecepit Dominus noster, baptizari in nomine Patris, & Filii, & Spiritus sancti. Illud enim quod praecepit Simon baptizari in nomine Domini Iesu; hoc est, ut obtemperent precepto Domini Iesu, & baptizentur baptismō, quem docuit; quia neque ignorabat Simon id quod praecepit Dominus baptizari in nomine Patris, & Filii, & Spiritus sancti. Etiam negat prophetias factas esse de Christo. O homo quid respondes Jacob? qui prophetauit de Christo nascituro de semine Iude, qui aperte dicit: Non peribit sceptrum e Iuda, & dux a pedibus eius, donec veniat, cuius est venire; & ipsum expectabunt gentes. Et Daniel affirmat de hoc, dicens ad suos: Veniet, & sui non cognoscet eum. & dixit: Non possum explicare de illo, quid sit; sed in spiritu secreto de illo dicam. Etiam Philippus inueniens Nathanael, sic ei dixit: Quem scripsit Moyses in lege, & in Prophetis, inuenimus, Iesum filium Joseph a Nazareth. Et clarius Iesus docuit Lucam, & Cleopham; incipiens a Moyse & Prophetis, interpretari illis de ipso. Breve mihi iam tempus enarrare de singulis Prophetis, quomodo de illo prophetauerunt, & quomodo completa sunt de ipso verba eorum: non enim dico, quia prophetauerunt de ipso, venit; sed quia, venturus erat, prophetauerunt. Etiam dicit, quod Deus Verbum non substantialiter ex Virgine natus est; sed associatus est cum eo, qui est ex substantia Virginis: propterea omnino non decet vocari Matrem Dei, sed Christi tantum. Et exponens verbum Domini

mini dicentis: Pater qui in me habitat, facit opera hæc; hoc confirmat ab homine Iesu dictum esse ad Patrem Deum. Hoe est: Ego ex natura mea humana non possum quicquam facere; sed habitat in me Filius unigenitus; & verè Pater in ipso est: propterea ipse facit hæc opera. Non sic: Si enim homo templum est tantum Diuinitatis, iuxta sermonem tuum; quare non dicit: Ille qui in me habitat, hæc opera facit? Sed: Pater meus, qui in me habitat, aperte dixit. Hoc ostendit de una hypostasi, quæ terminat ambas naturas unius Filii: & quemadmodum Deus, Pater huius unius Filii est; sic est etiam Maria, mater huius unius Filii. Et si, ut dixisti, homo est habitatio Diuinitatis, & habitat in ipso Pater, sicut & habitat in ipso Filius; ergo frustra diceretur: Verbum caro factum est; quod absurdum est. Etiam dicas: Humanitas est tanquam forma, quæ compleat similitudinem illius, quod non est præsens. Bene dicas: illius, quod non est præsens: ore proprio iudicaris; quia humanitas Christi non est forma illius, quod non est præsens; sed illius, qui est præsens: propterea homo est imago plena ab Ideâ, quæ est Deus; & sic Ideâ complectitur imaginem; & ambæ fusa sunt in una formula, quæ est persona Verbi; & in una sphæra splendescit gloria ambarum; & sic una adoratione adorantur simul, non tamquam forma vacua à sua Ideâ; & formatur ab alio, quod non est suum. Ecce enim dictum est à Domino Deo: Venite, faciamus hominem ad imaginem & similitudinem nostram, quæ est apud Adam antiquum, formatum exemplar illius; & apud Adam nouum opere completum est. Itaque omnis imago, quæ habet similitudinem perfectam suæ Ideæ, non est imago simplex, sed ipsamet Ideâ, sicut Philosophi afferunt. Etiam Theodorus de Christo dicit,

quod

quod Spiritus sanctus ducebat eum ad decentia semper; & egebat ab illo habere virtutem, qua aduersa vinceret, & purus, & iustus videretur. Non sic: Si Verbum substantialiter coniuit naturam humanam suæ Personæ; ergo in ipso est omnis operatio perfecta: quia singula singule Personæ Diuinae sunt ex se, & in se perfecta, & non egent cooperatione alterius ad perficienda sua opera; quia persona removet omnem imperfectionem ab eo quod terminat; & sic subsistit in se, & ex se sine necessitate; & si inueniatur in aliquo imperfectio, ibi non prædicatur persona. Ecce enim homo componitur ex duabus rebus, hoc est, corpore & anima; & cumquodque illorum habet operationes distinctas: at non potest anima perficere suas operationes sine corpore, nec corpus sine anima; propterea non prædicatur persona, nec de anima, nec de corpore: & dum copulantur ad inuicem, tunc terminantur ab una persona necessario; & sic producunt suas actiones in actum, & existunt una perfectione, & una connexione composite. In Diuinis non sic: sed unaquæque Persona est perfectè Deus, & natura perfecta, & via perfecta: propterea sunt tres. & illa unitas indiuisibilis, quam habent ad inuicem, non est ut auxilium sumant, & virtutem ad perficiendas suas operationes; sed naturaliter sunt unitæ inter se sine confusione, quia una est natura illarum, una potestas, una virtus, una essentia, una maiestas, una fortitudo; & non est una maior altera, minor, neque prior, neque posterior; propterea unus Deus sunt. Et sic Spiritus sanctus non adhærebat Filio propter necessitatem ipsius Filii, sed propter unitatem naturæ. Etiam interpretatur id, quod dixit Dominus custodienti suum sermonem: Ego & Pater meus veniemus, & mansionem

apud

apud eum faciemus ; dixit : hoc non potest esse iuxta carnem , ut possit facere mansionem apud singulos Sanctos ; propterea affirmabat hoc tantum conuenire Filio Verbo . Nos enim dicimus , quod due naturae unitae substantialiter non dividunt unitatem unius Filij . Et etiam peruersa videtur interpretatio huius rei . Si enim homo causa Filij est Filius , Filius inquam non Filij , sed Patris : Ergo etiam Filius Verbum causa hominis , est Filius matris . Si enim illum , qui non est participans in generatione aeterna , nisi causa unionis hypostaticè ; vocas , & est Filius Dei ; quanto magis ille , qui est particeps unionis hypostaticè in generatione temporali , vocandus , & debet esse vere filius Mariae ? Et si dicas : non comprehensus est Deus in ventre Virginis : etiam hoc nos tecum confitemur . At non est comprehensus , quia non habet limites ; non quod pars aliqua eius unita sit homini , sicut tu fateris ; sed perfectè in tota sua incomprehensibilitate humanatus est . Et sic homo cum tota sua Incarnatione Deificatus est . Propterea credimus verè , quod faciat mansionem cum suo Patre apud unumquemque Sanctorum ; quemadmodum , & cum corpus eius sit in cœlo , in Ecclesiis impertitur in Sacramento Altaris ; & singuli sumptores sumunt totum corpus perfectum , & non particulam ; & ipse est , qui est in cœlo & in terra . An ne ego hec assero ? Unigenitus Deus , qui est in sinu Patris sui , explicauit mysterium suæ Incarnationis , dicens : Nemo ascendit in cœlum , nisi Filius hominis , qui de cœlo descendit . Igitur quomodo descendit de cœlo , qui in ventre efformatus est ? Et etiam dixit : Unde debitis Filium hominis ascendentem in regionem , in qua erat prius . In qua regione erat prius , (quatenus Filius hominis) nisi in vulva Virginali ? At propter unionem suam hypostaticam

cam cum Persona Verbi, prædicantur de illo diuina. Et si homo ille, secundum te, est simplex homo; expone nobis, quæ sunt ista mirabilia, quæ de ipso dicuntur. Sed hic multi intellectus phantasmata passi sunt, & aberrauerunt à vero, volentes figurare Deum similitudinibus, & non potuerunt. Propterea beabo eum, qui illuminatus est in eius sapientia, & comprehendit scientiam illam sublimiorem omnibus scientijs, quæ est nutrix puerorum in Christo, in quo sunt absconditi thesauri sapientiæ & scientiæ. Iesus collectus, & simplex in parte, & in toto, fac me dignum tuis misericordijs æternis; per quas hoc omne ad esse adduxisti. O lumen splendidum & perfectum, à cuius spissitudine radiorum tuorum, & splendorum tui candoris radiantis, qui non patiuntur includi sub velamine in nube obscura; te figurauit balbutiens filius.

Am sam: detege velamen antiquum ignorantiae ab intellectu Israelitarum tuo.

*rum, ne declinent à semitis
tuis Fidei tuae ve-
rae. Amen.*



Compleatus est Sermo Patris Adæ Orientalis.



INDEX CAPITVM.



PROLEGOMENA.

D	Isputationis occasio.	pag. i
	Epistola Patriarchæ Babylonis ad S.D.N. Paulum	
	Papam V.	4
	Professio Fidei Patriarchæ Babylonis.	8
	Cōmentarius Patris Adæ de Conciliatione Fidei Orientalium cum Fide S.R.E.	15

DISPUTATIO.

Professio Fidei Patriarchæ Babylonis recensetur, & dogmatibus Orientalium adiuncta expenditur. Cap.I.	41
Hæresim, qua negatur sanctissima Virgo esse Dei Mater, à Nestorio incœpisse; & quis fuerit Nestorius.	
Cap. II.	43
De versutia qua Nestorius hæresim suam in Ecclesiam inducere curauit; & de immanitate, qua sibi repugnantes Orthodoxos persecutus est. Cap. III.	47
Epistola Nestorij ad Cœlestinum Papam Vrbis Romæ.	
Cap. IV.	53
Patres blasphemia Nestorij audita, illum amanter admonent, ut suum errorem corrigat. Cap.V.	57
Refragante Nestorio sanctorum Patrum admonitionibus, eiusq; impietate ad sanctam Apostolicam Sedem delata;	

Index Capitum.

- delata; ipsius correctio Cœlestini Papæ decreto demā-
datur Cyrillo Episcopo Alexandrino. Cap. VI. 63
Catalogus blasphemiarum Nestorij, & epistola Synodi
Alexandrinæ ad Nestorium. Cap. VII. 65
- Persistente in sua impietate Nestorio, Concilium Vni-
uersale Ephesi congregatur, & ipse Synodali senten-
tia damnatur. Cap. VIII. 78
- Fons, & origo hæreſeos Nestorij detegitur. Cap. IX. 80
- Contestatio Cleri Constantinopolitani, quod Nestorius
idem sentiat, ac Paulus Samosatenus, &c. 81
- Epistola Iustiniani Imperatoris ad Patres quintæ Vniuer-
falis sanctæ Synodi. Cap. X. 85
- Ex blasphemis Theodori Mopsuesteni; quod de origine
Nestorianæ hæreſis dictū est, confirmatur. Cap. XI. 95
- Sceleratum symbolum impij Theodori. Cap. XII. 104
- Detecta origine Nestorianæ hæreſeos, fomenta illius pa-
tesiunt. Cap. XIII. 108
- Ex his, quæ à Theodoreto scripta sunt aduersus duode-
cim Capitula sancti Cyrilli. Cap. XIV. 109
- Epistola Ibæ scripta ad Marim Persam. Cap. XV. 115
- Sententia sanctorum Patrum quintæ Vniuersalis sanctæ
Synodi contra Theodorum Mopsuestenum, impia-
Theodoreti scripta, & epistolam Ibæ. Cap. XVI. 119
- Canones quatuordecim sanctæ Vniuersalis quintæ Sy-
nodi. Cap. XVII. 133
- Nestorium, atque Theodorum maximè differre à sanctis
Patribus in significatione vocis, Personæ; ipsisq; etiam
aliquo modo vnam personā in Christo ponere: quo-
rum imitatione Chaldæos dicere vnum Parsopa Chri-
sti;

Index Capitum.

- sti; ex quo vnam quoque esse eius voluntatem, atque
virtutem. Cap. XVIII. 143
- Professio dogmatis vnius volūtatis, & operationis in Chri-
sto, habita à Macario Antiocheno. Cap.XIX. 149
- Definitio Orthodoxæ Fidei: Facta in Regia Vrbe, tem-
poribus Constantini Pogonati. Cap. XX. 159
- Chaldaeorum dogmata cum veritate Catholica concor-
dari non posse. Cap. XXI. 164
- Sanctorum Scripturarum auctoritatibus, Vnitas perso-
næ Christi Domini ostenditur. Cap. XXII. 172
- De mysterio Vnitatis personæ in Christo, magna cum
modestia agendum esse. Cap. XXIII. 177
- De duabus Christi Domini nostri voluntatibus, & ope-
rationibus. Cap. XXIV. 180
- Epilogus totius Disputationis. 186
- Epistola Eugenij IV. de vnione Ecclesiæ Orientalis cum
Occidentali. 188

A P P E N D I X.

- Epistola S. D. N. Pauli Papæ V. ad Eliam Babylonis Pa-
triarcham. 193
- Sermo Patris Adæ de Fide Catholica. 205
- Sermo eiusdem contra hæreses dissentientes à Fide Ca-
tholica Romana. 225

Indicis Capitum Finis.



LIBRARY OF THE UNIVERSITY OF TORONTO

REGISTRVM.

a A B C D E F G H I K L M
N O P.

Omnes sunt Quaterniones, præter a, Ternionem,
E, Sesternionem, & P, Quinternionem.



ROMÆ, Ex Typographia Bartholomæi Zannetti. MDCLXVII.

SUPERIORVM PERMISSV.

R E G I S T R Y M.

A B C D E F G H I J K L M

N O P.

Quae sunt litterae primae, secundae, Terciae,
Quatuor, quinque, sextae, septimae,

Octave, nonagesime, Centum, Centum et unum,


Centum et duo, Centum et tria, Centum et quatuor,

Centum et quinque, Centum et sex, Centum et septem,

Centum et octo, Centum et nona, Centum et decima,

Centum et undeviginti, Centum et vix, Centum et vix et unum,

Centum et vix et duo, Centum et vix et tria, Centum et vix et quatuor,





31

151.

Tab.

Num.

LAZ

DE

CO

GM

LB

100

100

100

100

100

100

100

100

100

100

100

100

100